



1

M K

I

Er Fürtrefflich Griechisch
 geschichtschreiber Herodianus/
 den der Hochgeleert Angelus Politianus inn das Latein/
 vnd Hieronymus Boner in nachvolgend Teütsch pracht/
 Wellicher Herodianus von Marco Elio Antonino Phi-
 losopho an/vnz auff Gordianum den jüngern Römischen
 Keysern/vnnd irer regierung/die sich wunderbarlich zutragen/
 geschriben hat.

ANTONINVS.

GORDIANVS.





Wir Carl der Fünfft von Gottes genaden
Römischer Keyser zu allen zeyten
merer des Keychs ic. in Germanien zu Hispanien /
bayder Sycilien / zu Hierusalem / zu Hungern / Dal-
matien / Croatien ic. König / Erzhertzog zu Oster-
reych / Herzog zu Burgund ic. Graue zu Habsburg
Flandern vnd Tyrol ic. Bekennen offentlich mit dis-
sem Brieff / vñ thün kund aller mánigklich / Nach dem

vnser vnd des Keychs lieber getrewer Hieronymus Boner Schultheys zu
Colmar den Beslüssen zum lesen / vñ also gemeinem nutz zu gút / den achtbarn
vnd künstlichen Hystoriographum oder geschicht schreiber / als nemlich Hero-
dianum auß dem latein / in die Hoch teütsch sprach transfferiert / vñ nu im wile-
len hatt / das selbig Búch in den druck pringen / vñnd offentlich außgehen zu
lassen / Vnd aber besorgt das sollich Búch / so das im Druck außgeet / durch an-
dere Trucken als bald nachgedruckt werde / dardurch dann der erst Trucken
dem er das beuolhen / derhalben seyner gehabtten mühe vnd kosten / inn nach-
theyl kommen wurd / vnd vns darauff demütigklich angerüffen / vnd gebet-
ten / das wir im inn sollichem mit gnediger fürsehung zu erscheinen geruchten
Das wir demnach angesehen / sollich demütig vñnd pillich bitt / vnd darumb
dem obgenanten Boner dis vnser Priuilegium gegeben vñnd verlyhen / wye
wir dann solliches hiemit von Römischer Keyserlichen macht inn krafft dits
brieffs gegeben vñnd verlyhen / Also das solliches obgenants Búch durch ge-
nanten Boner verteütscht / in Sechs Jaren den nechsten / nach dem dye vom
Truck (den er verordnen wirt) außgeen / nyemants nachdrucken / oder auch
also nachgedruckt zu saylen kauff tragen noch verkauffen soll / Vñnd gepiet-
ten darauff allen Truckern vñnd Búchfürern von Römischer Keyserlichen
macht / Bey Zehen Marck lörtigs Golds (halb ihn vnser Keyserliche Camer /
vñnd den anderen halben theyl dem obgenanten Boner vnabshleglich zu be-
zalen) hyemit ernstlich / vñnd wöllen / das jr den obgenanten Hystoriogra-
phum (nach dem er durch verordnung gemelts Boners inn den Truck ver-
ordent / vnd außgehen wirt) inn obbestympter zeytt der Sechs Jaren / nicht
nachtrucken / oder also nachgedruckt sayl haben / noch verkauffen / in gar kein
weg / als lieb euch allen vñnd jedem seye obgemelte peen / auch darzu verlie-
rung obgedachter nachgetruckten Búcher / die Berúrter Boner / wo er die fin-
det / zu seinen handen pringen vñnd annemen mag / züuermeyden / Das mai-
nen wir ernstlich mit vñkundt dits brieffs mit vnserem Keyserlichen anhan-
genden Innsigel besygelt. Geßen inn vñnser vñnd des Heyligen Keychs
Statt Augspurg / Am Sibendenn tage des Monats Septembris / Nach
Christi vnser erslösers gepurt Tausent Fünffhundert vnd im Dreyßigsten
Vnser Keyserthumbs im Zehenden / vñnd vnserer Reich im Fünffzehen-
denn Jaren / Vnderscriben Carolus / Albertus Cardinalis Mog. ic. Arche-
cancellarius ss^r / Admandatum Cesaree et Catholice Maiestatis proprium
Alexander Schweyß ss^r. Disen innhalt sampt allem meinem gewalt vnd
freyheit hab ich obgemelter Hieronymus Boner ic. dem Heynrichen Strey-
ij ner / Burger

ner Burger / vnnnd Büchtrucker zu Augspurg / sich des an meiner statt zu ge-
brauchen / vbergeben / alles inn vnd mit krafft diser schrifft / die ich im zu zeug-
nus mit meinem Pütschet besyglet geben hab / zu Augspurg in der Statt den
xx. tag Octobris / Anno 12. im Dreyssigsten.



Dem durchleuchtigsten großmech-
tigsten Fürsten vnd Herren / Herren Ferdinanden zu Hun-
gern vnd Beheim König / Prinz vnd Infant inn Hyspani-
en / Erzherzog zu Osterreich Herzog zu Burgundi / Graue
zu Habsburg / Flandern vnd Tyrol 12. meinem gnedigsten
Herren / empeut ich Hieronymus Boner Schultheiß zu Colmar mein vnder-
thänigst allzeit gehorsamst dienst. Gnedigster König vñ Herz / demnach vñ
ich zu mermaln mit on sonder freud vñ vndertheniglichster begird / gehört vñ
vernomen / das E. Kün. May^r. nach auß vnd abrichtung der Königlichē
vnd lands notturstigen geschafft vñ obligenden sachen / so das zeit vnd maß
geben mag / nach Königlichē vnd angeborner art vnd tugend geneigt / sich
gehabter vnd fürketter mühe vnd arbeit mit lesung der warhastten Hystorie
vnd ritterlichen geschichten der alten Keisern / Königen vnd Fürsten / zu er-
geren vnd zu belustigen. Die weil ich dann nit mit ringer arbeit / den fürtreff-
lichen Griechischen Hystorien schreiber Herodianum / den der hochgeleert An-
gelus Politianus hienor in das latein pracht / inn diß volgend Teütsch vertol-
metscht / in wellichem Büch ich nit wenig / vom Land Pannonia / so man ye-
tzund das Königreich Vngern nennet / befunden / So hab ich niemant andern
dann E. Kün. May^r. als dem rechten haupt vnd eignen Herren desselbigen
Königreichs / diß mein arbeit vnd verteütschtes Büch / billicher wissen mit al-
ler vnderthänigkeit züuerereen / Inn dem dann E. Kün. May. groß vñnd
selzam ändrung der sachen / vñ vil newerung der ding befunden / nemlich vil
Exempel des wandelbarn glücks auff beid weg / wunderparlich rätet vñ an-
schleg / vñ der selbigen radtschleg vnuerhofft züfoll vñd außgang / vñ anders
das von wegen der selzame nit allein lustig ist zühören / sonder auch züwissen
(damit man sich in ansehung frembder schädē nach dem spruch Seneca / sicher
wisse zü halten) nützlich sein mag / Das geruch E. Kün. May. inn gnaden an-
zünemen / vñd mich in gnedigsten Beuelch zü haben. Datum Augspurg auff
den xij. tag Septembris. Anno. 1530.

Ewer Kün. May^r.

Vnderthänigster

Hieronymus Boner Schul-
theys zu Colmar.

Ein Vorred in die Herodianischen hystori.



Welche hystorien schreyber / dye

alten geschichten/ den nachuolgenden eröffnet / vnnnd dye
alten gedechtnus der Hystorien mit dem Bûchstaben zû
ernewern/ sich geflyssen/ die haben zû dem aller mersten /
als sy das lob der kunst begert/ vnd sich geübet/ iren namē
vor der straff der vnwissenheit zû beschyrmē/ ihr höchst

vernunft vnd geschicklichkeit daran gewendet/ das sy die warheit zû ergrün-
den mer geschetzt/ dan in sâzungzierlicher vnd wolsteender rede/ vnd betrach-
tet wo sich begeben/ das inn den dingen/ nach langer zeyt ichts falsches befunde-
den/ so wurde das verworffen vnd verachtet/ vnnnd sy durch die süffigkeit der
red vñ verkindung nit wenigens der kunst vñ angelegter arbeit nit empfind-
lich. Die andern vnderwunden sich schlechte vñ leichtfertige sachen/ doch mit
einem scharpffen künstlichen beschreiben/ weyt von dem waren glauben zû er-
heben/ vnd werden dazû gereizt/ durch sonderlich feindschafft vnnnd haß/ ge-
gen den Tyrannen vnd wütterichen/ oder aber zû lobē/ der fürsten / Herren /
Stet/ oder sondern personen/ mit dem rûm zû schmeychlen vnnnd liebkosen.

Dargegen aber ich Herodianus ein sollich Hystori/ die nit von andern ange-
nommen/ noch vnbeant/ oder die der gezeugtnus notturfftig / sonder von den
ihenen die solliche Hystori lesen/ nach iren sytten vnd gedechtnus anhangen-
de/ bey höchstem glauben/ vnd grossem fleiß zûsamen gesetzt haben/ abzuschrei-
ben angenommen habe/ hoffende/ das die den nachuolgenden / nit vnlustlich
sein/ mit irer erkantnis vñ ynnhalt der sachen/ dern souil/ geschickt/ nûglich /
vnd trefflich groß/ auch nit so gar vor langer zeit beschehen seind. Wann so
man von dem Keyser Augusto an/ vnz auff die regierung des Keyfers Marci/
alle zeit rechnet/ so syndet man nemlich in dem der Römisch gewalt/ vnder
eins Keyfers handen gewesen/ das auff vnd bey verlauffung zwayhundert
saren/ dan souil wirt vnz zû der regierung des Keyfers Marci gezalt / eint-
weders so mancherley seltsamer nachuolung im regiment/ oder aber der bûr-
gerlichen ynweidischē krieg halb/ so vil vñ mancherhand fell vñ vnfell/ in em-
pörung vñ auffrûren so viler völkter/ in so manigfaltiger eroberung vnser vñ
der feind stetē/ Dazû erdbidē/ pestilenz/ auch in der fürsten / der keiser/ vñ
tyranen leben vñ wesen/ souil newe/ souil vngelhôte sache/ das kein oder ganz
wenig/ der gleichē exempel bey den alten fundē werden/ Vnder denē etliche ein-
lâgwirigē/ die andē ein kurzē gewalt hebeht/ vñ habē jr etlich/ als sye kaum dē
anfang der keyserlichē wyrde erlangt/ vñ allein keyser genehet wurde / an dem
selbigē tag da sy dz reich angenommen/ widerûß verstoffen/ Wan dieweil vñ in
ix. jarē/ die stat Rom vil mer keiser hebeht hat/ dan zû aller andē zeit / so folget
vñ kompt auß dem/ das fürwar vil vñ mancherhand sachen / die da seltsam zû
hören/ vñ zû verwundren/ entstanden sind/ Darumb on zweifel die eltern für-
sten vñ Keiser/ als die erfarnen der handel vñ geschestē/ die ir vñ sich selbs mit
grossem fleiß regiert/ Dargegē haben aber die jûngern sich waich/ leichtfertig
vñ mûrwilligklich gehaltē/ also dz sye vil newerung auffgericht/ auß dem folget
dz mit vngleichem alter vñ gemût/ auch widerspenig vñ vngleich syten vñ ge-
wonheiten kômen. Dise ding in wellicher gestalt die geschehen vnd gehandelt
seind/ die wil ich nach ordnung der fürsten vnd keyser zû iren zeyten beschreibē.

Register vber das Buch Herodiani

welches in Acht Bücher gethailt ist/ vnd die Hystorien
eines yeglichen Buchs (welche in tyttel auß
gethailt seind) nach zal der bleter
bald zu fynden.

Das Erst buch

Von den tugenden Marci Antoni
ni/ mit dem zunamen Verus genant/
des sybenzehenden Römischen Kay
sers/ auch seinen kinden wie er die ver
mähelt hab. Am Ersten blat.

Wie der Kayser Marcus Antoni
nus im Vngerland krank/ vnd von
der jugent wegen seins suns mit gros
sen sorgen vnd engsten beladen war
de.

Wie der Kayser Marcus Antoni
nus Verus ein schöne rede zu seinen
freunden thut/ vñ balde darnach sein
end nam.

Wie Antoninus Commodus der
jung keyser seinen Rittern vñ kriegs
leutten zu sprache/ auch wie er durch
die schmeychler bewegt wurde gen
Rom zu ziehē/ vñ wie er sich zu Rom
hielt.

Wie sich Commodus so vnblöblich
hielte in allen sachen/ die keinem key
ser gezympten/ darum er auch von
den seinen vmbpracht ward.

Das II Buch

Wie der leychnam Commodi des
Keyfers auß dem Sal/ vnd die sache
auspracht/ Auch wie Pertinax zu key
ser erwelet/ vñ was gehandelt war.

Wie der Keyser Pertinax ein schö
ner rede gegen dem Rath thet.

Wie Pertinax der Kayser so ehr
lich regiert/ darum er von seine leibs
hütter erschlagen/ auch wie das key
serthumb so schenlich verkaufft war
de.

Was red Viger der Römisch Lant
vogt in Syrien zu seinen kriegs/ vnd
desselbigen landruolt gethan hatt/
Auch von Seuerus der ein Lantvogt
in Pannonia gewesen/ vnd der selbig
zu Kayser ward.

Wie Seuerus der Landvogt im
Vngern zu seinen Rittern vnd kriegs
leutten geredt/ vñ wie er den zug gen
Rom gethan hat.

Was Seuerus der Keyser wyder
die todschleger Pertinax handelt/ vñ
wie er sich wyder Vigerum zu kriegem
rüstet.

Das III Buch

Wie der Keyser Seuerus den Vi
gerum vberwand/ vñ sich demnach
widder Albinum den Keyser rüstet.

Wie Seuerus sein heere bewegt/
das sye Albinum zu einem feind erka
ten/ Auch wie er wyder ihn gezogen/
was vnd wie in den feldstreynen ge
handlet/ vnd Albinus vberwunden
sey/ Irē von Plautiano/ der ein schwe
her was des Keyfers sun.

Das IIII Buch

Von einer wunderbaren begreß/
vnd begegnus der alten Römischen
keyser/ Auch wie die brüder vñ jungē
Kayser vertragen wurden/ vñ
wie ein brüder den anderenn vmb
pracht.

Wie Macrinus sein kriegsleut zu
dem streyte ermanet hatt/ auch wie
ernstlich gestritten/ vnd zu letst frieden
gemacht ward.

Das fünfft

Register

Das V Bûch

Wie Macrinus der Kayser sich vñ
sel hielte/darumb er erschlagen/vnd
ain anderer Keyser erwelet wurde.
clxiiij

Das VI Bûch

Wie Alexander zu Kayser erwelt/
vnd ganz mylt von ihm regiert war
de. l

Wie Alexander wider die Persier/
vnd demnach widder dye Teütschen
zohet/vnnd wie er von den seinen er-

schlagen ward.

Das VII Bûch

Wie Maximinus das Keyserthum
erlangt/vnd nach erobertem gewalt
sich fast grymig erzeiget hat. lvi

Das VIII Bûch

Wie die grof Stat Aquileia (inn
Italia gelegen) von Maximino bele-
gert/vnd Maximinus sampt seynem
sun/von seinem eygen heer/vmbpra-
cht wurde. lxx

Ende des Registers

Das Erst Buch der Herodianischen Histori.

I

Von den tugenden Marci Antonini mit
dem zunamen Verus genant des sybenzehendē Rō
mischen Keyfers/ auch seinen kindē/ wie
er die vermähelt hab.



Marcus der keyser het gar vil döch

tern/ aber nicht mehr dann zween sūne gehept/ vnder denen
der eyne/ nemlich an gepurt der jūnger/ Verissimus geheys-
sen/ als er noch ganz ein Jūngling gewesenn/ mit natürli-
chem tode abgangen ist/ Der ander Commodus genant/

der ist von dem vater mit grösserm fleiß vnd sorgen auffgezogen/ Wann er be-
rufft vnd bestelt allenthalben her/ weyse hochgelerte männer/ den selbigen
versprach vnd gabe er grosse gaben/ das sye die syten vnd geperden des
suns/ jeder nach seinem vermügen/ vnderweysen vnd lern solten. Auch so ver-
mähelt er seine döchter (nach dem vnd die erwachsen) den aller löblichsten
vnd berümpftesten mannen/ die auß dem geschlecht der radtsherren waren/
vnd nicht den ihenen/ die von altem stammen vnd gepurt her Edel/ oder
die mit grossen güt reich waren/ sonder die mit gūten syten/ fromkeyt vnd
mässigkeit/ auch mit einem erbern volkonnen leben fürtraffen/ die selbigen
gedacht er im zu döchtermannen zu erwelenn/ Dann er betrachtet/ das allein
das güt des gemüts/ gewis vnd stanthaftig sein möcht. Alle tugent hat er

a

mit

Als munde
5362
Dm. 163

Das Erst buch

mit grossem fleiß geübt. Er ist den alten geschribten/so ernstlich obgelegen/
das er inn der selbigen vñngen/alle Griechen vñd Römer fürtrass. Es sind
gar vil gütter lere angezeigt worden/die er selbs geredt vñd beschriben. Er hat
sich selbs so statlich vñd gegen aller menigklich/so ein nutzparn vñd güttrigen
Fürsten vñnd Keyser erzeigt/das er den zukommenden Burgern sein rechte
hand myltigklich gebotten/vñd gestattet/auch seinen leybs hüttern inn key-
nen weg/yemandt seinen zůgang/zů weren/nach zů versperren. Vñder al-
len Keysern/hat er allein der weysheit kunst erlangt/nicht allein mit worten
vñd erfahrung der rechten/sonder mit der dapffere vñd standthafftigkeit sei-
ner gütten sytten vñd der volkommenheit seins lebens. Aus dem fügt es sich
das ein grosse schar/der weysen vñd geleerten männern zů den selbigen zeitten
entstünden. Dann es geschicht gewonlich das die menschen dem leben des
Fürsten vñd Herrn nachfolgen. Alle sachen vñd hendel/die von im also mäs-
sigklich auch also mit männlichen stercken vñnd tugenden/dahem vñnd auch
außwendig gehandelt worden sind/ Auch wie er sich gegen vñnd wider die
Barbarischen völder(so dem teil der welt gegen mitnacht/vñnd gegen auff-
gang der sonnen vñnderworffen) gehalten/das habenn vil hochgelehrte meñer
in iren büchern vñd schreiben begriffen. Die ding aber/die nach dem tod des
Keyfers Marci/durch die ganz gemain zeit/zůgesicht vñd gehörs kommen(dañ
es seind mir etlich durch mein selbs erfahrung zů wissen kommen/als einer der
sich inn gemainen fürtrefflichen ämptern/gepraucht hat) die selbigen hab ich
yetz angenommen zů beschreiben.

Wie der Keyser Marcus Antoninus

im Vngerland frantz/vñd von der jugent wegen seins
suns mit grossen sorgen vñnd ängsten
Beladen ward.



Als yetz Marcus der Keyser/nit allein vonn alther/sondern auch
von vile der arbeyt vñd sorgen/ertagt vñd plöd/ward er in Panno-
nia(so man yetz das Vngerland nennet)da er dieselbige zeit wonet
mit einem schweren siechtagen beladen. Darumb dieweil er empfande/das
er des nit auff kömen noch genesen mocht/da was er fast ängstig/auf das nit
der sun/der als dann die ersten jar eynes jünglings empfangen/eyntweder
von vile der hytz seiner jugent/oder von seinem freyen mütwillen(den er dañ
nach seinem absterben haben wurde)sich nach verlassung der gütten kunst vñ
lere/der trunckenheit vñd füllerey ergeben möcht. Dann die natur vñd eigen
schafft der jünglingen/die werden gar leychtlich/von den rechten vñd erlichen
züchten/zů dem mütwillen vñd vppigen wollust versüht. Darzů erschrockt
auch disen wolerfarnen man den Keyser die gedechtnus viler herren vñd für-
sten/die dann noch jung die herschung vñnd regierung angenommen hetten.
Als Dionysius in Sicilien der Tyrann/den dann die grosse vñnmessigkeit/so
gar vberwand/das er die erdichter vñd besynder der newen wollust vñd vñp-
pigheit/

pigkeit/mit grossen gaben vereeret. Item er gedacht auch der jenen die dem grossen Alexander nachfolgten/dann die selben herschten so schantlich vnd so grünniglichen/das sye seinem reych ein schwer laster aufftrachē / Wann Ptolemeus syel inn solliche laster/das er wyder das gesatz der Macedonier/vnd auch aller Griechen sich auch inn schwesterliche lieb verwycklet. Aber Antigonus damit er sich dem Gott Baccho (der im latein auch Liber Pater / das ist ein freyer vater genant wirt) vergleicht/das sagt er für ein Diadem vñ Macedonische künigliche kron vñ hauptzierd/zū latein Causia geheissen/auf sein haupt/ vñ vmbflachte sollichs mit Ebberw/Auch trüg er für den zepter einen stab mit Ebberwe vmbwunden/den man Thyrsus nennet/Dise frischen vnd namhaften Exempel/machten das gemüt des alten Keyfers sorgfältig/als dann auch waren von Nero dem Keyser/der sein mütterlichen todtschlage nicht vnderlassen/vnd sich selbs dem volck zū einem lasterlichen anschawen vnd spectackel gemacht hat/ Item auch des Keyfers Domitiani exempel vnd handlungen/der im die aller höchst vñnd herttest grymmigkeyten nicht vberpleyben lief. Inn dem er nu die bildnus vnd beyspil diser wütterich vnd Tyrannen inn seynem gemüt betrachtet / da enthielt er sich zwyschen der forchte vnd hoffnung/darzu erschreckt in auch das nechst volck vñnd den Teutschen/das er im noch nit gar vnderthänig gemacht/sonder zūm teyl mit freutschaft an sich gezogen/vnd die andern mit den waffen vnd dē streit gezempt hat. Auch wern etlich der selbigen empflohen/die sich von forchte wegen des Keyfers derzeit enthieltenn/ Darumb so zweifelt er/das sie gestracks in verachtung des suns jugent/die gwer vnd waffen wider zū handen nemen wurden/ Wan den Barbarischen mag die gewonheit gar mit leichter bewegung vñ vrsachen eingossen werden. Als er nu mit den flüssendē vñ wallenden sorgen emprant/da hieß er all sein freunt vnd nechst verwanten zūsamē rüffen als vil dann fren zū gegen waren. Als nu die zūsamē vnd für in kamen/da stellet er seinen sun den jüngling vnder ir angesicht/hüb sich ein wenig von dē Berth auff/vnd thet zū inen dise rede.

Causia Cron

Thyrus

Wie der keyser Marcus Antoninus Verus

ein schöne red zū seinen freunden thāt/vnd bald dar
nach sein end nam.

Es ist keins wegs zū verwundern/das ir in dē/dz ir mich also krank anschawen/schmerzen vnd auch vnmüt haben/wan es ist menschlich/ab den menschlichen geprechē zū erseuffzen/die ding so wir mit den augen sehen/die eruordern vñ bewegen vns zū vyl grösserer erpernß vñ mitleiden. Zum andē/ist vnser sach vnd geschafft in sonderheit bey euch / dan von d gewissne vñ Consciēz meins gemüts (so ich gegē euch trag) so verhoff ich vō rechts wegē von euch lieb gehapt sein/Aber jezund ist das zūgestandē mit ein erkätus zemachē/ob ich euch nit vñ sunst so lāg vereeret/ mein gnad / gunst vnd lieb euch so willigklich mitgetheilt/euch mit danckbarer wydergeltung zū erzeygend/das ir der gūthaten ingedenck seyen/die ir empfangen haben. Sehet ir disen meyn sun/den ir selbs erzogen/sezō sein erstes mās der jugent ergreifend/als einen in dem meer/vnd auch in den wüttenden wällen/
a ij der

Das Erst buch

der regierer des lebens bedörffent / auff das er nicht auß vnerfarung der sachen / von dem rechten lauff abgewendet / vnd mit den bösen künsten vnd sytten verlezet werde. Darumb so leyet jr dem selbigen für mich einigen / vil väter / inn seiner vererung / vnnnd auch sunst im die nüglichen rät einzügießen.

Wann es mag weder die vil des gelts / den müttwillen des Tyrannen mit erfüllen / noch auch die hauffen der vmbgebenen diener / den Fürsten vnnnd Keyser nicht beschyrmten. / es sey dann sach / das die ihenen vber die man herschet / dem herren vnnnd Keiser / ein wolgefelligs vnd gehorsams gemüt verlyhent.

Es herschen auch die lang vnd sicher / die da nit die forcht von irer grymmigkeit wegen / sonder die lieb irer gütigkeit halb / iren burgern eingießen. Dann nit die ihenen / so die notturfft zwingt zu dienē / sonder die jr eigener freyer will zu gehorsame zeucht / die seind inn allem irem lassen / thūn vnd leyden / on allen argkwon / vnd aller schmeichlerey entladen / sy entherent den gewalt nymier / es sey dann sach das sye hert vnnnd schandlich gehalten werden. Wann es ist gar kümmerlich das sich yemants inn der höchsten freyheit messigen / oder seyn vppige wollust vnd begyrligkeit im zaum halten müg. Ist es dann sach / das jr im vsacher seind / seines gūten vnd ordenlichen lebens / vnnnd das jr ine der dinnge / so er yhezo vor euch vnnnd gegenwertig höret / warnen vnnnd ermanen / so machent jr ine / mit einem wercke / euch selbs vnnnd allen andern / zu dem aller besten Keiser / vnd verdienen / damit vnser gedechtnusse / die jr dan mit diser einzigen sachen / vntödtlich machen müget. Als der Keyser Marcus dise wort geredt / hat ihne so ein schnelle onmacht vmbgeben / das er vonn grosser schwachheit geschweig / vnd widerüb hinder sich in das bett sancke / vñ alle die zu gegen gewesen / seind mit sollicher erpermd vnnnd mit leiden durchdrungen / das etlich auß ihnen / mit grossem schmerzen irs gemüts / so gar gefrencket wurden / das sye ihr geschrey erhüben. Vnd als der Keiser / allein einen tag vnnnd nacht erlebt / hat er sein end genommen / vnnnd ist also gestorben / das er die begird seines alters / aller menigklich vnd allen nachkommen den seiner tugent ein ewige gedechtnus verlassen hatt. Nach dem nun das geschrey seines tods auß / kam so ein vnglaublich vnd schnelles weinen in das heer / vnd in alles volck. Es waren auch gar kein menschen vnder dem Römischen gewalt / die nicht solliche Botschafft mit grossem weinen empfiengē vnd sy alle gleich mit einer stym berüfften / vnd nenneten ine / etlich ein frommen vatter / etlich ein gūten keiser / die andern den stercksten Fürsten / auch eines theils / hießen sy in ein benügigen / mässigen Fürsten / vnder denen warde keiner für vnwarhafft noch falsch geachtet. Aber nach kurzen tagen / als sein begängēnus yezo beschehen was / sach die freünd für güt an / den jüngling in das heere zūführen / auff das er den rittern vnd kriegsleütten zū sprech. Vnd (als dan den newen Keisern zethūn gewon ist) sy mit gelt zū begaben / auff dz er in gestalt der begabung / im jr lieb zū zuge / darumb ward inen allen verkündet / das sy nach gewonheit im feld erscheinen / vñ nit auß bleiben solten. Vñ als nu Commodus der iung Keyser herfür tratt / nach aufrichtung der göttlichen ämpter auff dē stül / der im in middle des heerlegers zū dem geschäft aufgericht gestigē was / da thet er in gegenwertigkeit seiner väterliche freunttschaft / dern dan iren vil hochgelerte menner ine vñstunden / sein red auff dise meinung.

Wie

Marci tod

Wie Antoninus Commodus der jung

Keyser sein Rittern vnd Kriegsleuten zusprach/ auch
wie er durch die schmeichler bewegt war
gen Rom zu ziehen/ vnd wie er
sich zu Rom hielt.



Ich hab inn gutem künlichen wissen/ das dise trüßseligkeit / trau- Also maß/
ren vnd vnmüt/ euch vnnnd mir gemein/ vnd das jr nicht mynder / 538
dann ich selbs danon bekünnert seydt/ wann ich hab mich nie/ noch dñt. 182.
sey leben sein/ meins vatters gegen euch erhept/ dann er hatt vns
all/ in gemein (als einen allein) liebgehabt/ vnd mich lieber einuern mitritter
dann seinen sun nennen wollen. Dis schazte er für ein natürliche Benennung
aber das ander für ein gemeinsamkeit der tugent. Auch hatt er mich zu mehr
maln/ als ein kind/ auff seinen armen tragende/ inn ewre hend geben/ als ob
er mich ewerer trew vnd glauben beuelhen wölt/ Darumb zweyfel ich auch
ganz nichts daran/ das jr mir allen gütten willen beweyssenn werdent / dies
weyl die edelsten vonn gepurt/ mich für einen mit erzognen halten/ die selby
genn auch ich für mitdiener von ritterlicher ordnung vnnnd zucht wegen er
nenne/ Wann also hatt der vatter vns all ihn gemein/ als einen allein lieb ge
hept/ vnnnd vns mit guttem ritterlichen züchten vnd kriegsübungen verschaf
fet vnderricht zewerden. Jczo hatt mich das glück euch nach ihm zu einem
Fürsten vnd Römischen Keyser geben/ nicht als einen erforderen/ als die je
nen/ so vor mir gewesen seynd/ auch nicht als eynen/ der sich nach erlangung
des Keyserthümb vberhüb/ Wann ich allein bin euch in dem Keyserlichen
Sal vnnnd Palast erporen vnd auffgezogen/ vnnnd vonn den schlechten sonn
dern vnfürstlichen wäglein vnberürt plyben. Dann so balde ich vonn mü
ter leyb kommen/ bin ich mit Keyserlicher seyden vnnnd gewand vmbgeben/
vnnnd hatt mich die Sonne so balde einenn Fürsten beschynen/ als einen men
schen. So ihr dyse ding von rechts wegenn inn eweren gemütern vnd syn
nen betrachtem/ so wöllent den Fürsten vnnnd Keyser ehren/ nicht der euch
geben/ sonnder der euch geporen ist/ Wann der vatter ist ohn zweyfel inn
den hymel genossen/ vñ ein gesell vnd beysitzer der götter worden/ Darumb
stat vns der menschlichen sachen halb sorg zetragen/ vnnnd die regierung alles
vnkreys der erden zu/ das die für glücklichkeit vnd krafft haben wer/ das stat
zu ewern Ritterlichen handen vnd gewalt. Wan so jr den vbrigen theyl des
kriegs/ mannlichen abtillen/ vnnnd die ende des Römischen gewalts/ vnz zu
dem grossen Oceanischen meer erweytern/ so werdent jr euch selbs ein gros
se ere erlangen/ vnd dazu der gedechtnus des gemeinen vatters/ pillich danc
barkeyt beweyssen. Ir sollent auch glaubē/ das er die ding/ die wir jczo reden
thünd vnd handeln/ als mit seiner gegenwertigkeit anschawe/ auch das wir
die seligsten seyen/ so wir ihn vnserer gütten werck vnd gethaten zu einem ge
zeugen haben/ Darumb auch alles das/ so jr vnz auf disen heuttigen tag also
mannlich vnd glücklich gehandelt haben/ das wirt allein seiner weysheit vñ
regierung zu gemessen. Was aber jr vñ sachē mit mir / das ist mit ewern sun
gen keyser also erlich began/ die werden euch selbs zu einem sondern lob sampt
a ij dem

Das Erst buch

dem glauben vnd allen tugenden zu stan. Mit dem vnd so jr euch in den sache manlicher tugend fleyssen vñ vben/so werden jr meiner jugent einen grossen namen/ vñnd damit machen/das diß Barbarisch teütsch volck/so das inn anfang vnser Keyserthums vndertrunck/sich deßter minder inn verachtunge vnser jugent/inn gegenwertigen mer so greüßlich vnd durstiglich erheben bedörfen/vnd wirt yetzo mit erfahrung seiner schaden/mit der forcht ewiglich bezwungen/vnd hienach hinderhalten. Als er diß geredt/hat er das gelt mit hauffen außgesprait/vnd vnder sy geworffen/damit er ime der ritter vñnd kriegsleütt gemüt vnd willen verpflichtet/vnd kerte demnach wider inn den Keyserlichen sal. Es wurden auch von seinen väterlichen freunden alle sachen vnd hendel/doch inn kurzer zeit regiert/die dann mit emßigem vnd weyßen radt/an allen enden waren/vnd verliessen im souil vnderleybung vnd fryftung/als sy achten/zü beschyrmung seines leibs gesündtheit/gnügßam sein. Darnach seind etlich von den diensten des Keyserlichen sals/hinzü geschliche die ihnen fürnamen/das ordenlich wesen des jungen Keyßers/zü zerhören. Nymwar die tisch schmaichler vnd tellerschlegker/die dann des panchs vñnd andre vppige wollust/für ein seligkeit achten/Die selbigen ermaneten ime /zü der statt Rom lustparkeit/vnd gedachten im yetzo/was daselbs/dem gesicht/vnd der gehöre/lustig vñnd angenehm sein möcht/Etwann erhüben sy mit freilob aller lustlichen ding daselbs ein vyle vñnd vberfluß zesein/Dargegen verachtend sy/das die bäch vnd wasserflüß/des yster lands/vnd die eussern teyl des erdtrichs/zü allen zeitten vnnütz/die auch kein öpfeltragende fruchtbarkeit hetten/vnd mit stätten wolcken/vnd feüchtigkeit beladen weren. Sy sagten/Wiltu Keyser nit etwann abston vnd auffhören/das wasser zetrincken/das von dem gefrorenen kalten eyß/oder sunst außgetolben wirt/Die andern frewent sich/der warmen prunnen vnd der fließenden kalten rünß/auch des senfften himels vnd seins gütten lufttes/vñnd vorab inn Italien. Mit disen vnzüßlichen anzeigungen/haben sy das gemüt des Jünglings/mit den begyrlichkeiten/der wollust/gar leichtiglich entzündet. Darauff er mit schneller berüffung seiner freünde sich begird des vatterlands zühabenn/erzeyget/vñnd hatt sich dabey geschempt/dye ursach seyner so schnellenn bewegunge zü eröffnen/vñnd sagte sich sorgfeltig sein/auff das nicht yemandts von den mechtigen edlen/den fürstlichen vñ Keyserlichen sal einnem/vnd darnach mit versamleter macht/darauff als einer festen wolbewarten burck vñ schloß/ime den obersten gewalt zü zuge/dann man möchte auß dem gemeynen volck ein grosse macht der starcken meier zusamer bringen. Als ime dise ding ursachten/vnd die andern von forcht wegen/mit einem trawrigen vnd stillschweigenden angesicht/die erd anschaweten. Da stünd auff Pompeianus der dann mit dem alter die andern vbertroffen/vnd die Schwester Commodi die elter angepurt/zü einer gemahel gehebt/der hat gesprochen. O sun vñnd Herz/das dich die begird des vatterlands vmbgeben/das ist nicht züerwundern/wañ fürwar auch die selbig begird/vns von wegen vnser heüßlichen geschefft/auch vnürwig vñ sehnenn machet/doch so widersteen wir dem/dañ warumb/die sachen/die allhie außgericht noch verhande/die sind die fürtrefflichsten/vñnd vns mer angelegen/ Darumb so magst du villeicht der selbigen hinnach lennger genießen /dann woder Keyser /da ist auch Rom.

Pompeianus

Zum

Zum andern den krieg zu verlassen/der angefangen/das ist mit allein sched-
 lich/sonnder auch schandlich/dann darmit stossenn wir inn warheyt dem
 Barbarischen volck ein mannhayt ein/Sye werdenn nicht vermeinen/das
 wir vonn begirde wegen des heymzugs abgewychen/sonnder das wir mit
 forchte durchschlagenn/vnnd also geflohen seyen. Aber wie schön vnd löb-
 lich wirt es dir an ston/so du nach vberwindung deyner seynd/vnnd auch
 mit erweyterung des Römischen reychs/vnz zu dem Oceanischen vnd gros-
 senn meere/mit einem köstlichen Tryumph vnd syge wyderumb inn die stat
 Rom kerest/vnd die Barbarischen König vnnd Landtsfürsten vor deyner
 wägen gebunden vnd gefangen führen syhest/mit dysen sytten vnd herprach-
 ten künsten/seynd die Römer bey alten zeyten grosse vnd durchleuchtig män-
 ner worden/Es ist auch nichts das du fürchten dörfest/das deine sachen das
 selbs schaden nemen möchten/wann ihe die besten vnnd mechtigsten radts-
 herzn seyndt hie bey dir selbs/vnnd das gang Römisch heere auch zu gegenn/
 das dein reych wol beschirmit/Auch ist aller schatz des Keyserlichen gelts bey
 vns/Darzu so hatt die gedechtnus deyner vatters/dir bey allen gewaltigen
 gütten vesten glauben/trew vnd freuntschafft bestetiget. Als nu Pompei-
 anus auff dise meinung se das best ratende/geredt/hat er damit dem jün-
 gling sein fürnemen zu der zeit ein wenig hinderhaltenn/der sich schämte dye
 wort des alten weysen manns zu wydersprechenn/vorab dieweyl er nichts
 befande/das er ihm mit ehren zu antwort geben möcht/Darmit verlief er
 den rath/vnnd sagt das er den sachen fleyssiger nachdenckenn wölt. Dar-
 nach aber als die selbigen sein hoff diener im yhe lenger ihe mehr obgelegen/
 seyndt die dynng durch ihn den freunden nicht mehr fürgehaltenn/sonnder
 er schicket seine Brieffgen Rom/vnnd verordnete ettliche die er vermeinet
 gnügsam sein zu beschirmung der ausserenn end inn Osterreich/vnd zu Be-
 zwingen vnnd nyder zetrucken/die aufftrüren der Barbarischen/damit ver-
 kündete er schnell sein hyn vnnd heymfart/Darumb die ihenen/die sich seyn-
 es gebots vnnd geschäfts vnderzogen/habenn vnlang darnach vyl Bar-
 barische völker mit den waffen bezwungen/Aber ettlich vonn den selbygen
 mit grosser begabung vnnd besoldung zu iherer freuntschafft gezogen/das
 dann mit ringer arbeyt geschehen mocht/wann die Barbarischen Teutschen
 seyndt von yhr selbs natur vnd art/mit verachtung der schädenn des gelts
 begirig/Aintweders sye süchen jr narung mit dem raub vnd vberfallen/oder
 der nement aber mit angebotnem gelt eynen gekauften fryden an. Als nu
 Cominodus der Keyser dasselbig vernommen/das er ihm mit dem gelt/des
 er vberflüssiglich vyl gehept/freuntschafft vnnd sicherheyt zekauften macht
 da hat er den begerenden nichts versagt. In dem nu das geschrey von dem
 heymzug inn dem leger gemacht vnd aufgangen/ist inn dem ganzen heere
 ein grosse verendrung entstanden/dannes was iren keyner/der danit heym-
 gen Rom begert zu ziehen/damit der seynd erdtrych vnd land verlassende/
 vnnd der statt Rom lustbarkeit begerennde. Nach dem aber das geschrey
 das der jung Keyser zu der statt Rom zu kerenn wolt/durch die botten vnd
 gemeynenn ruff/weyther erschollenn vnnd ausspracht / da ist das ganzz
 gemein volcke / mitt aynner vngelächlichenn freündenn durchdrungenn /

Das Erst buch

Inn dem das ihme ein yeder vonn der zukunfft des jungen Keyfers / die aller best hoffnung / fürfasset / dann sy glaubten / das er allen fürstritten des vaters nachuolgen wurde. Er praucht sich eins schnellen fürzugs / vnd eylt auff dem weg stets für / vnd mit etwas junger hyt fürzog er alle stet / die vnder wegen lagen / von denen er doch nach küniglicher wyrd / mit freuden vnd frolockung der völder empfangen ward / vnd aller menigklich zu einem wolgefallen vnd ganz erwünscht kam. Als er aber der statt Rom nabet / da kamen jm von stund an entgegen / der ganz gemein radt / vnd alles Römisch volck / mit grossem fleisse ye einer den andern für zekommen / mit lobber krenzen / vnd von allen andern plümen / die dann die zeit des jars ertragen mocht / vnnnd so weyt fren yegklicher jm von der statt Rom entgegen lauffen / damit er den fürsten von jugent vnd adel durchleuchtend / ersehen möcht. Sy hetten jm auch on zweifel lieb / vnd mit warlichen begirten / dieweil er bey jnen erporn / vnd erzogen auch yezund mit erlanngung des Römischen Adels / den dritten stand vnnnd gradt des Keyserthumbs ergriffen. Wann sein vätterlich geschlecht / was von den öbusten vnnnd treffelichsten radsherren. Aber Faustina sein mütter vnd des keyfers gemahel / die was ein tochter Antonini Pij / auch von wegen der mäter / ein Niffel vnd kunds kind / Hadriani / das sich dann mit dem stammen vnd geschlecht von Troiano dem keyser / als dem altvatter / vnd Vranen herzoch. Von disem geschlecht ist Commodus erporn / dem dann auch on sein plüende jugent / zu staten came / die wyrdigkeit seiner form vnnnd gestalt / die glydmässig vnd wolgeschicklichkeit seines leibs / die schöne / sein manlichs angesicht / sein glanzend vnd sänfft mütiger schein der augen / sein gold gelbs vnnnd krauses har / das dann (so er an der Sonnen wandlet) gleich de feur dermaß erglastet / das man wähnet / so er gieng vnd sich bewegte / das guldine funckē von jm stüben. Auch so namen jr etlich das selbig für ein anzeig / eines götlichen wesens / das die selbigen schein vnd glenz / bey vnnnd auff der schaitten des haupts geperen solten. Zu dem erzeugten sich die milch har / vnd lynde staub / hārlin / an seinen glatten wangen / die zierten vnd bekleidten die selbigen gleich wie schöne plümen. Darumb so haben sy ein solchen keyser / mit allem glücklicheligen anschryen / auch mit ausspraitung der krenz vnd plümen empfangen. Nach dem er inn die statt kommen / ist er zum ersten / in den tempel Jupiters / vnnnd darnach inn der andern Götter Tempel gekeret / sye also begrüßt / hatt auch dem radt / vnnnd der edlen Ritterschafft danck gesagt / das sye jr trew vñ glauben / an ime so fest vnnnd stat gehalten / sich damit in den keyserlichen sal gefügt / Inn dem selbigen hatt er sein vätterlichen freunden (doch gannz kurze zeyt / vnnnd jar) etwas eere erpotten / vnd sye im radt inn allen seinen hendlen gepraucht. Darnach ist die sorg des ganzen reichs andern beuolhen. Er sagt Perennius auß Italien (der dann inn aller ritterschafft der aller erfarnest was) den Pretorianischen als den fürnemlichsten ritern / vnd kriegsleuten / zu einem hauptman / Der selbig mispraucht die jugent des jüncklings / vñ gestattet jm / das er sich mit thorechten weyben / mit dem mütwillen vnnnd aller vppigkeit verwüflet / Vñ als er die sorg vñ alle arbayt an sich genommen /

hater

Faustina

Perennius

Herodiani.

V

hat er damit das ganz Römisch Keych regieret. Inn diesem menschen was ein vnerschöpflicher durst der reychthumb/ vñ so groß/ das er nichts achtet/ alles das so er vberkam/ sonder allzeyt vñnd stettigs zu newem gewyn vnerstlichen auffgynet. Diser Perennius hat ihm auch fürgenommen/ die väterlichen freündt Commodi des keyfers zu bekünnern/ vñnd se den reychsten vñnd edelsten/ argwenig vñnd verdacht zu machen/ also das er damit den jüngling erschreckt/ Vñnd so er die selbigen mit der marter plaget/ das er in dem vrsach vñnd gewalt het/ ir has gütter vñnd reychthumb anze fallen/ vñnd im selbs zu ziehen/ Doch so hat die gedechtnus des vatters/ vñnd die wyrdikeit der freutschafft/ den jüngling vñnd Keyser in diesem sal etwa lang auffenthalten/ aber darnach hatt er doch se zu lest dem jüngling sein gerecht vñnd messig gemüt mit etwas böslifigen vñnd neydischen vnfal verkeret. Nemlich so begab sich die sache also/ Commodus der Keyser het ein Schwester/ mitt namen Lucilla/ an gepurt die elter/ die selbig was zum ersten Lucio Vero dem Keyser vermähelt/ den dann Marcus der Keyser im in regierung des reychs zu einem gesellen angenommen/ vñnd den selben inn vermähelung der Schwester/ mit dem aller stercksten band der sypschafft verpflichtet. Aber nach dem Lucius mit tod abgangen/ vñnd der genanten Lucilla/ die Keyserliche ere vñnd wyrd beyhanden pbyen/ ist sye von dem vatter dem obgenanten Pompeiano vermähelt worden/ vñnd so mit wenigens die selbig würdigkeit von dem Keyser Commodus irem brüder auch nachgelassen/ vñnd nemlich das sy auff dem spylhaus inn einem keyserlichen stül syzen/ vñnd so das feür nach gewonheit auch vortragen lassenn möcht. Als aber Commodus der Keyser/ darnach Crispus nam zu einer gemaheln name/ auch not was des Fürsten vñnd Keyfers gemaheln/ vonn der öbern vñnd erlichern statt (wie sich das zimpt) zu entweychen/ das dann die genant Lucilla mit vnwilligem gemüth gelitten/ vñnd yhr selbs zu einer verachtung die selbige ehre behielt. Da sye nun wiste/ das Commodus der Keyser yhr brüder/ vonn Pompeiano irem gemahel vast lyeb gehept/ da was sye nicht beherzt einicherley/ vonn eroberung des Keychs/ mit ihm zu redenn. Sye wenndet aber yhr gemüthe zu einem vonn den Edelsten vñnd reychstenn jünglingen/ mit namen Quadratus/ mitt dem sye dann auch verdacht warde/ den Ehepruche zu üben/ gegen dem selbigenn beklaget sye sich vast schwerlich/ der empfangenen schmach/ Vñnd prachte den jünnling darmit so weyth/ das er wydder sich selbs vñnd ein gangenn gemeynn Rath/ vast schedlichen handelt. Wann vñnder anndern/ so vonn dem Rath inn sein mishandlung willenn vñnd gunst gaben/ hatt er yhm auch zu gezogen ein jünnling/ der Quintianus genant/ vñnd eins geschickten durstigen gemüthes was/ Dem selbigenn riethe er/ das er einenn dolchern oder kurzem tågenn vñnder seinem kleyd verporgenn haltenn/ der zeyt darzu tüglich acht nemenn/ vñnd mit verberlich vñnd vnuersehenlichem vberfallen/ den Keyser Commodum tödten/ so wolt er das vbrig mit aufgebung des gelts verporgenn. Der selbig Quintianus/ stalt sich inn den eingang des spylhauses (wann er vermeint sich an dem duncklen orth leichtlich zu verpergenn)

Vñnd

Lucilla

Crispus Kayser

quadratus

quintianus

Das Erst buch

Vnnd als er schnell sein gewer emplöset/hatt er mit lautter styme geschreyen/
Dises schicket dir der radt. Inn dem er nu also geredt/vnnd den plossen regen
erzeigt/da haben ihne die ritter/des Keyserleibs hütter begriffen/vnd ym
seiner vn Sinnigkeit/pilliche straff zu gefügt. Er ist auch mit seiner anzeige eyn
warner gewesen/das man sich vor jm hütten solt/mer mit offnem/dann mit
volprachtem radt. Darumb so ist dis dem jungen Keyser/die erst vnd grösste
vsach gewesen/des neyd vnd has/wyder die radtsherren/vnnd hetten dise
wort seingemüt so gang versert/das er sy alle für seynde hielt/dann die stime
vnd vberlauffung dis jünglings/ist jm allzeit inn gedechtnus/vnd im synn ge
legen. Es hat auch der vorgeant Perennius/dise so grosse vsach/vñ gegen
wurff nit verlegen/sonder riet dem Keyser/das er ye die fürnemlichsten er
töden/vnd iren keinen darvon komen lassen solt. Den selbigen fiel er ire güte
ter an/damit erlangt er leichtiglich/das er der reychest ward/der bey seinen
zeiten geleben mocht. In dem nu der gemelt hauptman Perennius/dise straf
fen fleischlich volpracht/hat er darunder die Schwester Commodi des Keyser
vnd all andre zamen geschwornen/auch alle die ihnen/so mit einem kleinen
argtwon verdacht/herwischet/gefangen/vnd mit grosser marter gepeinigt.
Nach dem aber Perennius alle die der Keyser gefürchtet/hin vnd abweg ge
richtet(die dann ine den Keyser mit etwas vätterlicher begird vnnd trewen
gemeinten)vnd nu er die sorg seins leibs vñ lebens/allein erlangt/auch sunst
nichts mer verhanden/das nit vnder seinem gewalt/da was er auch yezund
die ganz herschung des Keyserthums inn seinem sinn vnd hertzen anfallen/
Vñ riet deshalb dem Keyser Comodo/das er seine sün(die noch ganz jüng
ling waren)in den Wyndischen landen/dem Römischen heer zu hauptleuten
macht/Vnd zoch er dazwyschen so ein grosse summa gelts ansich/vmb willen/
das er die fürtrefflichsten vnd Pretorianischen ritter/mit vberflüssiger Bega
bung/von dem Keyser absünderte/Dazu so samleten seine sün/in geheim vil
volcks/vmb des willen/so bald Perennius ir vater den Keyser ertödtet vnd
ymbprächt/das sy von stund an den öbristen gewalt an sich zügen. Doch so
seind dise auff setz vnd hinderlist/mit vnglaublicher meynung vnd weyß er
öffnet/vnd an tag pracht. Nemlich als die Römer/dem obersten irem Gott
Jupiter/inn dem Capitolio sonderliche Fest vnnd spyl machten/da kame so
vil volcks dahin/so eyn grosse menng volcks/als sich dann wol gezympt zu
eyner so grossen Statt zu kommen/vorab zu yhren Festen vnnd Hochzeyt
lichen tagen/Auch so was der Keyser gewont mit den obersten Priestern/
(wölliche dann yede zeyt des Jars erheyscht)in dem spylhaus züsyzgen/vnd
dem spyl zusehen. Als nun yhe der edelste/inn dem spyl/seyn ordenlich ge
schefft vbt/vñ das spylhaus/als Commodus in seinem Keiserlichen stül sitzend
gang voller zuseher/vnnd eynem yeden nach seiner wyrdikeit vñ stand zu sy
gend verlyhen was/Le dan manichts ansieng züsprechen/oder inn dem spyl
zühändel/da dratt einer in eins weisen mans bekleidung/einen stab in seynē
hendē tragend/schnelliglich herfür/vñ in seinē herfürer lauffen/erzeigt er sich
vom hals herab/vnz auff die hüfft/halber nackend/diser stund also in mit
le des spyls/

le des spyls/bedeutet mit seiner hand stillzeshweygen/vnd sprach. O Keyser Comode/dis ist nit die zeyt des spils/nach inn dem zusehen vnd anschawungen der selbigen sich zu müssigen/ Das schwert Perennij/ist dir auff deinen hals gericht/vnd es sey dann sach/das du dich des verthürtest/so ist das jezgo nit allein ob deinem haupt/sonder du bist jezgo gegenwertig tod vnd verdorben/Wan wider dich hat er allhye dise grosse menge des volcks/vnd auch dz gelt versamlet/ vnd seine sün vnderstond das heer inn den Wyndischen landen wyder dich zu bewegen/Es sey dan sach das du die fürkomest/so bistu jezgo vmbspracht. Als er diß geredt/vileicht auß etwas götlicher einplasing/od das er ihm sunst selbs/ als einem vn bekanten vnd schlechten menschen etwas gnad vnd rüm erlangt/oder das er hofft von dem Keyser grosse gaben zu empfangen/so ist doch gewis/das er ihn mit diser rede seines gemüts gar entsetzt hat. Die andern wiewol sy vermeinten die ding nit on vrsach geredt/haben syedoch nit dergleychen gethan/als ob sy dē glauben geben. Aber Perennius gebot das man den selben menschen fahen/vnd vmb seiner fräueln vnfinnigē vnd vnnutzen red willen verprennen solt. Dise straff hat er von der vnzeytigen freyheit wegen empfangen. Die andern die sich begertenn dem Keyser Comodo wolgefellig zu machen(Die dan auch vorhin Perennij/als eynen vn erleydlichē hochmütigē vñ schädlichē menschē gehasset)die habē geschicklichkeit 8zeyt angenommen/vñ den selbigen vnderstanden seiner laster zu verklagē. Es hat sich auch selbs also schicken wollen/das Commodus die auffseß vermeiden/vnnd Perennius mit seinen kinden/sein pilliche straff nemen solt. Wann vnlang darnach/haben etlich Ritter vnd kriegsleut/on wissen vnd hinderwertz des suns Perennij/auch sein Perennij selbs/wiewol er der öbrist Hauptman was/ettliche pfenning/darauff seines suns bildnus geschlagenn/ihm dem Keyser Commodo selbs angezeygt. Vnnd als sye yhm darbey allenn anschlag seiner auffseß/nach der ordnung genzlich eröffnet/habenn sye des halb grosse gaben von ihm empfangen. Deshalben vnnd als Perennius/diser sachen gang vnwyssend/vnnd deren keines/nach keins argen warten was/da wurden etlich knecht von Commodo dem Keyser/bey nacht zu im gesandt/die ihm sein haupt abschlägen/vnnd ihnen darmit beuolhenn/das sye gestracks vnd eylends sich zu seinem sun fügen. Als sye sich nun mit schneller eyl nichts gesaumpt/haben sy auch das geschrey/vñ was sich zu Rom verlauffen/fürkomen/vnd dem selbigen freuntlich brieff/von dem Keyser außgangen vberantwort/die in mit grosser fürgefaßter gütter hoffnung/gen Rom zekommen geordnet/Darzu was er aller ratschleg vnnd fürgefaßter meinung/auch seins vatters tod vnnd vnsals/ganz vnwyssend/Dies weyl auch etliche botenn erdichtenn/das ihn sein vatter auch mündtlich/vnnd mit Worten zu kommen erfordert hett/der dann auch mit dem schreyben nicht still gestandenn/wo er nicht geachtet/das die Keyserlichen brieff zu sollichem genügsam gewesen weren. Der gütte jünngling glaupet diß alles/vnnd wiewol er mit vnwilligem gemüth trüge/das in seine ratschleg damit verhindert/doch so verließ er sich auff den gewalt seins vatters/dē er vermeint noch frisch vñ gesunt sein/Darum bereit er sich auff den heymzug/Darnach

Das Erst buch

Maternus

Darnach aber/als sy das land Italien ergriffen/haben in die/denen solch geschefft beuolhen was/ertödet/vnd vmbpracht/eyn sollich ende habenn dyse zwen gehebt. Nach disen dingen hat der Keyser Commodus zwen Hauptman vnnnd Hoffmeyster gesetzt/vnnnd achtet sicherer sein/das dyser so grosser gewalt/nicht einem allein zü getrawen / sonder inn zwey zetheylen / damit der selbig/inn zertrennter gestalt/gegen vnnnd wider ihne/den Keyser /dester kräncker were. Aber fürwar vnlang darnach/seindt andre dergleichen auf seß vnd hinderlist gegen im gewendet worden. Es was ein kriegsman mit namen Maternus/der sich grosser laster gethorst vnderfahen /der selb verlief den läger/vnd zohe etlich von den versoldten knechten ansich/damit er in kurzer zeit ein grosse zal der verlossnen kriegsleütten versamlet/mit denen er zum ersten die döffer vnd das land beraubt/vnd prantschagt. Darnach hat er im von tag zü tag/mit versamlung einer grossen summen gelts/ye von den verwegnesten/vñ vnerlichsten kriegsleüten/ime züuerpflicht/in grosse gaben vnd dergleichen versprochen/sy zü einem gemainen raub erfordert /vnnnd damit die sache so weyt pracht/das sye yezo nicht allein der rauber /sonder eyne rechten offnen feinds heer/macht vnd gestalt hetten. Zü dem eroberten sye auch grosse stett/vnd mit zerreissung der kercker/erledigten sy dye gefangnen von allen panden. Mit diser güttheit vnd ledigung geselten sy inen die selben auch zü. Darumb haben sy Galliam vnnnd Hispanien mit irem vberziehen verhergt/vnd als sy yhe von den grösten stetten/eine mit gewalt gewonnen/haben sy die selbig geplündert/geschleyft / vnd demnach darvon fürgeruckt. Als nu Commodus der Keyser die sachen ersaren/hat er den regierern vnd Amptleütten der völker brieff zü geschicket/die voller zorn vñ trowort waren/Vnd als er sy irer gfarlessigkeit geschuldigt/vnd gestraffet / hatt er inen auch dabey gepotten/wider die selbigen ein heer züsamlen. Inn dem aber die reubischen kriegsleüt solchs vernommen/haben sy wol gemerckt/das inen auß den landen vnd reichen zü weichen sey/vnnnd seind also durch kurze vnnnd abweg von einander gesündert inn Italien kommen. Daselbs handelt der vor genant Maternus mit den seinen von grössern sachen/als von des Römischen reichs wegen/wann als im alles fürnemen/vnz zü der zeit / wider sein selbs verhoffen / so glücklich ergangen/da sagt er im für/etwas grössers zü vnder stan/oder aber/so im vnfall darzü schlug / das er mit eines schlechten tods sterben müß. Die weil er aber bekant sich nicht so mechtig zusein/das er Commodum dem Keyser/mit verordnetem heerspyz widerstande zethün/gnüg sam sein möcht(dann er wist das des Römischen volcks/vnnnd auch der fürtrefflichsten ritter/trew vnd willen/fast wol gegen dem Keyser stünden)da sezt er im für/sollich mit lyften vnd radt zü volpringen. Inn dem fiel im ein sollicher gedanc zü/das die Römer inn anfang des Glenz/Matri dem abgot/auff einen bestympten tag/mit grossem fest vnd pomp begiengen. An dem selben tag so ist sytt vnnnd gewonheit / das man alle fürtrefflichste reichthum (die bey einem yeden müge befunden werden) auch alle kleinoter/Keyserlich zierd/vnnnd alles/das von künstlicher art vnnnd materi scheinpar vnd kostlich ist/vor der selbigen abgöttin trage. Es ist auch aller mäniglich zügelassen

spyl zü

spylz machen/also das sye die personen anlegen/was jedem geliept/das dan
nicht on ein sondre anzeig vnnnd bildnus ist/der maysterschafft vnd oberkeit
wie dann eins seglichen will vnnnd lust erfordert / also das man die rechtem
gewaltigen/nicht leichtlich neben odder vor dysen erkennen möcht. Dis ver
meint Maternus obgenant/zü verdeckung seyner lyst vnnnd auffsez ein tüg
lich zeit sein. Darumb er sich inn eins trabanten vnnnd Künigklich leybs hüt
ters form vnnnd gestalt bekleidet vnnnd anlegt / vnnnd die seinen auch dermas
auch mit waffen vnnnd geweren zieret / mit beuelch / das sye sich vnnnder die
spießtrager vermischen / vnnnd der gleichen thün solten/das sye für ein theil
des Keyzers diener geschetzt werden möchten / vnnnd wo solichs niemants
für kām/das sye den Keyser Commodum mit einer vnuersehelichen vnge
stāme vberfallen vnd vmbpringen solten. Er ist aber von etlichen seinen
gesellen verradten wordenn gegen dem Keyser / die dann jetzo mit im inn
die statt kommen/vnd vnlustig waren/das sye den ihenen/den sye als eyn
rauber erkanten/für iren Fürsten vnd Keyser haben solten / Deshalbenn
vnnnd ehe der hochzeitlich tag kām/da ward er begreiffenn / vnnnd ihm sein
haupt abgeschlagen/Die ihenen so inn seiner gesellschaft gewesen/seindt als
le(wie sy dann verdient heten) gestrafft worden. Aber Commodus sagt der
Göttin inn auffrichtung der göttlichenn ämpter / lob vnnnd danck/vollendet
damit das fest mit freuden/darzü so eret alles volck den tag mit grossenn
freuden/von des Keyzers genesen vnnnd heyls wegs. Was aber die ursach
sey/warumb die Römer diser göttin so groß ehr beweysen/das sol niemands
frembd achten/das ich solichs/vnnnd so vyl ich inn der Hystori funden / wy
der inn gedechtnus bring/vorab so dise sache den meren teyl der Griechen vn
bekannt ist / Darumb so ist die bildnus / als man sagt / vonn hymel herab
kommen / vnnnd mag niemands wissen / vonn was materien / odder durch
wellichen werckman das gemacht sey. Es wirt auch nicht glaubt/das so
liches vonn menschlichenn hendenn gewerckt sein möge . Deshalbenn sagt
man das dyselbildung inn einen acker inn dem lannde Phrygia gefallen /
das man acht vonn vnnngeschiedt vnnnd on geuerde gesehen seyn / wann
an dem selbigenn orth / ist es zü dem ersten malen gesehen wordenn / Wie
wol ich bey anndern besynde / das an dem selbenn ende der streytt zwo
schenn Ilo vnnnd Tantalos ergangenn seye / der ayntweders vonn wege
der strassenn / odder vmb der beraubunge willen Ganymedis versprung
genommen habenn soll. Als nun damaln lanng zeyt mit gleycher mann
heyt vnnnd kressstenn gestritenn / vnnnd zü beyden seyten vyl volcks erschla
genn ward / Dann die gemayn sage zayget an / das Ganymedes / vonn
seynes brüders hendenn selbs / vnnnd seynes liebhabers / inn dem das ey
ner hyerauß der annder dorthinauß zerte / des lebens beraubt/ward auch
darmit zü ergerlicheyt seiner trüßsal / als das dem Jupiter fürkame / mit
göttlichenn ehren versehen. Inn dysem Pesinunte / von dem wir gesagt
habenn vor zeytenn die auß Phrygia bey dem wasser Gallus genant / die
opffer vnnnd hayligkeit der götter Orgia geheissen / verehret / Deshalbenn
auch der göttin priester Enuchen genant wordenn. Da aber der Rö

Pešimskyi Goin

Das Erst Buch

mer sach auffwachsen vnd inen zu antwort geben ward/ das der gewalt vñ
 jr reich besteen/ vnd auch auff das höchst gemeret/ wo sye icht die Pefinungz-
 sche Göttin/ zu inen pringen/ es wurden auch solliche göttin zu begern/ ire le-
 gaten vnd bortschafften in Phrygiam gesendet / das inen leychtlich zu gelas-
 sen/ dann sy sagten/ sich ire gesypten freünd/ von dem Enea ausser Phrygia er-
 porn vñnd herkommen sein. Als nu die Göttin zu schiff/ vñz an den flus der
 Tyber gefüret/ vñd das schiff gestanden/ auch den Römern / wyewol sye fast
 vñd mit grossen kressen daran zugen/ abstatt zepringen mit müglichen was/
 solang vñz ein priester odder Closterfraw der Göttin Vestalis dahin kam.
 Die selbige/ als sy mit falsch beschuldigt ward/ das sy jr junckfrawschafft/ die
 sy ewigklich behalten/ verscherzt haben solt/ Deshalben sye dye verdammung
 forchten/ das volck vnderthänigklichen batt/ da sye der Pefinungzischen Göt-
 tin/ das vñteil vñnd gericht/ vber sy zethün/ zu stellen solten. Nach dem sye
 das erlangt/ hat sye iren gürtel genommen/ den selbigen/ an das gedacht schif-
 geknüpft/ vñnd offentlichen gepetten/ sey es sach das die Göttin sye wisse eyñ
 vnbesleckte vñd warliche junckfraw sein/ das sye geruchen wölle / das schiffe
 heissen für zegeen. So bald sye den gürtel an das schiff gepunden/ vñd das ge-
 redt/ vñd ein wenig an dem schiff gezogen/ hat ir das schiff gleich gefolget.
 Also haben sich die Römer der göttin/ offenkarn götlichen willen/ vñnd auch
 der junckfrawen vñschuld verwundert/ doch so sey hiemit vñzher gnüg von
 der Göttin Pefinuntia gesagt / wie wol es vñlleicht zu vil vberflüssig/ dann
 sich gezimmet beschehenn / so ist doch solliches den ihenen / dye der Rhömi-
 schen sachen nicht ein sondere bekandtnus habenn / nicht ein vñnsüßes wissen
 pringen. Diweil Commodus der Keyser/ die betrüglichen auffsetz Ma-
 terni auch vermyrten/ hatt er sich mit grösserer hütt bewardt vñnd vñmbge-
 ben. Er gieng selten auß/ vñnder die gemaine/ vñnd verzeret der meren teyl
 zeit/ inn den lustheüßern/ schlossen vñnd auff dem land/ mit dem entzog er sich
 auch/ von aller rechts vñbung/ vñnd tagsazung/ auch alles andern Keyserlich
 en gescheffts. Der zeit begab sich/ das ein grosse vñnsägliche pestilenz/ das
 ganz Italien durch gieng/ vñnd erzeiget sich allermest inn der stat Rom/ die
 weil die für sich selbs/ mit vil volcks besetzt / vñnd dahin auch die frembden/
 auß allem vñmbkreiß der erden zu zugen vñnd enthalten wurden. Darumb
 so begegnet ihnen ein grosser sterben vñnnleütten vñnd vñch / auß der vñrsach
 wiche Commodus der Keyser/ auß ratt der erfarnen Arzt/ gen Laurentum /
 darumb das die selb gegne vñd gelegenheit kelter / vñnd mit den Lörperpen-
 men vñmbgeben gewesen/ daher auch dem land diser nam auffgesetzt/ vñd ist
 von den artzen gesagt/ das die selben vor vergyffung des lufftes fast behülff
 lich sein solten/ von wegen des geschmacks/ vñd auch der lustparkeit halb des
 schattens. Darumb so haben sich iren vil außradt der ärtz/ inn die selbige
 statt gefügt/ vñnd mit den aller süßesten salben ire naßlöcher/ vñnd auch ihre
 oren bestrichen/ vñnd desselbigenn geroches vñnd geschmacks emsigklich ge-
 prauchet/ das die geng der synnlichkeit (als etlich sagen) mit verstopffung dis
 geschmacks vñnd gerochs/ die vergiffen schädlichenn lufft / nicht zulassenn/
 vñd ob

Laurentum
 von Loran

vnnnd ob sye die gleich wol zügelassen/so haben sye doch die selben/als mit der sterckern krafft vberwunden. Doch so hatt nicht wenigens die sucht zü genommen/so gar/das das vych mit den menschen gestorben/vnnnd ist die statt Rom auch der zeit mit hunger vnnnd theurung bekümmert worden/auf der versach/das einer auß Phrygia mit namen Cleander/der von den menschem vnd gewerbsleuten herkame/die durch austrüffunge eines weybels vnd stat knecht offentlich verkaufft werden. Diser Cleander als er vmb dienens willen inn den Keyserlichen Sal vberantwortt worden/vnnnd mit Commodus dem Keyser auffgewachssenn/ist er zü sollichenn ehren vnnnd gewalt kommen/das er des Keyseris leybs hüt vnnnd verseyhung seiner kamern/dar zü die Haupttmanschafft vber die Ritter vnd kriegsleut allein erlangt. Auß dem hatt ihn auch sein mätwill vnnnd reychthumb zü der hoffnung des reichs geraitz/deshalb hatt er mitt züsamen samlung einer grossen summa gelts/gar vil frucht erkaufft/die selbigenn hielte er aber verschlossenn/hoffende/das er darmit des Römischen gemeinen volcks/auch den gunst vnnnd willenn des heeres vnnnd kriegsuoelcks an sich ziehen möchte/wo sye icht darnor inn grossen mangel stan/vnnnd er sie darinn schnell vnnnd vberflüssiglich versehen wurde. Er bawete auch grosse spilheuser/vnnnd macht die bader so gemain/das man yetz auch darinn essen mocht/Doch so waren ihm die Römer jetzo vorlangem abhold gewesen/vnnnd legten die ganz versach diser Pestilenz allein yhm zü/Sye verhaften ihn als einen menschen der der reychthumb ganz vnersettlich was. Zü dem ersten warde sollichs mitt züsamen fügung ihr ertlicher auff den spilheuserenn gehandelt/darnach als sich Commodus der Keyser ihnn lustheusern vnnnd außserhalb der statte enthielt/da fügeten sye sich schnell züsammen/vnnnd lieffenn dem Keyser mit grossen geschrey zü/vnnnd begertenn das man den genandten Cleander drum tödten solt. Da nun der vorhoffe mit aller vngestüme erfüllet/vnnnd Commodus der Keyser ihm obern theyl vonn den leutten/sich der vppigkeyt vnnnd wollust geprauhet/vnnnd der hendel gannz vnwissende was (dann dis hatt der gedacht Cleander dermaß versehen) da wüschten die raysigenn des Kayseris/wydder ihr aller züuersicht herfür/die dann auß geheiß Cleanders ihres Haupttmans/einen jedenn/der ihnen begegnet darnyder steyessen vñ verwuntten/Das volck mocht auch irer vngestüme nicht wyderstan/dieweyl sye aller geweer halb vnnersehen/vnnnd gegen den reysigen züfäß waren/Darumb als sye die flucht namenn/da wurden sye wider inn die statt getryben/vnd daselbs ihren vyl vmbpracht vnnnd ertödtet/nicht allein vonn den waffen der Rittern/sonnder auch die ihenen/die sich sollichs zü verhütten/weyth hindan gethan/die habenn sye mitt züsamen gefügten scharen/mit den pferden vberrändt vnnnd vberstürzt/vnd seyndt ihnen dermaß ohn alles verhindern vnnng zü der statt portenn nachgeeylet/vnnnd haben ein grossen theyl vonn dem volck erschlagenn. Die aber inn der statt plyben waren/da sye die noth vnnnd kümmerus der yhren vermerckten/do beschlussen sye ihre heuser/sye machten sich oben auff die decher vnnnd schedigten die raysigen von oben herab mit stainen vnnnd zieglen. Also

b ij hatt sich

Cleander

Das Erst buch

hat sich das glück schnell verändert/das ihr keiner mere verhanden was/der da mer gethorst streitten noch die heüßer stürmmen/die weil die Burger von oben herab sicherlich widersteen mochten/des sy ein grof theil von den raysigen verwundet. Als sye nun solliches nicht mer erleiden mochten/habenn sy den ruckenkert vnnnd auch die flucht geben. Es seindt ihren auch vil von stättem vnd emssigem schieffen der pfeylen gefelt/ihren vil von den rossen geworffen/vnd zu der erden gesturzt/inn dem die pferd vnder den zügeworffnen stein/mit vnstätten füßdruten strauchen vnd fallen müsten. Zu dem hat auch das füß vnd kriegsvolck/das inn der Stat die hütten innhielt/widder die verdachten raissigen/wie sye dann kurglich gemöcht/den Burgern hilff bewysen. Als nun diß ein Burgerlicher krieg/vnnnd doch niemands was/der solliches von forcht wegen des gewalts Cleanders/dem Keyser Commodo anzeigen gethorst/so lanng vnz die elter sein Schwester/mit namen Fadilla/zü dem Keyser lieff(dann sy mocht den zügang vor ein andern haben)die selbig kam mit zerstrewetem har/sye viel im zü füß/vnnnd was ganz entschickt/mit einer weinparlichen gestalt/vnnnd sprache/ O du Fürst/das du yezund so müßig vnnnd aller sachen vnwissend bist/darumb so stehestu jezo inn dem aller größten schaden/darzu so werden auch wir/als deins plüts/gar erschlagē. Es ist schon geschehen vmb das Römisch volcke/es ist auch geschehenn vmb den größern theil deines heers vnnnd zugs/die ding die wir nit mainten von dem frembden Barbarischen volck zü leiden/das fügen vns die heimischē zü/vnnnd die ihenen/den du die größten güt hatten bewysen/die hast du bey den fordersten feinden. Der Cleander hatt das volck vnnnd heer wider dich gewapnet/vnnnder wöllichen er ein theil widerwertig/vnnnd den anndern fast ließ ist/Doch so seindt sy beyderseitz gewapnet/vnd bey jren weren/sy volpringen vil schlachten/vnder jnen/vnd erfüllen die statt Kom mit dem burgerlichen plüt/der vnfal vnd trüßeligkeit/wirt vber vns auch kommen. Es sey dann sach/das du den aller schantlichsten vnd lasterlichsten diener/so erst vnd bald das gesein mag/zü dem tod pringest/der dann ihnen ein vrsach/eines so grossen vnd schweren vnvals gewesen ist/der wirt vns desgleichen künfftiglich bald ein merer sein. Als sye diß geredt/hat sye damit jr kleider zerrissen. Auch so haben jren vil/die dann zü gegen warn/von der frawen red/ein herz vnd durstigkeit empfangen/vnd Commodum den Keyser forchtsam gemacht. Der selbig hat nu also mit schrecken (in dem er yezo nicht allein den zügericht/sonder auch den gegenwertigen schaden besorget)schnelliglich gepoteten/Cleandrum für sich zü erfordern/der dan noch nichts dauon wist/aber doch wol etwas argwonet dem Keyser verkündet sein. So bald er nu für den Keyser kam/da hieß er jne sehen/vnnnd ihm sein haupt abschlagen/dasselb haupt an ein langen spieß stecken/vnnnd vmbtragenn/mit dem er dann/dem volck ein angensem vnnnd erwünschtes anschawen macht. Dergestalt ist diß vbel hingenommen/vnnnd auch baiden theil gezencet vnd krieg abgestellt/wan als die ritter vnd raissigen sehen/den erschlagen sein/für den sye stritten vnnnd fachten/vnd zü dem auch des Keyfers zorn forchtent/vnd vernemen das der Keyser durch den selbigen Cleandrum betrogen/vnnnd deshalb nichts wider seinen

Fadilla

seinen willen beschehen were/Dargegen aber das volck vermeint/das es ganz nach ihrem willen ergangen were/dieweyl sye ihren wyderwertigen also gestrafft sahen. Zu dem so wurden auch die kind des genandten Cleanders (wann er hett zway kind mannlichs geschlechts) vnnnd alle die ihm sunst mit freundschaft verwandt/alle samen gar erschlagen/vnd jr todte cörpel vnnnd leychnam/auff das aller schantlichst durch die statt geschleiffet vnnnd mis handelt/Auch zu dem letzten/inn die heymlichen gemach geworffenn. Dis ist das ende gewesen/des auffgesetzten tods Cleanders/dem dann die natur vberflüssig vnnnd inn ihm einzigen/allen menschen anzeygt (das ich also sage) das die weltlichen sachen den menschen/vonn dem aller nydersten standt/vnnz zu dem aller höchsten wesen pringen/vnnnd auch darnach hinwyderumb mit einem jegklichen kleinen vnnnd vnuerhofftten augenblicklichen vnsal/vonn dem erlangten gewalt/abstossen mögenn. Jedoch vnnnd wiewol sich Commodus der Keyser besorgt/auff das nicht das volck ettwas neüws gegenn ihm bewegt/so hat er sich doch auß rath seiner freunden inn die statt gefüget/daselbs er dann mit einem grossen volck/vnnnd mit frolockenden anschreyen empfangen/vnnnd dermas in den Keyserlichen Sal beleitet ward. Dieweyl ihm aber so vil auffsz vnnnd schaden zu gestandenn waren/da fieng er an/niemandts mehr zu vertrauen/sonnder jezgo disen/dann einen andern zu tödtenn/keinem des vn warhafften verklagens misglaubend. Zu dem so hatt er keinn mehr der mit einichen tugendenn begabet was./ihm zu freundschaft angenommen/sonnder ganz vonn allen rechtenn züchten vnnnd tugenden sein gemüch abgewendet. Darumb nach dem ihn die ungezemten leybs glüß vnnnd vppigkeiten ohn vnnnderlaß nach einander mitt der aller schwersten dienstparckeyt/so tag vnnnd nacht nydetruckten/vnnnd er keynen/den dann ainntweders seine frombckeyt/odder sunst einiche mittelmässige zucht erleuchtet/nicht vnnnderließe vonn seyner thürschwelenn abzetreyßenn/als ob ihm der selbig auffseziger were. Aber die hoffschwezer/vnnnd die sunst alle schnöde gewonheyt an yhnen gehept/die habenn bey ihm/als seine bepflichtenn/güthen plaz fundenn/Auch so hatt er sich vber die mase geflyssenn mit regierung der schlitten/auch mit dem vahlen vnnnd selbs vmb pringenn der wilden thiern/vmb des willen er von den schmeychlern das lob der mannheyt vnnnd stercke erlangt/Defhalbenn er die ding mitt ey nem myndern lob volpracht/dann einem mässigen Fürsten gezymp hat. Zu der selbigenn zeyt seyndt etlich wunnderzaychen an dem hymel ersehen/wann die sternenn seyndt durch den gangen tag an dem hymel erschynenn/vnnnd etliche wurden gesehen/als ob die lang vnnnd inn mittle des lufftes auffgehengt weren. Zu dem wurden vonn den thierenn vyl selzamer gepurten herfür pracht/die doch ihrer natur keins wegs vergleychet waren/Dann die gestalt ihrs leybs was wunnderbar/darzu auch die gelyder nicht/wie sye sein solten. Doch so pracht der gegenwertige vnsal den größten schrecken/der auch mit einem schädlichen warsagen all meniglich forchtsam gemacht/Wann wiewol weder regen noch wolcken/sonder allein

wunder zaychen

Das Erst büch

ein kleiner erdbydem kommen/so ist doch der Tempel des frydens/von vnges-
sicht mit dem feür ganz vnnnd gar verprannt / eintweders vonn zufall des
nächtllichen Tonderplich / oder sunst von feür/das mit dem erdbydem bewegt
sein mocht. Wie wol der baw diß Tempels/vnder allen gepewen der Stat
Rom/der aller gröst/vnnnd auch der schönste gewesen. Darzû ist der tempel
vnder allen andern der reichst/auch mit vil gold vnd sylber derzierlichste ge-
wesen. Dann es hatt all meniglich/sihre reichthumb/dahin als inn ein schatz-
kammer behalten/darumb als das feür bey nacht ein ausspruch genommen/hat
es ihren vil/auf den reichsten/arm vnd dürfftig gemacht/ Deshalben haben
sye alle disen prannt für ein gemainen vnfall/vnnnd ein yeder für sich selbs be-
weinet vnd beklagt. Als aber der Tempel vnd alle sein reichthumb von dem
feür ganz vnd gar verprannt/da seindt auch darzû vil der Stat aller hüpfch-
te gebew verprennet worden. Vnnder denen was auch der Göttin Vestis
Tempel/der verpran so gar/das auch das Palladium gesehen wurde / das
doch die Römer inn geheim vnd inn den höchsten eeren halten/ das auch von
Troia (als man sagt) dahin pracht. Vnd als das inn Italien kommen / ist es
zum ersten von den menschen gesehen worden. Das selbig haben nu die De-
skalischen junckfrawen/auf disem prunst entzugt / vnnnd durch den Heyligen
wege/inn den Keyserlichen Sale getragen. Zû dem seind auch sunst vil/
vnnnd die schönsten theil der Stat verprannt/ vnnnd ist diser prand / vil tage
daraffter geschweiffet/vnd nicht ehe vertriben/vnz das solllicher mit vnuer-
sehenen zukommenden regen/aufgelescht worden. Die menschen so der zeit
lebten/haben die ganz sach/den Götten zûgemessen / von dern willen vnnnd
wolgefallen wegen/vermainten sye disen prand angefangen/vnd auffgehört
haben. Sye legten auch auff/vnnnd vberschlügen/die weil der Tempel des
frydens verprannt/so were es ein anzeige vnd bedeutung/der krieg vnd des
vnfrydens/die auch also demnach komen seind / Darumb das darnach durch
die künfftigen dermaß probiert vnd bestertiget ist. Inn dem aber die Stat
Rom/mit so vil kummer vnd trübseligkeit beladen/da was das gmain volck
nicht mer wie vor/so gütwillig gegen dem Keyser Commodo / sondern ver-
meinten/das aller diser vnfall / vonn seinen vnngerechten hendlen/vnnnd der
vbrigen laster halb seines lebens/ursach vnnnd Bewegung heften. Dannes
mocht dem volck nicht verporgen sein/die laster des Keyfers/ Darzû wolt er
auch selbs/die vnuerborgen halten / sondern die er nicht on grosse schande da-
heim vnnnd zû hauf volpracht/die hat er sich auch nicht geschempt / öffentlich
vor aller meniglich zû erzeigen / Vnd kame so zû gar grosser vnfinnigkeit vnd
mätwillenn /das er seinen vätterlichen namen verachtet /vnnnd sich selbs für
Commodum den Sun des Keyfers Marci/Herculem einen sun Jupitters/
nennen hieß/ Auch mit hinlegung der Römischen Keyser gezierden/legte er
dafür ein Löwen hautt ann sich/vnnnd trüg inn seyner hande cynen kolben /
Er bekleydet sich auch mit seyden vnnnd purper von gold gewebt/vnd vnder
zogen/das doch aller meniglich ein gespött/dann er was mit dysen gezierden
anzaigen der herin tugent/vnnnd der frawen vppigkeit / Linen solllichen hat
er sich teglichs sehen lassen.

Wie sich

Wie sich Commodus so vnloblich

hielte inn allen sachen / die keinem Keyser ge-
sympten / darumb er auch vnn
den seinen vmbpracht
ward.



Her verwandlete vnnnd enderte auch den Monaten ihre namen /
vnnnd sagte ihnen für die alten neuwe namen auff / die seynen na-
men gleich geheysen wurden / vnnnder denen sich auch vil dem
Hercules / als dem stercksten verglichen / Er hieß ihm auch al-
lenthalben inn der Statt seülen setzen vnd auffrichten / vnnnder den selbigen
stünd eine vor dem Radthoff / deren bildtnus eynen handtbogen zu schief-
sen gericht / zu handen gehept. Also hatt er gewölt / das die bildtnussen
ein tröwen vnd forchtsame erzaygten. Die selbige hatt aber der Rat dem
nach / vnnnd seinem absterben hinweg gethan / vnnnd an statt der selben seü-
lenn / die bildtnus der freyheitt dahin gesetzt. Als ihm aber der Keyser
Commodus selbs jezund nicht mehr entziehenn mocht / da versprache er /
das er offne gemeine spyl zu richten / vnnnd mit seiner eyggen handt alle wil-
de thier vberwynden vnnnd vmbpringen / Darzu mit den sterckesten junne-
gen mannen / inn eynem sondern streyt kempffen wolte. Da nun dise ding
mit dem geschreye offenbar wurden / da kamen auß dem ganzen Italien /
vnnnd sunst den nechst gelegenenn völkern / all meniglich zu sölllichem spyl /
das sye daruor nye gesehen noch sunst se daruon sagen gehört hetten / Dañ
man sagte vnnnd dem Keyser / das er seiner hannd so gewyß was / das alles
das er ihm fürsagt / mit dem pfeyl odder geschos troffen ward. Es wa-
ren auch stettrigs bey ihm die außserwelten schüzenn auß Parthien / auch die
außerlesnen Numidischen schüzgen / die er doch alle mit der kunst weyth vber-
ertraff. Nach dem nun der tag des spyls kam / vnnnd das Spylhauß voll
volcks / auch ihm Commodo dem Keyser ein prugk gebauwen was / auff
deren er zu ring vmb lauffen mocht / darmit er von den wilden thieren inn
der nehe streyttende kein schaden empfieng / sonnder von oben herab / als ey-
nem sichern orth die pfeyl schiessenn / inn dem er dann mehr die kunst des
schiessens / dann die stercke erzaiget. Mit der gestalt hat er vyl hirschen /
Dammen / vnnnd sunst andre gehörnte thier / ohn die stiere / also lauffende /
vnnnd nachuolgende angangen / vnnnd mit fürkommung ihrer flucht / sy mit
dem aller gewisesten schiessen gefellet / Er hatt auch von oben herab / also lau-
fende vil löwen vnnnd Panther / auch vyl andere edle thiere des geschlechts
durchschossen / vnnnd dermaß troffenn / das man kayn anderen pfeyle noch
stral / auch kein andre wund nicht sach / dann allein ein einzige tödtliche wund
Dañ so bald sich das wilde thier erhept / da hat er das selbig / aintweder vor-
nen zu in die styen / oder aber in das hertz verwundet / vnnnd sunst kein andern
teil des leibs für sich genommen / noch mit dem pfeyl berürt / mit so treffenlichen
starckenn schiessen / das die thyer gleich mit der wunde vmbpracht wurden /

Das Erst Buch

Je zu lest seindt die wilden thier alle zusamen vber ein hauffen gezogen / inn dem hab ich Herodianus der zeit zum ersten gesehen / des ich mich darvor inn dem gemelt großlich verwundert / Auch so hat der keiser so selzam vnd wunderparliche thier auffser Indien / vnd auß Moerenland / item auch von mittag / vnd von den enden her gegen mittnacht gelegen / vnnnd nemlich alles das der fordern welt vn bekant gewesen / ist von im erzeugt / vnd auch vmbpracht / also das sich niemants darab nit verwunderte / das er mit der hand so gewis sein das in gar kein pfeyl versälen noch ir gehen möcht. Er hatt auch mit einem stral / dem monen gleich gesomit / die Moischē strausen (die doch mit Behendigkeit schnelle der flügel / des flugs / vnd irs gesiders / gleich einem segel / zu aller schnelligkeit geprauchten) auch dermaß vmbpracht / vnnnd das oberst theyl irs hals troffenn / ihre heupter abgeschossenn / inn sollicher gestalte / das sye mit abgekürzten halsenn (das vonn kressstenn des strales geschache.) noch etwa lanng gleich den lebennenden inn ihrem lauffe verharten.

Item er hatt auch ein Panther thiere / das dann einen menschenn (der auff den plaz geführt ward) mit seinem grünen lauff ergriffe / also das es ine gleich yezo zerreißen wolt / mit so einer geschickten wunden verseret / das er damit das thier ertödtet / vnd den menschen beym leben behielt / sonder inn dem dye scherpfse seiner zene / mit dem geschos des strals fürkommen. Item er hatt hundert Lewen / die auß irer grüben vnnnd hülle ersür gelassen wurden / mit so vil pfeylen / gar vmbpracht vnd erschossen / die lagen mit iren cöppeln dermaß das sye alle sunderlich vnd leychtlich möchten gezalt vnnnd besehen werdenn / das kein schuß vergebens gangen were. Darumb die obgemelten stuck / die also volpracht / wiewol die von einem Fürsten vnd keyser zusehen frembde vnd selzam / so waren doch die als ein anzeig der kunst vnd stercke bey dem gemainen volck etwas gunsts vnd lobs erlangen. Nach dem er aber yezund also nackend vnnnd plos / inn das Spylhaus gangen / vnnnd mit gehebten waffen / die zal der fechtmeister / vnnnd kempffer erfüllet / vnd sich zu den selbigen gesellet. Als dann hatt er dem Römischen volck / ein trawrigen spectackel vnnnd anschawen gemacht / das sye müsten sehenn / den aller edlesten Keyser / nach so vil vnnnd mangeln Triumphen vnnnd sygen / seines vatters vnd forderen / die Ritterliche waffen / nicht allein wydder die vnnernünftigen thiere / das sich doch dem Römischen gewalt / keines wegs gezympte / sonder das er erst auch darzu die aller obziste wyrdigkeit / mit so einem schantlichen vnflätigen kleide / besleckte. Er hatt auch leichtiglich seines gleichen also fechtend vberwunden / doch so hatt er niemants weytter verwundet / des ime dan ein yeder die hand gepotten / vnnnd ine inn dem mer einen fechtmeister / dann ein Keyser erkant / damit kam er inn solliche vn Sinnigkeit / das er den Fürstlich vñ Keyserlichen Sal verlassen hatt / vnnnd inn das Spyl der fecht schülen gezo gen ist. Auch wolt er nicht mer gestatten / das man ine Herculem nennen solt sondern erwelet yhm / ann der selbigenn statt / des aller Edelsten fechtmeisters namen / der dann yezo mit tode abgangan was. Auch hatt er dem Abgott Colosseo / der der Sonnen byldnus hat / vnnnd bey den Römern in grossen

inn grossen ehren gehalten was / das haupt abgenommen / vnnnd das sein an die statt gesetzt / auch an dem füss der selbigenn seulen / nicht die ihenen die dann gewont waren / mit den Keyserlichen vnnnd väterlichenn titeln zu vberwynden / sonnder für die Keyser / die dann die Teutschen vberwunden hetten / wol tausent der fechtmaister vberwynder zeseyn.

Jedoch so was zu letzt noth / das er ettwan vonn seiner vnsinnigkeyt abstünd / vnnnd die statt vonn seiner Tyranny erlöst wurde / Vnnnd das auch inn dem eyn gang des neüwen Jars / wellichenn tage dann die Römer für ein hoch feste haltenn / vnnnd das zu ehren Jano / dem aller eltesten Gott inn Italien / den man auch sagt / ein gasthalter vnnnd ein Wirt gewesen sein / des Abgotts Saturnus / als der selb von Jupiter seinem sun aufgeschlagen vnnnd vertribenn wurde / vnnnd vmb des willen / das er daselbs verborgen gelegenn / ist dem ende der nam Latium auffgesetzt. Auf der versach / so haben die Römer dise fest zu dem ersten Saturnalia genant. Darnach aber inn anfang des Jars / die selben nach ihrer gewonheit begangenn / Es ist auch des selbigenn Gotts bildnus zwysach / als vonn dem sich das Jar endet vnnnd anfahet. Als nun die statt disen tag vnnnd fest begieng / an dem dann ihe eins das ander begrüßet / vnnnd vyl glück vnnnd güttes wünschet / darzu yhe eyner dem andern gelt / auch sunst allerlay gabenn schicket vnnnd züsendet / zu dem auch der öbri ste gewalt / herschung / vnnnd maisterschafft / sich mit scheynparem schönem purper gewandt vnnnd seydenen bekleidung anlegte / vnnnd dermaß all möglich disenn tage begiengen / Da sagt ihm der Keyser Commodus für doch nicht auß den Keyserlichenn Sälen (als dann sydt was) sonnder vonn den sächtschülen herfür zegan / vnnnd für sein zierliche bekleydung / vnnnd für sein Keyserliche seyden gieng er inn seinem küris vnnnd harnisch gewapnet für das angesichte des Römischenn volcks / vnnnd füret ein grossenn hauffen wechschüler mitt ihm. Als er nun sein meynung vnd fürnemenn einer von seinen kebs frawen / Martia genant / fürgehalten / deren er sunst vyl gewalts verlyhen / vnnnd sye gar nahe für seyn ehegemabel gehalten / also das er ihr alle ehre / die man der Keyserin selbs bewise / außgenommen mit vortragung des feüwres bescheynen lassen. Auff das hatt die selbige fraw (da sye so ein schantlichs vnnnd vngehörts fürnemen verstanden) mit vil weynenden augen vnderthemiglich auff ihre knie fallende / ihn gepeten / das er den Römischen gewalt nicht so gar verwüsten lassen / odder das er sein lebenn den verachteten vnnnd nachgültigen menschen nicht so schedlich vertrauwen wölt. Da sye aber nichts an ihm erlangt / hat sye also weinend von im abscheyd genommen. Demnach hat der Keyser den hauptman des zugs vnd heeres / mit namen Letum / vnd seinen kernerling Electum / für sich berufft / vnnnd ihnen gepotenn / das sye ihm inn dem hylhauß der wechschülen / ein platz zu rüsten / daran er die nacht seynen schlaf haben / vnd morgens frü / dadannen auß zu dem opfer gan / auch sich also gewapnet in seinem küris vnnnd harnisch / dem Römischen volck erzai gen insicht / Die selbigen vnderstünden ihm mit vyl flöhen vnnnd bitten zu ratten / das er sich nichts / das aynem Keyser vnzymlich were / vnderwyndenn wölte.

Von

Das newe Jar

Latium
Saturnalia

Marcia

Das Erst buch

Von disem ward Commodus der Keyser größlich zü zoren bewegt / das er sy im hiesse außser augen geen / vnd kert er damit eylendts widder inn sein gemacht / das er seiner gewonheit nach zumbs äße / Nam damit inn sein hande ein büchlein / von dem aller reinesten Pergamen / das auch zü beiden seitten zü geprauchten was / darein schrib er aller deren namen / die er ihm fürgenomen het / in der künfftigen nacht zü ertöden. Vnder disen was die vorgenant Martia die erst / gleich nach der selbigen / Letus vñ Electus / nach denen was ihren ein grosse zal / die aller merst gewalts inn dem radt erlangt hetten. Mit denen vnderstünd er auch alle alten vnd vätterliche freünde vmbzeprungen / damit seine laster / von irer straff wegen / nit vndertrungen wurden. In dem erkant vnd ordnet er auch / ir aller gütt vnd hab / zum theil den raißigen / vnd zum theil den sechschülern züuerteilen / auff das er von dem einen theyl beschirmt / vnd die andern dadurch lustig gemacht wurden. Das selbig beschriben büchlein hat er auff seinem bett ligen lassen / vnd nicht gedacht das yemants zü im hinein gehen möcht. Es was aber ein kleins kindlin / das noch nicht reden kundt / vnd in der jugent / die aller kleider halb nackent gond / aber doch mit gold vñ edlem gestein geziert / also das es einem yeden menschen / zü sehen lustig. Es was auch dem Keyser Commodoso gar liebe / das es zum offtern mal an seinem bett lag rüwen / vnd ward Philo Commodus genant wellicher nam dann des Keyfers lieb zum kind ein anzeig gab. Vnd ist dis kind villeicht vmb schimpffs willen / die weil vnd Commodus der Keyser / nach dem bad in dem prasse vnd füllerey saß / nach seiner gewonheit in Keyserliche sal gangen / vñ von vngeschicht erwischet es das büchlein in sein hand / mit dem es also scherztet / vñ widder außhin gieng / inn dem es on geferd der obgenanten Martia begegnet. Die selbig als sy das kinde auch lieb gehebt / hatt sye das zum ersten vmbfangen vnd gekusset / vnd demnach das büchlein auß sein henden genommen / damit das kinde nicht also vnwissend / durch sein kindheit villeicht an treflichen hendlen etwas verwüßet. Inn dem sye aber darnach die handtgeschrifft des Keyfers erkant / vnd solliches zü lesen begyrd empfangen / auch die mörlichen anschleg / vernommen vnd verstanden / vnd nemlich das sye zum ersten dran müste / nach ir Letus vnd Electus / vnd demnach der vberigen / so grossen mord / vnd todtschleg / da hat sy inn ir selbs erseüßfzende die mainung gedacht / Hey Commode / seindt dis die Belonung meiner dienst vnd liebe / hab ich nichts anders vmb dich verdient / dieweil ich doch so vil jar / deine laster vnd trunckenheit erlitten. Es soll aber solliches / dir als einem trücken vollen mann / gegen einer mässigen strawen / nimmer also gedeyhen. Nach dem sye dis mit ir selbs geredt / hat sy den obgenanten Electum zü ir berüßft / den sy dann als einen kämerling des Keyfers / gewont was zü mermaln zü beschicken / Sye was auch in dem geschrey / das sye das wercke der vnkeüßheyt mit ihm vollprächt / dem gabe sye das Büchlein / inn seyn hannde / vñ sprach / Sibe zü meyn Electe / was schönen fest wir in dyser nacht Begehen werdenn / Wye er das gelesen / hatt er grossenn schreckenn empfangen (Dyser Electus was auß Egypten gepozenn / eyn durstig manlich mann / darzū geschyckt / der auch gar leychtlich erzürnet werdenn mochte)

Philo Commodus

Der schickt

der schickt dise büchlin bey einem diener / dem er vertrauet / vonn stund an / dem Hauptman Leto zu / dasselbige zu lesenn / Daruon ward der selb Letus auch erschreckt / fügte sich darauß zu der vorgeantenn Martia / vnnnd thete der gleichenn / als ob er ettwas raths bey ihro pflegenn wolt / was er nach dem geheiß vnnnd willen des Keyfers / inn dem das spyl der rechtshül zu dem geschicktestenn möchte zu rüsten. In dem sie sich dises scheins geprauhet / habenn sie sich entschlossenn / das sie aintweders mit der eile ettwas trefflichs volpringenn / odder aber sunst not vnnnd den tod leiden müßenn / das auch die sach keynenn verzug haben / noch auff den morgnigen tag auff gezogen werden mücht. Inn dem gesyele ihnen die sach mit dem gyffte zu volpringenn / das dann Martia am bastenn volendenn mocht / Darumb sye sich des auch vnderwand / dann sye was sunst gewont / ihm das drinckgeschryt zu bietenn / vnnnd den tranck zu müschenn / auff das er sollichs vonn seiner freundin empfabende / dest süßiglicher vnnnd lustiger drincken möchte. Darumb als er auß den Bädern gieng / da vermüschet sye ihm den aller bast geschmachstenn weyn mitt dem gyfft / vnnnd bote ihm das inn einem becher zu drincken. Der Keyser hett nun daruor mit dem gejard / vnnnd auch vonn hyz des bads vil dursts gesamlet / darumb hat er sollichenn tranck / als ob im der vonn gewonheit her / eingeschenckt were / also verwegentlichen außgetruncken / dauon im von stundan / sein haupt beschwert wurde / vnd fieng ihne gleich an zu schläffern / da er nun vermeint / das im solicher schlaff vonn müde vnnnd arbeit wegenn züfünnd / da leget er sich an sein rüwe. Aber Electus der kämerring / vnnnd auch Martia / die haben von stund an gepotenn / das sych menigklich abwege thün vnnnd ein yeder zu seiner haupswonung kerenn sollt / auff das sye den vnwürdigen Commodum nicht vonn seinem schlaff erweckenn / das ist er auch hienor gewont gewesen vonn vberflüssiger trunckennheyt wegenn dermaß zu geprauchenn / Dann wann er gebadet / odder sich sunst der füllerey ergibenn / so hatt er keyn geordnete zeyt des schlaffs gehept. Zu dem so zwingenn die vppigenn wollust den menschen / ihe vonn einem luste zu dem andern / die doch vnder yhnen eynander wyderwertig vnnnd nicht gesunt seynde / das er ihnen zu zeyt / doch wydder seinenn wyllenn dyenen müß. Darumb alle er ein wenig gerühwet / vnd sich die krafft des gyfftes inn dem magen vnnnd leyß erzayget / vnnnd mit bewegung eins schwindels gewircket / da hatt gleych ein herprechenn vnnnd außwerffenn her nach gewolget / ob das vonn wegenn der speyß / die er daruor vberflüssigklich genossenn / vnnnd mit vyle des tranckes / vonn dem starckenn weyn / das der gestancke außtrybe / Odder aber darumb das den fürsten vnnnd Keyfern sydt vnnnd gewonheit was / vor nyessunge der speyß ein arznei geprauchenn / mitt deren sye sich vor dem gyfft verhüten möchten / beschehenn sey / mag nicht eygentlich zu wissenn seyn. Jedoch dieweyle er nu so vil zum mund außwarf / da forchten sy / das er das gyft auch widerumb außsprechen vnd er sich wider erholen / vnd sy als dan alle tödten lassen wurd /

Da

begehrt Sam
flanz

Narcissus
Comedy tod

Das Erst buch

Da beredten sye Narcissum ein durstigen vnd verwegnen Jüngling/mit ver-
heissung grosser gaben/das er sine in dem gemach erwürgen solt/diſ end seins
lebens/hatt der Keyser Commodus gehebt/als er dreyzehen Jar/nach seins
vatters abgang/das Römisch reich regiert gehebt/vnd ist er vnder allen
Keysern/die vor ihm gewesen/für den aller Edelsten/auch zu der zeit/vnder
allen menschen für den aller schönsten vnd hüpschten geachtet. Vnd
so auch etwas von der sterck vnd mannhait geredt werden solt/

so hat er inn dem selbigen/nye keinem (vorab in der

kunst des schieffens) nachgebē noch wey

chen dörffen. Doch so hat er die

ganz vernunft seins le

bens/mit den aller

schnödisten bes

gyrden(wie

dann ge

sagt

ist) besleckt vnnnd

verunrey

net.

Das ander



Das Ander Buch der Herodianischen Historien.

Wie der leychnam Commodj des

Keyfers auß dem Sal vnnd die sach außspracht/
Auch wie Pertinax zu Keyser erwelet
vnnd was gehandelt
ward.



Als nu Commodus inn sollicher ge

stalt/wie oben anzaigt/vmbpracht ist/vnnd die todtschla-
ger solliche sache verdecken/vnnd die hütter des Sales be-
trügen wolten/da haben sye zu gerüft/das der zusamen ge-
bunden leib/nach also inn einem schnöden strang verwüch-
let / zweyen getreuwenn ihren dienern auffgeladen / vnnd beuolhen / den
cörpel hinauf zetragen/inn sollicher maynung/als ob sye sunst ettwas vber-
flüssigs vonn Bethgewand aufhin trügen. Die ihn aber aufhin trügend/
die giengen mitten durch die hütter/die dann zu dem theyle truncken vnnd
noch schlässerig waren/vnnd mit schwachen henden ihre gewebe hyelten /
auch waren sye zum theyl/so eynes kleynen verstandes/das sye vermaynten
ihnen nicht zu zehören/dies zu rechtuertigenn. Dergestalt ist der leych-
nam des Fürsten vnnd Keyfers verporgentlichen erhebt/bey nacht auff ey-
nen wagen gelegt / vnnd gen Ariseum geschickt worden / Vnnd haben die
vorgenanten Letus / Electus/vnnd Martia / lanng mit einander gerads-
schlagt was fürther zethünd were / vnnd zu letst beschlossen /das sye vonn
dem tode des Keyfers dysse rede aufgan lassen wolten/Als ob ihn der schla-
ge berüret hette / vnnd meinten das dysse vonn ihnen leichtlich geglaubet
wurde / dieweyl doch offensar / das er gewont was sich mit stätem essenn
vnnd trincken also zu füllen vnnd sadt zemachen. Doch bedauht sye vor
allen dingen güt sein/das sye ettwan einen alten ertagten vnnd mässigen
man zu dem Römischen Keych erueltern / durch den sye zu seiden plyben
vnnd all menigklich vonn der grymmen vnmaßigen Tyranny widerumb
erquicket vnnd ergetzt werden möcht. Wiewol sye nun lanng radtschlün-
gen / konten sye doch keynen befynnden/der alls tüglich were/als eyner Per-
tinar genandt gewesen / der ist vonn geburt ein Italier/auch inn streyten
vnnd heußlichenn sachen fast fürnem vonn/vyl streyten vnnd schlachten/
die man dann wydder die Teütschen vnnd andre Barbarische völder er-
obert hatt / vast mannlich vnnd scheynbar gewesen / Vnnd was er allein
auf den aller trefflichsten Edelsten männern noch vorhanden vnd vberply-
ben/die dann dem Keyser Commodo von seinem vater zu freund verlassen/
c Dem

Das Ander Buch

Dem selben hat auch Commodus vnder allen gesellen vnd Fürsten /vil gûts vnnnd gewalts zû gestelt/auch ihne dabey vnbestümmert gelassen/eintweders vonn scham wegen/seynere dapfferkeit vnnnd festen gemûts/oder vmb seyner armûts willen/der er nit acht nemen wolt/wiewol doch dasselbig /ihm auch zû lobes gemessen warde/die weil er vnder ihnen allen/allermest geschafftes vnd gewalts hett/vnnnd nicht weniger der aller armst was. Darumb so seind dise zwen/Letus vnd Electus/mit iren wenigen (die auch ihres willens waren) inn synstere der nacht (die weil all menschen schliefen) zû des vorgenanten Pertinax behausung kommen / Vnd als sye die thüren beschloffen funden/da weckten sy den thorhütter auff. So bald der selbig auffgeschloffen/vnd Letum den Hauptman mit sampt den rittern zû gegen sein ersehen / hatt er dauon grof forcht vnnnd schrecken empfangen/auch das von stunde an seinen Herren Pertinax verkündet/ Der selbig gepott im/das er sye on verzuge einlieff/vnnnd redte damit/das ihm bald zû künfftig sein wurd/alles das vbel vnd arg/das er yhm selbs vnz auff disen tage vorgedacht vnnnd besorgt het. So grof was die mannlichkeit seines gemûts/das er sich auch vonn dem beth nicht bewegt/nach auch die gestalt seines angesichts vnnnd munds verwandelt/sonder als Letus vnnnd Electus hinein giengen/wiewol er nicht anders glaubt/dann das sye ihn zû ertöden/zû ihm gesandt weren/mit einem dapffern antlitz/voll aller mannheit/das sich keines wegs erpleichte / sprach er zû ihnen / Ich hab hienordis ende meines lebens / zû allen vnd yegklichen nâchten verhofft/die weil ich allein/auf allen vâterlichen freunden / vnz her vberbliben bin/vnd mich wundert selbs/das Commodus die sâch so lang verzogen hat/ Darumb was stehend ir/das ir nicht volbringen/vnd ewigen forcht erlösen. Zû dem antwort Letus / Laß ab vō disen sachen zû reden/die dir nicht gezimen/von deinem vergangen leben zû sagenn/wyr seindt nicht darumb hie/wir kommen auch nicht deinen tode/sonder dein leben/auch vnser vnnnd des Rômischen Keyserthumbs nutz vnd frommen zû begeren. Wan der Tyrann ligt schon tod/vñ hatt seyn billiche straffe empfangen / das er vber vns angeschlagen/das hat er von vnns gelitten. Deshalb so seindt wir yezo darumb hie/dir das Rômisch reich zû vbergeben / den wir dann auf dem gangen rat/vonn wegen deynes mässigkeit / vnnnd sytlichen lebens / deines gewalts/namens/alter/dapffern gûten gewonheit halben/wissen den aller fûrtrefflichsten/darzû dem volck liebe / vnnnd angenehme zû sein/verhoffende / was wir handeln/das ihnen solliches wolgefellig/vnnnd vns nûtzlich sein werd. Auff dis gab Pertinax die antwort/Stond ab/mich alten man also zûuerpotten/vnnnd mich also meiner forchtsame zû straffen/inn dem ihr euch fleissen / mich zûuor zû betryegen/vnnnd demnach erst zû ertöden. Darwider redt Electus/Seyt maln vnd du vns so vbel glaubest/so nym hin dis Büchlein (wan du kennest gewyßlich die Handtgeschrifft des Keyseris Commodi) vnnnd liß das sicherlich/so würdest du on zweyffel erkennen/was grossen schade/wir entgangen seyen/du magst auch damit besynden/das in vnsern woorten/gar keyn verfluchung

Mat. 195.
Mat. 5393

versüchung / sonder der war glaubt ist. So bald nun Pertinax solliches gethan / hat er jezo für war geachtet / disen mannen (die in dann auch darvor die aller liebsten freund waren) zu glauben sein / Vñ als er gestalt der sachen gar verstanden / hatt er sich inn ihren willen ergeben. Inn dem gefiel ihnen am ersten das heere zu besüchen / vñ der kriegsleut gemüth zu erfaren / die doch Letus ihr Hauptman zu sagt / leichtiglich auff jr meynung zu bringen darumb das er meint / das er / als ein Hauptman / ettwas an ihnen gehabt möcht. Deshalbenn so seyndt sye alle / so vil ihren zu gegen waren / on verzug zum heere gangen / als jezo der merertheil der nacht verruckt / vñ der kalend / das ist der erst tag des Jenner zu stunde / Sye schickten glaubwürdige personen voran hin inn das heere / die allenthalben darinn anzaygen solten / wie Commodus der Keyser mit tode abgangen were / Vñnd das Pertinax nun künfftiglich regieren / vñnd bald selbs zu dem heere kommen wurde. So bald diß geschrey außgieng / da sieng das gemein volck von stund an sich dermaß zu erfreuen / alls ob sye mit guttem wein frölich vñnd trunckenn gemacht weren / Sye lieffen allenthalb inn den gassen vñnd strassen daraffter / vñnd also freudsam verkündet she einer solliches seinen gütten freunden / vñnd den ihnen / die mit würdigkeyt ehren vñnd reychthumb fürtraffen / Dann die selbigen hetten aller merest schaden von Commodus zu erwarten / Darumb so giengen sye inn die Tempel / vñnd zu den altharen / den Götten danck zezagen / Die andern schreyen solliches sunst auß / etlich sagten den Tyrannen / die andern / den vechtmaister erlegen sein. Auch waren etlich / die ihm vil schönder spottwort dann dise zu legten / vñnd alles das die forcht / vñnz auff den tag hinder haltenn / das hatt alls dann der frey will vñnd die freyheit bewegt on alle forcht vñnd straff vñnützlich vñd verwegenlich zu reden. Auch so ist der mehrertheil volcks zu dem heere gelauffen / vñnd habenn gesorgt / das villeycht die Ritter vñnd Kriegsleut / nicht alle / wie sye den genannten Pertinax zu einem Keyser annemenn / dann sye möchten wol genglich hoffenn / das er alls ein mässiger vñnd tugendtreicher Fürst / inn künfftigem den Kriegsleuten nicht wolgefallen wurde / vorab dieweyl sye gewont hetten der Tyranny vñnd allem gewalt zedienen / vñnd sich stets des raubs zegebrauchen / Auß der ursach seyndt sy all on vñnderlaß zu dem heere inn den leger gelauffen / darmit sye das kriegsvolck auch disem Keyser zu dienen gereizen möchten. Als nun die sache so weyth kommen / ist Letus vñd Electus mitt dem oftgenanten Pertinax inn den leger gangen / Vñnd nach berüffunge der Ritter vñd alles kriegsvolcks / hatt Letus jr Hauptman auff dise weyse zu ihnen geredt. Commodus ewer Keyser ist von dem siechtigen des schlags / mit tode abgangen die ursach des tods / ist niemands anders gewesen / dann er allein ihm selbs / Wann wiewol wir in die besten vñnd getreuesten Rät begaben / so hatt er sich doch gehalten / als jr all wol wissen / Darüß so ist er von oberflüssiger speys vñd tranck von ihm selbs vmbpracht worden / darmit ist er auch mit seinem selbs außgesetzten tod abgestorben / wann es haben nichtt alle menn-

Das Ander büch

schen ein gleiche vsach des tods/sonder einem anders dann dem andern auff
gesetzt/doch so raichen sy alle zu eynem ende des lebens. Aber für den selbige
abgangnen Keyser/so pringet das Römisch volck vnnd auch wir selbs / euch
diesen alten stantthafftigen vnd theuren mann/der seins lebens mässig/vnd in
ritterschafft der aller erfarnest ist. Desselbigen streitparen vnnd manlichen
thaten/seind durch euch die eltern/vnder der Ritterschafft vilfeltiglich erfa
ren vnd befunden. So haben ine die andern vnd jüngern/sonil manche jar
her/diser Stat Rom/einen Vogt erkannt/nicht allein mit eeren/sonder auch
wunderparlich den aller wyrdigsten. Darumb so geit das glück euch nicht al
lein ein Fürsten vnd Keiser/sonder auch darzu den aller besten vater/wellich
es Fürstenthumb vnnd Keiserthumb/nicht allein euch/als die ine gegenwer
tig anschawen/sonder auch den ihenen zu künfftigen freunden dienen wirdt/
die dann die anstöß vnnd außfern theil Römischen gewalts/vnnd die selbigen
vnder scheide der bäch vnnd Grenzen flüß beschirmen / vorab die sein löb
lichen thatten inn gedechtnus halten. Wir wollen auch yezo nicht mer die
Barbarischen mit gelt zu freundschaftt erkauffen / sonder inen inn gedecht
nus pungen/was sie vnder disem Fürsten erlitten haben/damit sie auß forcht
allermerst vndertruckt werden. Als Letus dise meinung geredt/vnnd sich
das kriegsvolck noch zweiflende enthaltē/da hat das gmain volck mit lenger
verzogen/sonder ihne einen Keiser erwelet/vnnd einen vatter genant / auch
mit gemeinem vnnd glückhafftigem anschreyen vereeret. Dergleichen ha
ben auch die ritter vnd kriegsleut gethan/wiewol nicht mit gleichen freunden/
sonder als die scharen des volcks vngewapnet allenthalben her / den festlich
en tage begangen/die Ritter vnnd kriegsleut vmbgeben/haben sie die selbige
bewegt/das sie den genanten Pertinax/mit irem geschrey auch zu einem Kei
ser erneuet/vñ haben auch alle ihm/vnd in seinen namen/nach gewonheit ge
schworen. Als nu die Göttlichen ämpter volpracht wurden/da volget das
volck vnd auch das heer/sye alle gekrönt ihm alle nach. Vnd als er bey nacht
(als ich gesagt) von dem heer vnnd dem volck/in den Keyserlichen Sal be
leyttet/da ward er erst mit grossen sorgen durchdrungen vñ entzündt. Dañ
wiewol er geachtet ward/eines standthafftigen festen gemüts sein/so habē
ine doch die gegenwertigen sorgen ernstlich vnnd hefftig betrübt. Nit das er
von wegen seines lebens/so erschrocken oder forchtsam were/so doch er sunst
grössere schäden verachtet / sonder so walzet im/in seinem gemüt vnnd syñ
die schnelle veränderung der Tyranny/darzu die betrachtung / der Aidelich
en gepurt vnnd herkommen/der Edelsten radsherren/die er keins wegs ver
maint zu dulden/das nach einem so Hochgepornen Keyser/das Keyserthumb
so zu einem schlechten mann/vnd des mindern stands gewendet werden solt.
Wann wiewol er wiß/das seyn leben vnnd wesen/mässig / auch durch ihne
groß rhüm vnnd loße inn kriegshenden/erlanget / so wer er doch von wegen
des durchleüchtigsten geschlechts Commodi vnngleich geachtet. Darumb
so bald es ertaget/ist er inn den radthoff gangen/inn dem ließ er im kein feüre
vortragen/nach sunst einicherley Keyserlich zierde handtraichenn/ vñz das
der radt

der Rath solliches mit vrtheyl bekant. Aber syedie Rathsherren alle / so bald sye ihn ersehen / haben sye ihn gemainlich inn einhelliger stymme vnnnd gemüth / auch mit frölichem anschreyenn auffgenommen / ihn damit einen Keyser vnnnd merer des Reichs begrüßt vnnnd angesprochen. Dem vnnnd verstünde er doch zu wydersechten / als einer neydischen sachen / vnnnd sagte das der name vnnnd die regierung des reichs / das alter außschlüße / bat sein deshalben zu schonen / dieweyl doch sunst vyl edler männer weren / von den Rathsherren vnnnd vättern / denen das Keyserthümß vyl baß dann ihm gezimpt. Er begryff darmit Glabrimonem bey der hand / vnnnd zohe in her für / dem gebot er / auff den Keyserlichen stül zûsyzen / wann der selbig was vnder allen Rathsherren der aller edelste / vnnnd rürete sein geschlecht vnnnd stammen von Enea her / der ein sun was Anchises / von Venus geporn / der dann auch jezund zu dem anndern mal Burgermaister was. Diser gabe darauff die antwort / Fürwar ich selbs / den du vnder vns allen für den wyrdigsten schzeßest / weych dir des Keyserthümßs / Darzu so erkennet dir der ganz Rath / vnnnd auch ich mit inen / dir den öbristen gewalt zu haben. Inn dem er nun der zeyt gar nach mit gewalt wyderstrept / vnnnd ihn menigklich auff das höheste gebetenn / da hatt er doch zu lettst kaum also zweyflende den syze auff dem Kayserlichenn stüle angenommen / vnnnd dise rede gethan.

Wie der Keyser Pertinax ein schöne rede gegen dem Rath thete.

Dieweyl dises euwer einhelliges vnnnd williges zu lassenn / auch euwer fürtreffliche lieb vnnnd gunst / der vnder so großem Adel / mir allein zu gemessen wirt / aller argkwenigkeit der schmeichlerey vnnnd liebkosens manglet / ein sondere anzaig gibt / eins gütten willens vnnnd vertrauens / so möchte villeicht solliches einen annderen zu vnderwyndung diser sachen (die mir dann vberantwort vnd zu gestelt) inn dem das er verhofft ein geringe regierung zu erlangenn / auß dem er so ein grossen gütten willen bey euch vermercken / so vyl deßer mehr durstig vnnnd frölicher machen werden. Dargegen aber mich dise grossen erwürdigkeiten / mit ettwas erlichen betrachtung ihm gemüth zerstreüwen / vnnnd mit sorg vnnnd fürcht ängstig machen / Wann es ist im anfang den empfangnen gütthaten mit gleicher vergeltung vnnnd danckbarkeit kummerlich zu begegnen. Dann inn wydergeltung der gütthaten / so einer mehr danckbar ist dann ihm gepürt / so wirt inn dem nicht allein die kleyne der vergeltung angeschauwet / sonder auch inn dem die meinung des danckbarn gemüths gelobt. So dir aber semants zu dem ersten grosse freundschaft beweyset / vnnnd du das selbig nicht genügsam verdienest / so doch nicht allein das manglet / darvon sollichs geschehen / vnnnd vergolten werdenn mag / sonder auch an der vernunft gepresten / so ist einer fürwar wol für den vndanckbarsten menschen zu halten. Darumb so erkenn ich sezo in meynem gemüth /

Das Ander büch

müß/wie hert vnd schwer mir sey/der fürgesetzt streit/vmb willen das ich in
so grosser von euch empfangner eer/nich villeicht nicht gnüg'wyrdig halt vn
erzeig. Wann fürwar nicht inn dem Keyserlichen stäl ist die höchst wyrdig
keit gesetzt/sonder inn gescheyten vnd hendlen/die den selbigen aller wenigst
beflecken/vnnd vnzierlich machen. Dann ye mer wir die vergangen sachen
hassen/so vil hoffend wir deßterbaß von den zukünftigen / Vnd zu gleicher
weiß/als die gedechtnus der schmach vnnd schäden / lang harret(dann was
einest verlegt/wirt kaum vergessen) also werden auch die freundschaften
vnd gütthaten in frem geprauch in gedechtnus behalten. Auch so ist die frey
heit/nicht mer lustiger vnd angenemer/dann souil die dienstparkeit verlegt.
Es scheyt auch keiner das für ein gnad zū haben/so er sich seiner güter nach sei
nem gefallen geprauchten mag/dann er vermeint im sollichs von rechts wege
zū zehören. Der aber seiner güter beraubt vnnd entsetzt/der wirt des nymer
gar vergessen. Es halts auch niemants für einen gewinn/das er dem gemei
nen nutz erlangt/Wann die handel vnnd sachen die dem gemainen nutz güt
die seind einem yeden wenig zū sorgen. Dargegen aber/die eins yeden eignen
gescheyt seind/die mügen ihm minder nach seiner meinung gefallen/darumb
das niemants maint/das man gnüg gütlich vnd freündlich gegen ihm hand
len müge. Zū dem ein jeder so der vngeschicklichkeit der Tyrannen / vnd der
grossen vberflüssigen gaben gewonet haben / die selbigen/so man sye auß
mangel des geldts / vnderstehet ein wenig genauer zū halten / so messen
sie ein sollichs/nicht zū einer mässigen vnd fürsichtigen vorsehung/sonder zū
einem stinckenden geiz/heben sie aim das zūschanden auff / vnnd betrachten
darunder wenig/das niemants einem jeden nach seinem gefallen gnüg grosse
gaben verlihen/vorab der im selbs von gewalt vnd raub entziehen mag.
Wellicher aber solliches recht/ nach eines jeden würdigkeit aufteilt/der selbig
nimpt nicht allein niemants das sein vnrechtlich/sonder leret damit auch die
vbrigen nützlich leben/vnd des gewonnen güts schonen. Darumb so ihr die
ding/in ewern hertzen betrachten / so wöllen dabey gedencen/euch genz
lich zū fleissen/dise gemeine regierung/vnd vorsehung des Keyser
thumbs / mit mir zū vnderziehen. Wann fürwar so ihr die
best hoffnung haben/als die fürnemsten in dem gemey
nen nutz/nit vnder der Tyranny zū leben/also sol
lent ihr auch den andern / das der gestalt
halten vnd laissen.

Wie Pertinax der Keyser so eerlich

regiert / darumb er von sein Leybsbütern erschla
gen/auch wie das Keyserthumb so schant
lich verkaufft ward.

Als Pertinax

Als Pertinax diß geredt / hat er damit dem radt noch mer hertz vnd hoffnung gemacht / vnd ist auch deshalb mit ihr aller willen auff genommen / vnnnd mit löblichem geschrey auff das aller eerlichst gehalten / damit inn Jupiters auch der andern Götter Tempel / die zu begrüßsen geführt worden. Als nun er das opffer nach gewonheit volpracht / hatt er sich wyder inn den Keyserlichen palast gefügt. Nach dem aber das geschreye außgieng / was er inn dem Rath geredt / vnnnd inn seynen brieffen zu dem volck außgeschryben / da hatt alle menigklich grosse freud empfangen / verhoffende / das sye einen daffseren / milten Keyser / vnd mehr einen vatter dann einen herzen haben wurden. Wann er hatt den Rittern vnd kriegs leutten gepoten / das sye keynem vnnnd dem gemeinen volcke kein vngemach noch beleydigung an thun / noch sunst kein gemeynen botten abtreiben / oder seins weges verhindern noch rechtuertigen solten. Der gestalt hatt er alle dinge zu einem ehrlichen vnnnd ordenlichen stande pracht. Item wann er inn das Radthaus gieng / odder recht sprach / so erzayget er ein güttigs vnnnd sensstigs gemüth / das er sich darmit aller merest dem Keyser Marco vergleycht / Die eltern erfreuete er mit seiner warnung / aber die andern hatt er inn dem / das er sye der Tyranny erlöst / vnnnd zu einem sichern vnd rühbigen leben pracht / leichtlich bewegt ihn ließ zu haben. Inn dem nun diß sein lobe weytter außgeschweyßt ist / dauon seyndt alle Nationen / auch die heere / die den Römern vnnnderworffen / desgleichen ihre freud gereygt worden / ihm göttlich lob vnnnd ehre zu beweysen. Auch die Barbarischen so dann abgefallen / odder sunst auffrüren vnnnderständen zu bewegenn / die wurden vnnnforchte wegen seynen mannlichen tugent vnnnd stercke (die sye ihn wissen inn vorigen streyten begangen haben / auch vnnn wegen seines glaubens vnnnd gerechtigkeit / diuweyl sye wissen das niemandts vnnn ihm verletzet / sonnder einem yeden nach seinem verdienst gnade bewyssen / vnnnd gannz keyn gewalte noch herttigkeit vnnn ihm geübt wur / dedermas bewegt / das sye sich freyes willens an ihne ergaben. Darumb so seyndt al lenthalben her Legaten vnnnd Botschafften kommen / dem Römischen volcke danck zu sagen / das sye vnnnder der regierung des Keyfers Pertinax geregieret werden solten. Wiewol aber den mehrten thail ihnen allen inn gemeyne / vnnnd jedem inn sonders vast lieb vnnnd angeneh was / das das Römisch volck / so ein tugentreychen vnd sensstmüttigen Keyser erlangt / Haben doch die Statt Rotten (die den Keysern zu einer hüt zu geordnet waren) dasselbig schwerlich vnnnd mit vnwillen geliten / Wann sye waren vnnn dem raube vnnnd allem vnrechten zu einem ordenlichen stande vnnnd wesen gezogen / Darumb sye meintenn / das dise milte vnnnd burgerliche / rechtmäßige regierung / ihnen zu einer schmach vnnnd schanden dienete / auß dem / das sye verständen vnnnd mercketen / ihnen darmit ihren freyen müttwillen entzogen sein. Deshalb beschlussenn sye / das sye keins wegs ein sollichen regierer erleyden möchten / Darmit siengen sye an / sich zum ersten vngehorsam zu erzaygen / vnnnd den geboten mynnder gehörig zu seyn.

Das Ander Buch

Beſetzung des
Pertinax

Sonnes Inn
enthaltung

Der Innflucht
verminderung

Je zu lezt als Pertinax nicht vols zween Monat inn regierung des Keyſers thümbſ volpracht/auch yezo ſeiner fromkeit vnn̄d erbarkeit ein vngezweyſſelten ſchein gegeben/ſonder damit all menigklich zū beſter hoffnung gerichtet/da hat ihm das böß vnglück/das ſelbig ſchnelligtlichen vergünnet. Das dann alle ding damit vmbgetert vnd auß dem grund gereüttet hat / alſo das ſy eerlich vnd löbliches fürnemen / das dann fünfftigklich aller menigklichen zū groſſem nutz vnn̄d frommen erſchoſſen were/inn der mitte ſeines lauffs / verfiel/vnd genglich verſanck. Wann zum erſten erkant vnd ſagt er / alles das inn Italien oder anderswo/von vngepflanzten vnd vngebawnem erdtrich erwachſſen möcht/vnd wußt lege/ob gleich wol/das den künigen gehörte/das ſollichſ alles den ſhenen/ſo das bawen wurden / zehen jar lanng frey vnn̄d vnbeſchwert/bleiben ſolt. Auch begabt er die äcker vnn̄d bawoleitt mit ewiger freyheit. Er verpott auch/das man ſeinen namen/allen keyſerlichen ſyzen / keynes wegs anſchlagen noch anzeychnen ſolt / vnn̄d ſaget / das ſolliches nicht der regierenden keyſer eygenthüm/ſondern der Römer aller/vnn̄d dem gemainen nutz zū ſtünd. Auch ſo hat er abgelaffen/alle zöll vnn̄d gefelle/ſo dann die Tyrannen vmb ſamlung willen des gelts / ann den geſtatten der waffer/an den Statporten/auch an den wegen vnd ſtraſſen auffgeſetzt vnd erdacht gehept hetten/vnn̄d daſſelbig damit widerumb zū der alten freyheit pracht/Darumb verhofft man/das er noch vil mer der gleichen thün wurd. Er hat auch die verrätter/auf der Stat Rom vertriben/vnd gepotten / wo man die ergriffe / die zū ſtraſſen/Mit dem hat er verhüten wöllen/das nicht von vnnützem verklagen gröſſerer ſchad erwachſſen möcht. Darumb hette menigklich vermeint/das er ſelbs inn dem aller rüwigiſten/auch der radt/vnd ſie gar/in dem aller friſdſamſten vnn̄d ſeligſten ſtand leben wurden. Er hatt ſich auch/ſo billich vnd menigklich/ſo gleichförmig gehalten/das er ſeinen ſun/ (der dan yezo ein Jüngling was) in den keyſerlichen Pallast nie geführt hat/ſonder in ſeinem ſondern vnd eignen gehäuſ enthalten / das er ſhne nach gewonheit vnn̄d gemainem Bürgerlichen geprauche / zū der lere vnn̄d Schule ſchickt/inn dem er den andern ſchlechten perſonen / gleichlich vnn̄derwysen / vnd alle ding/als der minſten einer/vnn̄der ſhnen volpracht / das er inn dem einicherley Tyranny/noch ſunſt gang keinen Keyſerlichen pracht erzeiget. Inn dem er ſich nun diſes ſytlichen vnd meſſigen tugentreichen lebens geprauchet / da haben allein die Hoffritter vnn̄d Keyſerlichen diener/ diſen löblichen ſtande/nicht mit willen gedulden mügen/vnn̄d begerten/ſhnen alten freyen freueln/vnn̄d müttwillen/inn dem ſye mit gewalt/sich des raubs genieten vnn̄d geprauchen möchten. Darumb ſo wurden ſye hinder dem wein / vnd dem trincken zū radt/das ſy den Keyſer Pertinax/ abweg richten/dyeweil er ſnen zū from vñ zū dapffer wer/vñ einen andern an ſein ſtat zū ſetzen/der die Römischen ſachen regieren/der dann nit ſo tugentreich ſeyn / vñ in ſen freyen willen geſtatten wurd. Deſhalb ſo habē ſy eylends vñ vnuerſehenlich als menigklich ſich müſſig hielt/vmß den mittag/mit vngeſtümen lauffe wüttende/mit nyddergelencchten ſpieſſenn / vnn̄d ploſſenn ſchwertern / ſich ernſtlich zū der

zu der wohnung des Keyfers gefügt. Inndem die thürhütter des palasts/ von diser vnuerhofften vnnnd schnellen auffrühr dermaß erschrocken/das sye als die myndern vnd vngewapneten/ihren so vylen verwapneten/nicht ge-
torsten wyderstand thün/darmit verließ ein jeder sein hüt/vnnnd flohe einer
hierauf der ander dort hinauf daruon/Doch waren ihren wenig auß sey-
nen bestenn freundenn/die dem Keyser des hoffgesinds vnnnd der Ritter
aufflauff verkündeten/vnnnd ihm vnderständen zu rathen/das er ihm selbs
mit der flucht helfen/vnnnd des gemeynen volcks hilff anrufen solt. Aber
er/wiewol er das der zeit wiste nuz vnnnd güt sein/so vermeint er doch/das
selbig vbel zeftehen/vnnnd vnmanlich sein/das auch das der Keyserlichenn
Mayestat ganz nicht gezymmen möchte/das er mit der flucht vnnnd ver-
pergung sein genesen süchen solt/darumb sagt er ihm für dem schaden ent-
gegen zegehen/vnnnd sich zu ihnen züsügen/inn dem er hoffte/das er sye ih-
res fürnemens abweysenn/auch ihr wüttende synn vnnnd gemüth der zeit
abstellen möcht/darumb so gieng er auß seinem gemach/vnnnd begegnet de-
nen/die yhn vberfielen/die fienge er an zefragen/was doch die vrsach we-
re/so eines schnellen aufflauffs/vnnnd on alle forcht des schadens vnnnder-
stände er sye von der schantlichen auffrühr abzuwendenn. Inndem er auch
seines munds dapffere vnnnd messige gestalt behielt/wie dann das der Key-
serlichenn Mayestat wol gezimmete/Darinn hatt er auch nichts fürge-
wennder/das der demüthigkeyt/der forchtsame/der dienstbarkeit oder der
Bitt anhieng/vnd thete der gestalt dise rede zu ihnen.

O ihr Ritter vnnnd Kriegsleut/ob ihr geleych wol mich ertödtenn/so
begond ihr doch daran keyn gütte sach/nach die mir so ganntz schwer seyn
müge/Alls eynem menschlichen der ein sollich alther mit thüm vnnnd lob er-
langet hatt. Darzu ist auch noth das einer gewis sey/das dis menschlich
lebenn ettwas ends habenn müß. Doch so seyndt ihr gesetzt/vnnnd dar-
zu verordnet/das ihr des Keyfers sorg vnnnd hüt haben/vnnnd die schä-
den/die im anderstwoher züsteen/abtreyben/solten jr dann die ersten sein/
die sollichenn todtschlag begienngent/vnnnd eüwere hend nicht allein mit
dem Burgerlichen/sonnder auch mit dem Keyserlichen plüt verwüstennt
wolten/so sehen wol eben darauff/das euch yetzo dises nicht allein schant-
lich vnnnd lasterlich/sonndern auch hernach schädlich seyn werde/dann
ich habe euch mitt kaynem vnrechtenn nye verleget. Wo ihr aber vmb
das absterbenn Cominodi des Keyfers trawrig seyndt/das ist für-
wäre nicht neuwe gewesen/den zu sterben/der ein mensch geporenn ge-
wesenn ist/Oder vermeinen ihr/das er mit auffsatz vnnnd betrüge getödt-
et? Dis laster ist mir nicht zu zelegenn/den yhr doch selbst wissen/weyt
vonn dem argkwon dyser thate gewesen sein. Dann was zu der zeytt ge-
hannolet/das ist euch am vordersten zu wissen gewesen/vnnnd ob man
gleich wol deshalb einichenn argkwon odder verdencenn gehept/so hatt
das andre/vnd nicht mich berürt/Darzu haben wir nicht gestattet/das euch
nach seynem absterben einicherley gemanglet/nach fürther geprestenn soll/
das ihr

Das Ander büch

Perthmarz tod

*Das bezug/kyser
faul spohr*

*Julianus
gantz*

Das ist doch mit rüm vnnnd eeren erlangen / vnnnd nicht das ist mit gewalt vnd dem raub zu vberkommen begerten. Als er das geredt / hat er etliche zu zoren bewegt / ettlich vnd ihren wenig / siengen an hinweg zegeben / vnd schempten sich / vor dem alther vñ wyrdigkeit des Keyfers / Aber von den vbrigen war de er mit einer vngestüme vberfallen / vnnnd vmbpracht. Die dann gleich dar nach / als sy das laster volpracht / sich vor dem gemainen volck verporigen / vnd haben wol gemaint / das sye diser handlung keingefallen habenn wurden. Darumb sye sich inn die festen thürnen vnnnd schloß machten / sich darinn enthielten / vnnnd auff allen thürnen die gewapneten verordneten / die das volck von den zynnen ab treiben möchten. Difes end hat Perthmarz der Keyser erlangt / der dann seines lebens vnd sytten halb (als oben erzalt) wol zu loben gewesen ist. Da aber diser todtschlag vnder dem volck aufkommen / da seind sy alle gleich den wüttenden / mit grossem heülen vnd weinen vmbgeloffen / vnd mochten doch nicht wissen / was sye thun oder lassen solten. Doch suchten sye dye styffter des todtschlags / die sy wedder sumnden noch sich ann ihnen gerechen mochten. Vorab so hat der radt dise that größlich gehasset / vnd schertzten das ein gemainen vnfal sein / dann sye begerten ine / als einen aller besten vatter / vnd als ein miltesten Keyser zu haben. Dargegen forchten sye aber die Tyranny / die sye befunden / den Rittern wolgefellig zu sein. Inn dem aber einer / vnd auch der ander tag vergiengen / vnd das gemain volck / ein jeder auff sein selbs forcht / sich still vnd rüwrig hielt / vnd die ihenen / die an wyrede vnd gewalt fürtraffen / sich auff das weitest von der Stat Rom / auff ihre siz vnd flecken fügten vnd abwichent / vmb willen / das ihnen in erwelung ey nes neuen Keisers nichts args begegnete. Da nu die ritter vñ kriegsleut dz vermerckten / das das gemayn volck rüwrig vnd still / auch niemands mer in der statt was / der den erschlagenen Keyser vnder stünde zerechnen / da hielten sy sich inn irem leger / vnd ließen mit lautter stym auff der mauren des legers aufrüffen / das das Keiserthumb sayl were / wellicher ihnen allermerst gelt geben / dem wolten sy das vberantworten / vnd ine also sicherlich inn den Keyserlichen Salsüren vnd belaitten. Wiewol nu diß gehört / so ward doch niemant von den Radsherren / noch sunst von den gewaltigen / oder denen vom Adel bewegt / vnder allen denen / die noch reich vnnnd der Tyranny Comodi vberpliben waren / das sye gethorsten den mauren zu treten / oder sunst das schandtlich vnnnd lasterlich herschen / mit dem gelt erkauffen. Doch so warde Juliano einem / ausser den Radsherren (den mann dann vermaint ein grosse summa gelts zu haben) zu der Desperzeyt ob dem nacht essenn / vnnnd weyn trincken / verkündet / was dye Ritter aufgerüffet hetten. Darzu warde er für eyn sollichen menschen geachtet / das er sich seynes standes vnnnd wesens / nicht wol genügen lassenn / noch darinn enthalten mochte. Darumb so rietten yhm seyn gemahel / vnnnd auch seyn Tochter / Desgleychenn dye schare seynes Tisches / vnnnd Hoffgesyndes / das er vom essen auff stehen / eylen / vnnnd was yhm zuthun were / eben bedencken solt.

Als er nu

Als er nun inn dem hingang was/da ermanten sye ihn/das er als einer/der so grosse reychthumb besey/ das verlegen Keyserthumb mit aufstheylung seines gelts erlangen solt/Darumb so bald er zu den mauren des lagers came/da sieng er an zu ruffen vnnnd schreyen/das er ihnen alles das geben wolte/das sye Begeren möchten/dann er hette grosse reychthumb/Auch grosse schatz gevonn gold vnnnd sylber. Zu der zeit was auch ein annder man / mit namenn Sulpitianus/vonn den Rathsheren auch damaln ein vogt vnnnd verweiser der statt/darzu ein schwäher des vorgenannten Keyfers Pertinax/der dann das Keyserthumb gleicher gestalt begeret/ aber die Ritter vnnnd Kriegsleut hetten gegen ihm vonn wegen der verwantschafft gegen dem Keyser Pertinax ein argwonn/vnnnd sorgten/das etwas betrug vnnnder sey nit beger verporgen leg/darmit er desselbigen todtschlags gerechen möcht. Darumb so liessen sye die laittern vber die mauer hinab/vnnnd namen Julianum zu ihnen hinauff/vnnnd getorsten die porten nicht ehe auffthun/vnz er mit ihnen des gelts halb vbertam. Da er nun inn den leger vnnnder die Kriegsleut kam/do versprache er ihnen die seulen die Commodo zu ehren gesetzt/vnnnd durch den Rath abgethan wären/wyderumb auffzerichtenn/auch ihnen sollichen mättwillen zu gestatten/wie sye dann daruor bey dem Keyser Commodo gehept hetten. Zu dem allem einem jeden Ritter inn sonders vyl mehr sylber vnnnd gelts zu geben/dann er selbs Begeren dorffte/odder sich zu empfangen verhoffen möchte/vnnnd das er auch inn sollichem geben ganz keynenn verzug thun wolt/wann er hette sollich gelt beyeinander inn seinem hauss. Daruon wurden die ihm heere bewegt/vnnnd zu sollicher hoffnung pracht/das sye ihn zu einem Keyser erkanten/vnnnd ihm damit den zanamenn Commodi auffsetzten/Als dann theten sye gang hinweg alle zaichen vnnnd wappen/vnnnd schlugen sein bildtnus vnnnd wappen oder schilt an der selben Statt auff/vnnnd siengen ihn an also vmbzuführen. Darumb alls nach gewontheit inn dem leger geopffert/da warde er mit grössern hauffen der Ritter vnd Kriegsleutten/dann sich die vordern geprauchet hetten/heraus gefürt vnd beleyttet. Diuweyl er also von ihnen mit gewalt wider des volcks willen gesetzt/vnd er auch mit schande vnd laster das Keyserthumb erkaufft/da hat er vonn rechts wegen die vngestüme des gemeinen volcks gefürchtet/Darumb haben die Kriegsleut ihr harnisch vnd geweer angenommen/vnd iren keyser in die mitle vnder sich genommen/also ein ring gemacht vnnnd in allenthalt vmbgeben /wo die sach das erfordert das sye zu streyten gerüst weren. In dem bedeckten sye auch ir heupter mit ihren schiltten/damit sye dester sycherer weren/so vileicht etwas stein von den heusern vnd dechern herab geworffen wurden/fürten vnnnd beleitend ihn dermas inn den Keyserlichen Palast. Inn dem ihnen auch das gemein volcke/kein wyderstand thun dorfft/noch sunst/als dan sydt was / mit glücklichē anschreyen nachzeuolgen/sonder von weythem her wünschten sye ihnen allen alles vnglück vnnnd plagen/vnd schalten ihn grösslich/das er yhm selbs das Keyserthumb mit gelt erlangt hett. Zu diser zeit seyndt die gärten syten der

Sulpitianus

ritter

Das Ander buch

ritter zu dem ersten geschwecht / vnnnd hatt die stinckende begyrde des gelts/
vnnnd die verschmähung der Keiserlichen Maiestat/ein vrsprung genommen
Wann als kein reicher was/das der Kaiser so grym erschlagen/vnd auch das
das Kaiserthumb also keüffig/vnnnd zu einem schantlichen marckt gemacht/
vnnnd das von niemants widder tryben/da wurde das den Rittern / ein an-
fang vnnnd vrsach/das sye künfftiglich sich aller lastern vnnnd vnngehorfame
geflissen. Also das die geytrigkeit/vnnnd verachtung der Keyser/vnz züer-
giessung des pläts/von tag zu tag zu nam. Als nun Julianus das Keiser-
thumb dergestalt erlangt/da hat er sich den vppigen leibs lusten essens vnd
trinckens so gar ergeben/das er inn den hendlen den gemeinen nutz betreffen
de/gantz vnfleissig gewesen/vnnnd gantz ein weichs leben mit aller vppigkeyt
vberflüssiglich geführt. Darzu hatt er auch den Rittern vnnnd kriegs leüt-
ten/ihre hoffnungen betrogen/vnnnd mocht ihnen den versprochenen glaubenn
nicht halten/wann die Reichtumb inn seinem hauf/waren nicht so groß /als
er sich berümpft. So was auch die gemain Schatzkammer/mit dem vnnu-
tzen vnnnd vberflüssigen kosten Comodi/hievor gar erschöpfft / darumb im
die Ritter abhold/auch sein gantz fürnemen/vnnnd all sein handlungen/dem
volcke großlich missfellig waren. Also das sye auch ihne/im fürgeben / mit
schmachworten verletzten/auch sein schnöden vñ vppigen wollust/im schant-
lich verweisen vnnnd auffhüben / dermaß das sye offentlich auff dem marckte
vnd plaze (da dann aller merst volcks zu samen kam) den Keyser Julianum
verunglympfften / vnnnd Nigrum zu einem reicher des Römischen reichs / zu
einem Keiser erforderten/den sye auch Betten lieffen/so bald er möcht/das er
gen Rom kommen/vnnnd sye vonn grossen kummer nuss vnnnd schmach erlösen
solt. Diser yezgenant Nigier/ist danor ein Rads her gewesen /vnd zu der
zeyt/ein Landtuogt des ganzen Syrier lands/vnd inn den zeytten / für den
aller eerlichsten vnnnd fürnempften Herren geachtet. Wann Phenitia das
Künigreich/also genant/vnnnd alle Landtschafft vnz zu dem wasser Euphra-
ten/das was alles vnnnder seynem gewalt. Darzu was er yezo eynes sol-
lichenn althers/das sich zu dem erbaren vnnnd frydsamen wesen richtet. Er
hatt auch inn mangerhande grossen vnnnd treffelichen sachen/den ehüme vnd
das loße der sänfft mütigkayt erlangt/ Desgleichen auch der pillichkeit vnd
aller gerechtigkeit/dermaß das er genglich geschehet wurde / dem lebenn des
Keyfers Pertinax nach zünolgen/auf deren vrsachen erlangt er / des volcks
gunst allermerst. Den selbenn hatt das volck/ mit stättem vnnnd emssigem
geschrey erforderet/vnnnd yhne also inn seinem abwesen / mit gemeinem loße
vnnnd glücksamen wunsch außgerüfft. Darwider aber den gegenwert-
tigen Julianum veracht vnnnd verschmähet. Inn dem nun der vorgeant
Nigier/dyse meynung verstanden/hatt er gehoffet/das ihm alle sachen nach
seinem willen ergeben wurden. Diweil vnd die statt rotten/vnd ritter we-
nig auff Julianum hielten/in dem/das er inen kein glaubē gehaltē vñ in auch
das volck verschmächet hat/das er das Keyserthum also vnzymlich erkauft/
darumb

Nigier

darumß er darauff ein hoffnung empfangen hat / das Keyserthumb zu erlangenn/ Damit hat er zum ersten etlich auß den Fürsten vnd Hauptleuten auch von den Rottmeystern/ vnd die aller merst gewalt hetten/ heym vnnnd zu hauff gesandt/ ye zu andern zeytten einander nach/ heut einen/ morgen den andern/ vnd die selbigen vnderwysen/ was im zu Rom zu gestellt vnd fürge worffen würd/ mit disem radtschlag/ bracht er zu wegen/ das dis geschrey vnder dem gangen auffgang der sonnen vnd Quent vberal außgebreyt werde solt. Damit vermeint er ihme vil hilff zu zeziehenn/ so er das Keych nit mit betrug erlangen/ sonder den begerenden vnd anruffendenn hilff beweyssenn würd. Deshalb kamen sye alle gemeynlich zu im/ vnd batt in ein yegklich/ er mit hefftigem flehen/ das er eilte sich des gemeinen nutz zu vnderwinden. Dann das Syrier volck/ ist vonn natur geneygt/ newerungen zu machenn. Zu dem so hetten sye disen Nigrum hefftig lieb/ vmb des willen/ das er so melschlich vnd milt vber sie herschet/ vnd die vile der schimpffspilen/ auch die festlichen tag/ on vnderlaß bey inen begieng/ Wan die Syrier seind von ir selbs art begyrig/ in sollichen lustparkeiten sich zu vben. Deshalb die Burger der größten vnd mechtigsten statt Anthiochia/ gar nahe durch das ganz jar sollich spil vnd fest/ eintweders in der statt selbs/ oder in den vorstetten/ vnd auff dem land/ begon vnnnd halten. Vmb des willen/ das er der menschen synn vnd gemüt mit dem müßig gon/ vñ emssiger zürüstung der spil erfrewt hat er im damit das volck der maß zu gezogen/ das er vñ inen allen/ vberaus fast lieb vnd werd gehalten. Do er nun merckt/ das im die sachen also zu gelück stünden/ vnd er die Kriegsleut vnd seine Ritter/ auff ein bestimpten tag zu samen kommen geheysen/ vnnnd auch die vberig menge des volcks/ ein zu lauff gehept/ do hat er dise red gethon/ die er dann zu disen sachen / sye zu wegen/ zusamen gesetzt.

Was red Nigier der Römisch land vogt in

Syrien zu seinem kriegs vnnnd dem selbigen land volck gethon hat/
Auch von Seuero der ein Landvogt in Pannonia gewesen/ wie der selbig zu Keyser ward.

Wie wunderpar mein geschicklicheyt / auch wie groß mein fürsichtige keyt/ inn vnderwindung grosser trefflicher sachen vnd hendel gewesen/ das ist euch villeycht hienor wol bekant. Dazu so kam ich auch yetzo nit für euch/ also zu redenn/ wo ich iha mit meynem sondern fürnemen/ Oder von vngewiser zünersicht/ oder das ich sonst/ von verwenlicher hoffnung darzu gereygt würd. Aber mich erfordern die Römer vnnnd bekümmern mich/ mit irem statem anruffen/ das ich inen meyn glückliche vnd syg hauffte hand / byetenn wölle. Zu dem so mag ich selbs nicht leyden/ das so ein groß vbertrefflich vnd Löblich Keych vnd Keyserthumb (das vns dann von vnsern fordern verlassen) also schentlich gehalten werde. Diweil aber

Das ander buch

so eyn tieffenlich geschafft/on etwas bewegliche versach/ anzügreiffenn gnüg
dürstig/odder ein verwegennhait/so were es hynwider auch ein forchtſam
kayt/vnnd ein verretterlich laſter/wo man den anrüffendenn vnnd bytten
den hilff verſaget/Darumb ſo bin ich inn ſocher maynung für euch getretten/
das ich an euch erfür was euch gefiel/inn diſer ſach zethon ſein/vnnd das ich
euch als rathgeben prauchte/inn diſem ganzen handel/Vnd ſo es vnſerem an
ſchlag vnnd willenn nach geraten/das ich als dann mit euch eyn gemaynenn
nuz haben möcht.Es ſeind auch die reychtumb/die vnns darzü raizen/nicht
zü klain/noch züuerachtenn/ſonnder das Römisch volck ſelbs/dem die Götter
de gwalt aller ding verlyhen vnd zügeſtelt haben/Darzü dz Römisch Kayſer
thümb/das dann noch walzt/vnnd noch bey kaynem mit gewiſſem ſtand
ſtat.Wir mögen aber nit genüg ſicherlichen ratſchlagen/mit gleichem gemüt
der anrüffenden/die noch nyemandt beſtelt haben/widerſtand züthon/od
der abzetreiben/Dann die vonn Rom her zü vnns komenn/die ſagenn für
war/das auch die Statt Rotten vnnd das gang heere/vondenen Julianus
das reich erkaufft/yhme dem Kayſer/weder trew noch hold ſeyenn/die weil
er ynen ſein züſagen nit gehalten/darumb was ewers willës ſey/das laſſent
euch mercken.Als er das geredt/hatt yhn das heere/vnnd alles vberig volck/
für einen Kayſer vnnd mehrer des reichs gegrüſt vnd außgerüſt/Vnd ha
ben yhn auch darauff gleich mit Purper vnnd mit anderer Kayſerlicher zyer
de beklaydet/das dann mit der zeit anden enden funden ward/Auch trüge
man ihm dz ſewer vor/vnd fürten yhn zum erſten in den tempel zü Antiochia/
Darnach belaitenn ſye yhn wider inn ſein behauſung/die ſy ym dan auch mer
dann davor mit Kaiſerlichen wappen geziert hetten.Diſes frewete ſich Ni
ger gröſſlich/in dem das er der Römer/vnd auch aller andern menſche gunnſt
vnd lieb vermercket/vñ vermaint on zweifel das ſein ſach in einer ſichern ſurt
were.Nach dem nu diſ geſchray erſchall/da haben alle vnd jegliche Nationen
(ſo gegen Europa wonen) ſich von ſtundan erhebt/vnnd ein yeglich für ſich
ſelbs begert zü eylen/yhme gehorſam zü erzaigen/Deſhalben die Legaten vñ
poſchafften/allenthalben her/gen Antiochiam(als zü dem rechten Kayſer)
kamen/Deſgleichen theten auch die König vnd Fürſten/die dann yensit den
waſſern vnd flüſſen Euphraten vnd Tygrim gewonet/die habenn auch yhr
poſchafften dahin geſant/vnd ſich yrer hilff vnd beyſtand zü allen ſellen er
potten/vnd verſprochen/Die ſelbigen er mit den aller gröſten gaben/vnd be
wiſſnen guaden/abgefertigt vnd geſagt/dz er yhrer hilff diſer zeit nit bedörff/
das auch das Kayſerthümb gnügſam verſehen/vnd er des willens were/dz
on plütuer gieſſen zü regieren/Darumb er auß diſer hoffnung ſein gemüt erſi
gen ließ/sich zü vil hochtragend vnnd verleſſig hielt/auch ſich mit ſampt ſey
nem volck zü Antiochia/mit müſſig gan/vnd luſtparkaiten/inn den ſchimpff
ſpylen freud ſuchen vnnd erdichtend/Darzü hat er ſich auch nit geſtlyſſen der
Statt Rom zü ziehen/wiewol die ſach das ſelb aller maiſt erfordert/oder
zü dem Römischen heere(das ſich in de Illyriſchen landen hielt)die doch zum
erſten

ersten ersücht sein soltten/die selben hat er des handels keins wegs erinnert/
vnnnd verhofft/so bald sye die sache erfaren/so wurden sie gleich mit den Römern/
vnnnd dem Orientischen hör/auch verwilligenn. Inn dem er sich nun
mit leichtfertiger vnd vngewisser hoffnung dermaß enthielt/vnd yezo das
geschrey durch Pannonisch vnnnd Illyrische lannd auch erschall/desgleichen
durch alle höre die der gränge / paß vnd gestatten/der Thonaw vnnnd auch
des Reins verhütten/damit sie die Barbarischenn der Römer feindt abtri-
ben/vnnnd das Römisch reich beschyrmten. Aber aber all Vngern her-
schet einer (dann sie wurden von eins einzigen gewalt regiert) mit namenn
Seuerus/aus dem land Aphyrica erporn/der dann zu aufrichtung der sache
ein emsiger man/darzu grüdig vnd eins vngewonlichen herten vnd scharpf-
fen lebens/Er was inn betrachtung der sachen sinnreich / vnnnd inn voll-
dung der selbigen aufrichtig vnd geschickt. Der selbig nach dem er das Römisch
höchst Fürstenthum (als ob das zu erzucken were) auffgehenckt/gese-
hen/da hat er den einen/für ein satlessigenn/vnnnd den andern nit gnüg auf-
richtig zusein verachtet. Zu dem gabenn im auch hoffnung/sein träum vnnnd
nächliche gesichten/desgleichen andere warfagung künftiger sachen/vnnnd
darzu der glaube der gegenwertigen erlangten hendel/die im nach seinem an-
schlag begegnet/Deren vil vonn seinem leben/inn seinen büchern geschriben
vnnnd in den dafflen offentlich gemalet waren. Aber der letst vnd namhaff-
tigste traum/damit im allermeyst hoffnung gemacht/der ist mir auch nicht
mit einem stillschweygen fürzagon. Wann zu der zeit als man den Keyser
Pertinax zu dem reich kommen sein/verkündet/vnd Seuerus als ein gescha-
woner amptman vnnnd diener des Keyfers/sein opffer volbracht/so bald er
zu seiner wonnung gekert/hat ihne ein schlaff bestandenn/inn dem er ein fast
groß vnd zierlich pferd in seinem traum gesehen. Das mit Keyserlicher zier-
de/zeum vnd decke aufgestrichen was/das dann den Keyser Pertinax/der
darauff saß/in der statt Rom/durch die heylige gas trüg / Da aber das selb
pferd/zü dem eingang des marcktes vnd plazz kam/do sich dann vorzeyten
das frey volck/allermeyst zamenn fügte/doselbs warff das roß den Keyser
Pertinax ab/das er auff das erdtrich fiel/vnd duckte demnach/disem Seue-
ro (der aller nechst dabey stünd) seinen rucken/das er darauff sesse/den trüg
es also auffgericht/sicherlich auff die mitle des macktes/vnnnd bedauht ihn
wie er der menge fast angenehm vnd erwirdig were. Die bildnus dises tra-
umes ist noch an dem selbigen ende/mit einem grossen bild von ere gegossenn.
Darumb so hat Seuerus der gestalt sein gemüt erhept vnd geachtet/das er
von göttlicher fürsichtigkeit/zü dem Keyserthumb erfordert vnnnd gezogen
wurd/ Deshalb sagt er ihm für/seiner Ritter vnnnd Kriegsleutten gemüt
vnd willen zu erfaren/vnnnd zum ersten die hauptleut/Vögt/Rottmeyster/
vnd feltweybel/auch die fürnemsten Ritter ime zu zugefellen/mit den selbige
er von des Römischen reichs wegen red hielt/vnnnd sagt dasselbig ganz ver-
achtet vnnnd vbel gehalten sein/vnnnd das niemants verhandenn/durch den
dann sollichs gnüg dapffer vnnnd nach Billicher wyrde regiert werden möch-
te / inn dem die Rottenn der Keyserlichenn hüt scheltennde / das sye die

*Träum
Seuerij*

Das ander Buch

strenge vnnnd lobliche zucht der Rytterschafft / auch yhre ayd vnnnd ehr / mit
 vergießung burgerlichs vnnnd Kayserlichs pläts / so gar verunreiniget vnnnd ge
 prochen heten / darumb dasselbig an ynen pillich gerochen / vnnnd der begangne
 todtschlag des Kaisers Pertinax gestrafft würde / Im wer auch wol zuwisse
 wie die gedechtnus vñ liebe des Kaisers Pertinax / bey dem heer in Illyrisch
 enn landen / noch vnuergeßten / dann als das selb heer bey dem Kaiser Marco
 vnder der anweisung vnnnd hauptmanschafft / des genantenn Pertinax / ge
 gen den Teutschen / vil loblicher syg erlangt hett / Wann als er ein hauptman
 in den Illyrischen landen gewesen / so were alle anzeyg vnnnd manlicher exem
 pel manlicher tugent vnnnd stercke / inn den feldstreiten / auch sonst alle gürtig
 kait vñ fromkait vñ im bewisen worden. Zu de hat er auch allen seine gesellen
 ein burgerlichs vnnnd mässigs herschen erzaigt. Darumb die yhenen so die ge
 dechnus eins sollichen fürsten behalten / die haben auch pillich mit vnnwils
 len züleyden / ain so grosse an yhm begangne grimmigkait. Als yhm nu Seue
 rus dise vrsach fürgenommenn / da hat er sie dahin pracht / wo hin er gewolt /
 Wann er thet nit dergleichen / als ob er das Kayserthüm / oder den obristen
 gewalt an sich begerte züziehen / sonder das er allein rechen wolt das vergos
 sen plät diß frommen Kaisers. Dann zü gleicherweiss wie die man des selbi
 gen lands vnnnd Königreichs / vonn leib vast starck / gerad / vnnnd groß / auch zü
 streiten vnnnd den feldtschlachten / wol geschickt / so seint sie doch so einer gros
 sen verstantnus / das sie nit leichtlich mercken mögen / was man also geschaid
 oder betrüglich mit yhnen redt oder handelt. Auß diser vrsach / als sie Seue
 rus vertröset vnnnd verwehnet / das er den todtschlag des Kaisers Pertinax
 rechen wöllen / damit hat er sye alle yhme dermaß zügezogen / das er ein Kai
 ser genent ward / vnnnd also den obristen gewalt vonn yhnen empfieng. So
 bald er der Vngerer will vnnnd gemüß erfahren / da hat er von stundan / auch der
 nechsten völkter Landuoget / alle die dem Römischen Keych vnderworffenn
 waren / mit grosser schencken vnnnd gaben zü seiner freuntschafft pracht. Wan
 Seuerus was vnder allen menschen die da lebten / zü liebkosen vnnnd schmaich
 len der aller geschicktest / also das er sich etwo zü zeiten nit schampete / glübt vñ
 ayd zü vbertreten / wo dann die sache sollich erfordert / Vnd hielt sich mit ge
 schwindigkeit seiner zungenn gar weit anders / dann er das in seinem gemüß
 oder hertzen gehebt. Darumb so hat er dises allem Illyrischen heer / auch allen
 Regyerern der prouincien mit seinen brieffen empotten / vnnnd damit allenthal
 ben her / die Rytter vnnnd kriegsleut versamlet / auch den zünamē des Kaisers
 Pertinax an sich genomen / das er verhofft / nit allein den Illyrischen / sonder
 auch dem Römischen volck / am aller angenehmsten zü sein. Nach dem er die al
 le zü samen in das feld pracht vnnnd berüfft / hat er auff einem hohen stüll also zü
 yhnen geredt.

Wie

Wie Severus der landtvogt in Angern

zu seynen Rittern vnd kriegsleuten geredt/vnnd
wie er den zug gen Rom gethon hat.

Anno M^o Jan
Dl. 3 94.
Dñl. 196

O Ir löblichen Ritter vnd kriegsleut/wie grossen glauben vnd an
dacht ir gegen den göttern/bey deren namen ir geschworn/ vnd
wie grosse ere ir den Keysern bewysen/die ir inn so grosser wyr-
de gehalten/das erzeigen ir allermeyst in dem/das ihr so ein groß
missfallen getragen/das die Kotten der statt Rom (die dan mer dem bracht
dann der tugent dienen) so ein schentlich laster vnd vbel begangen haben.
Nun ist mir yezo zu sein/die fürgefastte hoffnung (dann ihr wisset on zwey-
fel selbs/wie ich den gepotten der Keyser gehorsam gewesen bin) zu dem end
zebringen/vnd deshalb zu erfahren/was euch zu willenn sey. Dann es ist ihe
nit zuleyden/das das Römisch reich also vneerlich gehalten werd/Das doch
bey den fordern allzeyt/in dem höchsten gewalt regieret/vnd von allermenig
klichen in grossen eren gehalten worden. Nach dem aber das auff den Keyser
Comodum erwachsen (wiewol dann das von seiner jugent wegen zum off-
tern mal verlegt) so ist doch mit desselbigenn Keyser adel/ auch mit der ge-
dechnus seines allerlöblichsten vatters/ alles sein laster verdeckt worden/
vnd haben seine misshandel nit als vil neyd vnnd hasz gehebt/ als erbärm-
d vnd mitleyden/ Es seind auch die sachen/die der zeyt gehandelt wurden/ ine
nit als fast zu gemessen/als seinenn dienstleuten/den schmeichlern vnnd an-
dern liebhabern der bosheit. So lang vns das Keyserthum zugeordnet
ist/Dem aller lobsamesten vnd dapfferischen altē man/des tugent vnd from-
keit/nach vnserer gedechtnus anhanget/den sye doch (wiewol sye ine billich
gelitten) so ein theuren man mit schentlichem tod vmbbracht haben. So weiß
ich nit wer nach disem Pertinar das Römisch reich auff dem mör vnnd erd-
trich/so schentlich erkauft/der doch dem volck vnangenehm/desgleichen ym
auch die Ritter vnnd statt Kottenn/weder trew noch hold seind. Vnnd ob
gleich wol die selbigen ihne zu beschyrmern vnderston woltenn/so möchten sie
doch all in gemein/mit der zal vnd menge/desgleichen auch mit der manheit
euch in keine weg zu vergleichen sein/ Zu dem haben euch die Kriechischen vñ
streytparen geschafft vnd übungē/erfaren gemacht/Wan ir habent gewont
mit den Barbarischen außlendischen völkern zu streyten/ alle arbeyt zu ge-
dulden/bytz vnd kelte nichts zu achten/alle wasser vnd flüß/ die durch frore
seind/zuerwaten/des gleichen auß den pfügen vnd lachen ewer trincken zene-
men/vnd nit auß den reynen brunnen zu schöpfen/auch euch des gejags vnd
wildpretz zu behelffen. Damit so habt ir mit ewer mannheyt vnnd stercke/
erlangt/alles das euch vnderwegen zu haben notturstig gewesen/Darumb
mag man ewer macht vnnd stercke kein widerstand thün/Der Ritter vnnd

Das ander buch

Kriegsman wirt auch in der arbeit probiert vnd gewert / vnd mit inn der way
 che vnnnd lynde / damit dann die selben erzogen vnd gefettiget sind / Deshalb
 mögen sie weder ewer geschray / noch streyt erleyden. Wo aber einer vermai-
 net das die sachen in Syrien vordchtig sein / der selb betrachtt das auß dem
 wie sye so vnkrefftig sind / vnnnd wie sie so ein schmale hoffnung haben / das
 sye noch nie so geherzt gewesen sind fürzürucken / noch der Statt Rom züze-
 ziehen / Sye mainen den selbigen verzug güt sein / vnnnd scherzenn dye wollust
 die sie von tag zü tag süchen / ein gewyn zü sein des zweyfelhafften gewalts /
 Wann das volck vnnnd geschlecht der Syrier / ist zü dem schimpff vnd müt-
 willen allermaist genaigt / vnd vorab die in der Stat Antiochia wonen / von
 denen man sagt / das sie dem Landuogt Nigro allermaist gunst vnnnd willen
 tragenn. Dann die andern völder vnnnd Stet / dieweil sie noch niemans se-
 hen / der des Römischen Kayserthümbes würdig / vnd ein sollicher ist / der den
 gemainen nutz dapffer vnd mässiglich regiern künd / so haben sie dergleichen
 than / als ob sie vnz auff dise zeit gehorsam bewisen. So sie aber erfaren / das
 vonn dem heer der Wyndischen lann / ein kayser erwelt sey / vnnnd inn dem
 meinen namen erhöient / der dann bey ynen auch gnüg scheinbar vnd vnuer-
 porgen ist (dann ich bin auch yhr Landuogt vnnnd regyrer gewesen) in dem
 mögenn sie mich fürwar in kainer varlessigkait / noch forchtsamkeit beschuldi-
 gen. Zü dem sye auch ewerer vngestüme nit erwartenn / vnnnd werden auch
 ewer Ritterliche vnd strenge manhait nit versüchen / vorab so sie inn gerade
 vnd stercke des leibs / vnd mit vbung der waffen / auch mit weerlicher sichhaff-
 ter hand geachtet werden / euch kains wegs gleich zü sein. Darumb so wöllen
 wir / so erst wir mögen / die statt Rom einnemē / vnd erlangen das rechthaus
 des Kayserthümbes / Demnach mögen wir das vberig dester ringer aufrich-
 ten / vorab so yhr der götlichen anzaig / den waffen vnd ewer selbs manhayt /
 wol vertrauen / vnd euch des getrösten mögen. Nach dem nu Seuerus dises
 geredt / da haben yn alle Ritter vnd kriegsleut mit glücklichem geschray auf-
 genommen / yhn Augustum ein merer des reichs / auch Pertinax genant / vnnnd
 yhme damit allen gunst vnd liebe / auch einen eerlichen willen vnd dienst ver-
 sprochen. Aber Seuerus gedacht das ym nutz auffzeshürzen / noch vnnutz
 auff den mornigen tag zünerziehen were / vn̄ gepot das man eilents auff sein /
 vnd der Stat Rom züziehen solt / damit teylt er die speis / vn̄ was mā vnder
 wege nordürfftig was / in dem ganzen heer auß / Er lief nichts vnderwegen
 noch vngerhan / dz zü dey l dienen möcht / Er verharret an kainem end / vn̄ lief
 kaum zü / dz die Ritter vn̄ kriegsleut ein wenig gerüweten / oder sich vonn der
 weite vnnnd ferre des wegs / doch ein wenig erholetenn vnnnd erplasetenn. Er
 hielt sich mit aller mü vn̄ arbeit bey den fordersten / vnnnd geprauchtt sich eines
 schlechtern n̄kostlichen gezelttes / Was speis vnnnd tranck er seynem heer geben
 deren hat er sich auch genügen lassen / vn̄ hat nie kain mal einiche Kayserliche
 wollust noch vppigkayt erzaygt noch geübet. Darumb er den Rittern vnnnd

Kreyge

Kriegsleuten/von tag zu tag/ye lenger ye lieber wart/Dann wiewol er al-
 ler arbeyt nit allein teilhafftig/sonder auch deren ein stifter vnnnd anweyßer
 gewesen/so ist er doch von inen so erlich gehalten/das sie geachtet wurden/alle
 sachen vmb seinent willen/zum aller fleyffigsten zu volbringen. Nach dē
 er aber das Vngerland durchzogen/vñ yetzt die Italischen gepyrge ergriffen
 da hat er das geschrey seiner zükunfft dermaß fürkommen/das er ee dann man
 ersür/das er kommen wolte/ yetz vor augen was. Inn anschawung diß höres
 haben die Italianischen stett/groß schrecken vnnnd forcht empfangen/Wann
 die Italianischen waren kurz hienor/aller streytt vnd waffen entwenet/sye
 baweten vnd pflanzten die äcker vnnnd felder/vnnnd gelebten des frydenns/
 Dann so lang/vnd all dieweil die statt Rom frey/ auch der Römisch Senat
 die heupter vnd fürsten zu erwölen/inn vbung gewesen/ist das Italianisch
 volck/der zeytt stettigs in Rüstung vnd bey den waffen gewesen/vnd haben
 mit vberwyndung der Griechen/vnnnd der Barbarischenn völker/die her-
 schafft auff dem meer vnnnd erdttrich erlangt vnd erobert/wann es ist gannz
 kein teil der erdenn nach begriff/vnder dem himel gewesen/da nit die Rōmi-
 schen waffen se manheit vnd stercke erzeugt habent. Nach dem aber der Kei-
 ser Augustus das Keyserthumb erlangt/da hat er den Italianischen ihr ge-
 were vnnnd waffen entzogen/vnnnd die arbeyt abgenommen/vnd an der sel-
 ben statt/allein gedingt vnnnd bestelte Ritter vnd kriegsleut/mit einer gewis-
 sen vnd verordneten gewaltsame bestellt/die das Römisch Keyserlich Reich
 beschyemten/zū dem hat er auch dasselbig mit den grossen wassern/mit wey-
 ten gräbenn/höhe der berg/wüstenenn/vnnnd vnwegsamkeit bewart vnnnd
 vmbgeben/an allen anstößen vnd enden/Defhalbē sie alle nach dem sy Se-
 nerū mit ein so grossen zug komen/ gesehen/von der vngewonten sach/groß-
 sen schrecken empfangen/dieweyl sie weder gegen were/noch widerstand ze-
 thū gewist habē/darumb giengen sie im alle mit Lorber gekrönt/ entgegen
 vnd empfiengen ihne mit auffgeschlossnen pforten. Er ist auch an dern yetz
 dem ort so lang verharret/vnz das er den götten das opffer volbracht/
 vnnnd das volck angesprach/ist damit eins wegs den nechsten auff Rom zu-
 gezogen. Als man dises Juliano dem Keyser verkündet/da merckt er wol/
 das es gang vmb ihne gerhon vnd aufwere/in dem das er von der grossenn
 menge vnd macht des Illyrischen vnnnd Windischen heere vernam/Zū dem
 vertrawet er dem volck wenig gegen dem er sich verdacht vnnnd argtwenig
 wiste/Desgleichen hat er nit sonder groß hoffnūg zū den Rittern vñ kriegs-
 leuten/die er in seinem zusagen betrogen gehebt. Vnnnd hat darumb allent-
 halben her gelt gesamlet/zūm teil von seinem gütte/vnd zūm teil von seinen
 freunden auffgenommen/ auch alles das er inn den Tempeln vnnnd inn an-
 dern gemainen geheltnussen fand/das befalch er seynem heer aufzetheylen/
 das er ihrenn gunst vnnnd willen damit wyder erkauffen möcht. Doch wie-
 wol sy vil vnnnd grosse gaben von im empfangen/so haben sy ime doch kein
 d iij danck

Italia Imperator

wider los

Das ander buch

danckbarkeit bewisen/vnd dargegen gesprochen/das er yhnen kain gab gebysonder yhnen darmit erst yhr schuld bezalt. Wiewol nu yhm seine freund rye ten das er sein heer aufffuren/vnd die enge der kausen inn den gebyrgen/Alpes genant/einnemen vnnnd besizen solt (wann dise alpes seind die aller hochste perg/als sonst kaine inn der selben gegne/gleich wie ein maur gech abgeschliffen/vnnnd beschliessen das Italien zu der annnderen des lands gelegenheit/Das gebyrg hat von natur ein solche höhe/das die nit zübestreiten ist/nemlich von mitternacht her/vnnnd gegen mittag wirt das land mit dem grossen meer beschlossen) Doch so ist Julianus nit geherzt gewesenn auß der Statt züziehen/vnnnd schicket etlich zü dem heere/sie zü bitten/sich zü der gegenn weer zürüsten/vnd vor der Statt gräben auffzürwerffen/Dermaß richtet er inn der Stat allen handel des streits/auch vnderstonde er alle Helffant (die er zum pomp vnnnd pracht gehalten) zü gewänen vnnnd zü richten/das sye den besizer/vnnnd der sie regierte/erleiden möchten/Vnd vermainet das er damit die Rytter auß Wyndischenn landenn/sampt yhren pferdenn/von der größe wegen diser thier (deren sie danor nie kains gesehen) zü schrecken vnnnd forcht bringenn wolt. Die ganze Stat Rom was inn emsiger vbung/geweer vnnnd waffen züzeristen/vnnnd alle Streitliche weeren züberaiten. In dem aber die Rytter vnnnd kryegsleut Juliani/sich dermaß gesaumpt/vnnnd zum krieg gerüstet/haben sy mit potschafft vernomē Seuerū den newē Kayser schon zü gegen sein. Der selbig hat yren vil von seinem heer/also langsam vnnnd haimlich befolhen/inn die Stat Rom züziehenn/deren dann etlich disen/die andern ain andern weg inn die Statt zü kommen/vnnnd haben yren harnisch mit einem beurischen vnnnd dörfischen klayd bedeckt/Darmit was auch der seynd inn der Statt/wiewol sich Julianus noch müßig hielt/vnnnd nit wißt was er thon solt. Da nu das volck vnnnd die Burger das vernomen haben/vnd all menigklich forchtsam/vnnnd die macht Seueri entsizen was/da thetenn sie der gleichen/allß ob sye mit Seuerō huldten/vnd Julianum (das der vnnstreitpar/darzu Nigrum das der selbig trüg vnd auch kain nutz were) verschmächten/vnd sich ab Seuerō/der jez gegenwertig was/größlich verwunderten. Aber Julianus als ein zweiflender/vnd dürfftiger der hilff/vnd des raths/der berüfft zum ersten die rathsherrn/vnnnd schicket brieff an Seuerum/inn denen er begert sich mit yhm züertragenn/vnd yhn zü einem gesellenn des Kayserthüms anzünemenn. Wiewol nu der ganz rath dise ding alle erkant/vñ aber Julianum also verzweiflen vnd forchtsam befunde/da hat er sich ganz gegenn Seuerō genaiget. Als nu nach zwaien vnnnd auch nach dreien tagē gehört ward/dz Seuerus jez ganz nahe vnd zügegen wer/da verachtet menigklich Julianum/vnnnd kamen auß gebais der rathsherrn vnd burgermaister/all züsamen in den rathshoff/Dann den selbigen gehört von des Römischē nutz wegen sorg zü haben/so oft von des Kaiserthüß wege zwitracht züfand. Nach dem nu die selben also emsig erscheinenn/da seind sie mit einander/vmb die notdürfftigen hendel entschlossen/Vitminders hat Julianus dazwischē in dem Kaiserlichen sal beharret. Je zü lest/mit beweining seines

seines vnfalls bat er sy/ im züzelassen das Keyserthüb abzüschweren/ vñ alle gewalt Seueri zü vbergeben. So bald der radt sein grosse forchtsame vermercet/ vnd auch sein leibshütter gar erschrocken waren/ das sy ihne ganz vnuerhüttet gelassen/ Do habenn sye Julianum züm tod/ vñnd Seuerum zü einem Keyser erkandt vnd außgesprochen/ damit schickten sye yr radtsbotschafft zü Juliano/ die im sein wyrd vnd Keyserlich zierd abnemen/ vnd etlich die im sein herschafft abtänden solten. Aber das geschefft dz Julianus zü tod geschlagen/ dz ward einem von den zunftmeystern empfolhen außzerrichten. Der selbig hat den weerlosen erbärmlichen alten Keyser/ der yetz von menigklich verlassen/ vnd aller ding beraubt was/ vnd im selbs mit seynem eygnen gelt disen vnseiligen tod/ erkauft gehept/ vnder seinem schentlichen beweynen vmbbracht vnd ertödtet. Als bald Seuerus dises gehört/ do hat er noch grössere hendel in seinē gemüt gefasset/ vnd im fürgenomien/ alle Ritter zü fahen/ die den Keyser Pertinax erschlagen hetten. Darumb schicket er heimlich Brieff an die zunftmayster vnd Rottmeyster/ vnd versprach jnen vil gaben/ den selben Rittern vnd statt Rotten zü radten/ sich seinen gepotten auch gehorsam züerzaigen/ Vnd lief er darauff ein gepott außgon/ dz sie ire geweer vnd waffen in dem leger lassen/ vnd in fridlicher feyrtäglicher bekleydung herauß gehn solten/ als ob sie zü einer hochzeyt vnd Pomp zügen oder (wie sie gewont wern) schympff spil zü üben/ damit im Seueri hulden vnd schweren/ jne mit gütter hoffnung gehorsamē/ vñ als dem neuen Keyser anhangen solten. Als die Ritter das/ von einplosion der hauptleut vnd Rottmeystern geglaubt/ haben sie ire gewer vnd waffen verlassen/ vnd sych mit hochzeytlichen kleidern/ vnd mit lorperen krenzlen erzeyget. In dem sie nun zü dem heer Seueri des neuen Keyseris kamen/ vñnd man im sagt/ das sie da weren/ da Befalch er/ das sie all zü samen in das feld kämen/ als ob er sie alle samenent begrüssen/ vnd mit willen ansprechen vñnd auffnemenn wolt. So bald sie sich zü seinem stäl genähert/ vnd jne all einhelligklich angesprochen/ da haben sie die Ritter Seueri nach empfangnem warzeychen/ all vmbgeben/ vnd gefangen/ Wann Seuerus het seinen Rittern das also befolhen/ So sie die Stat Rotten sehen/ ein auffmercken auff sein mund vnd wort haben/ so solten sye die selben/ als ire seynd hinder schleichen/ doch das sie keynen verwunden/ noch hinder sich triben/ sonder einen ring machen/ sie darinn beschliessen/ vnd jnen allein ire pfeyl entgegen vnd vnder augē halten solten/ damit sie von forcht wegen des verwundens/ als die nackenden vnd blossen/ dē gewapneten/ auch die mindern dem merern teil/ deßer minder widerstand gethū doiffen. Do er sye nun also zwischen den waffen/ als in einem thurn vnd kercker beschlossen vnd gefangen gehept/ do hat er mit heller stim vñnd zornigem gemüt/ zü ynen dise red gethon.

*besetzung des
seueri*

Juliani tod

Das ander Buch

Was Seuerus der Kayser wider die

todtschläger Pertinax handelt / Vnnd wie
er sich wider Nigrum zu kriegem
rüstet.

Als yhr von vns mit weisheit vnd krefften / auch mit der zal vberwun-
den seyen / das sehen yr in diser sache selbs wol / Ir seit also leychtigklich
gefangen / vnd werdt gar nahe on mü vñ arbeit dermaß behaltē / was
von euch künfftig ist zu geschehen / das stat in meiner hand vnd gewalt / wann
yezund stonnd yhr gleicherweys als ain schuldig opffer gegenn dem Keiser-
thumb. Wo yhr nu ewern begangnen lastern ein pillich straff süchen / so mö-
get jr die nimer befinden / das yhr den aller hailigsten alten man / vnd den als
ler loblichisten Kayser (den yhr doch billich beschützt vnd beschirmet hetten)
selbs erschlagen haben / Vnd das Römisch Kayserthumb (das dann mit ewi-
ger glori vnd ehr / klar vnd durchlechtig gewesen / das vnnser vorderen mit
grossen tugenden / oder mit dem namen des hohen adels erlangt) das haben
yhr als schnöde wücherer (als ob das ein schlecht nachgültig ding gewesen)
so schantlich vnd so lästerlich verkaufft / Darzū hond yhr auch den selbigen /
den yhr der gestalt zum Kayserthumb gezogen / dabey weder hant habenn /
behalten / noch beschirmenn wollen / sonnder als die forchtsamen menschen /
ihn selbs verrathen / Darumb solt man euch vmb diser laster vnnnd vbel / die
ihr begangen habt / tausendt töd anthonn / wo man ja vnderstünde die straff
dem verschulden nach zünergleichen / Deshalben sehen ihr selbs gnüg wol /
was euch gezympt zü leiden / Doch so will ich des plütuer gießens abston / vñ
mit eweren hendenn nachuolgen. Die weil aber das recht vnnnd alle pillichait
mit zü lasset / das kain Kayser von euch fürter behütet werd / die weil yhr ewer
trew vñ ayd an jm gebrochen / auch ewere hend mit verachtung der gelüpt
vnnnd hüt / inn dem burgerlichen vnnnd Kaiserlichen plüt verunreint haben /
so will ich doch von menschlicher miltigkait wegen / euch bey leib vnnnd lebenn
lassen. Aber vor dem allem / so gepeüt ich meinen Rytteren allen / das sye euch
alle vmb geben / die Ritterlichen klaiden aufziehen / vnnnd dem nach plos vnd
nackend hyn gehen lassen sollenn / Darmit so gepeüt ich auch euch / das yhr
auff das aller weytest von hinnen weichen vnd hinweg ziehenn / dann ich se-
ge vnnnd schwer / das ich euch hiemit verkünd / bey verliering ewer heupter /
das sich ewer kayner / nach disem tag / zwischenn dem hundertstenn Stayn /
vnnnd der Stat Rom sehen noch finden lasse. Nach disem seinem gepot sind
die Illyrischen Rytter zamen gelauffen / vnd haben ynen zum ersten ire kurze
toldē vnd daglin abgegürtet / die sie dan vmb zierd vnd wolsteens willē an
sich gehengt hebet / darzū auch die gürtel / klaiden / vnd ander ritterlich zierdē
die

die wurden inen mit gewalt abgezogen/vnd sye all ganz plos also hingeschicket. Als sie sich nun also sahen verratten vnd gefangen sein/da müßten sy nit wenigens jr gedulter zeigen/dann sye als die nackenden/vnnd mündern/tün/ten nichts widder die gewapneten/ vnnd stercken hauffen handeln/Darumb seynd sye mit vil trawren vnnd weynen abgescheyden/vnd namen ihr laydigung für ein grosse gnad vnnd gütte an/Doch verdros sye / das sye on ihre were/auf dem leger gewychen waren/vnnd sich so schentlich vnnd lesterlich hetten sahenn lassenn. Seuerus hat auch sonst noch ein andern list gegen ihnen gebraucht/wann er sorget das sie sich wider samlen/vnnd auf verdruß der verlorren habe/jren leger widerumb einnehmen/darzu auch ihr gewör vnnd waffen/wider zu handen fassen wurden. Darumb schickt er von seinem heer/außerlesne knecht/vnd erfarnen kriegsleut/yhe andere weg zum selbigen Leger/vnnd befalch den selbigenn/den Lären leger heimlich zu vberfallenn/der selbigen gewer darinn erobern/vnnd die wider kerendenn berümpfte Ritter vom leger aufzeschliessen. Dise straff hand des Keyfers Pertinax todtschleger empfangenn. Nach disem ist Seuerus mitt seynem vberigen hōie/der Stat Rom zu gezogen/mit einer schönenn ordnung/davon menigklich in der statt Rom/zum ersten anplick forcht vnd schrecken empfangen/vnnd haben inn ihren gedanken/die durstige manheit / vnd das groß glück diß newen Keyfers betracht/Den dann der rath vnnd alle Burger/mit Lorberlaub gekrönt/ entgegen gangen/vnnd frölich empfangenn/als den yhenen der vnder allen menschen vnnd Keysern/zum erstenn / so ein grosse sache / on alles plüt vergiessen/ auch on allen staub vnd betrüßnus volbracht hett. Dann es seind alle ding wunderparlich inn ihm gewesen/vnnd voran die scherpfte seyner synnlichkeit/erleydung der arbeyt/vnd inn dapfferer angreyffung/so grosser trefflicher sachen vnnd hendel/Inn dem setzet er seiner manlichen keckheit/allzeit ein gütte hoffnung für. Nach dem jne nun das volck vnnd burger / mit glücksaligem anschreyenn empfieng / vnnd der ganz gemain rath/ihne bey den statt porten begräste / do gieng er zum ersten in den tempel Jupiters/da volbracht er die göttlichen ämpter/demnach besücht er nach alter gewöheit/die vbrige Tēpel alle/zuletzt fügt er sich in den Keyserlichē sal vn palast. Am andn nachgendet tag/ist er in den rat hoff gangē vnd daselbs ein ganz wolgefellige/ freuntliche red gethon/die voller güter hoffnung vnd bester zūuersicht gewesen ist/Vnd hat darmit sye alle gemainlich/vnd yeden inn sonders/freuntlich angesprochen/vnd gesagt/ das er darumb inn die Statt kommen were / das er den erschlagenen Kayser Pertinax rechnen möcht/Vnd das er daran seyn wolt/damit die fundament der orbenn meysterschafft/vnder yn (als einem Keyser) wider behandfestiget wurden. Er wolt auch nyemandt an seinem leib noch güt straffen / dann alleyn mit recht / inn dem kayn klaffer/nach mären trager/vmb sich dulden/vnnd genglich ein nachvolger seind des Kayfers Marci/Vnnd nit allein den zūna-

Das ander Buch

men Pertinax an sich nemen/sonder auch desselbigen gemüts an yhm haben/
Der gestalt hat er yhm selbs gunst erlangt/vnd glauben zugezogen. Doch
waren etlich vnder den mächtigen Römern (die dann sein synn vnnnd may-
nung erkanten) die sagten inn gehaym zu den andern/ das er ein wanckelmä-
tig mann/vnd nicht were/das er nit mit listen vnd geschwindigkeit handelt.
Er wer auch ein schmaychler/vnd geschickt die leut züerwänen. Er achtet
kayns kostens/wann er etwas darmit züwegen bringen/das ym nützlich sein
möcht. Dise der alten maynung vnd anzaig/hat er vnlang darnach/mitt
den wercken selbs bewert. Darumb als Seuerus wenig tag inn der Stat
Rom gewont/vnnnd das gemayn volck mit vberschwencklichen Kayserlich-
en gaben/ym latein Congiariū genant/ desgleichen auch sein Rytter vnnnd
kriegs leut/vberflüssig begabt/auf denen er/an stat der gestrafften vnd ver-
tribnen Rytter/die aller stercksten auf gelesen/vnnnd yhme zü einer hüt erwe-
let. Da hat er von stundan/seinen zug inn Orient vnnnd gegen auffgang der
Sonnen zügericht/die weyl sich Nigier saumpt/vñ noch müßig lag/auch in der
Statt Anthiochia/inn vppigkeit vnd wollust sein zeit verzert/ Da gedacht
yhm Seuerus zü eylen/damit er den vnuersehenen/vnd vngerüsten vnder-
trucken möcht. Deshalben gepot er seinem kriegs volck/das sy sich zü disem
heerzug beraiten solten. Inn dem samlet er allenthalben her/vil kriegs leut/
auch hielt er inn ganzem Italien ein samlung/vnd mustert vil junger vnnnd
starcker mann zü disem zug. Zü dem befallhe er dem Illyrischen heer/die inn
Tratia lagen/das sy yn auch zü vnd entgegen ziehen solten. Er bestalt eyn
grosse zal schiff mit dreien rüdern/die selben füllet er mit gewapnetem kriegs
volck/auf dem ganzem Italien land. Also vberkam er mit vngleublicher
schnelle/allenthalben her/ein grosse menge volcks/Wann er vermercket/das
die sach nit einer klainē macht bedorfft/wider die Nationen/eins ganzen tails
der welt/inn Europa wonent/die dann alle mit einem gleichen willen/vnd
einhelligklich/dem vorgeantzen Nigro anhiengen. Auff dise weis vnd may-
nung hat sich Seuerus zum krieg gerüster. Zü dem hat yhn (als ein fürsich-
tigē man) ein sorg vñ argwon vmbgeben/vō dem Brittanischen heer/als den
grösten vnd streitparisten männern/derer aller hauptman was Albinus/vō
Radtsherlichen vnd adelichem stammen gporen/der was nu auch inn grosser
reichtumb vñ allē wollusten auferzoge/den gedacht im Seuerus mit lystē zü
zugesellen/auff das er nit für sich selbs/vō wegen seiner reichtumb/seins stam-
mens/oder heeres geraizt würd/das Kayserthumb zü begeren/oder den o-
beristen gewalt zü erlangen/vnd also Rom die Stat (weil die nit weit vom
Brittanien gelegen/darzwischen vnd er inn den Orientischen landen/auffge-
halten würd) erobern möchte. Vnd nam ym für den gütē einfeltigen vnd
glaubigen man (dem er als dann durch seine brieff zü sagt vnnnd schwür) also
mit etwas gestalt der eeren zü betriegen/Darumb so hat er die hoffnung vnd
begirde Albini (inn dem das er yhn ein Kayser genennet) fürkommen/als er
den gewalt mit yhm getailt/Dann er schickt im brieff zü/die all freuntschafft
vnd gütē willen anzaigten/Darynn lyef er yn bitten/dz er die sorg des Kay-
serthumbs am pillichstenn auff nam/wann es were not das man ein edlen/
theuren/vnd dapffern man het (als er dann einer were) darzū so wer er yetz
alt vnd

Congiariū

*Albinus Ji
Brittania*

alt/vnd mit der frantcheit Podagrams geschwecht / vñ dargegen seine sūne
 noch ganz zū jung. In dem nun Albinus disen dingē geglaubt/hat er die wirt-
 de vnd ere gern angenomien/vnd frewte sich/das er on allen streyt vnd schaz-
 den/das nach seinem willen erlangt hat. Damit dann das alles deſter glaub
 haſſtiger ſein möcht/da hat Severus das auch dem radt eröffnet / vnd da-
 bey beſolhen/das man auch in Albinus namen/vnd ſeiner bildtnus münz ſch-
 lagen ſolte. Dazū richtet er in Albinus namen ſeulen auff/vnd ſagt im ſonſt
 vil andere ere zū/damit er ſeiner bewyſſnen gnaden vnd gunſt glaube möcht.
 Nach dem nun diſes alles vorn im gnüg weyſſlich verſehen/vñnd yetzo keyn
 forcht mer auß Brittanien her/zū beſorgen was / da verſamlet er zū im das
 Illyriſch heer/vnd küſtet ſunſt alle ding/nach aller notturfft zū/vñnd nam
 im für/das heere wider Nigrum zū fāren. Darumb an was enden er vnder
 wegengelegen/oder was red vñnd geſchefft er bey einer yeden ſtatt gehept/
 was göttlicher zeichen vnd anzeyg ime erſchynenn/ſtem was Künigreich vñ
 lender er durchzogen/darzū die zal ſeiner ſtreytten/feldſchlachten/auch die vi-
 le der erſchlaggen vñ vmbbrachten/daz ſelbig beſchreiben vil Hiſtorien ſchrey-
 ber/vnd allermeyst die Poeten in ſhren Verſen vñnd gedichten/die dann dye
 materi des ganzen wercks/vnd auch das leben Severi erwölt haben. Aber
 mein fürſatz iſt/die ſachen die ſich vnder ſibenzig jaren verloffen/vnd ſich vn-
 der mancher hand Keyſern begeben habent/vñnd mir am baſten zū wiſſenn
 ſein mügen/in ein corpus zū begreyffen/vñnd dem Büchſtaben zū beſelhent/

Deſhalben ſo wil ich nun fürter die namhaſtigſten vñnd fürtrefflich-
 ſten geſchefft(die von dem Keyſer Severo volbracht ſeind) an-

zeygen/vñ vmb gunſts willen ganz nichts hinzū heſſten/

Das ich ſich geſchehen ſein/ von den ſhenen / die bey

diſen zeittenn geſchriben haben/ Auch ſo will

ich nicht ſtilſchweygend fürgan / ſo ſha-

etwas iſt/das der gedechtnus vnd

verkündung würdig zeſein

geſchetzt werden

mag.

Das drit büch der herodianischen hystori. Wie der Kailer Seuerus den Nigrum

vberwand/vnd sich demnach wider Albinum
den Kailer rüflet



Adem vorigen büch hab ich angezeigt den todt der baiden
Kaiser/Pertinax vnd Juliani/ Desgleichen wie Seuerus
der new Kailer/der Stat Rom zu/ vnd demnach bald wi
der Nigrum aufgezogen ist. Da aber Nigrus gehört/dz Se
uerus die Statt Rom eroberet/das in auch der Senat/wi
der sein hoffnung/ein Kayser genant/vnnd er das Illyrisch
vnd Wyndisch heer/darzu sonst vil vnnd grosse hauffen zu füs / vberland/
vnd auch zu schiffen wider yhn aufgeführt/ da hat er inn seinem gemüt grosse
vnd hefftige betrübtenus empfangen/darumb alle Landuögt der Prouintzen
vnd länder ermanet/das sye alle zügeng vnnd porten wol behüten solten/dar
zu schickt er vmb hylff zu bitten zu den Partischen/ Armenischen/vnd Atreni
schen Königen/vnder denenn yhm der Armenische König dye antwort gab/
Das er yhrer kaynes parthey sein / sonder inn zukunfft des Kaisers Seue
ri/allein sein reych beschyrmten wolt. So sagte der Partisch König/das er sei
nen Landtsfürsten vnnd Sattapen/durch seine brieff befelhenn wolt / das
sie hauffen des volcks samletenn(wann also was er gewont züthon/so er sich
zum krieg rüflet/dan dye Partischen haben kainen besolten kriegsman / noch
verordnet heer) Aber auß dem Königreich Atrienorum/ kamen yhm zu hylff
vil schützen/die in vonn dem König Barsenio (der zu der selben zeit in dem
Königreich regiert) zugefamt wurden/die andern hauffen hat er allermaist
außer den kriegsleuten/die da zu gegen warenn versamlet / dazu vil von dem
gemainen volck/vnnd allermest von dem Antiochischen/ diereil die selben
von frecher jugent/vnnd auch von liebe wegen gegenn Nigro bewegt wur
denn/das sie sich selbs mer manlich dann weislich/inn der mustering auffzai
chen vnnd anschreibenn lieffen. Da befalh auch Nigrus die enge weg / vnd die
gehe des bergs Thauri/mit einer fast starcken mauren zünerpawen/vnd ver
hofft das diser berg dem reich in Orient künsttlichlich/ein grosse vnd güte vor
weert sein würde(Wann der berg Thaurus erhebt seinen rugkenn zwischenn
Cappadotia vnnd Cilicia/ vnd zertailt oder vnderschaidet die nationen vnd
völcker/die in Orient vnd gegen mitnacht gelegen seind) Auch hat er die stat
Bizantium(Die yezund Constantinopel genant ist) mitt eynem zusag verse
hen/Diis ist die aller gröste vnnd glücklichste Statt gewesen inn Tratia/dye
dann an macht vnnd reichthumb/zü der zeit gegrünnet hat / Wann sye liget an
dem aller engstenn gestaden des Propontischen meeres/vnnd empfaet alle
zöll/auch alle füre vnnd schyff vonn dem meere/Darzu hat sie vil fruchtpara
lands vnd erdtrichs vmb sich ligen/ das sie von den baiden Elementen/dem
wasser vnnd dem erdtrich/grossenn nutz vnd gewin erlanget / Deshalb sahe
Nigrum für güt an/das er ein solche Statt mit hüt besetzen solt / vmb willen
das die schiff auß Europa in Asiam fürzûfaren versperrt werden möchtenn/
Wann die stat wz vest vnd wol gewart/auch mit einer starcken mauren vñ
gebeñ

Thaurus
weg

Constantinopel
gehegen

geben/die mit quader vnnnd vierecketen stainen gepawen/vnnnd so nahe zū
 samen gefügt was/das niemants schezen möcht/das dises ein zamen gesetzet
 werck/sonder auß einem ganzen vnnnd ewigwerenden stein gemacht were/
 vnd wo du yetzo die zerfallnen vnd vberblibnen stuck sehest/so wurddest du
 dich desselbigen verwundern/voran an den kunstreichen meystern/die das
 zūm ersten gebawen/oder ab deren stercke/die dasselbig zerbrochen haben/
 Auß diser meinung hat Nigri seine sachen/mit seinem fürsichtigsten vn̄ sicher
 sten rath(als er achtet)verordnet. Auch sagt ihm Seuerus für/mit seinem
 hauffen zū eylen/so best er mocht/vnd nach allem seinem vermügen/darinn
 ließ er weder der rñw noch verharung gangz kein statt noch zeit/So bald er
 aber vernam/das Byzantium mit einem zusatz versehen/vnd selbs wol wisse
 te/das es ein feste statt was/da wendet er sich auß Cyzicum zū. Da dises
 Emilianus der hauptman in Asien(dem dan Nigri den öbisten gewalt do
 selbs empfolhen)erfaren/da hat er sich auch auß Cyzicum zū gerichtet/vnd
 alle Kotten/die er mit im geführt/vnd die ime Nigri zū geschickt/gehept/od
 die er zū wegen bringen mocht/mit den selben allen ist er Seuerus entgegen
 gezogen. Als es aber zū der hand kam(wiewol sie vil herter schlachtenn volz
 brachtenn)do stünd der Sig vnnnd die vberwindung bey Seuerus(der dann
 das heer Nigri gejagt vnd geschlagen hat)da von seind den Orientischen ihr
 gemüter gleich erschrocken gewesen/vnd dargegen den Illyrischen ein grosse
 hoffnung vnd manheit zūgestanden. Es waren auch etlich/die meinten vnd
 glaubte/das die sache Nigri/vō Emiliano seine hauptman/gleich im anfang
 verratten weren/vnd wenten der selbigen meynung halb ein zwysach vrsach
 für/Etlich meinten das er ime/dem Nigro der eren vergond/ime heffig vnd
 mit seins willens gewesen were/das er den ihenen/dē er in kurzer zeit hienor
 im Syrier land zū einem nachkommendē landvogt gehebt/so bald zū einem
 obern/auch zū einem Keyser vnd Herrn haben solt. Die andern sagten/das
 dem vatter durch seine kind in sendt brieffen geradten were/das er sein selbs
 leben vnd genesen Radten/vnnnd sich fürsehen solt/Die selbigenn seine kind/
 hat Seuerus zū Rom befunden/vnd verhütten lassen/vnd sich inn dem eins
 fürsichtigen radts vn̄ geschwynden stuck gebrucht. Comodus der Keyser
 het auch diser gewonheit an im/das er die kind/der ihenen/so die prouingenn
 vnd lender Regierten/in einer gegen burgschafft bey ym behielt/irs gütten
 willens vnnnd glaubens/damit zū verpfenden. Darum als Seuerus zūm er
 sten ein Keyser genent ward/dieweil vnnnd Julianus noch gelebt/da hat er
 heimlich iren etliche gesandt/die seine kind auß der statt brechten/damit sy nit
 einem andern in seinen gewalt wurden. Darnach so bald er inn die stat Rom
 kam/da sieng er aller Fürsten kind/vnd aller deren/die dann ampt/vnd land
 vogt waren/in Orient vnd im ganzen Asien/die selbigen behielt er bey ihm
 in güter hāt/vmb deswillen/das er durch sie(als die allerliebsten pfand)den
 hauptleuten vnd Fürsten Nigri geradten möcht/das sy den selbigen Nigri
 von begird wegen des heils vnd genesens irer kinden/verratten solten/Ob
 so die selben ye glauben halten/so wurden sie ime damit nit enziehen müge/
 das er sich mit dem tod der kind/nach seinem gefallen wol rechen kündte.
 In dem aber die Ritter vnd das heer Nigri/bey Cyzicum vberwunden/do

Die Mauer an
 blickung

Emilianus

Der erst Sig
 Seuerus
 Cypre

Das Dryt Buch

seind sie / so vast ein yeder mocht / darvon geflohen / zum tail vber die Armea
nischenn Berg / Welich habenn auch durch Asiam vnnnd Galatiam so vast
geeylet / das sie sich hinnder den weeren beschyrmenn möchtenn. Aber
das heer Seueri ist durch die Eyzicenische lanndschafft inn Bithynienn / das
nechst gelegen Königreich gezogen. So bald aber das geschray auß kam / das
Seuerus vberwunden / da hat von stundan die zwitracht vnnnd vneinigkayt
alle Stet durchgangen / doch nit von has oder liebe wegen / die sie zu den Kai
fern trügen / sonder auß aignem neyd vñ feindschafft / die sie so hefftig vñ sch
edlich vnder den menschen des selbigen volcks hielten. Dises was vnder den
Griechen ein alt laster / dann zu wellicher zeit sie außlauff vnd auffrüren ge
hept / so haben sie ye die mechtigsten vnderstanden vmbzübingen / vnd züuer
derbē / damit habē sie dz ganz Griecheland verhergt / Darum sind sie zum er
ste vnder ynen selbs geschediget / das sie zum ersten der Macedonier / vñ dar
nach der Römer vnderthonen worden sind. Dife sucht des neydes vnnnd has
ses / ist auch bey meinen zeiten den grünennenden vnnnd mächtigenn Stetten be
gegnet. Darumb so haben die Nicomedenser / inn dem Königreich Bithynia
gelegenn / gleich nach volprachter schlacht / sich an den newen Kaiser Seuerū
ergeben / yhre botschafft zu yhm gesant / die yhme versprochen / yhn vnnnd sein
heer auffzenemen / vnnnd alle ding an yhn zu ergebenn. Dagegen aber sich die
Nicenser beslyssenn die parthey Nigri zu haltenn / deshalb namen sie auch des
selbigen Rytter vnnnd kriegsleut auff / die sich von der feldtschlacht mit der
flucht dahin gefügt / oder die zu beschyrmenn das Königreich Bithynien da
hin geschickt warenn / Darumb so synd die Rytter vnd kriegsleut auß den bai
den Stettenn / als auß einem läger / wider einander außgezogen / Vnd nach
vil vnd grossenn volprachten streiten / ist Seuerus weit obgelegen. Vñ nach
dem das heer Nigri abermaln die flucht geben / habenn die selben / die also vñ
er bliben sind / sich zu dem obgemelten berg Thaurus versügt / sich in desselb
igen enge vnnnd kläusen enthalten / vnd die beschloffen weeren beschirmet. An
dem selbenn end verlief Nigri seines volcks so vil / als er vermaint zū beschy
rmung des gnügsam sein / vñ ist er in die statt Antiochiam gezogen / das er gelt
vnnnd auch widerumb ein heer zūsamen bringen möcht. Darzwischen hat sich
das Seuerianisch heer außser Bithynien vñ Galatiam gemacht / vnd so bald
das in Cappadotiam kam / da fieng es an die vorweeren zu stürmen / daselbs
ward mit grosser gefeuerligkait vnd arbeit gestritten / wann die weg warenn
rauch vnd eng / So ward auch vñ oben her in sie geworffen / vnd also den man
lich streittenden / von denen die an den zynnen vnnnd weeren stonden / kecklich
widerstanden / darumb sind yñ vil von wenigen leichtlich abtriben wordē /
Dann es ist der aller engst vnd sorglichest weg / deshalb das er zu einer seyt
mit einem vast hohen berg beschirmet / vnd zu der andern seiten / mit einer vn
messigen tieffe vonn wassern / die von den bergenn fließenn bewart ist. Zu
dem so hat Nigri das mit einem vesten polwerck auch versehen / das der feind
seines zügangs leichtlich abtribenn werden möcht. Inn dem dife sachenn inn
Cappadotia volpracht / seynd darzwischen in der Statt Laodicea / mit gley
chem vnwillen / neid vnd has bewegt / von feintschafft wegen / die sie betren
gegen den Antiochischen in Syrien / So dann in dē Königreich Phenicia die
Tyrischen

Lizium
Bithynia

Der ffuerste
Zeitzaft

Nicomedia

Nicenser

Der ander
Syd

Tyrifchen/die den Berithijs gleicher gestalt widerwertig waren/die dann nach der flucht/dem Nigro alle trew vnd ere entzogen/vnd Seirro mit glücklichem geschrey anhiengen. So bald aber Nigro das gehört/do hat er vñ rechts wegen/von irem abfallen vnd bewyffner schmach/ein groß mißfallen empfangen/wiewol er sunst ein mensch was eins güttigen vñnd senssten gemüts/So hat er die mozen schützen/vnd alle die er bey ym gehept/auch sunst ein teil der andñ schützen/in die beyden stett gesandt/vnd inen beuolhen/alle die zu ertöden/die inen begegnetē/vñ darnach die statt zūschleiffen vñ zū verbrennē. Aber die selben mozen/dieweil sie auß angeborner natur vnd art des todtschlahens begyrtig seind/so ist nichts/des sie sich nit bald vnderwyndenn/darumb seind sie mit verachtung der schaden/gleich den verzweyffelten/in die statt gefallen/vnd habent das volck der Laodicenser/ mit vil hertigkeyt geplaget/vnd auch die statt zerstört. Darnach seind sie zū der statt Tyrus gezogen/vnd nach dem sie den selben alles ir güt genommen/vñnd iren vnzalich vil erschlagen/ haben sie die statt auch anzündet/vñ ganz verbrent. Als die sachen in Syria verhandlet/vnd von Nigro widerumb vil hauffen versamlet worden/seind dazwischen die Seuerianischenn Ritter an dem sturm/der vorweren des bergs Thaurigewesen / doch trostlos vñnd on alle hoffnung des sigs/dann die weren waren so fest/vnd für sich selbs vnverwyndlich/darzu mit dem berg selbs von seiner höhe wegen beschyrmpt/darumb warn sie yetzo ermüdet von der grossen vnd hohen sichern bolwercken ires gegenteils/Alm war da kamen in der selbigenn nacht/so vnuersehenliche grosse reggen/das alle ort mit schnee erfüllet wurden/nach dem als in Cappadotia die winter hert seind/voran bey dem berg Thauro/defhalb so ist ein groß vngestüm wasser erwachsen/Dieweyl aber das von dem baw der Bolwerck vnd weren verschwellet/da ward es ye lenger yhe grösser vñnd vngestümer/also das man die werenn vñnd Bolwerck/mit der kunst(dieweil die natur vberwand) von einer so grossen vngestüme/nit enthalten noch beschyrmten möcht vnd wurden dermaß die mauren auß dem pfulment erhept/vnd von statt getrungen / damit im das wasser gang machte. So bald nun die yenen/die in den vorweren/zū einer hüt lagen/das ersehenn/da haben sie gesorgt/ das sya von den feinden vmbgeben/vnd nit so bald ein ander Bolwerck aufrichtenn möchten/so gleich wol das wasser zerlieff/damit vbergaben sie die hütten/vnd wichen all mit der flucht ab. Des freuten sich die Seuerianischen/vñnd waren ganz wolgemüt/vnd vermeinten/das inen der gewalt vnd macht vñ den vntödtlichen göttern beystendig sein wolt. So bald sie erfüren/das sich die hütter/der Bolwercken darvon gemacht/da habenn sie den berg Thaurū dieweil inen niemants widerstünd/on alle arbeyt erobert / vnd fielen gleich mit einer vngestüme/in das Königreich Ciliciam. Als dises dem Nigro verkündet/wiewol ein groß höre/vnd ein mechtiger zug von shme versamlet/so was doch das selb volck zum streyt vnd der arbeyt vngelübt/mit den selbigen eylet er fast/in dem im auch vil volcks nachvolget/wann alle junge vnd starcke menner der Anthiochischen zugen im nach/als irem Fürsten vnd herren/Aber mit grossen freuden vnd frölichem gemüt/auch mit manheit/stercke/er

Laodice hertig

Tyrus vñnd

Thauri hütten

Das drit buch

Vff dem 6. Capitel
Alexander
Der drit
Tag
des Nigors tod
 farung des kriegs/dem Illyrischen kriegsmam kains wegs züvergleichen/
 Also haben sie ein ander troffenn bey Vfficum / das sie ein schoß vnnd geren
 nemmen / Daselbst ist ein ebne / die ein grosse weithe vnd lenge / auch vil bühel
 zü ring vmb ligen hat / vnnd erstreckt sich von dem gestaden des meeres / auff
 das aller lengst auß / als ein platz der vō sein selbs art vnd natur / zü dem streit
 vnnd feldschlacht formiert vnnd geschickt ist. Wann man sagt das Alexander
 Magnus den König Darium / an dem selbigen end / mit dem letstē vnnd grō-
 ſten streyt mit den leuten von mitnacht / die manner vnd vōlcker inn Orient
 vberwundenn hab / vnd ist der titel vnd anzaig diß sigs noch an dem selbenn
 end / nemlich auff der höhe die Stat Alexandria / darzū die ärin seul vnd pilt-
 nus / darvon dem selbigen end der nam auffgesetzt ist. Also begab sich das dye
 zwai heere / Seueri vnnd Nigri / an dem end nit allein zūsamen stieffenn / son-
 der das auch ein glück dem andern gleich ward / Wan sie stonden zū baydem
 tailen vmb vesperzeit / zum streit vnnd der feldschlacht gerüst gegenn einan-
 der / darnach habenn sie die ganz nacht mit sorg vnnd angst vertribenn. So
 bald am morgen die Sonn auffgangen / vnnd yedes tail von seynem Kayser
 ermanet wordenn / da ist der angriff baiden seigt / so mit vngleichenn lust
 vnnd freuden geschhehenn / als ob sie jezō zum letsten / mit aller hoffnung zūsa-
 menn treten vnnd striten / vnd an dem end vber das glück des Römischenn
 Kaisers entschaidt geschehen solte. Da man aber lang grym vnd manlich ge-
 stritten / zū baiden seytē so vil vmbpracht vnd erschlagen / das man die rünf
 vnd bäch desselbigen velds / etwas mer mit vile des vergoffenn pläts / dann
 von wasser / also groß vnd ganz plätig inn das meer fließen gemacht hat /
 Doch zū letst wordenn die Orientischen vberwundenn / vnnd geschlagenn /
 Vñ als die Illyrischen kriegsleut ernstlich anlagē / sye zū tail also verwundet /
 in das meer getrunnen / vnnd zum tail auff den hohen bühel / darauff sye flu-
 hen vmbpracht / vnnd mit yhnen ein grosse zal des gemainen volcks / die von
 den Stettē vnnd dem land inn der nähe gelegen / die feldschlacht vnd den
 streit / von den bühel vnnd obenn herab / als eynem sichern ort zū sehen / da-
 hin kommen waren. Aber Nigri ward mit der stercke seynes pferds darvon
 pracht / vnnd kam mit wenig volck / die yhm nachuolgtēngen Antiochiam /
 So bald aber der grösser hauff dermaß inn der flucht zerlieff / vnd das volck
 mit grossen weinen vnnd schreyenn / yhre kind vnnd brüder bewainten / vnd
 Nigri nach verlierung alles gewalts die flucht nam / da ward er inn einem
 dörflein (darinn er sich verporren gehebt) vonn den Seuerianischen knechten
 befunden / vnnd yhm sein haupt abgeschlagen / inn der gestalt hat Nigri seyn
 end genomen / vnnd darmit den lon seins beharrēns empfangenn. Aber sonst
 (als man sagt) ist er ein man gewesen / der in gemeynen vnnd sonderlichenn
 geschefften kainer vnfromkait zū schuldigen w. So bald man Nigrum ersch-
 lagē / da hat Seuerus alle seine freund vnd güner / die yhm mit willenn / oder
 bezwungenn angehangen / mit grosser peyn vnnd marter durchechtē / vnnd
 seind alleyn die kriegsleut / die vonn seiner forcht wegenn / vber das wasser
 Tygrim zū den Barbarischen außlendigen vōlckern gewichenn / vngestraft
 wider

von die barbarischen
gerichte und
gantz pmden

wider auffgenommen/wann es was ein grof zal volcks/an die selben ort ge-
wichen/Darauf volgt/das die Barbarischen demnache/wider die Römer zu
streytten/vil stercker vnd geschickter worden seind/wann darvor wisten sye
nit zu streytten/dann allein zu rof/mit den handtbogen/dazu waren sy mit
keinem harnesch bewart/auch nit gnüg durstig mit dem spieß vnnnd degen zu
streytten/sie waren mit einem ringen vnd hangenden kleid bedeckt/vnd inn
der flucht wendten sie sich gegen den feynden/vnd schussen auff sie ab. Nach
dem aber etliche Römische Ritter/auch etlich waffen schmid/vnd werckleut
inn die selben land/vnd Königreich geflohen seind/vnd daselbs jr tag vnnnd
leben geschliffen/haben sie nit allein die waffen bey ihnen gebraucht/sonder
auch die außlendigen die selben leren machen. Als nun die sachen inn Orient/
ganz nach dem willen Seueri volbracht/vnd auch/als dann die sache erfor-
dert/geordnet wurden/da was Seuerus wol begyrig/den König Atreno-
rum/mit krieg anzuwenden/desgleichen das Königreich der Parthischen zu
erobern/dieweil die selben beyd/dem vorgeanten Nigier gesellschaft vnnnd
hilff bewysen hetten / doch hat er die selbigen sache zu einer andern zeyt auf-
gerichten/auffgeschürtzt/vnd auff ein ort gesetzt/Sieng damit an zu bedenk-
en/mit was fügen er im vnd seinen kinden/das Römisch Keych/mit vesten-
threwen zu eignen möchte. Wann nach dem Nigier abweg komen/da was
noch Albinus verhanden/den im dann Seuerus ganz mit meynt zu geduldē
nochnutz sein/vorab dieweil das geschrey auß gieng/das Albinus den namē
des Keyfers/yezo zu vil vnmesiglich vnd gewaltsamlich vnderständ zu er-
langen/Zu dem waren jren vil/von dē fürnemsten radtsherren/die ym heim-
lich brieff zu sandten/vnd zu dem heimzug ermanten/dieweil vnd Seuerus
nit innlendig/vnd mit anderen geschessenen beladen were/Wann aller Adel/
hett Albinum vil lieber zu einem Keyser gehept/dann Seuerum/Dan Albi-
nus was ein jüngling/vō einem durchleuchtigen geschlecht erborn/darzu ey-
nes gütten erbern wesens. In dem nun Seuerus das erfür/da vermeint er
nit güt sein/mit offenbaren krieg oder feyndtschafft zu handeln/dieweyl er
kein ursach/die doch ein klein gestalt oder ansehen der erberkeit gehabt moch-
te/Darumb setz er im für/Albinum mit auffszug vnd betrug zu hinder schley-
chen/Deshalb hat er auß den Keyserlichen Botten vnd brieff trägern/etlich
erwelt/die im am getreuesten waren/vnd die selben mit bueffen/vnd münd-
lichen gepotten zu Albino geschickt/vnd jnen befolhen/so sie ym die brieff of-
fenlich vberantwortet/solten sie sagen/das sie noch etwas heimlichs mit jme
mündlich zu reden hetten/Vñ so bald sye mit yhm auff ein ort/von seynes
leibs hüttern kömen/so solten sie jne vmbbringen vnd ertöden/Zu dem hat
er jnen auch giffte geben/ob sie ihm sunst durch yemant anders/damit inn der
speyß oder tranck vergeben möchten. Dieweil aber die freund Albini/den ge-
lauben vnd trawen Seueri arckwenig vnd verdacht gehalten/haben sie des-
halb Albinum gewarnt/vnd gesagt/das er sich vor dem vntrewen menschen
Seuero/der alles betrugs vnd auffszuges vol steck/verhärten solt Das
gemayn volck hielt auch wenig von der trew vnd glauben Seueri/dieweil
er die hauptleut des vorgeantē Nigiers/mit 8 gefegtnus jrer kind als vorge-

Das drit büch

sagt ist) getrungen/ das sye den Nigier vbergaben/ vnnnd yhm anhiengenn/ Nach dem er nu yhr hilff der gestalt mißbraucht/ vnnnd die sachen gannz nach seinem willen versehenn/ hat er die selben fürsten vnnnd hauptleut/ auch alle yhre kynd gar ertödet/ inn dem hat die sache sein vntrewes vnd schalckhafftigs gemüt selbst angezaigt/ Deshalben sich der Kayser Albinus mitt grosser hüt versehen/ vnd ließ auch kainen von den potten des Kayser Seueri/ freifelich zu yhm treten/ oder in seinen sal kommen/ er hete dann zūvor sein gewer von yhm gelegt/ vnd sich deshalb ganz entplöst. Nach dem aber die portenn von Seueri zu yhm kommen/ vnd yhre Brieff offentlich empfangen/ auch das sie etwas haimlichs mit yhm zu reden hond/ in der potschafft gehört/ synd sie von gehais Albini von stundan begriffen vnd gefangen/ gleich von allen yren sachen vnd hendlen befragt/ vnd yhr auffsz vnd betrüg erfaren/ auch dar auff vnd yhr selbs bekantnus gestrafft worden/ Darumb syenge Albinus an sich gegen dem offenbaren feind/ yhm ein gegen weer zu rüsten. So bald der Kayser Seuerus (als ein zornwäher mensch) mit vnwürchem gemüt/ das erfaren/ da hat er gemerckt das yhm die feindschafft weiter nit mer zūuerhailen sey/ vnd mit berüffung seines heers/ thet er vor ynen ein solliche red.

Wie Seuerus sein heer bewegt das sie Al-

binum zu einem feynd erkanten/ Auch wie er wider yhne gezogen/ Was vnd wie in den feldstreiten gehandelt/ vñ Albinus vberwunden sey. Item von Plantiano der einschwäher war des Kaisers sun.



On der verlauffnen sachen wegen/ mag mich niemant der leichtfertigkeit verdennen/ Desgleichen wider den yhenen/ den ich hienor für meinen freuntt gehebt/ kainer vntrew noch vnglaubens beschuldigen. Ich hab Albino allen gewalt gegünt vnnnd zūgestellt/ darzu yhn inn gemeinschafft des aller höchsten Fürstenthumbs angenommen/ das doch die leiblichen brüder ein ander nit leichtlich zulassen/ wann das so ye mir allein geben/ das hab ich mit Albino getailt/ Aber disenn meynen so grossen gütthaten/ sagt vnnnd beweiset Albinus/ die aller schndest vnd danckbarkeit/ inn dem/ das er mein vnd ewer manlich tugent vnnnd stercki dermaß verachtet/ seiner gelübd vnnnd ayd gegen vns wenig ingedenck/ sonder mit vnerflicher Begyrde brennendt/ inn willen ist/ das gannz Römische reich/ mitt grossen schaden/ yhm allein zūziehen/ des er doch sonst on allen krieg vnnnd on allen streit/ hette mögen tailhafftig sein. Er eeret auch die Götter nit/ bey deren namen er so oft geschworen hat/ Darzu schonet er auch ewer aller arbeit nit/ die yhr mit so grosser eer vnnnd tugentreicher manhait/ von vnser wegen gehebt haben. Darzu het er auch die frucht ewer glücklichen handlung/ nit gemanglet/ sonder were yhm der besser tail zūgestanden/ wo er trew vnd glauben gehalten het/ Dann wo einer ein stifter der Bosheit ist/ so wirt er für ein vngerechten menschen geschetzt. Desgleichen so einer nit rach thüt vmb empfangne schmach/ so wirt er für ein varlessigen vnwissenden menschen gehalten. Inn dem wir gegen dem Nigier krieg geführt/ haben wir nit so gnüg scheinlich vrsach der feindschafft gehebt/ dan wir haben yhn nit als einen entzuck-

er des

er des Keyserthumbs gehasset/das dann von vns erobert was/sonder ine/
 in die mitte gesetzt/als einen/der noch inn gleicher wag vnnnd forderung ge-
 standen ist/das vnser yeder/mit gleichem willenn ihm selbs zu gezogen hat/
 Aber Albinus mit verachtüng des vertrags/vnd der gelüpt/wiewol er dz vñ
 vnser gütte empfangen/das doch allein den eelichenn kinden gegünt wirt/so
 will er doch lieber vnser feynd/dann vnser freund sein. Darumb zu gleycher
 weiß/als wir in hienor/mit allentrewen vnd freuntschafft gemeint / vnnnd
 ine deshalb mit eere vnd wyrde gröflich begabt vnnnd versehen haben / also
 wollen wir yetzo sein vntrew / vnnnd vnwarhafftig gemüt/mit den waffenn
 straffen. Wann sein klein höre/vnd einer einzigen Inseln/mag vnser macht
 kein widerstand thun/Dann dieweil jr alle gar/mit etwas sonderu freunden
 vnd mit ewer thewren manheit/in so maniger feldschlacht/allein obgelegen
 vñ das ganz Orient vnder ewern gewalt bracht habet/wer wolt den daran
 zweiffeln/das ihr nit auch/ yetzo mit zunemung/so grosse macht vnd stercke
 (dan hie ist gar nahe das ganz Römisch höre) on arbeyt/jren so wenig vber-
 wynde möchten/vorab dieweil sie weder vnder einem starcken noch manli-
 chen Fürsten streyten: Wan wer weiß nit von seiner vnkeusheit/vnd mits-
 willen/vnd das sein leben sich bas zu den scharen der sew vnd schweyn/dann
 zu den Legionen der Ritterschafft vergleichen vnd tüglich sein möchter: Des
 halb wollen wir nach vnser alten gewonheit/mit frölichem gemüt/vnd man-
 heit/yne kecklich vberfallen/vnd vns in dem der götter hilff trösten/die von
 im gröflich geschmehet/vnd aber der auffgerichtenn vnsern sig ingedenck/die
 doch von im verachtet seind. Als Severus der Keyser dis geredt/hat vonn
 stundan das ganz höre Albinum zu einem feynd erkant/vnd Severum mit
 glücklichem anschreyen zu eim einzigen Keyser angenommen/vnd der gestalt
 mit frem geschrey nicht vnderlassen/das zu einem frölichen vnd willigenn ge-
 müt anzeyg geben mocht/damit habenn sie den Keyser Severum/mit noch
 mer hoffnung/in seynem fürnemen engündet/der dann darauff das hñ mit
 grossen gabenn erstewt/vnd von stundan/wyder Albinum aufgefürt hat/
 Auch hat er etlich gesandt/die statt Bisantium zu stürmen/die dann mit den
 hauptleuten Nigri/noch beschlossen vñ zu was. Dise statt ward mit dem hñ
 ger erobert/vnd so ganz zerstört/das man auch das spilhaus/die warmenn
 bäder/desgleichen all ander geziert vnd schöne zerschleift/das sy ganz einem
 dorff gleich gemacht/vnd der statt Perinthus vbergeben vñ geschenckt war-
 de/zü gleicher weys als die statt Anthiochia den Laodicenischen. Darzu hat
 Severus ein grosse summa gelts verordnet/damit man die stett wyder bau-
 wen solt/die dann von dem höre Nigri zerstört waren/Vñ fürdert er sich auf
 dem weg/on allen verzug/vnd achtet darinn/weder der hochzeytlichen tag/
 noch einicher arbeyt/Er lyde die kelte vnd hitz mit gleicher gedult/Er ist zum
 offtern mal bey der herten winter zeit/vnd als grosse schnee fielen/mit bloß-
 sem haupt/zü füß vber alle hohe gebirg gangen/auff dz er damit sein Ritter
 vñ kriegsleut zu fröliche gemüt/vñ williger gedult d arbeit ermanet/Darüß
 so sind sie nit mit etwz forcht/od auß gesag d gehorsame/sond mer vñ nachvol-
 güg/vñ mit dē exēpel des Keisers alle arbeit mit willē zü leide gereigt wordē
 Er hat

Bisantium
 zerstört

Antiochia
 und Laodicea

Das Dreyt Buch

Er hat auch yhr etlich voranhin geschickt/so die kausen vnnnd enge der alpes einnemē/ vnd die strassen/dye in Italien geen/besitzen solten. Nach dem aber Albino verkündt ward/das Seuerus nit lang aufpleiben würd/ vnnnd sezo bald zū gegen were/inn dem Albinus mit grosser forcht durchtrungen(dann er w3 vnz zū der zeit müßig/vnd in wollustē des leibs gessen) darumb hat er von stundan vbergeschafft/vnnnd sein läger auff dem gestaden des meeres/ gegenn Gallien zū geschlagen/vnd darmit seine brieff zū allen Landtuoßgē/ der nächst gelegnen end vnd völder zūgeschickt/vnnnd sie gebetten/das sie sey nem heer/mit gelt vnnnd profandt beholffen sein solten. Welliche nu vnder den selben yhm gehorsame bewisen/die haben yhnen selbs vbel gethan/dann sie wurden nach dem krieg mit allen beschwerden bekümmert vnd geplaget/ Aber die seinem befelch nit gehorsam gewesen/die seind inn der sache vil seliger dann fürsichtiglicher vnbelaidiget aller straff entgangen/Vnd hat das glück vnd der vnfall/beydertail radts vnder schaiden. In dem aber das heer Seueri sezo inn Frankreich/oder Galliam komen/da send im anfang klaine schar mūzel vnnnd streit beschehen/als vnder denn verlauffenden kriegsknechten/ so lang vnz der streyt vnnnd die schlacht/zum letzten bey der mächtigen Stat Lugdunum oder Leon genant/zū der hand kam. Dann als sich Albinus inn der Stat hielt/schickt er sein heer zū der feldtschlacht/Daes aber zū dem hād strach komen/ist langzeit mit gleichen krefftē gestritten/das der sig in zwey felhafftem glück stond/Wann die Bryttanischen woltenn weder von größe wegen des gemüts/nach vonn begyrd wegen des streits/dem Illyrischem odder Wyndischenn heer/ganz nichts weychen noch nachgeben/Vnd ist im ersten angryff/kain spiz von baiden heeren nit gewichen/Vnnnd alls etlich maynenn/die bey den zeiten gelebt/die dann nit nach gunst/sonnder zū dem glauben vñ der warhait gleych geredt/die habē gsagt/dz die ordnung vñ der spiz des heers Albini/gar weit der geschicktest gewesen sey/ Deshalb hatt Seuerus die sache dermaß verfehenn/also/das er sich der flucht annam/ vonn sey nem pferd siel/vnnnd nach hinwerffung seines Kayserlichenn wappenrocks/sich verparge. Inn dem yhme aber die Bryttanischen nacheylten/vnd auf yrer ordnung kamenn(dann sie vermayntenn on zweifel gantz obgelegen sein) Nym war da erzaiget sich Letus ein fürst vnd hauptman Seueri/mitt einē frischen gerüweten zeug vnd hauffen/der hat nu felschlich verhalten/vñ sein volck hinderzogenn/als ob er den aufgang des glücks erwartenn/vnd yhm selbs das Kayserthūm zūziehenn wolt. Wann er hat sich nit ee inn den streit gewenndet/dann vnnz das er gehört/wie Seuerus vmbkommen vnd erschlagenn were/Disen argwon hatt der aufgang der sachen hernach probieret. Nach dem nu Seuerus allen handel nach seynem willen verordnet/vnnnd sich in güter sicherhait gehalten/auch den anderen fürsten vnnnd hauptleuten grosse gaben vnnnd schencken gethan/da hat er Letum vmb seiner vereterey willenn(alls dann pillich was) ertödtenn lassenn/doch synd die ding alle hernach geschehen/vnd damaln als die Seuerianischen kriegsleut(wie oben gemelt) Letum ersehē/da haben sie hofnung empfangen/den Kaiser Seuerum widerumb auff ein pferd gesetzt/vnnnd yhm ein seiden wappenrock angethan. Darzwoyschenn vermainetenn die Rytter vnnnd kriegsleut auff

Albinus

Die Glantz
bey Leon

Letus 108

Albinus seyten/das sie ganz obgelegen vnnnd gesigt/darumb sie se ordnung
 zertrent vnd verlassen hettten/in dem wurden sie mit einem starcken vnd fry
 schen hauffen angewendet. Als sie nun dem selbigen/ein wenig wißstanden
 haben sie se zu lest die flucht geben/vnd seind von den Severianischen Rit
 tern/vnz an die statt Londinum gesagt/vnnnd iren ein grosse summe erschla
 gen/Der gefangnen/vnnnd auch der erschlagnen halb/zü beyden seytrern/ist
 mancherley zal angezeygt worden/wie es dann den schreybern bey den selbi
 gen zeitten gefallen hat/Die statt London ist auch von stundan geblündert/*London gesturfft*
 geschleyfft/vnnnd verpient worden/dazü dem Keyser Albino sein haupt ab
 geschlagen/vnd für den Keyser Seuerum bracht worden. Der gestalt seynd *Albinus tod*
 zwen die aller grösten sig/in Orient vnnnd gegen mittnacht auffgericht/Also
 das sunst nichts ist/das man mit den streyten vñ feldtschlachten Seueri ver
 gleichenn müg/ so man betrachtet die grosse menge der hauffenn/die bewes
 ung der Nationen vnd völder/die zal der streyten vnd schlachten/die weyte
 vnd ferre der weg/oder sein schnelles eilen inn seinem herzug. Julius Cäsars
 sachen/wider Pompeium / die seind zü beyden seyten mit Römischenn Rit
 tern vnd kriegsleuten volbracht/vnd on zweyfel groß gewesen. Item des
 Keyfers Augusti/wider Antonium / auch wider die sun Pompeij / vnd dye
 auch darnor/von Sylla vñ Mario / mit Burgerlichen vnd außwendigē krie
 gen vnd streyten/volbracht seind. Aber diser einziger man der Keyser Se
 uerus/hat dreyer Keyser gewalt vnd macht/den sie dan yetzo erlangt gehept
 allein widerstand gethon / der auch das heer der statt Rom / das die statt
 vnd den Keyserlichen sal inhielt/mit seinen listen hinder gangen/Dazü der
 selben Keyser einen in dem Keyserlichen sal selbs/zü ertöden verschafft/den
 andern in dem ganzen Orient Regierende/vnd der auch vonn den Römern
 ein Keyser genent gewesen/also vberwunden/so dann den dritten / der auch
 die Keyserliche wyrede vnd gewalt ingehept/auch vnder seinē gewalt bracht
 hat/darumb so mag nit leichtlich/ein anderer seines gleichen funden werden/
 Ein sollich end hat Albinus genommen/vnd ist seiner tödtlichen wyrede / vñ
 ere gnüg kurz erstrewet wordenn. Nach dem allem/hat Seuerus der Keyser
 allen seinen zorn vnd traglicheit seines gemüts/in die anhängen vnnnd freund
 Albini zü Rom aufgestossen/vnd zum ersten das abgeschlagen haupt Albini
 voranhin in die statt Rom gesandt/vnd das an ein offnen gemeinen galgen
 auffhencken lassen. Item an dem end seines sendbrieffs/in dem er dz volck vñ
 seiner vberwindung vnderichtet/hat er auch diß hinzü geschribenn. Das er
 darumb das haupt Albini an dem gemainen galgen anzeschawen dahin ge
 sandt hett/das sie dauon ein exempel nemen solten/was inen deshalb zü ley
 den were. Demnach vnd er nun die sachen in Bryttanien verordnet/vnd die
 versetzung der innseln in zwey teil/zertrent vnd gesündert. Item darzū gāz
 Galliam(zü gleicher weys wie in die für güt ansach) auch nach seinen gefal
 len besetzt/vnd alle freund Albini/sy seyen im willig oder bezwungelich ange
 hangen gestrafft/hat er sich gesüzt den nechsten auff Rom zü ziehen/In dē
 sein gāz heer mit im geführt/auff das er defter greußlicher vnd erschöcklicher
 geachtet wurd/vnd eilet mit grosser schnelle vnder weggenn/ wie er gewont/
 dann

Das Dryt Buch

dann er was gegen den vberblibnen freunden Albini/ noch gantz erzüet
 Dermaß zohe er in die Stat Rom/ vnnnd lieff yhm alles volck/ mit loyler ge-
 krönt entgegen/ die empfiengen yn mit grossen eeren/ vnd glücklichem an-
 reyen/ Auch begräbt yhn der gang Rath/ wiewol yhre vil mit erschrocknem
 hertzenn/ Dann sie gedachtenn das yhnen der/ so vonn aigner arth vnnnd
 natur vnmit/ vnd des plätuer gießens begyrig was/ kains wegs vbersehenn
 würd/ wann er bedorfft nit grosser vsach/ yemants gewalt oder vnrecht zü-
 thon/ dieweil er yetzo wol bewerliche vsachen des neids haben möcht. Als er
 darnach in den Tempel Jupiters gangen ist/ vnd nach gewonhait alle opffer
 volpracht/ vnnnd sich wider in den Kaiserlichen Sal gefügt/ hat er das Rō-
 misch volck/ von wegen vnnnd inn namen seines sigs vnd vberwyndens/ mitt
 grossen Kayserlichenn gaben erfrewet/ darzü seinen Ritem vnd kriegsleu-
 ten vil pfenning geben/ auch sonnst vil ander freyhait verlyhen/ desgleichen
 sye darnor nie gehabt habenn/ Wann er ist der erst gewesen der die soni der
 frucht gemert/ Auch ynen die gulden ring zütragenn/ vnnnd im hauf ein frau
 zühaben/ zügelassen vnnnd vergünt hat/ das doch alles weyt von der Ritters-
 lichen zucht vnnnd ordnung ist/ auch aller wenigst zum krieg gehört/ das hat er
 zum aller ersten/ mit vberwyndung aller reuhe vnd hertigkait/ auch mit dul-
 dung aller arbeit/ alle Ritterliche zucht vnnnd ordnung der Fürstenn vnnnd
 hauptleut zerstört/ vnnnd damit vsach gebenn/ das sie der begyrd des gelts/
 vnnnd anderer vppiger wollust angelegen sind. Als er nu das nach seyner mai-
 nung/ zum besten auffgesetzt/ sich darnach in den Rathshoff gefügt/ vnnnd sey-
 nen sitz in dem Kaiserlichen stül angenomē/ hat er angefangen die freund Al-
 bini/ mit einer zornigen vnnnd erschrockenlichen red/ züuerklagen/ Im dem er
 auch etlich haimlich brieff fürbracht/ die Albinus verlassen/ vnd er hinder ym
 befunden het. Etlich schalt er das sie denn selben mit scheynlichen gaben ver-
 eeret hetten/ Die andern/ das sie der Orientischen freund gewesen/ Vnnnd et-
 lich/ das sie Albino künlich vnnnd günstig waren. Mit der gestalt hat er yhe-
 den fürnemsten auß dem Rath/ desgleichen auch ein yedenn der inn den Pro-
 uincien von adel/ gepurt vnd reichthumb der fürtrefflichsten einer was/ sye
 all on einiches verschamen gestrafft/ damit sich an seinen feinden (als er yhm
 dann fürgefasset) gerochenn. Doch so hat yhn on zweifel die gezytigkait aller
 maist darzü geraizt/ dern er vber all ander Kaiser anhieng. Wan zü gleicher
 weis/ als er in gedult seines gemüts/ mit verharung der arbeit/ desgleichen
 mit Ritterlichem lob vnd eer gar niemants/ auch dem loblichsten nichts nach
 geben/ also hat er sich der straff vnd peinigung/ weit mer dann man sagenn
 mag/ so gar beflissen/ das er mit vnrechten todtschlegen/ vnd sonst von aller
 hand vsachen/ vil gelts züsamen gesamlet hat/ vnnnd also das Kaiserthumb
 mer mit forcht dann mit wolgefelligen willen regiert/ Wiewol er sich im an-
 fang gegen dem gemainen volck gelieben wolt/ mit dem das er allerlay groß
 mächtige spyl zürüstet/ vnd zum offtern mal hundert wylder thier vmbpras-
 ch/ die er auß allen Königreichen/ vnd Barbarischen landen zamen gelesen.
 Er hat auch Congiaria (das sein grosse Kaiserliche gaben) außgetailt/ sich
 auch eines kampfss erpoten/ vñ von allen enden her spylleut vnd kämpffer be-
 rüfft. Item vnder yhm hat man gesehen aller hand spyl/ inn allen spylheu-
 fern

meruo ds solbs

Arldon King

am französischen

Bee/sozer. Kitterliche ordnung

Congiaria

fern zu vben/ Desgleichen hat er auch vil gebets vnd wachens auffgesetzt/
 nach form vnd meynung der anfängenn/der göttin Cereris/ Die selben spil *Cereris Feig oder
Spil*
 nennet man zu der zeit/weltliche spil/vnd wurden (als man sagt) nach ver-
 lauffung dreyer alter/der zeit nach begangen/Dergestalt/das in der ganzñ
 statt Rom/vnd in allem Italien/die gemeinen weybel/vnd statcknecht/vm-
 giengen/vnnd alles volck zu dem spil berufften/deren gleichen sie dann/vnz
 der zeit nie gesehen/vnd künfftiglich/auch nicht mer gesehen mochten / vnd
 damit angezeygt/das die zeit/von der vergangen/vnd künfftigen begeng-
 nus des spils/vber aller menschen alther vnd leben lang were. Mit dem hat
 der Keyser Severus etwa lang zu Rom verharzt/vnd mit seynen sünden dz
 Keyserthumb geteilt. In dem er nun wol wiste/das er allein vonn burger-
 lichen sygs wegen/vnd das er wider die Römer gestritten/durchleuchtig vnd
 namhaft/vnz der zeit gewesen was/darumb wolt er keinen Triumph an-
 nemen/vnd sagt im für/auch mit den Barbarischen vñ auslendigen syg/rum
 vnd lob zu erlangen. Deshalben so hat er mit fürassung der rach/wid Bar-
 semium de Attremischen König/der dan die Partey Nigri gehalten gehept/
 sein heer in Orient aufgeführt/Vnd was auch gleich yezo inn willen das Ki-
 nigreich Armenien zu vberfallen. In dem ward er aber von dem König der
 Armenier fürkommen/dieweil ym der selbig williglich bürgen vnd groß ga- *Armeny Erobrung*
 ben zuschickt/vnd ine damit betten lief/das er im gerucht zu gonnen/mit im
 in ein freuntlichen vertrag zu kommen. Seytmalen Severo inn Armenien
 nun nach seinem willen gelungen/ist er wider die Attrenos gezogen. In dem
 hat sich auch Augarus der König Oschoenorum an in ergeben/vnd im des *Augarus Oschoenorum
Ergeben*
 halb seine sün zu bürgen vberantwort/vnd zu merer bestettigug seines glau-
 bens/im ein grosse macht von schüzzen zu geschickt. Darnach hat Severus
 das reich zwischen Amnam vnd der Albenorum landtschafft/durchzogenn/
 vnd ist auch in das selbig Arabien kommen/Dasselbs her kommen die woltrie-
 chenden kreuter/die wir für kostliche vnd wolchmeckende Aromata halten.
 Nach dem er doselbs vil stett vnd flecken erobert/vñ das ganz Land geplün-
 dert/da hat er sich den nechstenn inn das Attremisch Königreich gewendet/
 vnd Atlas die hauptstatt beleget / die auff einem hohen berg gelegen/mitt *Atlas Stat-
belegung*
 den aller stercksten vnd größten mauren bewart/dazu in loblichem mechtige
 stand/vnd mit einer grosse menge der schüzzen besetzt vnnd versehenn was/
 Darumb so hat das Seuerianisch hör/dise statt mit allen krefften gestürmet
 inn dem der statt mauren vnd zynnen allerley sturm gezeug angesetzt/vnnd
 ganz keinen zug/der zum sturm dient/vnderlassen/Dargegen aber die Attre-
 nischen die statt kecklich beschyrmte/vil geschüz vnd stein von oben herab ge-
 worffen/damit sie die Seuerianischen größlich geschedigt/Zu dem haben sie
 auß der statt bereitte faß/vnd krüg/mit etlichen voglen vñ vergifften würm
 lin aufgefüllet/von oben abher/inn die Römer gewalzt vnnd geworffenn.
 Als nun die selben vnder ire augen gestoben / oder sonst an iren plossen leyb
 komen/seind sye dauon sonderlich vnd hefftig vergifft/vnd geschedigt wor-
 den / das dadurch das Römisch heer in grosse frantckheit fiel/dieweil sie auch
 die selb würme von so starcker biz der sonnen/keins wegs erleyden mochten
 also das von disen vnfallen/gar vil mer/dann von der seynd hend vmbkom-
 men.

Das Drit büch

menn. Nach dem nun alle ding gemüdet/vnnd das heer stets abnemenn
 ward/vnnd doch die Belegung kainen fůrgang haben wolt/sonder der Rō
 mer mer schaden dann gewinn empfieng/da sagt ym Seuerus für das heer/
 ee dann sollichs gang verdürb/auf der gegne zů fůrenn/wiewol mit traurig
 gem gemüt/der vngeendten sach halb/Dañ dieweil vñ Seuerus in allen sey-
 nen streiten zů vberwynden gewont/da vermaint er vberwunden sein/dies
 weil er nit obgelegen was. Ihne hat aber gar bald darnach/ein glücklicher zů
 fal/des alles ergezt/wann er hat nit ganz vngeschafft widerumb haim gefe-
 ret/sondern mit größern glück/dann er selbs verhofft/dann als er sein gang
 heer inn schiff gesetzt/so hat er doch kaines wegs das Rōmisch port vnnd ge-
 stādē/da hin er sich gerichtet/erlangē mögen/sonder ist von der wind vñ grof-
 se vngeßümme halb des meers/mit gewalt in das Partisch Künigreich getrun-
 gen worden/nit weit von Cresiphont/desselbigen Künigs hauptstat. Der
 selb Künig hylet sich der zeyt rüwīg/vnnd inn güttem fridenn/vnnd ver-
 maint wenig das die streyt Seueri/yhn bekümmern odder angeen soltenn/
 die er wider die Altrenischen fůrt/darumb was er rüwīg vnnd nichts böses
 warten. Da aber das heer Seueri von krafft der wynd/an das selbig gesta-
 den getrißē/vnnd von stundan auf den schiffen zů land kommen ist/da ha-
 ben sie gleich mit schneller eyl angefangenn/alles land zůuerhergen/vnnd al-
 les das yhn von eßhaftem vich zů handen gestossen vnnd begegnet/das na-
 menn sie mit yhnen daruon/vnnd zündten etlich flecken an/vnz das sie zů der
 hauptstat Cresiphont kamenn/inn dern der mechtig Künig Artabanus hof-
 hielt/Darumb habenn sie die vngerüstenn Partischen vnuersehenlich vber-
 fallen/alle die yhnen widerstanden/seynd erschlagen/vnnd gleichs die Stat
 geplündert/die kind vnd frawen mit yhnen hinweg gefůret worden/vnd ist
 der Künig allein/mit yhren wenigen zů roß daruon kommen/vnnd die vber-
 wynder/mit eroberung seynes schatz/aller zyerd vnnd haußradt/wider hin-
 der sich zů den schiffen gezogen/ Dermaß hat Seuerus den Partischenn sig-
 mer mit gelück/dann fůrgestem radt erlangt. Alls yhm nu die sachen so
 glücklich ergangen/seind die durch seine Brieff also loblich von yhm volbra-
 cht/vnd dem Senat/auch allem Rōmischen volck zůgeschriben/Darzů sey-
 ne streyt vnnd vberwindungen/inn taflen gemalet/yhnen zůgeschickt vnnd
 eröffnet wordenn. Ober dise seine thaten/hat ym der Senat alle ehz erkant/
 vnnd zů dem allem/yhm die zůnamen zůgeben/seiner vberwundnen völker
 Darzwischen(vnd als er die sachen in Orient dermaß verordnet) hat er sich
 widerumb gen Rom gewendet/seine sün/die yetzo manpar waren/mit yhm
 genomen. Als er nu sein weg volbracht/vnnd alle prouingen vnnd lender/ye-
 des/wie yhn für güt ansach/verordnet/auch die heer die inn Mysia vnd On-
 gern ligend besehen/da hat er mit einem loblichen triumph inn die statt Rom
 gefert/ynn dem er von dem volck mit großem geschray/vnnd vilfeltiger ehr
 empfangen/Vnnd ist ynen deshalb von jm die hochzeitlichen tag/die opffer/
 freuden spyl/vnnd andere festliche begengknus/zů vben zůgelassenn. Er gab
 ynen auch abermaln grosse Kaiserliche gaben/vñ richtet von seiner vberwin-
 dung wegen vil schimpff spyl auff. Darnach hat er mit wenig jar zů Rom ge-
 wonet/vnnd sprach sterigs inn burgerlichen hendlen das recht/des Beslis er
 sich auch

*Cresiphont
 hauptstat in
 partia*

*Artabanus k-
 in partia*

sich auch seine süne zu vnderweyßen. Dargegen aber die selbige/als jüngling/der zeit jr gütten zucht vnd sitten/mit vppigen wollusten vnd stattlichem leben/in vberflüssigen schimpff spielen/auff den schlytten zu faren/auch von begyrd der dengzen/ganz zerstört vnnnd verloren haben. Auch waren die brüder vnder inen selbs mißhellig vnd zenclich/zum ersten mit kindtliche streyt gleich wie die sprähren/ vnd die hanen mit einander fechten/oder als die kind mit einander ringen vnd rauffen/was diser vnwill zwischen ihnen entsprungen. Wann so sie zu dem schimpff spielen giengen/ item vnd auch sunst etwas befehen/haben sie allzeit vngleich/vnd sonderlich zügend gehept/vnnnd seind nie eins willens/nach gemüts gewesen/sonder was einem yetzt wolgefallen das hat gleich dem andern mißfallen. In dem seind inen auch vil schmechler vnd orentrager angehangen/die dann nichts zum besten gekert/auff das ein yeder für sich selbs nach allem vermügen sie voneinander sünderte. Als Seuerus das erfahren/hat er sie vnderstanden gegen einander züuersünen/vnd in freundschaft zu bringen. Dem eltern sun Bassiano (der yetzo die Keyserliche wyrede erlangt hat) vnnnd Seuerio Antonino mit dem zu namen Marci genant/den gab er zu einer gemaheln/die tochter Plantiani/der ein hauptman was vber die Ritterlichen statt Rotten/Diser Plantianus als mā sagt ist ansecklich seines lebens inn grosser armüt/auch der auffrüren vnd in andern lastern schuldig befunden/deshalben gestrafft vnd in das Ellend verschickt gewesen. Er was aber Seuerio mit diensten gewant/von gepurt ein Affricanischer/vnd auch (als etlich meinen) Seuerio mit sippschaft anhörig. Aber als etlich für war sagen/ime in der jugent/durch den eebruch versünnet worden. Disen hat Seuerus vonn niderem stamien vnd armüt/zü den allergroßten reichthumben gefürdert/ime der verdampften vnd den verurteilten zum tod/güter eingeben/damit er ine weyt vber all andre reich gemacht/vñ hat allein das Keyserthumb nit gleich mit im geteilt/der doch sein Reichthum vnd müßwillen so gar mißbraucht/das er in allem seinem thün vnnnd lassen/kein herrigkeit noch gewalt vermitteln hat. Also das er vnder allen fürsten/so yhe gelept habenn/der greuslichest was. Darumb hat der Keyser Seuerus desselben tochter seinem eltern sun zu einem gemahel geben. Es hat aber der selb Antoninus wenig freud in dem heyratd empfangen/vnd ist mer auß der notturfft darein getrungen/dan mit willen/Dann er hat die tochter des gleichen iren vatter größlich gehasset/so vil/das er weder in irem sal noch behausung wonen wolt. Er was jr so ganz feynd/das er ire teglichs trewet/sie vnd iren vatter miteinander zu tödten/vnnnd das reich allein zu besitzenn. Da sie nun dasselbig dem vatter ansagte/des gleichen anzeygt/wie sie von im so gar schndt gehalten/vnd von im verhasset were/da hat sie den vatter damit größlich bewegt. Darumb als Plantianus/der tochter vatter sahe/dz Seuerus yetzo alt/vnd mit stetter franckheit beladen was/dargegen aber Antoninum im anfang so ein freydigen traglichen jungen man sein/do was er forchtsam/vorab seiner frey wort halb/sagt im deshalben für/etwz trefflichs zu volnbringen/ee dann er ymbbracht wurd. Zu dem so warenn auch sunst vil vrsachenn/die den selben Plantianum zum Keyserthumb rechtenn

Bassiano/Seu:
Antoninus Mar
Kayser
Plantianus
Seuerus

Das Drit Buch

vnd dasselb zůbekommen bewegten / Vnd nemlich sein reichthumß / desgleichen dann nie kein einziger man darvor je besessen / Darzů der Rytter gehorsame vnd die grosse ehre vnd gewalt / die er bey allenn menschen / vnd dem Růmischen reich gehebt hat / auch seyn sonnder herliche beklaydung / mit dern er vor meniglichen gieng. Wann er trůg stetigs ein weytenscheynlichenn rock an / vnd ward auch zů den anderen Radtsherrn gezelt. Item er trůg auch an yhm eyn lang schwerdt / vnd alle andere zyerd vnd zaychen der obrißten wyrdigkait / Also wo hin er sich wendet oder gieng / da erschein er greißlich vnd forchtßam / das allein yhm nyemants genahen dorßft / sonnder auch die yhenen / die von ongefert auff yhn stießen / die wendeten yhre augen von yhm. Auch verkündte seine vorgenger allenthalben / wo er gieng / das nyemants inn der nāhne steen blybe / yhm auß dem weg wychenn / auch yhne nit ansehen / sonder all yhr augen abwenden / vnd die erd anschawen solten. Als nu Severus 8 sachen wargenomē / hat er daran kein wolgefallen / sonder grossen schweren verdruß gehebt / vnd vermaynt / dz ym dardurch seines gewalts etwas entzogen wůrd. Darumb er vnderstond Plantiano zů rathen / das er doch ein wenig von seinem vnzimlichen hochmůt abstůnd. Davon dan Plautianus vngedultig / vnd gedencenn ward / wie er das Kayserthůmb mitt auffßatz vnd lystē an sich selbs bringen mōcht / darumb hat er zůgerůst. Es hieß ein Růtmayster mit namenn Saturninus / der dann disen Plautianum inn allen dingen vor augen vnd ym grossen ehren hielt / Vnd wiewol die anderen all dergleichen gethan / so hat doch der genandt Saturninus allein vor allen andern mit weis vnd gepreden / einer vil grōßeren vereerung / ym dienstlich angehangen / Darumb er im den selbigen vermaynt / den aller getrewesten seyn / vnd deshalben er allein seynen befelch verschwigen halten / vnd das er yhm zůmůter / volbringenn wůrde. Den selbigenn verschůff er auff den abent zů yhm zůberůffen / vnd mit abweysung aller anderen / seyner dyener vnd gesyndts / sprach er zů yhm. Jetz ist es zeýt das du deiner lieb vnd vnderthenigkayt / ein bewerung thůest / dern du mir vnz her eynschein vnd verweyung erzaigt hast / die weil ich doch dir vmb deiner dienst willen / wol vergeltung vnd pillichen lon geben mag / Darumb so wirt dir dise wal geben / ob du nit gern woltest zů einem sollichen stand kommen / darinn du mich yezund sihest / darzů ein nachkom sein eines sollichen grossen gewalts / vnd vermōgens / Oder ob du gleich yez / von wegen deines vngheorsamen gemůts / vnd widerspenigen willens / peyn vnd straff nemen wilt. Du soltest auch weder dye grōße der sach fürchten / noch von der Kayser namen wegen erschrocken sein / sonder in den sal vnd schlafftamer der Kayser geen / darinn sie des schlaffs allein pflegen / Vnd so die nāchtlichen hůten abwechseln / so magstu haimlich on yemans abtreiben / leichtlich vnd gering deinen willen volbringen / darůß ist sonst nichts darinn du auff mein gepot warten dűrßest / Gang yezohyn / in den sal der Kayser / in massen / als ob du etwas haimlichs vnd treffenlichen Befelchs vō mir habest außzůrichtē / thů als einē dapffern man gezimpt / vnd bring den alten Kayser / vñ auch den jungen seinē sun / yeden in seinē peth vñ / vnd erschlag sie baid / wann ob du zum thail inn ein grosse gefertigkayt gast / so magst du nach volbringung der sach / mit inn grosser ehre nachvolgenn.

Als

Saturninus

Als dise rede dem Hauptman vnd Rottmeyster/sein sinn vnd gemüt betrü-
bet/so hat jm doch die selbig sein will vnd meynung keins wegs eröffnē/dañ
er was ein mensch/8 mit keiner weis gederet noch gefangen werdenn mocht
(wann er was von gepurt ein Syrischer/die dann vnder allen menschen ge- *Sjruaner*
gen auffgang der sonnen/die sinnreychsten seind) Inn dem er nun das geym
wütten Plautiani vnd sein meynung erkant/hat er keins wegs vergessen/wz
jm zethond gepüren wolt/Dann er gedorft jm die sach nit abschlagenn/ noch
widersprechen/damit vnnd er nicht von stundan/seiner vnghehorsame straff
empfieng/darumb so thet er dergleich/als ob er das mit grossen wolgefallen
gehört/vnd hat ine darauff von stundan zum ersten/als ein Keyser/angebe-
tet vnnd geeret/damit begert/das er jm des empfolhenen todtschlags/vr-
kund vnd schrifftlichen schein geben solt(Dann es was der Tyrannen gewö-
heit/wann sie yemants vnuerurteilt habenn geheissen tödten/so thetten sie
das mit schrifftlicher vrkund/damit der todtschleger/darumb von niemants
straff fürchten dorft) Deshalb was Plautianus an dem end/mit zū vil begir-
lichkeit/dermaß erplent/das er auch disem Tribunen oder Rottmeyster/disen
scheyn gab/vnd ine damit zum todschlag schickt/inn dem er ihm mit fleiß be-
falch/so er die beyden Keyser ertödtet hett/ee dann das geschrey der that auß-
kam/das er ine gleich berüffen solt/damit er in dem Keyserlichen sal/ ee gese-
hen/dann sich yemants des reichs vnderziehenn wurd. Nach disem beschluß
vnd vertrag/gieng der Tribun vnd Rottmeyster hin/vnd hat also nach sei-
ner gewonheit/wie schwer vnd kummerlich es zūthun were/das zwen Keyser
von einem menschen/dieweil sie in sondern salen wonten/vmbbracht werdē
möchten/Darumb so wendet er sich zū Seuero vnd handelt mit seinen thür-
hüttern/das sie ine hinein zūm Keyser lassen soltenn/dann er brecht jm bote-
schafft/die ine zū seinem gnesen/vnd frommen reicher. Die selben haben das
Seuero verkündet/der befalch/das man ine von stund an zū im berüffen sol-
te. Da sprach er/O mein Herr/ich kom zū dir herein gon/das du mügest er-
messenn/vnd verston/von wem ich zū dir gesandt sey/dich zū tödten vnnd zū
entleyben/als ich selbs gewünscht vnnd begert hab/zū auffenthalt deines le-
bens. Nach dem vnd Plautianus das Keyserthum mit betrug vnd auffsatz
an sich gezogen/hat er mir dein vnnd auch deines suns todtschlag beuolhen/
zū volbringen/vnd nit allein mit worten/sonder auch in geschrifft/des ist mir
dis ein gezeugnus. Ich hab auch dis geschafft zū vollenden/darumb angenō-
men/das er mir gepotten/vmb willen das nit nach meynem abschlagen/eyn
anderer die sach zū erstatten annemenn mocht. Deshalb erzeyg ich mich/dir
sollichs zū eröffnen/auff das du nit vnwissent/durch sein durstigkeit von ein-
andern vmbbracht werdest. Als nun der Trybun vnd Rottmeyster dis ge-
redt/dazū vberflüssigklich geweynet/vnd aber Seuerus nit bald glaubenn
geben/dann er hett noch vil gunsts vnd ließ gegen Plautiano/in seinem herz-
zen rāwen/vnd gedacht/dz dis ein erdichte vnd betrügliche sach sein möch-
te/vorab von seinem sun/den er wißt Plautiano abhold/auch seiner tochter
vngünstig/dermaß erdichtet vnd ein tödtlicher auffsatz sein/Darumb ließ er
seinen sun berüffen/in willen den selben schwerlich zū straffen vnd zū scheltē/
f ij. das

Das Drit buch

das er die ding gegen einem man/der sein freund vnd yhm vast lieb were/vnnderstünd zū erdichten. Aber Antoninus sieng an zum erstenn zū schwerenn/das er von dem handel gar nichts wißt. Nach dem aber der Tribun so ernstlich anhyelt/vnd das bächlin anzaigt/da gab er dem jungen Kayser ein hertz vnd gemüt/das laster zū straffen. Als nu der Tribun erkandt/ in was gegerlich chayt er kommen/zū dem auch in wissen hett/das Plantianus Seuerus dem alten Kaiser vast lieb was/darbey gedacht er wol/wos falsch verdeckt blis/vñ wenig bewerlich anzaig bezeigt/so würd im dz zū einer grossen marter vñ pein reichen/Darumb sprach er/O yhr meine herin/was warhafften/odder was offenbaren anzaygen wolten yhr doch mer Begeren/lasset zū/vnd erlauben mir ein wenig auß dem Kaiserlichen Sal zutretten/vnnd das ich durch yemandts/dem ich vertrauen dörrf/Plantiano porschaft thū/das ich alles das er mir gepotten volpracht hab/so wirdt er das on zweyfel glauben/bald zū gegen sein/vnnd den leren Kayserlichen sal vnderstan einzunemen/Dann wirt es zū euch stan die ganz warheit zū ergründen/vnnd zū erfaren/vnnd befelhend allein yezo/das man darzwischenn zū hoff still/vnnd rüwig sey. auß das nit(so man die sach zū bald erfar)der ganz handel vberstürzt werd. Als er das geredt/hat er yhm eynen getrewen menschen außgelesen/der dan Plantianum von seinet wegen berüffen/vnd yhm sagen/das er eylent/vnd so bald er möcht kommen solt/die weil die bayden Kayser erschlagen legenn/vnnd wer not das er yhm sal were/ee dann die sach außkām/darmit menigklich/so er die Burgt erobert/vnnd yhm das Keych bestetiget het/ob er ynen gleich wol misfiel/yhm als einem Kayser gehorsam sein müßten. Da nu Plantianus diser red geglaubt(wan es wjz jtz ganz gegē abent)da hat er ein grosse hoffnung empfangenn/darmit ein panzer vnder sein klayd/zū beschirmung seines leibs angethan/also auß einen wagenn geseßenn/vnnd den nechstenn dem Palast zū geeylet/In dem volgten ym jren wenig nach/von denen die zū gegen warenn/die vermayntenn yhn von treffenlicher geschefft wegen/von den Kaysern berüfft sein. Als er nu von yemandts abtreiben/inn den palast gangen/vnnd den hüttern diser handel verporgen gewesen/ist yhm der vor genant Tribun vnnd rotmaister entgegen gelauffenn/vnnd hat yhn mit betruglichem fürsatz/als einen Kaiser gegrüßet/auch darmit bey seiner hand ergriffenn/vnnd yhn inn die gemach sürenn wöllenn/darinn er yhm erdacht der erschlagenen todte cörper ligen. Vnd yezo hett schon Seuerus etlich von seinen leibshütern verordnet vnd bestellt/so bald er hinein kām/das sie hend an yhn legenn vnnd fahen solten. Aber Plantianus/wiewol er gar weyt ein andere hoffnung/vnnd zūversicht inn seinem gemüt gehebt/nach dem er inn den Sal kām/die baiden Kaiser vor ihm ston/vnnd sich selbs gefangen sahe vnnd erkant/da hat er von der sach grossen schrecken empfangen/vnnd darmit angefangen zū bittenn/das sie dem falsch/vnnd erdichten sachen/die wider ihn mit vnwarhait zamen gesetzt/kain glauben geben wolten. Darumb als im Seuerus die bewisne eer vñ gütthat verwisen/vñ dagegen Plantianus die anzaig seiner alten diensten vnd trewen erzalt gehebt/da hat Seuerus angefangen nachzulassen/vnd seinen worten glauben zū geben/vnz dz im durch einenn schlitze seiner klaiden/das panzer erschein/vnnd herfürgieng. So bald der Junng Kaiser Antoninus das selbig warnam/der einn trugen

teuffenlicher zornwäher mann/vnnd yhme hienor om das veind was/
 da sprach er/ Jeg willich warten/wz du zu disen zweyen stucken zu antwort
 geben wöllest/ Du bist gegen obent vnberufft vnd vnerfordert zu den Key
 sern kommen/ Darnach bitt ich/sag an/was bedeut diß panzer/oder was
 gemeinst du darmit/wer gat also gewapnet zu dem nachtmal/oder zum es
 sen/ Als er das geredt/hat er damit dem vorgemelten Trybun vnd den an
 dern/so zu gegen stunden/Beuolhen/das sie ine/als ein offentlichen feynd/mit
 aufgezuckten schwerten vmbbringen vnd erschlagen solten. Die selben ha
 ben sich nicht gesaumt/vnd des jungen Keyfers geheiß volbracht/ihne der
 maß ertödet/vnd sein corpel in die stras geworffen/von dem gemeinen vol
 ck zu verspotten. Diß gleichförmig end seines lebens hat Plautianus ge
 nommen/der ein mensch was/einer ganz vnerschöpflichenn begyrlicheyt.
 Nach dem hat Seuerus zwen öbriste hauptman/vber die Ritter schafft vnd
 das hör gesetzt/vnd wonte er fast in den außern sterten/in Campanien/ Bey
 dem gestatten des meres/do er dann recht sprach/vnd sich burgerlichen sache
 vnderzoch. Vnd begert zum fordersten/das seyne sün zu Rom mit güten
 sitten vnderricht werdenn mochten/Dann er mercket wol/das sye sych der
 schympff spilen/zü vil flyssen/vnnd vnderwynden wolten/dann den Keyf
 sern wol gezymmen mocht/Auf dem kam dann/das sye mit einem widerspes
 nigen willen/allzeyt wider einander fechten vnd streben/vnd der Brüderlich
 will vnder den jünglingen/voneinander zertrent/dadurch etlich sacken der
 zwitracht vnd mißhell fürgenommen wurden. Doch so was Antoninus al
 ler minst erleydlich/vorab dieweil er yetz Plautianum abweg gericht het/da
 was er allen menschen greüßlich vnd forchtam/vnd in sonders desselbigenn
 tochter/seynes eignen gemahel/die selbig vnderstand er auch mit was listenn
 er möcht vmbzebringen. Aber Seuerus hat sie mit frem fungen sün/den sie
 von Antonino geporen/in Sicilien verschickt/iro darzu so vil reichthum ge
 ben/als jr dann zu frem stand vnd leben vberflüssig gnüg sein möcht. In dem
 stuck hat er Octauiano Augusto nachgefolgt/der dan die kind Antoni/dem
 dem er ein feynd erkant ward/gleich wie dauor halten ließ. Er vnderstand
 seine sün/zü dem fryden vnd einhelligkeyt/ye einen dem andern zu versünen/
 vnd ermant sie der alten geschichten vnd Historien/in denen er inen anzeigt
 das züm offtern mal/der Königen vnfal vnd trübsal/von Brüderlichen zwo
 trachten entstanden weren. Zu dem zeigt er auch an/das die schatzkarnern vn
 alle Tempel vol golds vnd gelts weren/vnd das die reichthumben/von auß
 wendigen zöllen vnnd gefellen/so vberflüssigklich zu ständenn/das man das
 ganz hör allein mit barem sold versehen/vnd behalten möcht. Damit hat er
 die Ritterlich zal der statt Rotten vierfeltig gemert/vnd gesagt/wo ein sol
 lich höre/vor der statt leg/das sich kein aufwendige macht/von wegenn der
 menge vnd vile an der zal/oder von stercke vnd gerede irer leib/noch von v
 erflüssigkeit des gelts halb/das desgleichen macht vnd reichthum nit zu fyn
 den were/Doch so wurd diß alles vmb sunst sein/vnd zergon/wo sie vnder
 inen selbs mißhellig vnd ein ynnweydischen krieg führen wolten. Difes hat er
 inen teglichs fürgehalten/vnnd sein bet vermisch mit der straff zu trewen/
 sich dermaß gertzlich geflyssen/jr vnwürsch gemüt vn widwillen zu vertrucke
 f iij sye

Das Drit buch

ſye als gebüder zünerſünen/ vnd wider inn willen zü bringenn. Jedoch ſo was es alles vmb ſonſt/ wann ſie hettend den zorn von dem mund geſchüttet/ vnnnd waren alzeit zü dem ärgeren genaigt / Dann ſie waren noch jüngling/ vnnnd inn hiez der ſelben erſtenn jugent/ mit höchſtem müßwillen/ inn aller vppigkeit vnd yhetumb verbergt/ Darzū hettend ſie mancherlay ſchmaichler/ vñ ohren plaſer zü dienern/ nemlich die nit allein yhren begyrlichaiten vnnnd laſtern wilfortenn/ ſonnder die auch alzeit newe vppigkeit erdichtenn / darmit das dem einen angeneh/ vnnnd dem andern verdüßlich werden mocht. Vnder denen hat Severus einen/ inn diſer handlung ergriffenn/ vnnnd mit groſſer marter geſtrafft/ Wann der alt Kaiſer hat ſeiner ſün leben/ vnnnd vnlobliche ſitten/ vnnnd liebe zü den ſchimpffſpylen/ mit ſchwerem vnnnd traurigem gemüt getragen. Inn der zeit empfieng er Brieff von dem Britanniſchen land volck/ die dann vnderrichtung gaben/ wie das Barbariſch volck daſelſt/ empörung vnnnd auflauff machten/ das gang land vberfielen/ vnd das mit raup vnnnd prand ſchedigten/ darumb wer not das man yhn mit groſſer macht wyderſtand thete/ vnnnd er der Kaiſer ſelbs zü gegenn wer. Diſe potschafft hatt Severus mit frölichem gemüt empfangen/ Dann er iſt ein menſch geweeſenn der des rühms vnnnd loßs/ von natur begyrig was. Vnnnd nach dem er dye vberwindung/ gegen auffgang der Sonnen/ vnnnd gegen mitnacht / an bayden enden der welt/ mit ſampt den ſelbigen zünamen erlangt / da hat er auch begert etwas ſigs inn Britanien auffzürichtenn / inn dem auch ſeine ſün auß der Statt Rom zü führen/ damit ſie weit vonn den Statlichen wolluſten gezogen/ vnnnd inn den heer lägern/ als geſchickte jüngling des Rytterlichen lebens/ vnnnd der kriegs handel gewonet vnnnd vnderricht wurden/ Darumb hat er yezo inn ſeynem alter ein heerzug inn Britanien außgerüſt / wiewol er mit der krankhait/ inn lemi der glyder Beladen/ ſo was er doch ſo eines verſtenn vnnnd dapfferen gemüts/ das ſonſt nit wol bey einem jungen zü ſyndenn was. Hat ſich alſo auff den weg gemacht/ vnnnd iſt er den merertail inn eynem peth geführt worden/ doch hat er ſich deſhalb an kainen end geſaumpt. Als er nür den weg volennndet/ vnnnd vil ſchneller dann yemandts verhoſt vnnnd gemaint/ vber das Oceaniſch meer geſchiff/ hat er ſo bald man inn Britanien kam/ die Römiſchen Rytter vnd kriegsleut züſamen geſehen/ vnd ein groſſe macht verſamlet/ vnnnd ſich darmit zum krieg gerüſtet. Nach dem aber die Britanniſchen von des Kaiſers vnuerhoſtenn vnnnd ſchnellen zukunfft groſſe forcht empfangen/ in dem/ dz ſie ſo ein groſſe macht/ wider ſich zyehe gehört/ da haben ſie yhe potschafft vnnnd legatenn vmb den friden/ vnnnd ſich ſelbs zü entſchuldigen zü yhm geſandt. Aber der Kaiſer Severus hat mit lyſten verzoogen/ vmb willen/ das er nit vngeſchafft wider gen Rom ziehen müß/ dann er was des ſigs vnd zünamens der Britanier begyrig/ deſhalben die legaten vngeenndter ſach/ wider hinder ſich geſchickt/ vnd hat er darzwiſchenn was zum krieg not was/ mit groſſer geſchicklichkeit zü wegen gerüſt. Auch hat er zum erſten verſehen das die pfützen vnnnd möſer/ mit brucken vnnnd ſpättern vberlegt wurden/ damit das Römiſch heer ſicher geſtan/ vnnnd deſter baß geſtreitten möcht/ wann in Britanien ſind vil möſer/ von ſteetern vberlauſſen

des

des Oceanischen meres/durch die selbigen möser lauffen vnd schwymen dz *Britannier* siten
landvolck/erwann vnz vber die hüfft versenckt/vnnd achten keins grunds
noch bodens/vnd gebrauchen das den merenteil mit blossen leib. Dañ sie ha
ben nit gewont kleyder zu tragen / Aber den bauch vnnd den hals/ bedecken
sie mit barnesch/vnd schezen das selbig ein geziert/vnd anzeyg der reichthum
sein. Zu gleicher weis/wie die andern völker das golt brauchen/auch yr leyß
mit mancherley gemel vnd aller hand farben vnd formen der thieren zyerer/
darumb sie das nicht anthünd/auch die glieder des leibs nicht verdecken. Dañ
es ist das aller freybarst volck/vñ der todtschleg begyrig. Im krieg brauchē
sie ein schmalen schilt/vnd ein spieß/sy wissen ganz nichts von den schwerten
vnd degen vmbzegürten/ noch langer oder helm ansethün/vnd achten das
inen sollich hinderus brecht. In dem vberlauffen der möser vnd wasser/
aus den selbigen dempffen/vnd des himels hitz/ist es doselbs allzeit geneblet
Zu dem hat Seuerus alles das zugerüst das dem Römischen höre zu stewart/
vnd fürderung kommen/vnd den feynden zu nachteil vnd hinderus reychen
möcht. In dem er nun erkent/das es alles nach seynem willen geordnet vnd
alle ding versehen waren/da hatt er seinen jünger sun Getam genant/in dē *Beta der jünger*
selben teil der inseln gelassen/das dann noch in der Römer handen was/das *des kaiser sun*
er doselbs ein verwerer were/in gericht vnd burgerlichen hendlen/vñ gab
im von seinen freunden radt geben zu/die von hoher gepurt waren/behielt
den andern sun Antoninum bey ihm/den fñrt er mit im wider die feynd.
Darumb als das Römisch hör vber die wasser/die land gräben vnd solwers
cke gezogen/die dann zwischen den feynden vnd den Römern gelegen/seynd
etlich scharmügel vnd angriff geschehen/in denen dann der Römer allzeit ob
lag. Doch so mochten sich die feynd mit der flucht leichtlich behelffen/wañ
sie lagen in den welden verborgen/auch in den mösern vnd andern enden/die
inen ganz wol kund waren/das dann alles den Römern nachteilig/vnnd zu
verzug des kriegs dienen was. Darzwischen hat die krankheit an Seuerio
dem alten Keyser/der sunst alters halb plöd was/noch mer zugenommenn/
also das er gezwungen ward/bey hauf zu bleiben/vnd den sun Antoninum
vnderwyndung der Keyserlichen geschafft/zü dem krieg auf zeschickē. Doch
so was Antoninus von der feynd wegen mit fast sorgfelig/vnd vnderstünd
im selbs das ganz hör/zü ziehen/vnd gegen ime zu bestetigen/vmb willen
das sie allein auff ime ein auffsehen haben solten/ihme selbs damit das ganz
Keyserthum begerte zuzueygnen/vnd seinem brüder das selb zu empfren
den. In dem machte ime auch des vatters langwirigkeit/vñ der lengerer ver
zug seines sterbens/so gar vnwillig vnd engstig/dz er auch des vatters arzt
vnd diener vnderstünd zü bewegen/das sie den alten Keyser in was weg sie
möchten/zum todt fürdern soltenn/vnnd trib dasselb so lang/das Seuerus
mehr von vnmut vnd kummernus/dann von dem syechtragen verzert/vnd
gestorben ist/der dann inn Kriegs hendlen/vnder allen Keysern/der
scheynlichst vnnd fürtrefflichst gewesen ist/Wann es hatt yhren nye
keyser inn Burgerlichen Kriegen/gegen seynenn feynden/ noch auch inn
auf

Beta der jünger
des kaiser sun

Antoninus
Seuerus todt

Das Drit Buch

aufwendigen kriegem/wider die Barbarischen vöcker/so manchen sig vñnd
 vberwindung erlangt/Vnd nach dem er dz Kaisertthumb nachgehen jar lang
 regiert/hat er dermaß sein end genomen/vñnd seine sün im Kaisertthumb zu
 nachkommen gehebt/denen er inn gelt so ein grosse soni verlassen/das derglei
 chen von yemants hienor nie mer beschehen ist/darzu auch so ein großmech
 tig heer/das dem kain gewalt widerstan mocht. Deshalb als Antoninus/
 nach absterben Seueri/den obristen gewalt ergriffen/da hat er von stundan
 angefangen/von hausz zu hausz/also zu reden/yhren vil vmbpringen/vnd er
 tödtetzelassen/Darzu hat er seines vaters leib arzt/mit grosser marter gepei
 niget/das sie yhm vngehorsam gewesen sind/inn dem/das er sie hieß seinen
 vatter zum tod fürdern/des gleichen auch sein vnd seines brüders zuchtmay
 ster/vmb das sie vnderstanden hetten/sie bald gegenn einander züuersünen.
 Er ließ gang kainen hin/mit dem werck der grymmigkeit züplagen/von al
 len ordnungen vnd stenden der menschen/die dann bey dem vater in ainicherlay
 ehren/oder sonst dem vatter mit trewen bey gewesen waren. Er ermanet
 auch die oberisten/vñnd die hauptleut des heers/mit verhaßung grosser ga
 ben/den Ryttern zu rat hen/das sie yn einzige zu einem Kaiser auffwerffen/
 vnd erklären solten. Darzu vnderwand er sich etlicher gegen weer/gegen sey
 nem brüder/doch so hat er sollich dem heer mit geraden/noch sie darzu brün
 gen mögen/wann sie wisten wol/das yhr yeder vonn jugent auff/von dem
 vatter inn gleichen eeren gehalten vnd erzogen/vnd das sie yhrem yeden glei
 che dienst bewisen heten. Daruff als Antoninus befand/das sie in mainung
 bey dem heer nit fürgang haben mocht/da vertritt er sich mit den Britanischen/
 denen gab er frid/vnd nam von yhnen gysel vnd bürgen/vnd zoch damit von
 yhnen ab/vnd fürdert sich zu der mütter vnd brüder. Als sie zamen kamen/
 da vnderstond die mütter/mit hilff der aller eerlichstenn freund vñnd rädte
 geben Seueri/sie gegen einander züuersünen. Inn dem nu Antoninus sahe/
 dz niem andt seinem mätwillen beistendig sein wolt/da ist er mer mit gewalt
 dann mit willen(mit gleisnender mainung) zu diser verein pracht worden/
 Vnd also mit gleicher würde das Kayserthumb haltend/sind sie auß Britan
 nien geruckt vnd auffprochen/vnd mit des vatters gepain vnd haylgethumb
 (als die haiden wöllen) auff Rom zu gezogen. Wan als sie seinen todten leib
 in feur verprent/haben sie die selbig aschen/in ein vaf vñ schreyen/mit wolt ye
 chender salben gethan/vnd mit yhnen gen Rom geführt/vmb willen/das sye
 dasselbig inn den hailigen behältnussen vnd begreben der Kaiser behalten/
 Vnd haben sie(als sezo vberwynder/des lands Britanien) das heer
 darauf geführt/vnd sind mit vberschiffung des Oceanischen
 meers/in Galliam kommen. Darumb wieder Kai
 ser Seuerus sein end genomen auch wie seine
 sün das Kaisertthumb empfangen/
 das hab ich in disem büch
 angezaigt.

Antoninus?
 Geta

Das viert Buch der Herodianischen histori.

Von einer wunderbaren begrebd vnd be-

Anno man
di. 5 4 1 1.
Dil. 2 1 3gengnus der alten Römischen Keyser. Auch wie die brüder vnd
jungen Keyser vertragen wurden/ vnnnd wie ein brü
der den anderenn vmbbracht.

Die sachen die Seuerus der Keyser

nachgehen jar lang volnbracht/ die hab ich inn dem vorgeen-
den buch erzelt/ Es haben aber seine sune/ die dan noch Jüng-
ling waren/ mit sampt der mäter/ zu der statt Rom geeylet
in dem auch vnderwegen/ vil yrrung vnd zancs gehept/ vñ
in den herbergen/ nie bey einander ob eim tisch gessen/ son-
der in der speyß vnd tranck grosse sorg vnd argt won gehebt/ das irn keiner/
vor dem andern die speiß betürt/ dadurch er heimlich vergifft werden mocht
vñ der vrsach willē/ haben sie sich desto minder vnderwegen gesaumpt/ vñ
vermeinten daheim sicherer zu leben. Da sie nun yetzo in die statt Rō kōmien/
vnd das Keyserlich wesen vnd wonung/ vnder inen geteilt/ auch in vil wey-
tern vnd grössern hōfen vnd heusern/ dann yemant in der statt sein mochten/
yeder nach seinem gefallen/ ein hoff wesen außgangen hetten/ Vnd nach dem
sie der gestalt in die statt Rom kōmien/ seind sie vom gemeinen volck gekrōnt
empfangen/ vnd vom gangen radt begrüßt worden. Die beyden jungen key-
ser/ giengen voran hin/ in Keyserlichem seydnen gewand/ den selben folgten
gleich nach/ die radts herren/ die das heilthumb Seueri in einem eymer trügē
Wer aber die neuen Keyser gegrüßt/ der hat ein wenig für getreten/ vñnd
den selben Eymer mit grosser demüt vnd andacht angebetten/ Dem habent
sie mit grossen Pomp vnd wesen nachgeuolgt/ vnd in die Tempel verord-
net vnd bestattet/ darinn dan des Keisers Marci vnd ander vorgehenden Kei-
ser/ heilig vnd Keyserlich begrebnus gesehen werden. Darumb als die göttli-
chen empter vnd opffer volbracht worden/ do seind sie beyde/ yeder in seinen
Palast abgescheyden/ dermaß die wonung vnder inen geteilt. Die heimliche
thür versperrt vñnd beschlossen/ vnd allein die namhafften thor vnd thuren/
auch manigerley thürhütter gebraucht/ des gleichen inen selbs/ sonlich leibs
hüter erwelt/ vnd seind gar selten zamē kōmien/ dan offenbar vor dem geme-
nen volck. Doch so haben sie im anfang/ irem vatter alle recht gethon/ in eers-
lich zu bestettigen. Es was der Rōmer gewonheit ire Keyser/ die ir erlich kind
zu nachkōmien verliesen/ nach irem tod zu heiligen/ vnd die das glück erlangt
die haben sie zu dē götten gezalt vñ vergleicht. Dan es ist in der gangen statt
Rom/ in gestalt eins trawrens/ ein gemein fest vñ lypfel/ den todten leichnā/
den bestatten sie nach gewonheit zu der erden. Aber sie machen dem vergrab-
nen vñ abgestorbnen/ ein gleiche bildnus/ die selbig form vnd bildnus/ legen
sie offenbar/ bey dem Keyserliche Sal/ in ein groß helffenbeynippett/ fast er-
höcht/ vnd mit guldinem gewand bedeckt/ vnd lygt die selbig bildnus/ gleich
einem trancken mit pleicher gestalt/ vmb das selbig pett/ sitzē durch den merē
teil tags/ nemlich zu d lincken seytē/ d gāz rat/ mit schwarzē kleidn angethō/
zu

Er der todten
Afg.

Beynippett des Keyser

Das vyert Buch

Zu der rechten seyten die fürnemsten frawen / die dast vonn wegem yhrer
 mann vnnnd vätter die ehlichstn seind / vnnnder denen wirt kaine gesehen/
 weder gold noch zierlich vorspannen / oder kleinerer zu tragen / sonder so sind
 sye mitt weissen nachgültigen leynen klaidern angethann / vnnnd erzaigenn
 sich ganz mit traurigen trostlosenn gepärden. Dis thond sye sibent tag lang/
 nacheinander on vnderlaf / vnnnd gond die arzt täglichs zu dem peth / als ob
 sie den krancken besehen / vnnnd verkündenn darmit / das es yhe lenger ye vb-
 ler stand vmb den syechen. Darnach thond sye dergleichen / als ob der kranck
 yetzo gestorben sey / dann so kommen von den Ryttern vnnnd Radsheeren
 die aller edelsten vnnnd aufferweltsten junge mann vnnnd jüngling / die nemen
 das peth auff yhre achslen / das tragen sie durch den hailigenn weg / auff den
 alten marckt / da dann die Römische herschafft gewont ist yren gewalt auffze-
 gebenn / Daselbst sein zu baiden seyten stafflenn auffgericht / auff den selbenn
 stafflen sein zu der einen seyten verordnet / die kynd von den aller edelsten vnd
 Rathshern geschlechten. Zu der anderen seyten / die durchleuchtigsten vnnnd
 edelsten frawen / vnnnd singen dem todten vnnnd abgestorbenen mit grosser zu-
 cht vnd scham / ein götlich lobgesang / dz dann zu eine traurigen vnd weinparn
 thon vñ weis gericht wz. Nach dem vnd sy das also volpracht / da haben sie dz
 peth widerumb erhebt / vnd für die Statt Rom hinauf in das veld Martii
 getragen / Daselbst ist gar ein braiter platz / vnd zu gleichen orten vierecket er
 hebt / vnd ist am selben ort von kainer andern materi / dann von zamen fügig
 grosser hölzer / das gleich einem tabernackel / vnd geheuß zamen geschlossen /
 vnd was der selb tabernackel inwendig mit ganz durren speltem vnnnd holz
 aufgefült / vnd außwendig geziert mit guldenen deppichen / mit helffenbain
 vnd mancherlay gemeldt / Darunder was gesetzt ein anders / vnd doch klay-
 ners geheuß vnd tabernackel / aber mit form vnnnd gestalt dem anderen vast
 gleich / mit offnen porten vnd thüren. Item das drit / vnd auch das viert / vnd
 darnach ye mer vnd mer / so lang vnz das es zum letzten kam / das vnder den
 allen das aller klainest vnd höchstes was / also das man die form vnd gestalt
 dis bawes / den thürnen / die bey den porten des meers stond / vergleichen mag
 die die schiff zu dem sichern staden laiten / die gemaintlich pharos / dem Alex-
 andrinische thurn nach genät werde / darumb haben sie dz peth in dē andern ta-
 bernackel erhebt / vñ daselbs alle wolchmackēde allerley wolriechendē frucht
 kreuter / vñ safft / vñ aller hād materi herzu pracht / vñ mit hauffen aufgossen.
 Wan es ist kain volck / nation / noch stat / noch sonst yemants / & nit etwz ehr o-
 & würdigkait fürtrifft / die da mit dergleichen gaben / zu eeren den Kaisern hinzū
 bringen. Inn dem nu der wolchmeckenden materi ein grosser hauff zusamen
 kam / vnd sie den ganzen platz darmit erfüllet / da haben die raysigen dyse ge-
 bew vnd tabernackel vmb rytten / mit einer gewissen vnd gemachten ordnūg /
 auch dermaß wider darvon gerant / vnnnd mit einem sitlichen sprengen yhrer
 pferd / sich zusamen inn einen hauffen vnd ring gefügt. Es wurden auch dar-
 umb geführt vil wāgen / darauf sassen die hauptleut vnnnd durchleuchtige Für-
 sten aller Römer / vnnnd waren yhre fürer vnnnd wagenknecht alle mit purper
 vnd seyden beklaidet. Da man nu das also gehandelt / hat der nachfolgen d
 besitzer

pharos

besitzer des Keyserthumbs/ein brennende sackel zu handen genommen/vnd
 damit den Tabernackel angezündt. So bald das geschehen/ist vñ dem vbrin-
 gen allenthalben her/das feur darein geworffen/vñnd seind dergestalt alle
 ding/die mit den dürrn spelten vñnd hölzern/ auch mit den wolriechenden
 materien/erfült vnd gespyckt waren/von einem grossen vñnd mechtigen feur
 schnell verzert vñnd verprent worden/vñnd von stundan/von dem hintersten
 vñnd kleinsten Tabernackel/als auß dem höchsten vñnd öbristen teil/so bald dz
 feur angezündt/ein Adler herauf geflogen/vñnd ledig gelassen/vñnd glaubt
 man/das der selb Adler/des Keyser's seel/zü himel füre/Dergestalt wirt ye-
 gund der Keyser mit dem vñnd dergleichen geeret. Nach dem nun die Jungen
 Keyser den vatter/wie angezeygt/geheiligt/habē sie wider zü hoff gefert/
 vñnd täglichs gezencf vñnd zwytracht gebrauchet/vñnd vnderstanden in allweg
 neyd vñnd haß gegen einander zü stifften/vñnd mit sollicher gestalt/das yr ye-
 der in seinem sinn vñnd fürsaz het/wie er den andern mit betrug vñnd lyften sa-
 hen vñnd vberlengen möcht. Je zü lest namē sie jnen für/wie sie möchten zü
 sonderer vñnd eyniger herschung kommen/defhalb vnderließ keiner dem an-
 dern seinen gemeinen des gewalts/vñnd regierung abzetreiben vñnd aufzesch-
 lieffen/Dermaß vnderstünden sie den willen vñnd gunst aller burger der statt
 Rom/vñnd besonder die an wyrde vñnd eeren fürtraffen/jnen inn sonderheit
 zü zugefellen/denen sie heimlich vñnd verborzen/ire brieff zü schickten/mit ver-
 heiffung grosser gaben vñnd gnaden. Je zü lest hat der mererteil Getha dem
 jünger anhangen/vñnd des willen/das er ein gestalt der erberkeit erzeigt
 in allen sachen erschein er mässig vñnd sensftmütig zeseind/vñnd beslyß sich al-
 ler ersamkeit/Auch so het er allermerst löblich vñnd gelet fürtreffliche men-
 ner stets bey jm wonent. Dazü vbet er sich in ringen/springen/vñnd andern
 adelichen vñnd Ritterlichen züchten/darumb was er gegen menglich wolge-
 fellig vñnd milt/das er dardurch mit etwas grossen lob vñnd eerlichem lunden/
 vil menschen zü seinem gunst vñnd willen zoge. Dargegen aber Antoninus sei-
 ne sachen mit einem wütenden grymmen vñnd aller reübe volbracht/vñnd wñ
 frembd in aller sensftmütigkeit/Er begert allein des Ritterlichen lebens vñnd
 der Kriegs leuff/ein liebhaber zesein geachtet zewerden. Er handelt nichts
 on zorn/vñnd sücht jm selbs freundschaft/mer mit trow wortenn/dann mit
 radt/mer auß schrecken vñnd forcht/dann mit freyem willen. Als aber die key-
 serin jr mütter sich lang zeit vmb sunst bemüet hat/die zenckischen brüder ge-
 geneinander zü versünen/do hat es doch jnen beyden gefallen/das Keyser-
 thumb vñder jnen zü teilen/vñnd des willen/das nit ye einer dem andern/die
 weil sie beyd zü Rom weren/mit auffsz nachstellen möcht. Darum so berüff-
 ten sie jr vätterliche freund/vñnd zancften also vor der mütter selbs/von zertel-
 lung des Keyserthumbs/dergestalt/das alles drittayl der erden Europa
 genant/Antonino/vñnd das vberig erdtrich/das dann alles Asia geheysen
 dem brüder Geta zügeteilt ward/ Also das sie mit der weytte des grossen
 meres mit etwas görtlicher schickung/des vberfallens gesündert vñnd zer-
 trennet wurden. Inn dem vertrag gesiel jnen auch/das Antoninus seyn
 höleger bey der statt Bysanz inn Tratia/vñnd Geta sein hör bey der statt

*Teilung des
 Kayserthumbs*

Das viertbüch

Calchedone inn Bithynien habenn soltenn/ die dann gegeneinander gelegen
damit yedes seyn reich beschriemenn/vnnd dem anderenn thayl der vberfart
wehren möcht. Item das auch alle die yhenen/die auß Europa von Rads
herin geschlecht weren/das die inn der Stat Rom blißen/vnnd die vbrigen
alle/dem Geta nachuolgen solten. Den hof vn̄ die hauptstat seines tails hat
Geta gen Antiochiam vnd gen Alexandriam gerichtet/das dann Stett sind
von größe nit vil minder dann Rom. Die völker gegen mittag wonend/als
die Moren vnd Numidischen/die sein Antonino zu geordnet. Die vberigenn
vn̄ gegen auffgang der Sonnen/hat Geta angenommen. Als sie nu dermaß
verhädlet/vn̄ sonst alle mengklich die erd mit traurigē antligt angesehen/da
Julia dazm̄ hat Julia die mäter also geredt. O yr meyne sün/mit w̄z vnder schaid/yr das
erdrich vnd auch das meer zert hailt/das habt yhr yezo befunden/vnd das
sollichs baide thail/als yhr sagent/die flüß des grossenn meeres vnder schaid
sein sollen/Mit was gestalt wöllen yr aber die mäter thailen? Mit was form
würd ich vn̄ selige mäter zwischē euch haiden zertailt oß zerschniten? Dar vn̄
so tödten mich zum ersten/vnd begrab ewer yeder den halben thail bey yhm/
das ich mit dem meer vnnd erdrich auch vnder euch gethailer werd. Als sie
nu das mit vil waynen vnnd erbermlichen heulen geredt/hat sie die sün bayd
mit yren hendenn erwischt/also ein yeden umbhalsset/vnnd vnderstanden ge
genn einander inn freunttschafft zūpringenn/Deshalb entfond ein grof mit
leyden vnd erpermbd/das mengklich hinweg schlich/denen die maynung der
brüder mißfiel/damit kereten sie auch wider in ire pallest/vnd wuchs der haß
tägliche/vn̄ nam steets zū. Wan so sie etwā hauptleut/amptman/vnd vögt
erweltent/so vnderfond ein jeder die seinen nach allem fleiß zū fūdern/Des
gleichen wann sie recht sprachen/so waren sie alzeyt mißhellig/mit grossen
schaden der yhenen/dern sach sie handelten/dann sie volprachtenn mer yhren
willen/dann das recht oder die pilligkeit/Desgleichen geschahē auch inn den
spülen/das sie alzeit widerspenniger art waren. Sye habenn auch kaynerlay
auffsez noch hinderlyst gegen einander vermitteln/dern yeglichs koch vnd kel
ler/oder weinschencken/vnderfonden sie darzū zebringenn/das yhe dem an
deren mit gift vergebē werdenn solt. Da aber das zū langsam naher geen
wolt/dann ein yeder bewaret sich mit grossen fleiß vnnd sorg/ee das sie dyc
speiß annamen. Ihe zū lest was Antoninus so gar vnleidenlich vnd zū der be
gyrd des ganzen Kaiserthūms dermaß entzündt/das er bey yhm selbs zū
radt ward/etwas treffenlichs zū volpringen/oder zū leyden/vnd trachtet al
so mit dem schwert den todtschlag zū volbringen/die weil die sach mit den ver
porgnen auffsetzen nit volg haben/so wolt not sein (als er maint) allen schas
den auff ein ort zū setzen/das doch etlicher maß der fūrgesast will/volpracht
werden möcht. Darumb so hat er seines brüders sal vnd schlaffkamer/mit ey
ner grossen vngeßtüme vberfallen/der dann des wenig warten was/vnd hat
also seinen brüder/auff der schof vnd brust der mäter/mitt vil wunden vnd
plätnergießung/also grimmigklich umbpracht vnd ermōrt. So bald das ge
schehen/ist er darvon gesprungen/vnnd durch den Kaiserlichen pallast lauf
fende geschreyen/das er einem grossen vn̄sal vnd schaden entgangen/vn̄ kaum
vnuert

Julia dazm̄ hat
Iz Kay. Muck

Beta Gon
Gens. der gelute

vnuerlegt entrennen were/vnd darmit den Kaiserlichen leibshüterngepot-
ten/das sie im eilends darvon helfen/vnnd in den läger führen solten/damit
er dester sicherer sein möcht. Vnd mit einer falschen erdichten meynung/sagt
er/das er sterben müß/wor er lenger in dem sal wonet. Die selben hüter na-
men diß für ein warhafftige red an/dann sie wisten wenig was sich inwen-
dig begeben hett/damit dem fliehendenn also lauffent nachgefolget/dauon
ward ein grosser aufflauff des gemeinen volcks/inn dem das der Keyser so
schnell durch die statt dem leger zu lieff. So bald er aber das Leger ergriff/
desgleichen die Cappel vnd kisten oder Tassen/darinn die zeichen vnd göt-
ter des hörs angebett werdenn/da viel er nider auff das erdtrich vnnd sagt
groß lob vnd danck/das er also nach seinem willen/mit dem leben darvon lö-
men wer. Als dis den Rittern vnd kriegseulenten verkündt/die sich yetzo zum
teil badten/die andern sunst gerüheten/da lieffen sie all auß großem schreckē
dem leger zu. Darauß tratt Antoninus der Keyser ennitten vnder sie/doch
so bekant er mit gleichs die sach/wie er die volnbracht/sonder hat allein aufge-
rufft/das er einem grossen vnfall vnd schaden entgangen/vnd die auffsetz ei-
nes feyndlichen menschen vnnd offnen feynnds(wann also nennet er den brü-
der) vermitten/vnd het seinen widerwertigen nach langem streit/gar kaum
vberwunden. Dañ wie wol sie beyd inn grossen engsten vnd nöthen gestandē
so were doch er zu letst durch das glück/zü einem einzigen Keyser verlassen/
Dermaß was im mer gemeint die sach neben zu/zeuerten/die er volbracht/
dann das er die warheit selbs anzeygen wolt. Darumb so verhieß er ein ye-
den Ritter vnd kriegsman/in sonders für sich sein leben/vnd das Keyserthū
zwey tausent vnd fünff hundert Alttrischer pfenning/zü dem auch des halben
ein jar sold mer dann sie zu empfangen gewont gewesen wern. Damit befalch
er im auß den tempeln vnd schatzkammern/das gelt mit hauffen darzu tragē.
Vñ das Seuerus mit frembdē vñ außlendige vnfall vnd schatzung/achzehen
jar lang zu samen gesamlet vñ behaltē/das hat er alles an einē tag außgestre-
wet vnd verteilt. Dadurch seind die Ritter vnd besoltene kriegseult/als sye
yetzo von den yhenen/die auß dem sal vnd Palast geflohen/den todtschlag
durch ine volbracht sein vernommen/mit einer so grossen summ gelts bewegt
worden/das sie ine allein zü einem Keyser auffwurffen vnd ertlerten/darge-
gen Getam für einen feynd aufrufften. Die selbē nacht ist Antoninus in des
legers tempel blißen/vnd hat sich auff die grosse summ/der aufgebenen ga-
ben verlassen/damit er im das hörz zugezogen vnd günstig gemacht/vnd am
nachgeenden tag/sich mit vmbgebung des ganzen hörs/mit zu rüstung der
wör vnd waffen/mer dann ein Keyser zethan gewont was/in dem Radt-
hoffgefügt. Darnach gieng er hinein in den radt/vnd so bald er die görtlichē
opffer nach gewonheit volbracht hat/da ist er hinauff inn den Keyserlichen
stül gefessen/vnd hat sein red auff nachuolgend meynung gethon.

Nur ist fürwar vnuerborgen/das ir allen heußlichen todtschlegen/so bald
euch die zu oren kommen/verdießlich vnd heßig seind/wann der nam des tod-
schlags/so der zum ersten gebört/so wirt der mit ein grossen verdruß/in einn
schwere schmach gerechnet. Auch so volget gewonlichen/den vnseiligen vñnd
trübseligen menschen/die erbärmßd/aber den mechtigen vnd glückhafftenn/
g ij der

Oratio

Das viert Buch

der neyd vnd has nach/vnd wirt gern gesagt/vnd gemainlich geachtet/das den vberwundnen vnrecht geschehen/vnd von dem vberwinder vnpilllich ge handelt sey. Zu dem ob yemants mer/mit vrtail vnd recht gegen dem vmb piachten/dann mit lieb vnnd gunst/die sach erwegen/auch der selbenn vsach vnd mainung betrachten/so mag er leichtlich ersynden/das es mer not vnnd recht gewesen sey sich zu rechnen/dan schmach vnd schaden zu empfangen. Auch so volgt dem erschlagenen nach/der böß lumbden vnnd laster der verzagheit/ Dargegen der vberwynder/zü dem das er mit dem leben daruß kompt/ so er langt er auch darmit das lob vnd eh: der manhait vnd stercke. Was sie aber sonst mit giff zu dick mal gegen mir fürgenomen/das haben yhr gar leichtlich mit der marter zu erfaren/vnd darumb so hab ich allen seinen dienern gepotten/das sie gegenwertig sein sollen/darmit yhr die warhait von ybnen selbs erfaren mögen. Es sind auch etlich auß den selben gefoltet vnd gemartert/der selbigen vergicht möchten yhr auch wol verhören. Je zü lest dieweil vnd ich bey der mäter was/kam der selbig mein feynd/ mit etlichen die er mit vmbgürtten schwerten mit ym fñrt/vber mich lauffen / Dieweil ich aber yren anschlag gewist/ hab ich mich an meinem feind gerochen / wann er erzaiget mir kein brüderlich gemüt/so vnderstond er sich auch kains brüderlichen wil lens zu fleissenn. Auch ist es von alle herkommenem gebrauch also recht/das man sich an dem/der zum ersten auffsezigt ist/rechnen sol. Dann Romulus der stifter diser Stat Rom/der hat auch seinen brüder/der yhm sein werck ver achret/nit gedulden mögen/ich geschweig des brüders Neronis/vñ auch Th rus des brüders Domitiani. Auch so hat Marcus der Kaiser/der ein liebhaber aller weyßhait vnd fenfft mütigkeit gewesen ist/ die verachtung Lucij sei nes dochtermans nit erleide mögen. Dernaß so hab ich das giff/das wider mich bereit gewesen / gegen dem feind mit dem schwert gerochen/dann diß sein handlung/hat yhm den namen des feinds auffgesetzt. Ihr sollent aber den götten danck sagen/das sie euch doch den einen Kaiser beschirmen/vnd bey leben behalten haben/damit ewer gemüter nit zertrent/vnd allein einen Kai ser anschawen/ auch yr damit ein sicher leben erlangen vñ führen mögen. Wan zu gleicher weis Jupiter den obristen gewalt allein/ also hat er den gewalt auff erdrich/auch ein einzigen menschen allein zugeordnet. Da er das mit lauter stin geredt/auch die freund vnd güner seines brüders/mit ein traglichen ant liz voller zorns angesehe/hat er damit yrn gar manchen erschreckt/vnd plaich gemacht/vnd sich darauff wider in sein pallast gefügt. Er hat auch vñ stund an angefangenn/alle freund vnd beywoner des brüders zu tödten / die dann in den heusern waren gesessen/darin er gewont het. Item aller seyner diener auch weder der jungen noch alten ward verschonet. Darzu wurden der selbe todten leib vnd cöpel/ynen allen zu einer schmach / auff wägen gelegt/auf d Stat vber einen hauffen gefürt/vnnd also verwegenlich inn ein grof sewer geworffen vnd verprant/vnd plib gar yhrn kainer vber / auß allen denen/die ein wenig kundschaft bey Geta gehept hetten. Zu dem wurden auch er tödt sein fechtmaister / kempffer/tynger/springer/furleut/vñ aller hand spillent/ desgleichen alle die ybennen/die seynen augen vnd ohren freud vnnd wollust gemacht hetten. Vber das alles wurden auch aller Rathsheren geschlecht oder

oder die sunst mit adel vnd reichthumß fürtraffen/die mit der allerminsten/
 oder mit gar keiner vrsach verdocht/vnd doch sunst mit etwas leichtfertigem
 vnwarhafften anbringen/für sein freund verwenet vnd geachtet/alle vmbß
 bracht vnd ertödtet. Item er hat auch die schwester Comodi/die yezo gang
 alt/doch allen Keysern/als ein tochter Marci Billich zu vereeren was/tödtlich
 lassenn/allein auß der vrsach/das sie den tod seines brüders Geta bey seiner
 mäter beweynet. Item die tochter Plautiani weilant sein eigen gemahel/die
 dann dauor in Sicilien verschickt was/Item seines brüders sun mit dem zu
 namen Seuerus genent/desgleichen auch den sun Pertinacis vnnnd Lucille
 der schwester Commodi. Ne zu lest auch alles dz der Keyserlichen sypschafft
 angehangen/oder in dem radt/vonn den alten Edlen stammen vberbliben/
 das vnd die seind alle gar von im/als auß dem grund vnnnd auff dem stumpff
 aufgereüttet/abgeschnitten/vnd vmbbracht. Zu dem hat er auch die figtüm
 vnd landtvogt oder verweiser der prouinzen(als ob die selbenn auch freund
 Geta gewesen) ertödtet lassen/vnd sich durch die ganzen nacht mit vilfälti
 gen todtschlägen geübet. Die vestalischen junckfrawenn(als ob die ein ver
 wegne junckfrawschafft vnd reinigkeit fürten) die ließ er lebendig vergrabe/
 Item auch dis stuck/das sunst an keinem end ye volbracht ist/als die Circen
 ser inn gegenwertigkeit des Römischen volcks/gegen einem karren oder wa
 gen knecht/nit weyß ich was schympffs wort getriben/dodurch er ihm ver
 meint ein gespöt bewisen sein/darumb so gepot er von stünd an/dem ganzen
 rassygen zeug/das sie in das gemein volck rennen/vñ alle die zu dem wagen
 knecht etwas geredt hetten/die zu fahen oder zu ertödtet. So bald aber die
 reysigen einest vrlaub zu gewaltigen/vnd zu rauben empfangen/dieweil vñ
 dann die ihenen/die also misfiredt hetten/nicht wol erkant werden mochten/
 vnnnd sich auch niemants/inn so grosser menge des volcks/der sach bekennen
 wolt/do erschlugen sie alle die zu tod/die sie am nechsten ergryffen vnd an
 kommen mochten/oder aber namen inen alles das sie hetten/das sie ihr leben
 dermaß mit grosser armüt erkauffen müstenn. Nach dem er dise vnloblichen
 stuck volbracht/vnd ine sein freyer mätwill/des stattlichen wesens vertrieß
 sig gemacht/da hat er im fürgesetzt auß der statt Rom zu weichen/damit vñ
 er sein besolten kriegsleut verordnen/auch die prouinzen vnd lender besehen
 möcht. Darumb ist er auß Italien geruckt/vnd zu dem wasser der Thonaw
 kommen/zü dem teil des Römischen reychs/dz den Römern gegen mitnacht
 vnderworffenn was/daselbs hat er sein leib geübet/eintweders mit fürung
 der schlytten/oder mit dem weydwerck vnd vmbbüngung der wilden thier
 oder aber mit seinem rechtsprechenn/wiewol er das selzam braucht/dann er
 gaß sein vrtail gar schnell/das er lüzgel erhört vnd wenig red braucht. Doch
 so hat er im doselbs alle teutschen zügestellt/also das er im auch auß den selbē
 kriegsleutten vnd yhe die stercksten vnnnd geradisten/zü seines leibs hüttern
 erwölt vnd auffnam/vnd die allerschönsten auflaß/Er hat auch züm offte
 ren mal die Römische zierd vnd kleydung abzogen/vnnnd ein teutsch gewand
 angethon/vnd ist also in iren wappenröcken/mit mancherlay golds durchge
 spickt gesehen worden. Zu dem hat er im auch selbs nach der teutsche art/ein
 gold gel hat machen lassen/dauon die teutschen wunderbarlich erfrewt/vnd

zum Ganges
 der Tylung

Das viertbüch

zu seiner lieb geraigt wurden. Es freweten sich auch die Römischen Rytter/ das er sie mit vberflüssigen schencken begabte. Er scheühet nit/ sich kains Riterlichen wercks zu vnderziehen/ vnd wo man etwas delben oder graben solte/ so was er der forderst daran/ Oder so man pucken vber ein wasser auffrichten/ polwerck oder schanzen aufwerffen/ oder was man sonst von der häd machen vnd arbeiten/ so wolt er alzeit der forderst sein. Er ließ sich auch eins schmalen vnd zimlichen tisches/ desgleichen hülzener trinckgeschir vnd essschüsseln vernügen/ vnd sich mit einem schlechten vbel gepachnen prot speisen. Item er hat auch so vil waizens/ dz einem man gnüg was/ mit seinen henden selbs zerstoßen vnd zu mel gemacht/ auch auff den glüendenn tolen/ darauf ein kuchen gepachen/ dauon er sich selbs gespeiset/ Vnd von dem an sich alzeit geflissen/ alles dz kostlich wz/ zäuerachten/ vñ alles dz schlecht vnd nachgültig sein/ vnd dem aller armsten kriegsmā zu geprauchen kaum gezimien mocht/ dz geliebt yhme aller bast/ darzu gefiel yhm baß das man yhn einen Nitritter/ dann einen Kaiser nennet. Item wo hin man ziehen solt/ so gieng er zu fuf/ vnd sagt sich gar selten auff seinen wagen/ desgleichen ließ er yhm auch kain pferd sein harnisch nach füren. Auch so vnderwand er sich zu tragen/ die aller lengsten vnd grōsten Riterlichen zaichen vnd heerpaner/ die dann von gulden gezierd vast schwer/ vnd den aller stercksten kriegs mannen nit leichtlich zu tragen warenn. Deshalben so hat yhm sein heer/ von dern vnd dergleichen manlichen stercke wegen/ als einen rytterlichen kriegsman vast lieb gehept/ vnd sich ab seiner stercke verwundert/ Wann es was yhnen ein grof wunder/ das sich so ein klain mann/ so grofser arbeit vnderwindenn mocht. Nach dem er die heer auff der Thonaw verordnet/ desgleichen auch in Tratiē/ an die Macedonischen stoßend/ gezogen ist/ da hat er sich gleich den anderen Alexander erzaigt/ dan er hat desselben wesen vnd gedechtnus/ in alweg vernewert/ vnd desselbigen seulen vnd bildtnussen/ in allen sterten widerum auffrichten lasen. Item die stat Rom/ vnd auch das Capitoliū/ hat er mit den bildtnussen des groffen Alexanders/ ganz erfüllt. Ich haß auch selbs etlich spōtlich piltmussen gesehē/ die an einem leib des groffen Alexanders/ vnd auch Antonini anlig hetten. Er gieng beklaidt mit einem Macedonischen klayd/ ein beltzin vnd vāhin haub oder byrret tragend/ darmit erwelt er auch die aller geschickt sten jūngling auf den Macedonischen/ vnd neñet die selben Phalanges/ mit dem befelch/ das man den selben hauptleuten/ die namen gebenn solt/ wie dan die hauptleut des groffen Alexanders namē gehebt heten. Ir er laß auch ausser Sparta oß Lacedemō/ junge mann auf/ die neñet er die Lacomisch vnd Piramisch rott vnd Centuri. Demnach vnd er das also gehandelt vnd die Stet/ wie er gemōcht/ verordnet/ da hat er sich in Asien zu der Stat Pergamū gwendt/ auf dz er sich d arznei Aesculapij gepraucht. Als er dahin kam/ vñ so lāg im geliebt gerūwet/ hat er gleich gen Xliū/ dz ist Troia geruckt/ vñ nach besichtigū aller vberblißnē gebew d stat/ da kert er zu dē grab Achillis/ dz selbig ziert er mit krenglē vñ plūmē/ auf dz aller schönst/ mit dē siēg er an sich Achille zūvergleichē. Als er aber auch Patroclum begert zu besichtigen/ vnd die weil er sich an den enden saūpt/ da starb einer vō seinem hofgesind der yhme aller liebēst was/ dem selben ward (alls etlich sagenn) mit gyfft vergaben/ Den selbigen verschūff er zu einer gedechtnus Patrocli zu begraben.

psalanges

Lacomisch
Piramisch

doch sagen etlich/das er sunst mit krankheit beladen gestorben sey. Dessel-
 ben todten leichnam hieß er herfür tragen/vnd ein sewr machē/mit vil holtz.
 Als er in nun enmitten darein gesetzt/da hat er von aller hand geschlecht der
 thier tödten/die selben in das sewr werffen/vnd das anzündē lassen/ damit
 ein becher in seiner hand gehalten/den weyn gesegnet/vnd die wind angebe-
 ten. Nach dem er aber kal was/vnnd wenig har gehabt/als er dann ein har
 sücht/das er in das sewr wurff/da ward er von menglich verspottet/dar-
 umb er im auch die vbrigen har gar abscheren ließ. Item vnder allen Für-
 sten vnd hauptleuten/rümpf vnd lobt er vorab Syllam den Römer/vnnd
 Hannibal den Affricaner/den selben richtet er auch seulen vñ jr bildtnus auff.
 Mit dem zog er von der statt Ilium/auch auß dem ganzen Asien/vnd Byta-
 thynien/vnd durchzoch die vbrigen land/Prouinzen vnd völkcr. Als er die
 sachen allenthalben verordnet/da k̄ er in die statt Antiochiam/daselbs war-
 de er auff das aller erlichst empfangen/da bleib er ein zeitlāg/vñ zoch darnach
 gen Alexandriam/vnd die vsach seines wegs zeigt er an/nemlich das er eyn
 lust hett die statt zusehen/die vonn Alexander dem grossen gebawen were/
 vnd das er auch jren abgott heimsuchen/den dann die innlendigen in grossen
 eeren hielten. Er thett der gleichen/als ob er die zwey stuck verhanden hett/
 Die geystlichkeit in der wüste vnd einöde zū suchen/vnd seins anhern gedeckt
 nus zū begon. Darumb ließ er die opffer zū rüsten/die man zū latein *Hecatombē*
 basennet/das seind die opffer/darinn man pflegt allerley geschlecht 8 thyez-
 ren/hundert zū tödten vnd zū opffern/Vorab so das den Keysern zū eren ge-
 schicht/so pflegt man hundert löwen/hundert Adler/vnnd sunst dergleichen
 hundert thier/zū tödten/vnnd auff zū opffern. Desgleichen befalch er auch
 sunst aller hand opffer zū bereyten. So bald des Keyseris fürnemen dem ge-
 meynen volck zū Alexandria verkündet/da ward des Keyseris willen/vonn
 jnen (als den yenen/die sunst von angeborner natur/yr lieb vnd fleyß zū allen
 sachen leylich anlegen) mit grosser begyrd dermaß angenommen/das sye
 vor freuden nicht wisten/wie sie dem gnüg thū solten. Darumb so habē sy
 sich gerüst jhne mit sollichen eren zū empfangen/als sie dann dauor nie keinem
 mer gethon hetten/wann sie bestelten mit allerley seyten spil/das alle ding
 erdönten. Zū dem erfüllten sie alle strassen/mit allen woltschmeckenden dinge
 vnd aller ander materi/die ein süßen gütten geschmack gaben. Item mit Te-
 da dem woltriechende holtz/auch mit außbraytung der blümen/mit dem allē
 vererten sie den Keyser. Nach dem er aber in die statt kam/vnd vil opffer vol
 bracht/auch die altar mit weyrauch bereucht/hat er sich zū dē grab des gros-
 sen Alexanders gefügt/daselbs seinen wappen rock/alle sein kostpar vñ edle
 kleinoten/köstlich ring/desgleiche den gürtel/vñ was er sunst köstlichs an im
 trüg/dz alles zog er im selbs ab/vñ legt dz auff dz grab. Do dz die Alexandri-
 anische burger gesehē/da habēt sie das fest nacht vñ tag vber alle maß began-
 gē/vñ nit gewist/wz betrug vñ schalckheit der Keyser in seinem hertzen ver-
 borzen trüg/wann er volbracht das alles mit einem verborznen willen/da-
 mit er die gannz gemeinde miteinander vmbbringenn möchte. Die vsach
 des verdeckten has was die/Dieweyl vnnd er noch zū Rom gewesen/ist
 ihm angezeigt vnnd verkündt worden/inn der zeit vnnd sein vatter noch
 g iij lebt/

Das viertbüch

lebt/auch nach desselben tod/ das die von Alexandria vil wider yhn redtenn/
das yhn zu vnfrum vnd schmach raicht (Wann es seind leut die von angepor
ner aygenschaft vil schwezen/vnd allermaist geflissen/wider vnd gegen den
mächtigsten herin gedicht zu machen/vnd zu schreiben/die sie vermainen sch
impflich sein/wie wol die selben spil von den yhenen/wider die sollichs auffge
richt/weyt anders vnd zu verdruss angenommen / wann es werden die mensch
en/mit disem scherz gar fast bewegt/vor ab in denen/damit die that mit war
hait angezepfft/vnnd gestrafft wirt) Darumb als sie vil wider yhn geredet/
Jocasta auch darunder den brüderlichen mord gemeldet/vnd sein mütter Jocastam
genennet/als eine die sich yhrem sun vermähelt/auch yhne verspottet/das ein
mensch so einer klainen person/sich vnderstünd/den mächtigsten vnd stercke
sten herren zünergleichen (als dan Alexander vnd Achilles gewesen waren)
In dem sie nu maimeten/das sie schimpff spyl triben/da bewegten sie Antoni
num (der sonst vō angeporner natur ein zorniger mensch/des blätuer gießens
vnd zu schedigen begyrig was) das er yhnen deshalb größlich auffsezig vnd
vngenedig ward. Darumb als sie dis zügerüst fest mit grosser zierd vol
prachten/vnd der Kaiser sahe/das sich vil volcks von der nachpaurchaft/in
der Stat versamlet/da er mant er sie/das alle jüngling vnd junge mann/bey
seinem gepot auff den plaz zu samenn kommen solten / vnnd sagt / nach dem
er yhm die Macedonischen vnd Partianischen rotten auferwelet / so het er
in willen yme in gleicher gestalt/zü ehren vnd gedechnus Alexanders / vonn
denen die seinen namen hetten/auch ein streitpar volck in einen hauffen vnd
rott zu ordnen/vnd zu erwelen. Deshalb hieß er die jungen man/also vnder
schidlich von einander stan/vmb willenn/das er yhr jedes alter/person/auch
seines leibs geschicklichkeit/wellicher zü der Rytterschaft am tüglichsten we
re/dester bas besehen vnd betrachten möcht. Als das die jungen männer ge
glaubt/vnd vmb der grossen ehre willen/die sie kurz daruor dem Kaiser be
wissen/haben sie ein güt hoffnung empfangen/Vnd sein also sampt yhren vāt
tern vñ brüdern/mit grossen freude züsamen komen. In dem sie also stonden/
ist der Kaiser durch sie hinaus gangen/sie gar wol besehen/yerz in dem dises/
vnd an einem anderen ein anders gelobt/so lang vnz das sie das gannz heer
on all yrt züuersicht noch auffmerckung vmbzogen. Als er sie nu jezo mit seinē
kriegsleuten ganz vmbgeben sein vernomen/vnd in seinen stricken gefangen
sein vermaint/da hat er seinem heer ein wortzaichen geben/vnd ist er mit sey
nen leibshütern dauon gewichē/Die selben sind allenthalben/zü ring vmb/in
die vngewapneten jüngling vnd burger/mit grosser vngestüme gefallen/vnd
sie alle mit vil plüt vergiesen vmbbracht. Etlich vō heer theten vil vnd heftige
todschlag/die andern wurfen die erschlagenen in grosse tieffegräben/vnd grä
ben/vnd wurffen dan grund auff sie/also das man daruon ein gros grab/vñ
grosser vnmässiger hauffen ward/vnd wurden yhren vil in die selbigen gra
ben geschlaift/die noch halb lebendig waren/deggleichen yhren vil/die ganz
nichts verwundet/die wurden mit gewalt darein getrunken/ Darunter sind
auch etliche vom Römischen heer vmbkommen/dann dieweil der Alexandri
nischen noch etlich gelebt/haben sie die Römischen Rytter/die sie ergriffenn/
mit ynen in die gräben gezogen. Dis plütner gießen vnd schlagen wz so gros/
das auff

das auff dem platz runff von blüt flussen/die dann die flüß/vnd den eingang
Nili/auch das meer vnnnd port vmb die statt gang vort gemacht habent.

Aber der Keyser begert auch den rüm vnd zunamen des Partischen König:
reichs zu haben/vnd das er die Orientischen vberwynden möcht/vnd wie er
das mit betrug vnd in gestalt der freundschaft zu wegen bringen kunt. Des
halb sendet er seine brieff zu Artabano dem Partischen König/vnnnd schicket
auch damit sein Legaten zu ihm/mit grossen gaben / die von art vnd künsten
fast köstlich waren. In den selben brieffen stünd geschriben/das er begert des
gedochten Königs rochter zu einer gemaheln zu nemen/er were ein Römisch
er Keyser/vñ von einem Römischen Keyser erporn/darumb gezimpt im nit
wol eins schlechten vnd nidern mans dochterman zu werden/deshalb Bege-
ret er vil lieber ein geborne Königin/vnnnd ein tochter eins so mechtigen Kö-
nigs (als er dan wer) zu haben/So were auch das Römisch vnd das Parti-
sch reich/die zwey grösten reich/vnd wo die beyd mit sipschafft zusamen ver-
pflicht/vnd on allen vnderseyd/der wasser vnd flüß/inn ein einzige macht
bracht/so wurde das mit keinen kreffen erstritten noch vberwunden werden
mügen. Wann die vbrigen Barbarische völker vnd Nationen/die yetzt den
beyden reichen vnderworffen seind/die selbenn wurden die herschung dester
mit besserem willen annehmen/dieweil ein yegklichs volck/vnd Commun jr eyg-
ne regierer gehaben möchten. Die Römer hetten ein heerzug zu füß/der mit
langen spießsen/vñ einem steenden streyt menigklich vbertreffe/So hette die
Partischen ein reysigen zeug/vnd die allen besten handschützen/wo sich die
zusamen thätten/vnd was sunst not zum krieg were einheligklich volbringē
so wurden sy vnder einer Diadem dz reich des ganze vmbkreiß der erden wol
behalten mügen/vber das alles so möchten die frucht/die dann zu inen gefü-
ret wurden/desgleichen die fürnemsten geschos vnd pfeyl/zü güttem statten
vnd frommen kommen/vnd dargegen auch zu den Römern jr gold vnd erz
bracht werden/vnnnd alles das sunst von künsten erdocht vnnnd gesehen/das
nicht allein kaum oder selten/auch haymlich vnnnd verborgendurch die kauff-
leut zu geführt/das wurd alles beyder seitz/als vnder einem Reich/ein gemein
handthierung vnd wesen/on all ver hinderung zu grossen nutz vnd fromme
reichen. Nach dem der Partisch König dise brieff empfangen/hat er zum er-
sten die sach abgeschlagen/vnd sich gesperrt/wañ er sagt das sich einem aufleu-
digen vnd Barbarischen König/nit gezimpt mit dem Römer heyradt zuma-
chen. Dan was möcht das für ein vermähelung sein/dieweil sich das gezüng
die stin vnd sprach nit vergleicht/auch das wesen vnd kleydung zwischen
inen vngleich were. Zu Rom weren sen vil von der vätter vnd dem Adeliche-
samen/der selbigen kind möcht er im zu eelichen stand erfordern/Als bey ym
die Arsacidas von Arsace dem ersten König der Parthier/zü dem hett man
kein vsach/das eins von seinem vsprung vnd geschlecht weichen solt. Der
maß hat der Partisch König dis von anfang wider schuben/vnd die sach ab-
geschlagen. Dieweil aber Antoninus nicht abstoßn wolt/sonder mit gabenn
auch gelüpdt vnnnd eyd / mit allem fleyß seyner begerten eelichen ließ glauben
machenn wolte / da hatt yhme der Parthisch König geglaubet / vnnnd
yhm

*hst worden dem
partyschen künig*

Das viert Buch

im sein dochter zu geben versprochen/in dem er yhn ein dochter man nennet.
So bald dise sache aufgeschollen/da hat sich alles Barbarisch volck/beraitet
vnd gerüst den Römischen Kaiser zu entpfahen/vnd freweten sich mit hoff-
nung eines ewigen freidens. Damit ist auch der Kaiser/on menigklich abtreibē
vber alle flüß vnd wasser kommen/vnd hat das Partisch Keych/als ob das
sein aigen wer/durchwandlet/Deshalb die Partischen auf den gekrönten Al-
tharen/allenthalb yhr opffer volprachten/vnd all wollschmeckende ding an-
zündten/darinn der Kaiser dergleich thet/als ob er ein groß wolgefallen an
yhem verehren het. Nach dem er nu vil wegs/zu der hauptstatt Artabanus
nahet/da ist yhm der selb König/auff einem weyten platz vor der Stat ent-
gegen gezogen/den newen prewtigam vnd seinen dochterman zu empfangen/
vnd was ein grosser hauffen volcks der Partischen/mit den selbigen landts
blümen gekrönt/mit guldenen klaidern/vnd von vilerlay farben beklaydet/
Dye selben hetten geeygen/pfeiffen/hackbret/vñ aller hand saytenspyl/damit
sie den Kaiser empfiengen/Darbey sprachen vnd dantzten sie on vnderlaß/
dann sie haben in den freuden vnd saytenspyl/vber alle maß grossen lust/vor
ab so sie sich mit wein vberflüssig beladen haben. Alls sich aber menigklich vñ
den Partischen zamen gefügt/auch pferd/pfeil/vñnd bogen dahinden gelas-
sen/vnd sich vñ den opffern allein des trinckgeschirr vñ pechers geprauchet ha-
ben/inn dem der Partischen ein grosse sum volcks zamen kommen/vnd in der
ordnung gestanden seind/auch sich ganz kain argens versehen gehebt/sonn-
der yeder für sich selbs den newen prewtigam zu sehen begert. Da hat der Kai-
ser seinem heer ein wortzeichen geben/vnd yhnen gepotten/das sie mit gros-
ser vngestümi inn die Partischen fallen/vnd sie erschlagen solten. Dye seind
nu von diser schnellen sache erschrocken/inn dem sie die Römer also nider gesch-
lagen vnd verwundet/haben die vorigen die flucht geben/vnd ist Artabanus
von seinen leibs hüttern daruon gezuckt/auff ein pferdt gesetzt/vñnd daruon
pracht/das er gar kaum mit yhren wenigen entschlipfft vnd entrunnen ist/
Aber die vbrig sum der Partischen/ist allenthalb erschlagen/wann sie hetten
kein roß/dern sie sich doch allermaist gebrauchen/Sie waren all von den roßē
abgefessen/vnd hetten die auff die wayd geschlagen/deshalb sie mit der flucht
mit daruon komien/dieweil sie vñ ver hinderung d langē klaidern/vnd zu füß nit
lauffen mochten. Zu dem hetten sie weder handtbogē/noch köcher gar nichts
mit yhn pracht/das dann yhnen zum hochzeit dient/das alles erlangtenn die
Römer mit grosser schlacht der Barbarischen. Vñnd ist demnach Antoninus
mit grossen raub vnd vil gefangnen/on mengklichs wider treiben abgewich-
en/inn dem auch vil Stet vnd flecken verpriant/vñnd seinem heer zügelassen
die selben zu plündern/was vnd wie vil ein yeder wolt vñnd begert. Disen
vnfal vnd trübseligkait/haben die Partischen vnuersehenlich empfangenn.
Aber der Kaiser hat dz Partisch künigreich ganz durchtrungen/vnd als sein
heer jezud mit raubē vñ todtschlägē/ganz müd wordē/ist er in Mesopotami-
am gezogen/dadaniē hat er dē rath vnd Römischen Burgern/mit brieffen an-
zaygt/wie er Orient vñ alle menschen desselben Keychs/vnder seinen gewalt
pracht habe. Wie wol nu der Römisch Rath der ganzenn handlung güt-
wissen

wissen gehept (wann der Keyser sachē mügen keins wegs verborgen bleiben)

So haben sie doch außsicht vnd mit schmeichlen in alle ere des sigs erkant.
Darnach ist der Keyser auff schlitten zu faren/dem weydwerc mit peyssen
vnd sagen der wilden thieren angehangen/in Mesopotanien bliben. Ober
sein ganz hōr vnd zug seind zwen hauptman gewesen/ mit namen Andentius
vnd Macrinus/deren einer yetzo alt/ doch der burgerlichen sachen ganz
groß vnd vnuerstendig/ aber der ritterschafft vnd kriegs hendel mit vnuerfa
ren/ Dargegen was der ander in der statt erzogen/vn der gesetz vnd rechten
gründlich vnd fast wol bericht/gegen dem selben als einem vnrittermässige
vnd vnmanlichen man/hat der Keyser zu zeytten spott vnd verachtwoit ge
triben/vnd nicht abgestanden ine zu schencken. Dañ als er hōrt das er in sey
nem stand/ein kostlicher wesen fūrt/die schnōden vnd nachgültigen speysen
veracht/derndoch er der Keyser nach Ritterlicher vnd kriegs art/zū gebrau
chen ein lust gehebt/Do hat er in verachtūg/zū im gesprochen/das er ein wey
ten rock vnd ander kleider nach der Burger art antrūg/als ob er auß manli
chem geschlecht schlage/vnd ein schwachs weyblichs wesen fūrt/Er trawet
im auch des halb ine tödten zu lassen. Von den dingen ward Macrinus gar
fast bewegt. Darumb so begab sich die sach also/wann das leben Antonini
māße doch etwan ein end nemen/Vnd dieweyl er dann von angeborner na
tur sorgeltiger was/da flyß er sich/mit allein der menschen hendel zu erfaren
sonder auch der gött vnd der teuffelen oder bösen geist/heimlichkeit zu ergrün
den/vnd von forcht wegen der auffseß lag er zūm dickern maln in den Tem
plen. Darumb berūfft vn̄ erfordert er allenthalben her/die schwarzkün
ster/die sternen seher/vnd die nach der vogel flück warsagen kondten/er ließ
der selben gar keinen hin/der sich berūmpet der betrüglichen kunst ein wissen
zu haben. Dieweyl er aber die selben auch verdocht/vnd argkwēig hielt
te/das sie die warhayt nicht anzaygen möchten/sonder alleding mit verbleit
ter red fūrgāben/Do hat er an Maternianum geschriben (dem er dann
in der Statt Rom die sorg aller seiner sachen vnd hendel vertrauet/vund
den er ihm wißt auß allen seinen freunden/den getrewsten sein/der auch al
ler seiner heimlichkeit wissen het) Das der selb die schwarzen künster allent
halben her beschicken/vnd mit beladung ihrer handtrew vnd gelūp/d sye
von dem end seines lebens radtsfragen/vnd ob yemandts vor handenn/
der dem Keyserthumb auffseßig were/mit fleyß erfaren sollt. Als Ma
ternianus dem Keyser zu willfaren begert/hat er yhine eyntwēders auß
warlicher erfahrung/oder aber von haß wegen/gegen Macrinus/dem Key
ser Antonino widerumb geschriben/das allein Macrinus der were/der dem
reich auffseßig sein/deshalben er den selben abweg richten vnd tödten sollt.
Dise brieff hat er mit anderen zu samen vber ein büschlin beschlossen/des dañ
die Postbotten kein wissen gehept/die haben sych des wegs mit gewonlicher
eyl gebraucht/vnd seind also zu Antonino dem Keyser komen. Eßen zu der
zeit/da er sich allermerst auß den wegen vnd schlytten zu faren bereyttet/vn̄
gleich yetzo auß den wagen gessen was/do vberantworten die botten die
gāz büschlin 8 brieffen/in dem dañ auch die brieff warē/die Macrinū berūrtē

Dieweyl

Macrinus
sample

Das viert Buch

Die weil aber Antoninus mit ganzem gemüt vnd lust begyrig was auff den
 schlitten zū faren/da gepot er Macrino/das er die selbigen besichtigen/vnnd
 ob etwas eehaftigs/darinn befunden wurde/das er im dasselbig anzaigen/
 wo das nit/das er als dann sollichs/nach seiner gewonhait (dann es gehört
 dem hauptman seines ampts halbenn aufzerichten) versehen solt. Zū dem
 was er gewont im solliche geschafft zū befelhend/darnach richt er sich nach sey
 nem lust vnd freyen willen. Inn dem nu Macrinus alle sendt brieff haimlich
 vber sehen/auch den brieff befunden/der im zū schaden geraichet/da hat er be
 dacht was vns als yhme zū ston möcht/dar zū erkandt er auch/das grimm vnnd
 zornig gemüt Antonini/vorab inn einem sollichen anweyßen/darumb er den
 selben brieff verschlůg/vnnd hinder hielt. Aber der andern brieff inhalt eröff
 net er (als er gewont w3) dem Kaiser. In dē er aber sorgt/dz Maternianus
 deshalb weiter vnd mer schreiben möcht/vñ er lieber an ein anderen etwas
 volbringen/dann das er mit seinem verzug dergleichenn leyden wolt/da be
 fand er disen anschlag. Es was vnder den leibshütern des Kaisers Antoni
 ni ein Centurio vnnd rotmayster/mit namenn Martialis/der gewont was
 steetigs auff den Kaiser zū wartenn/dem selbigen het der Kaiser in kurz ver
 ruckten tagen/ein leiblichen brüder/der gegen yhm versagt/on alle verhö3 sei
 ner entschuldigung/zū tod geschlagen/vnnd vmb sprach. Zū dem hat der Kai
 ser den selbigen Martialis/einen zaghaftenn vnd forchtsamen man auch zū
 sonderer verachtung vnnd gespöt/einen freunt Macrini genent/vnd yn
 damit geschmächet. Dieweil dann Macrinus wist/das der selb vonn seines
 brüders todtschlag wegen grossenn schmerzenn/vnnd deshalb dem Kayser
 grossen haß trüg/da gerüfft er yhn zū yhm/der yhm dann daruor ganz genai
 get vnnd gūnstig was (dann er den selben mit vil bewisnen gūthaten vnnd
 freundschaft dermaß an sich gezogen) Dem hat er geraden/das er yhm für
 nam/so bald das mit fügen ymmer sein möcht/den Kaiser Antoninum vmb
 zū bringen. Der selb ward durch das anweisen Macrini bewegt/auch von sey
 nes aigenen haß/vnd von der rach seines brüderlichenn todtschlags gerai3et/
 das er im zū sagt/dz alles/so erst dz fūg haben möcht/mit ganzē fleiß vñ willē
 zū volbringen. Nit lang darnach begab es sich/als der Kaiser inn der prouing
 Mesopotamia/inn der Statt Carris wonet/das er Lunc der göttin tempel
 besehen wolt/der dann inn der selben gegne/nit sonders weit von der Statt
 gelegen/vnnd von den landleuten inn grossen ehren gehalten/Dahin nam er
 yhrer wenig raysiger zū roß mit ym/vnd ließ das vbrig heer dahinden/in wil
 len/nach volprachtem opffer widerumb inn die Statt zū reyten. Dieweiler
 vnder wegen was/reyt er allein mit einem diener/die anderen hieß er neben
 sich weichen/vmb willen das er sein natürlich notturfft thon möcht/Darum
 als sie all/von ehren wegen/weit hindan wycken/vnd Martialis (der dann
 alzeit seines vortails acht nam) befand das er allein was/da thet er dergley
 chen/als ob yhm der Kaiser gewinckt het/etwas zū sehen/oder erw3 von im
 zū hören gerüfft het/Darumb als er yhm den rücken gekert/vnd seine hosen
 nestel auffgeheffet/da lieff er schnell zū yhm/vnd durchstach yhn mitt einem
 messer/das er verporzen bey yhm trüg. Vnd da in das waffen mit einer tödt
 lichen wunden durchtrang/vnd er sich also vnuersehenlich/nit weeren kund/
 da fiel

Macrino

Antoninij

daßiel er tod nider zu der erden. So bald das geschach/saß Martialis wider auff sein roß/vnd vnderstand also mit der flucht darvon zu komen. Aber die Teutschen Ritter vnd Keyssigen/zü denen dan Antoninus einn sonder lust vnd vertrauen gehept/vnnd sie zü seins leibs hüt gebraucht het/die seind die nechsten gewesen/vnd haben die that am ersten ersehen. Darumb haben sye im nachgeeylet/vñ ine mit pfeylen durchschossen. So bald das vberig hör dz erfahren/hat sich dasselb zü samem gemacht/vnd vor allen andern/hat Macrinus dergleichen thon/als ob er den Keyser/von hertzen klagt. Diser sache habent sich die Ritter vnd kriegsleut fast vbel vnd trawrig gehalten/vñ gesagt dz sie einen mit Ritter/vñ mit ein Keyser verloren/Sy haben auch des halbē noch keinen argtwon auff Macrinum gehept/vñ vermeint das ine Martialis/von eigener feynschafft wegen vmbbrächt. Also hat sich yeder in sein gezelt vnd herberg gefügt/Vnd hat Macrinus des Keyser leib nach gewonheit verbrennt. Das gebein in ein aymer gelegt/vñ der mütter zü vergraben zü geschickt. Die selb hielt sich der zeit in der statt Antiochia/vnd von d trüb seligkeit vnd vnfsals wegen irer kind thet sie ir auch selbs den tod an. Doch ist ein zweyffel dran/ob sie das auß eignem willen/oder von getrang eins freb den gewalts gethon haß. Dis end habent gehept Antoninus vnd Julia sein mütter/so sie doch also(wie obstat) gelept/vñ er nach seines vatter vnd brüders tod allein sechs jar/vnd nit lenger regiert hat. Nach dem Tod Antonini haben die Ritter vnd kriegsleut zweyffel vnd kein wissen gehept/was sie an fahen oder thün solten/vñ seind zwen tag on ein Keyser gewesen. In der zeit suchten sie vnder inen/welchen sie am billichsten zü Keyser welten/ Dann sie wurden gewarnt/wie der König Artabanus/mit vil volck vnd einer grossen macht daher züg/vnd die rechen wolt/die also vnder den opffern vnd in allem fryden erschlagen weren. Darumb haben sie einen Keyser erwölt/des ersten Audentium(der dann ein Ritterlicher man vñ ein getreuer hauptmā gewesen was) aber der selbig entschuldiget sich mit seinē alter/vnd wolt das Keyserthum nit annehmen. Darnach erwelten sie Macrinum durch radt der fürnemsten tribunen vnd Rottmeister(die dann auch wissen hetenn an dem tod Antonini/als sich darnach erfand/das sie des radts seines todtschlags/mit grossen argtwon teilhaftig waren/das ich hernach melden wil) Daruß hat sich Macrinus des Keyserhums vnderwunden/nit allein darumb/dz er sich auff die Ritter verließ/sonder auch deshalb/das ine die notturst dar zü trang. Nach dem dis gehandelt/ist Artabanus der König hinzü genahet/mit einem grossen hauffenn volck/vnnd mit fast grosser macht/darinn er ein grossen reysigen zeug/vnd vnzelich vil schützen bracht/auch ganze Kürisser die auff Kemelthieren sassen/vñ mit fast langen spießen stritten. Da Macrinus das erfahren/hat er das hör berüfft/vnd also zü inen geredt.

Julia anfangen
mutter tod

Ant. vñ die gro
2. jnn

Audentius
haupte

Macrinus
Regier erwöl

Wie Macrinus sein Kriegsleut zum streit

ermanet hat/auch wie ernstlich gestritten/vnd zü
letzt frieden gemacht ward.

Anno muni
di. 5418.
Dñi. 220.

Das viertbüch

Es ist ganz kein zweifel daran/nach zu verwundern / das yhr in dem tod eines sollichen Kaisers/ oder (das ich warlicher red) eins sollichen mitrytters/trauren vnd laid haben / Aber es gepürt den fürsichtigen die menschlichen trüßsal vnd vnfall/mit rechtē gemüt zetragen / Doch so wirt sein gedechtnus ewigklich in ewern hertzen wonen / vnnd sich von wegen der sachen/die er so manlich vnd großmütigklich volpracht/bey den nachkommen auch ausspraichen. Vber das so hat er das lob ewer aller gunst vnd liebe / vnd das er alzeit sein arbeit/gleich mit euch gehalten vnd getailt / zū ewigem rñm mit yhm von hinnen pracht. Aber nu die weil man in seiner gedechtnus pilliche ehr bewisen/vnd alles das ym gezimpt gehalten/so erfordert die zeit dem gegenwertigen schaden zū begegnen. Sehent jr das der Partisch König mit allem volck des ganzen Orients vnd auffgang der sonnen/sezund gegenwertig/vnd rach Begeren ist/darumb er pillich (als sich dann wol erscheint) vrsachen hat/dann wir haben yhn mit vbertretung des versprochenen fridens/zum ersten betrübt/vnnd in dem aller höchsten friden den krieg bewegt / jezund wirt dz Römisch reich ganz in ewer manhait / trew vnnd krefften stan/Wann es ist vns gegen einem mächtigen König / ein treffenlicher streit verhanden/Nit von weiterüg wegen des reichs / noch von vndermarckung der anstöß/sonder vñ alles das vns dz glück je verilhen hat/dieweil er seine kind vnd verwante zū rechen/gegen vns da her zeücht/dañ er rechnet das die von vns wider alle pillichait/vnd vber den versprochenen friden erschlagen seyen. Darumb so wollen wir vnser gewer zū handen nemen/vnd in dem streit (als der Römer sitt ist) güt ordnung halten. Wann die menge der Partischen/halten in yhrem heerspiß kein ordnung/darumb sie sich selbs damit verhindern mögen/Dargegen ewer ordnüg ainhelligkait vnnd erfahrung des streits/dye pringt euch syg vnd glück/vnd den feinden schaden. Darumb so Beger ich/das jr mit der hoffnung streiten (als daß den Römern wol anstat vnd gezympt) vnd jr daß auch vñz her gewont haben. Mit 8 mainung mögen jr die Barbarischen vberwynden/dañon jr groß rñm/loß vnd ehr erlangen/ Inn dem yhr auch den Römern/vnd allen andern glauben machen/das yr den vorigen syg mit keinem betrug/sonder mit manlichen krefften erobert habt. Nach dem er das geredt/vnd die notturfst das erfordert/hat er sein heer in die ordnung gestelt/Vnd so bald die sonn auffgangen/ist der künig Artabanus/grosse hauffen mit yhm führende/ von ynen erschen. Vnd als die Partischen nach yrer gewonhait/die sonn angebetet/haben sie von stundan yr geschray erhept/vnd sind den nechsten in die Römer gefallen/die habenn sie vmb rytten/vnnd mit pfeilen inn sie geschossen. Auch so haben die Römer yrn spiß dermaß verordnet/den Mouschen raysigen zeug zū den seiten gestelt / darnach die aufferlesenen kriegsleut/denen leichtlich was fürzulaufen/vnd der Barbarischen ungestüme auff zehalten/die dann mit der grossen macht yrer schüßen / vnnd auch mit den langen spießen/damit sie zū roß vnd auff den kamelthyeren stritten/den Römern grossen schaden zūfügten. Dargegen aber so oft die Römer den fuß zamen sagten/so mochten sie yhre feind leichtlich vberwinden. Nach dem sie aber von der feind raysigen zeug/vñ den kamelthieren vast genöthiget wurden/da theten sie dergleichen/als ob sie fliehen wolten/damit wurffen sie drey

*Artabanus
partischer künig*

spizige

spizige füß eysen/vnd andre scharpffe eysen in den weg/vnd auff das feld/die dann vnder dem sand vñ staub also verborgen lagen/das sie nit gesehen wurden/die brachten den reysigen/vnd den yhenen/so auff den kameithieren saßen/grossen schaden. Wann als die pferd dareintratten/desgleichen vñ auch vorab die kameithier/dan die selben haben gang weyte klauen vnd füß/da sie gen sie an zu hincen/vnd wurffen die all ab inen/die auff inen saßen. Vnd doch so lang der Partischen jr roß vnd kameithier gewert/haben sie gang manlich gestritten. So bald sie aber bezwungen wurden abzusetzen/oder sunst daruö zu kommen/da war es sy leichtlich zu fahē/dan sie gedorffte nit mit d häd zu füß wißstād thün/auch so sie die feind sagē ob sie selbs fliehē soltē/so verhindert sie jr läge bekleydüg. Deshalb ward an dē erste vñ andn tag/vö morgē frū an/vnz auff dē abēt gestrittē/also dz die nacht dē streit zertrēt/vñ zugē beide teil in jr leger/in dē sin vñ gemüt/als ob sie vberwundē hetten. Am drittē tag zugen sie wider zu feld/auff dē plaz zu streyten/in dem sich der Partisch vnderstünd/wie er möcht die Römer vmbgebenn/dann er fürtraff gar weyt an vile des volcks/Dargegen hetten aber die Römer jren hörspiz vnd ordnung/nit schmalsonder brayt gemacht/vnnd dermaß aufgestreckt/das sie nit mocht vmbgeben werden. Es ward aber ein solliche menge/der man vnnd thieren vmbbracht/das dauon das gang feld erfüllet/vnd deshalb fast grosse hauffen mit todten cōpeln gemacht wurden/vnnd vorab vonn kameithieren/da dann ye eins auff das ander fiel. Darumb die streyten den kein freyen lauff/nach zu schlagen vnd streyten gnüg plaz haben/als ob die weg vnnd geng/mit grossen hauffen der todten cōpel/gleich den schanzen vnd Bolwercken/verschlagen weren/das die andern deshalb nit fürlauffen mochten/damit sy aber zu beydē teyl hinder sich in jr leger gerückt seind. Als aber Macrinus wol verständig/das der König Artabanus vmb keiner andern vsach willen/so hefftig streytt/dann das er meint/wider Antoninum zu fechten(dann die Barbarischen seind gewont/bald abzū weichen/wo inen der erst angriff nit nach jrem willen vnd glücklich geradet/desmals verharten sie aber/en als les abweychen/vnd vnderstünden sich wider zu dem streyt zu rüstē/deshalb verprienten sie jr todten vnd erschlagenen vnd wisten wenig/das der vmbz kommen/durch den dise feyndschafft bewegt was) Darumb schickt er sein legaten zum Partischen König/sampt seinen brieffen/darin er anzeygt/das der Keyser Antoninus dauor erschlagen vnd vmbbracht were/darin er sein billich straff empfangen/darumb das er den fryden/gelüpdt vnd eyd/freuelich vbertretten/Vnd hett man ime also sein verlassen reich/vñ das Keyserthūb zugestellt. Diweil ihm dan nit wolgefellig was/also gehandelt/so were er inwillen alle gefangnen/vnd alles das sunst entraupt/widerum zu gebē/deshalb begert er in auf einē feynd/zū einē freund zu machen/vñ den friden mit gelüpdt/eyd vñ aller heiligkeit zu bestettigē. Da Artabanus dis gelesen/auch vö den legaten Antonini todtschlags halb bericht empfangē/hat er vermeint das der frid pruchig/gnüg gestrafft/vnd ist damit gnügig gewesen/das im die gefangne/on weytter plāt vergießung geantwurt/vñ der empfärt raub wiß werde solt. Darüß vertrüg er sich mit Macrino/vñ kert wiß in sein lād/Aber d römisch Keyser fūrt dz hör auß Mesopotamiē/vñ zog gē Antiochiē.

Das fünfft büch der Herodianischen hystori Wie Macrinus der Kaiser sich vbel hielt/

darumb er erschlagen vnd ein anderer Kaiser erwelt ward.



An dem obern büch hab ich gesa-

get von der regierung/dem todt/den auffsetzen/vnnd allem
wesenn Antonini des Kaisers/darnach aber als Macrinus
gen Antiochiam kam / da schickt er dem rat vnd Römischen
volck seine brieff zu also weisend. Diweil vnd ihr selbs güt
wissen haben/was von anfang vnz her/meines ganzen lebens fürnemen vñ
stand/wie meine sitten zu miltigkait genaigt/vnd was senfft mütigkait ich da
rinn geübt/das dann nit weit vō ein fürstenthumb ist (wan der Kaiser selbs
hat sich nit als einem hauptman der Rytterschafft vertrauet) Deshalben so
acht ich vergebens zesein/vil wort gegē euch zu geprauchē/Dañ jr wissen selbs/
dz ich wenig frid gehebt hab/in den sachen/die von jm gehandelt worden/vñ
dz ich zñ dickern mal vō ewerent wegen in sorgen gstanden/als er gleich einē
vngezäimpten wüde thier/euch on all ewer schuld vberfiel vnnd beschediget.
Er hat nit auch dasselb gar oft verwisen/zū dem hat er mein mässigkeit vñ
menschlich gemüt offentlich geschendet vnd gesagt/das ich langsam vnd wais
cher sitten sey/Wann er was ein mensch der sich des liebkosens frewete/vnnd
ein jeden/der zu zu der grimmigkait scherpfft/ vnd sein angeporne vnfinnig
kait (als ob sie ein heerzaichen gebe) mit allen lastern zū zorn bewegten/die sel
bigen maint er die trewesten freund zesein. Mir ist aber von anfang vnz her
nichts elters vñ lengers angehangē/dañ die senfft mütigkait vñ mässigkeit/da
rüb so hab ich den Partischen krieg (der dan weit der gröst gewesen/vñ in dē
dz Römisch reich in grossen sorgē vñ gefערlichkeit gestanden ist) der gestalt vol
lendt/ dz wir wed in dē spiz des heers manlich streitende/dē feindē entwichē/
vñ den König/der die aller grösten macht von volck mit im pracht den has
ben wir mit beschloßnem friden/auf einem feind einen freund gemacht. Auch
so werde deshalb ewere kind vnder meiner regierung/on plätuer gießen sein/
vnd wirt diß den obern vnd mächtigen ein grössere zäuer sicht vnnd einigung
sein/dann des Kaisertthumbs. Es ist auch nit das yemants gedenccken mög/
das ich des reichs vnwürdig/odder dem glück schantlich/darumb das ich auf
Kitterlichem orden/zū Kaisertthumb kōmen sey/Wañ wo mag doch der selb
adel sein/der nit die sitten der senfft mütigkait vnd menschlicher miltigkait da
bey woner. Es zieren auch zū zeiten die gaben des glücks/die yhenen/die des
wenig würdig sind. Die tugent der seelen vnd des gemüts/bringet vnd behelt
jeun yeden sein aigne ehre vnd glori/ Dargegen aber die durchleuchtig gepurt
vnd geschlecht/auch reichthumb vnd dergleichen/wiewol die den glückhaften
für ein eigenthumb geschezt/so werden sie doch aller minst in den selbigen ge
lobt (dan das ist alles von fremb dem her kōmen) vñ gegeben. Aber die senfte
vñ miltigkait/wiewol die in ynen selbs zäuerwundern/so sind sie doch nit we
nigers/dem habenden lob vnd rüm meren vnnd hauffen. Dann was ist euch
doch nutz gewesen der adel Commodi/oder das vätterlich nachvolgen Anto
nini: Dergleichen menschen mainen nit anders/dann das ynen das reich von
erblicher gerechtigkeit zū stand/darumb so misprauchen sie sich des mit eyner
schñoden

28.

zugleich

zu lichte

schönen vppigkeit. Die aber das Keyserthumb vñ euch empfahen/die seind euch in ewigkeit vnderworffen vñ verpflichtet/vñ besleissen sich/vmb der selbē güt hat willē/ gegen danckbarkeit zū beweyßen. Zū dem hat sich der edlen vñ Fürsten Adel/zum offtern mal/in vbermüt verendert/damit menigklich als die mindern verachtet. Aber die mit erfahrung der mässigkeit zū dem Keyserthumb gezogen seind/die vereeren allzeit die vätter vnd ratsherren/durch wellicher fleyß vnd zūthun/sie darzū gefürdert sind/vnd deren sie gewonent haben. Darumb so hab ich mir fürgesetzt/gantz nit wider iren willen zūhandlen/sonder euch alle in regierung des gemeinen nutz/zū gemeinern habē. Ir sol len in aller freyheit leben/nach ewerem willen vnd gefallen/die euch dann hie vor/von den Edlen Keysern/entzuckt werden/die auch euch darnach/Marcus vnd Pertinax/die Keyser widerumb zū ewren handen zū stellen vnderstanden (dann sye waren euch beyd ausser schlechten vñnd sondern waglen/zū dem Keyserthumb auffser zogen) Wann es ist künlich das sie ihren nachfolgenden vil durchleuchtiger anfang verlassen/dann sie von iren eltern empfangen/das doch ihr nachkommenden alles mit bösen sitten verhönt vñnd verwüßt haben. Als diser brieff gelesen/da ward er von ein ganzenn radt zū einem Keyser außgerufft/vnd im alle eere der Keysern zūgeteilt. Es hat auch der radt/von der nachuolgung Macrim im Keyserthum nit so grossen willen gehept/als fast vnd größlich sich dann das gemein volck/von dem tod Antonini gestrewt hat. Wan so vil yemants an eere/gewalt/vnd reichthum fürtrossen/hat er ihm selbs/so vil mer geachtet/das zū gericht schwert/von seynem hals erlediget vnd hingenommen sein. Darumb so wurden alle verrätter/mären trager/oren ploser/vnd die so ire eigene herren verschwezt hetten/alle an galgen gehenckt/vnd damit die ganz stat/auch das ganz Römisch reich mit den schentlichen leutten/so ganz geseübert vñnd gereyniget/das etlich mit marter vñnd dem tod/die anderen mit verweysung in das elend gestrafft/Vñnd ob gleich wol etlich verborgen lagen/so gaben sie da mit auch ein anzayg der freyheyt/doch allayn das jar auß/vñnd so lang das Keyserthumb von Macrimo ingehalten ward. Daran thet Macrimus größlich vnrecht/das er nicht vom stundan/das heere verlassen/vnd ein yeden zū seynem heymwesen geschickt/desgeleychen sich selbs den nechsten gen Rom gefüget/dieweyl doch das Römisch volck seyn begert/vnd stets nach ihm geschryen gehept. Er hat aber zū Antiochia verharret/vnd doselbs sein bart geziert/vñnd seins leybs gewartet/Er gieng auch langsamer dan er gewont was/denen die ihn süchten/gab er langsame antwort/vnd zū zeytten mit so sensfter vnd leyser stymm/das er nicht wol gehört werdenn mocht. Des hat er sich vndernommen/von den sytten Marci/des Keysers zū gebrauchen/wiewol er sich doch sunst keynes wegs beslyß/seynem vberigen leben nachzuolgen. Er hielt sich inn aller vppigkeit/vnd was ganz ge neygt/den springern/spilleutten/vñnd gaugklern/die Empter zū verleihen/vnd tratt er daher inn eynem guldinen mit edlem gesteyn/ersezten gürttel/mit geygenn vñnd seyttenspyl. Diser vppiger wollust gefiel dem Römischenn volck nicht fast wol/vñnd sagten/das solliches den Barbarischen leutten/vnd den weyben bequemlicher wer zū gebrauchen/dan einem

*Da ward hand
in die*

Das fünfft Buch

Römischen Kaiser. In dem sie das betrachtet / haben sie damit angefangen / sein als eines weibischen vnnnd waichen mans leben / gröflich zů hassen / die weil das einem Ritterlichen man ganz nicht gezimpt / Dargegen gedachtenn sie auch das leben Antonini / wie gleich diß dem selbenn ston möcht / Item das der selb sich alzeit bey den vordersten einem Rittermässigen man gleich gehalten vnd erzaigt / Dargegen aber Macrinus nichts anders dann ein mütwilligs vnkeuschs lebenn fůrt / Zů dem verdros sy auch gröflich / das sye vnnnder den gezelten zů veld lygen / so weit von dem shren vnd zů zeiten der nottürfftigen ding mangeln müsten / vnnnd dennoch nit zů hauf haim gelassen wurden / wieder krieg gericht / vnnnd seiden gemacht were / vnnnd er nit wenigere ein waichs lebenn nach allem seinem lust fůrt. Darumb so ward yhnen der zaum von tag zů tag yhe lenger / das sie yhn den Kaiser Macrinum verachteten / vnd suchten die aller geringsten vrsachenn / wie sie yhn zů todt schlagen möchten / Vlleicht was yhm das also auffgesetzt / das er allein ein jar / als ein Kaiser inn regierung / wollusten / vnnnd vppigkaiten / sein zept verzerenn / vnnnd das lebenn mit sampt dem Kaiserrhumb verlieren sollt. Wann das glück gab dem heer ein klaine vnd ganz schmale vrsach / die sachen (so sye begertenn) zů volbringenn / Nemlich / es was ein Phenische fraw / auß dem land Phenitia / vnnnd von der Statt Emesa / mit dem namen Mesa genant / deren schwester ist Julia gewesenn / die dann was ein gemahel Severi / vnnnd ein mütter Antonini des Kaisers. Dyse Mesa hat bey leben shrer schwester / vil jar in dem Kaiserlichen sal gewont / vnder den kaysern Seuero vnd Antonino. Nym war dise Mesam hat Macrinus nach dē tod yrer schwester / auch nach dem todschlag Antonini / gehaissen mit aller hab vnnnd gůt / widerumb inn yhr vatterland keren / wann sie was an gold vnnnd geldt vberflüssig reych / auß der vrsach / dz sye fast lang bey dem Kaiserlichen gewalt gewonet / vnnnd yhren seckel beschoben het / Darumb ist sie yez also alt wider haim getret / vnnnd bey hauf bliben. Sie het zwo dōchteren / deren die elter angepurt Soemis / vnd die jünger Namea genant waren. Die erst hett einen sun / mit namenn Basianus / die annder einenn sun / Alerianus gehaissen. Dise zwen wurden bayde vns iren müttern / vnd der großmüter mit einand auffgezogē / vnnnd was Basianus bey vierzehenn jarenn alt / vnnnd hett Alerianus yez das zehend jar seines alters ergriffenn. Sie warenn beid priester der sonnen / die dann die ynnwoner des lands / inn grossen ehren halten / vnnnd nennen sie nach Phenischer zungenn vnnnd sprach / Eleagabalum. Dem selbenn Gott habenn sye einen vast grossen Tempel erpawenn / vnnnd den mit vil gold / silbers / kostparlichem gestain / vast großmächtigklich gezyeret / Den dann nit allein die ynnwoner des lands / sonder auch all yhr nachpauertenn / auch die außlendigen künig vnd fürsten / gröflich vereeren / vnd jārlichs on vnderlaß yhre scheinliche vnnnd kostliche gabenn dahin opffertenn. Aber die bildnus des selbenn abgots / ist nit nach Griechischen oder Römischen sitten / mit oder von henden / nach seiner gleichnus gemacht / sonder so ist es ein vast grosser stain / von vnden auff rottund / vnnnd synwel / vnd also sittlich oben auß in die höhe geschmälert / gleych diser Δ figur vnnnd form. Der steyn ist von farbenn schwarz / des sie sich auch berümen / das der vonn hymel gefallen seyn solle. Es für

Macri. K. ^{gew.}
| jar

Mesa ^{Abas}
Julia

Soemis
Namea
Basianus
Alerianus

Eleagabalus

Bildnus der
abgots



Es fürscheynen auch etliche ding inn dem stein/vnnd werden etwas figuren vnd formen gesehen/die sie sagen der sonnen bildnus sein/die mit menschlicher kunst vnd arbeyt keins wegs gemacht sein müge. Also ist Basianus diesem gott zu einem priester geweyhet/dann er was an gepurt der elter/darumb so gebraucht er sich des priesterlichen ampts allermerst. Er gieng in Barbarischer kleydung/wie desselben lands sitt was/vnnd trüg rock an mit gold gewürckt/mit weyttern ermeln/vnnd lang vnz auff den füß hinab reichende/Die schenckel waren ihm von vnden auff/vnz zu den hüfften/ganz bedeckt von gold/desgleychenn mit seyden vnnd Purper mancherley. Auff seinem haupt trüg er ein kron/mit mancher hand farbē/der edlen gestein scheynent. Zu dem so was er vnder allen menschen die do lebten/vnd vnder allen jüngen seins alters/der aller schönst vnnd hüpschest/der do leben möcht. Darumb als sich die schöne seines leybes / auch die plüende jugent / vnnd zierlich köstliche kleydung/miteinander wol vergleicht / do habenn sie ihne wol/den aller schönsten bildnussen Dionysij/vergleichen mügen. Nach dem er nun also sein priesterlich ampt / oben vñ vmb den altar nach der selbigen lands art vnnd gewonheyt/begieng/mit tanzen / springen / reihen/mit pfeysen/geygen/orglen/vnnd aller hand seyten spil / da ward er vonn aller menglich mit großem verwundern angeschawet/vnd allermerst von den Römischen Rittern vnd Kriegsleuten/dieweyl sie inen wisten von Keyserlichem stammen erporen seyn/Oder darumb/das er vñ seyner schöne vnd vermüglichen jugent wegen / ihr aller augen vnnd begyrd inn sich gerichtet hat. Wann es was das Römisch heer/damaln zu beschirmung des Phenischen lands/nabe bey der statt gelegen/vnnd ward aber bald von dannen hinweg geführt/als man hernach hören wirt. Dieweyl nun die Römischen Ritter von andacht wegen disen Tempel besüchten/dann sie sahen den jüngling fast gern/vn der denen waren etlich flüchtig vonn der Statt Rom / die dann der vorgemelten frauen etwas dienstpar vnnd gehaym / als sich die vonn der schönen form des jünglings verwundern waren. Da sagte sie zu ihnen (doch ist nit gewis/ob sie die warheit oder lügen bekant/vnnd anzeygt hab) das diser jüngling ein sun were Antonini/wiewoler für ein andern geacht vnd angesehen wurd. Dañ der selbig hette zu der zeit/als sie in dem Keiserlichen sal bey ir Schwester gewonet/mit ihren beyden töchtern/als sye noch jung vnnd hüpsch waren/zü schaffenn/vnnd die zwen sun gemacht gehept. Da sollichs von den Rittern gehört/ward dasselb den anderen ihren mit rittern auch eröffnet/vnd darnach inn dem ganzen heer außgebrayt / Auch so ward darbey anzeygt/das Mesa einn grossen hauffen pfennig hett / den sye gern allen Kriegsleuten mitteylen/so fer: sie frem stammen vnd kinden/das Keyserthumb wider erlangen möcht. Darumb so versprachen sy ir / so sie nur heimlich in den leger kem/sie mit frem anhang/mit außgeschlossnen Portē auffzenemē/vñ den sun Antonini zü eynem Keyser auß zü raffen. Dises kund das alt weyb nicht widersprechen / dann sie hett ir selbsts fürgesetzt/das sie lieber etwas sorglich vnderstan/dann das sie so ein vnachtpar leben fürē wolt. Deshalben so gieng sie mit sampt iren kinden vñ kindskindē/bey nacht heimlich auß d stat/vñ als sie zwischen dem hauffen d Römisch ritter geführt

Das Fünfft büch

vnd belaitet/dā wurden sie leichtlich in den läger gelassen / Daselbs hat das heer ynn sun von stundan Antoninum genant/ynn darauff mit seiden vnd purper beklaydt/vnd wol behütet/demnach haben sie sich/ mit annemung yhrer weib vnd kind/auch mit ainfürung aller norturfft / die sie dann in den nechst gelegnen stetten vnd flecken gehebt/inwendig dermaß geschickt vnd verschē/ das sie auch/ob es not thet/die belegerung erleiden möchten.Nach dem nu die se hendel Macrino dem kaiser/der zū Antiochia lag/verkündet wurden/vnd auß kam/wie der sun Antonini befunden wer/auch die Schwester Julie den ryttern vil gelts geben. Diweil nu das alles kains wegs geglaubt ward/das es fürwar also sein möcht/vnd dz heer daselbs in einē zweifelhaften gmüt stond/in dem sie auch der aigen has gegen Macrino/dergleichen die gedechtnuß Antonini/mit etwas mitleiden vnd erpermbd raigt / etwas newws fürzenemen/doch allermerst auß hoffnung des gelts/dermaß bewegt worden/das jnn vil auß dem heer zū Antiochia abgewichen/vnd flüchtig zū dem jungen Antonino kommen seind/Mit minders so hat Macrinus die ganze sach/als ein kints spil veracht/vnd sein gewonlich frölichs leben vnd gemüt/ für vnd für behalten/vnd ist also zū hauf vnd im sal bliben/vnd hat seiner hauptleuten einem/so vil volcks zū verordnet/das er mainet gnügsam sein die abgefallnen Rytter zū bestreiten. Als nu Julianus dahin kam (also was der hauptman genant) vnd yetz zū dem läger nahet/da habē die beschlofnen Rytter den sun Antonini/auf den weeren des lägers dē selbigē heer angezaigt/vnd zū ynen gesaget/dz er ein sun Antonini/vñ die seck die sie jnen damit zaigtē/voller gelts weren/darmit gaben sie ynen das recht giffet der veritētey. Die selben als sie ynn glaubten einen sun Antonini sein/dann sie wolteys ye dafür haben/in dem dz sye yhn mitt dem anlit vñnd der anderen gestalt seines leibs/dem Antonino fast gleich sein geschezt / da habenn sye Juliano yhrem hauptman seyn haupt abgeschlagen/vnd dz wiß hinder sich Macrino dē kaiser zū geschickt. Darnach wurden sie all mitt auffgeschlofnen portenn/inn den läger angenommen/vñnd meret sich yhr macht dermaß / das sye yetzo mit alleyn gnügsam warenn/inn der belegerung zūwiderstan/sonder auch gesterckt wurden/mit einem verordneten spitz/vñnd mit der hand ein feldtschlacht zū lüffern / zū dem kam yhnen von den flüchtigen täglichs ein grosser hauffen zū. So bald das Macrinus gehört/da hat er sich mit dem ganzen Römischen heer erhebt/vñnd den nechsten für sye gezogen/sye zū bestreiten. Inn dem er dahin kam / vñnd die selben lieber ein feldtschlacht thon/dañ das sie die belegerung leiden wolten/da hat er alle sein hauffen wider die selben geordnet/dermaß seind die baidenn heer/zwischen Phenitien vnd Syrien auff einander gestossen/vnder denen die rytter Antonini am hefftigsten gestritten / vñnd haben wol bedacht/was straff yhnen begegnenn / wo sie vberwunden wurdenn. Dargegenn aber das heer Macrini den streyt hinnlässig vñnd lanngsam / an die hannd genommen/vnd seynd yhren vil auff die anderen seyten dem jungen Antonino zūgelauffen/So bald Macrinus das wargenomen/hat er besorget/dz er mit abfallig alles volcks gefangē/vnd mit mancherley leidē vnd schmach verspotet würd. Darüß dye weyl vñnd der spitz seines heers noch vnbewegt ständ/da zoch er yhm selbs sein weiten rock/vnd all ander seine Kaiserliche zyerd ab / vñ nam von den

vñ den aller getrewsten seins volcks/iren wenig zñ im/mit denē er die flucht nam/vñd mit abscherung seins barts/vñd mit einem bilgerischen kleyd vñd verdecktem haupt vñd angesicht/damit er deſter minder bekant wurd/eilet er tag vñd nacht/das er das geſchrey seins vnſals fürkam. Dann ſeine anhegger vñd diener trieben die wegen mit höchſtem fleyß/als ob ſie von Macrino (der noch aller ding gewaltig) in groſſen treſſlichen hendle/aufgeſchickt weren/darumb iſt er alſo mit der flucht darvon komen/wie ich dann darvon geſagt hab. Dazwiſchen haben die beyden heer geſtreytt/vñd die leibshüter Macrini/auch die andern die auff den Keyſer warten ſollen/die man die Pretorianiſchen Ritter genent/vñd iren ordenlichen leger inn der ſtatt Rom herten/ſaß manlich geſtritten/alſo dñ ſie allein dem vbrigen heer wißſtand theten (wann ſie waren gerade ſtarcke mann/vñnd von allen kriegsleuten auferleſen) Das vbrig volck alles ſtreytt von Antonini wegen. Da ſie nun lang zeyt weder Macrinum/noch die Keyſerlichen zeychen erſehen/wiewol ſie den ſtreytt von ſeynerwegē brauchten/vñd doch nit wiſſten/wo hin er kömen/ob er geflohen oder erſchlagen were/in dem ſie auch nit wol wiſſten wñ jnen zñthün oder zelaſſen ſein mocht/dann ſie wolten ſeinthalb mit lenger in engſten ſtan/den ſie nit mer ſahen/vñd ſchempten ſich doch inn der feynd gewalt als gefangne vñd ergebne leut ſich ſelbs zñ vertrauen. Als aber Antoninus von den gefangnen erſahren/das Macrinus auß dem feldſtreytt die flucht genomēn/da hat er ihnen vorn ſtundan botten zñgeſchickt/die ſie vñderweyſen ſolten/das ſie vñb ſunſt für den forchtſamen vñd ſtreyttigen mñſtritten/Vñd verſprach ihnen damit bey höchſtem glauben/zñ verzeihen/vññ grad zñberweyſen/mit dem er ſie auch zñ ſeins leibs hüttern auffnam. Als ſie das glaubt/haben ſie auch abgeſtandenn. Es hat aber Antoninus iren etlich gar bald geſchickt/dem Macrino nach zeeilen/wiewol er yezo ein weitē weg geflohen/iſt er doch in Calchedone der Biſthyniſchen ſtatt befunden/ſchwerlich krank ligent/dann er was von ferre des wegs ganz laß vñd erſchlagen/Daſelbs lag er in einer vorſtat verborgen/do ward im ſein haupt abgehawē Man ſagt auch/ das er gen Rom eylen/vñd ſich des gemeinen volcks gunſt vñd liebe tröſten wolt. Als er aber in Europam komen/vñd die enge des Propontischen meeres durchfaren/da ward er mit widerwertigem wind/wider hinderſich/als zñ ſeiner marter/getrügē. Alſo weyt iſt Macrinus hinweg kömen/das er ſeinen feyndenn deſter minder entgon mocht/Darumb ſo hat er ſeins lebens/ſo ein ſchnōd end erlangt/das er erſt zñ lezt gen Rom farē wolt das er doch gleich im anfang von billicheit vñd der notturfft wegen/gethon haben ſolt/darñ hat ſne ſein eygner radt vñd glück verhindert. Der geſtalt iſt Macrinus mit ſeinem ſun Diadumeno (den er dan yezo zñ einem Keyſer gemacht hat) erſchlagen worden. Demnach hat das ganz hōre gemeinlich Antoninū für einē Keyſer begrüßt/den öbriſtē gewalt dñmaß an ſich genomē Vñals die ſache in Qñet durch rat ſeiner groſmütter vñ freunde/dan es warē an dē end die treſſlichſten hendel/darñ er die durch ſie dgeſtalt verordnet/(wann er was noch ganz ein jñngling/vñd der ding vnbericht) da blib er nit lenger/vñd verkündet von ſtundan den zug gen Rom. Dann Meſa eylet vor allen dingen/zñm Rōmiſchem Palat/des ſie etwo lang gemanglet het.

Als

Das Fünfft büch

Als aber die sach dem Römischen radt / vnnnd gemainen volck kund gethan /
da ward die potschafft von ynen allen mit grossem vnwillen empfangē / doch
erhiesch die notturfft darinn zū wilfaren / vnd dem Kaiser / der von den Ryt-
tern erwelt was / zū gehorsamen. Mit weniger so schalten sie das hinlāssig ge-
mūt Macrini / auch seine vppige sitten / vnd sagten / das yhm niemantds an-
ders schedlich gewesen were / dann er ym selbs. So bald aber Antoninus auß
Syrien geruckt / hat er sein winterlāger zū Nicomedie gehebt / dann die zeyt
erhiesch es also. Vnd er sieng an vber die maß mūtwillig zū werden / vnd den
prauch seines vatterlands vnd desselben götten / denen er zū priester geweiht
was / mit vberflüssigem tanzen vnd springen zū vben. Er nam an sich ein vpp-
pige vnd mūtwillige beklaidung / die mit seyden vnd gold gewirckt / vnd mitt
vorspangen / halspband / vnd arm zyerd durchstickt waren. Er geprauchte sich
auch einer Kronen gleich dē Xnsten / im latein Tiara genant. Die form seynes
klayds was nach der Phenischen art / gleich einer stollen vnd ein Medischem
klayd / das lang hinab vnz auff die füß reicht. Er verachtet gēzlich das Rō-
misch oder Griechisch klayd / darumb das dasselbig auß der wollen (als er sagt)
das ist / auß der schōdisten Materi gemacht were / yhne strewet nichts dann
seyden gewandt / vnd gieng daher mit zymbelen vnd geygen / gleicher gestalt /
als ob man der götter opffer vnnnd fest begieng / die man zū latein Orgia nen-
net. Als die großmäter Mesa diß anshin ersehen / vnd mit vnwilligem gemūt
angeschawet / da hat si ym mit bet vnderstanden zū radten / das er den Rōmi-
schen sitten vnd geprauch an sich nemen solt / damit er nit / so bald er in die stat
vnd in den Rathhof kām / die augen der anschawenden / mit so einem frembden
auflendigen klayd / verletzt vnd betrübt (dann sie achten disen geprauch zū der
vppigkeit dienen / vnd das sich sollichs mer den frawen / dann den manen ver-
gleichen möge) Er verachtet aber die großmütterlichen wort / vnd vermaint
das auch sonst niemant zū glauben were (dan er het sonst niemant vmb sich /
dann die im an den sitten gleich waren / vnd die ym seiner laster gewilforten)
Als er im nū gēzlich fürsagt dise beklaidung zū behaltē / da nā er im auch darzū
für / in seinem abwesen etwz vnradts zū schaffen / ob gleich wol dz dē Rōmisch
enrat vnd volck missfallen würd. Nēlich so lief er sein aigne piltus vn̄ gestalt
auff das kostlichst abmalen / in aller form vnnnd gestalt / als ob er yetzo seines
gots opffer vnd ampt volprecht / Darzū auch die figur seines gots (des pye-
ster er was) vnd schickt das also gemalet voran hin gen Rom / damit befall er
yren etlichen / das sie sollichs enmitten in den radthof / an dem obern end / auff
das haupt der göttrin Victorie setzen solten / vmb deswillen so man rath hielt /
das yhn ein yeder mit weyrauch vnnnd mit opfferung des weins vereeret. Er
wolt vnd sagt auch / das ein yegliche maisterschafft / vn̄ die etwas ämpter vn̄
gewalts / in 8 stat Rom hetten / ob die gemainlich der göter opffer vn̄ ämpter
begiengen / vor allē andern göten / die sie gewōt weren in sollichen opffern zū
nennen / das sie seinen got Eleagabalum / vor allen andern Götten nennen sol-
ten. Darumb als er darnach selbs in die Statt kommen / ist nichts newes vō
den Römern an yhm ersehenn / dann sie hettenn seyner pildtnus vnd form da
von inn dem gemeldt gewonet. Desgleichen als er die Kaiserlichen gabenn /
mit austrailung der frucht (nach dem vnnnd gewonhait was denen zū thon /
die das

Tiara

Orgia
O

die das Keiserthumb auffnahmen reichlichen aufgeteilt/da hat er auch aller
ley vnd großmechtige spil zů gerüst. Item er hat auch den aller schönsten vnd
größten tempel dem Gott auffgericht/vmb den selbigen vil altar gesetzt/vnd
auff den selbigen altar alle morgen frů/der stier vnd ochsen inn hundertfeltz
gerzal/zů latein Hecatombas genant/auch ein grosse menge der schaff auff *hecatombas*
geopffert. Vnd als die alter von aller hand wolgeschmackten dingen erfüllt
vñ gehaußt waren/da schüttet er manchen krüg von dē aller elsten vñ besten
wein darauff/also/dz von blüt vñ wein allenthalben runs dauon flussen. Er
hielt auch grosse deng/vnd die selbigen altar/mit singen/das sich den orglen
vergleicht/vnder den waren Pbenische frawen/die also zů ring vmb ein rey
hen tanzten/die damit zymblen vnd Tympanen in iren henden trügen. Vñ
dis opffern vnd danczen/stünd der ganz radt vnd die reysigen/gleich wie in
einem spilhaus formiert. Die leber/lung/vnd das hertz der opffern/vñnd die
andern wolchmeckenden ding/die wurden an den spizen der langen guldiz
nen spieß stangen/vnd kerzen getragen/Alt von knechten/dieneren/od sunst
schlechten personen/sonder die landvogt/vnd hauptleut der heeren/vnd die
yenen die in aller wyrdigkeit fürtrefflich/die waren angethon/mit langenn
weyten röcken/mit grossen ermelen/von purper vnd seyden/vnd die sich ge
meintlich leynener schüch gebrauchten/als man dann in den selben Künigrey
chen gewont was. Auch meinten die selbigen/das sie ein grosse eer erlangt he
ten/so sie in der gestalt zů den opffern zů gelassen wurden. Vñnd wiewol man
acht/das er stets solliche deng/reihen vnd opffer vben wurde/so hat er doch
etwa manche von den durchleuchtigsten Fürsten/vnd mennern vmbbracht/
vnd die ertöden lassen/die im versagt waren/das sie ein klein wolgefallen/
in seinem leben gehept/vnd etwan im sollichs nachgeredt hetten. Er name
zů einer gemahel ein ganz durchleuchtige Römische fraw/die er Augustam
nennet/wiewol er sie bald wider von im gestossen/yr alle Keiserliche eer ent
zogenn/vñnd ihr gepotten hat/fürter ein abgesündert leben zů führen. Nach
dem thet er dergleich/als ob er mit einer andern lieb vmbfangē were/damit
er doch etwas manlichs zethün verdocht wurd/vnd nam ein vestalische jügt
fraw/die doch nach dem gesatz keüsch sein/vnd ewigklich junckfraw bleyben
solt/die hielt er bey im an stat einer gemahel. Den radt der von disem grossen
laster ein groß betrübtnus vnd mißfallen gehept/hat er mit den wortenn ge
tröst/vnd gesagt/das dise sind menschlich/vñ er von jr liebe wegen darzů ge
zwungen were/das auch einem priester ein gemahel priesterlichs geschlechts
zů haben wol gezimpt/sie würden auch darumb so vil deßer höher gehalten
Aber vnlang darnach hat er auch die selbige verlassen/vnd die dritt gemahel
genommen/die er sagt seinem geschlecht nuz vñ bequemlich sein/er hat auch
nit allein die menschliche gemahelschafft/vnd eelichen stand/verschmällich ge
halten/sonder so sücht er auch seinem gott ein gemahel. Darum so hat er die
bildtnus d gōttrin Palladis (die dan die Römer heimlich vñ vngesehē eerēt)
in seinē Palast fürē lassen(die doch vō dē an/als sie auf d stat Iliū d stat Tro
ia dah in bracht/vñz auff den tag vnuerzüg blibē wz)die hater auff jē altar
verendē/vñ die selbig gōttrin/zů seinē got in dē keiserlichē sal gefürt. Darnach
sagt er/dz es got nit gefallen möcht/ein gewapnete vñ streitpare gemahel zů
haben

Das viert Buch

Vrama

Astroarchen

haben/darumb hieß er das pild der Göttin Vranie herpringen (die dann von den Carthaginensern/vnd alten Affricanischen/inn grossen ehren gehalten/vnd wyrt geglaubt/das die von Didone Phenissa/ dahin gesetzt sein soll/zü dzeit als sye die alt Carthago mit austenig eines zerschnitene leders vn haut gebawē) dise göttin hat das Affricanisch volck Vraniam/ vnd die Phenische Astroarchen genennt/darbey fürwar gesagt/das die on zweifel der mon sey. Dermaß hies er der selbigen götin bild herpringen/ vnd alles gold dz in irem tempel befunden/defgleich auch alles gelt/gepot er seine got/an stat einer ehsteur vnd zügab gegeben. Nach dem nu sollichß dahin pracht/vnd zü dem got Eleagabalo gesetzt/da ward von yhm abermaln gepotten/das in der ganzen Stat/auch in dem ganzen Italien/ alle festlich/hochzeitlich/freundreiche tag/mit allem fleiß begangen werden solten. Er machet auch in der vorstat/den aller größten vnd mächtigsten Tempel/in den er jährlich seinen got (so der sommer zü nam) gefüret/vnd vermainet das das volck mit den statt vnd schimpffspilen/defgleichen mit den wirtschafften/vber nacht hervor zesein/ab yhm ein wolgefallen haben würd. Also sagt er seinen got/oder desselben pild nus/auff seinen wagen/der mit gold vnd edlem gestain geziert was/vnd fürt den in die vorstat/der ward mit gleichen pferden gezogen/die on alle mackel schön gefarbt/auch an der größe vast gleich/mit vil gold spangen vn mancher lay hand decke geziert waren. Es was auch nie kein lebendig mensch auf den wagen kommen/vnd vmbstond man also zü ring vmb den farenden gott. Aber Antoninus der Kaiser lieff erwan hinder sich/vnd besach seinen got/vnd desselbigen sargt/Er trat auch also vor dem wagen anhin/die zäm in seynen henden haltende/vnd auff dem gangen weg lieff er dergestalt erwan hinder sich/seinen got anzuschawen/Vnd damit er nit fiel oder straucht/inn dem das er nit wißt wo hin er lieff/darumb hat man den weg vnnd straf mit reynem sand beschütet/darzü hüben yhn die Rytter zü beiden seyten/damit er deßter sicherer hinder sich zeweichen/vn laufen möcht. Diweil nu das volck dermaß auch mit sacken daraffter lieff/blämen vnd krenz auffwarff/defgleichen aller götter bildung vnd archen/vnd alles das in den Tempeln scheinlich vnnd kostlich was/auch die Kaiserlichen zaichen/wappen/schild/kostparliche dück/er vnd decke/das ward alles außgesprait vnd herfür gehengt. Dazü volgten die raysigen/vnd das ganz heer disem pomp all nach. Als er nu die Göttin dahin gefürt/vnnd inn den Tempel gesetzt/auch die götlichen ämpter setzo volpracht/da hat er sich auff hohe vn grosse thüren gefügt/die dazü gepawē warē/dz er darab seine gaben vn dz volck außspraiten möcht/Nemlich/guldene vn silbere trinckgschir/ auch klayd vnd aller hand leinwad/ Defgleiche alle gezämpte wilde thier/aufgenommenn die sew vnd schwein/deren er sich (als der Phenischen sitt was) nit geprauchet. In dem selben auffzucken der gaben/sind yrn vil vmbpracht/die sich zum tail vnderemander selbs erdruckten/vnd dye mit dē spießē d Riter durchstochen sind/also/dz diß festlich hochzeit vnd wesen/ymen machen zü vnfall vnd trauren kam. Diß alles hat er selbs auff seinen schlitten vnd wägen farend vnd tangende gesehen/dann er mocht nit leyden das seine laster verporren blißen. Er wandlet vnder sie mit bestrichnen vnd gemalten augen/backen vnd wangen/vnd das angesicht/das von angeporner nae

ner natur schön vnnnd hüpfich was/das verderbt er/mit den vnbillichen ange-
 strichnen farben. Nach dem nu diß Mesa die großmütter warnam/ dadurch
 sie der Ritter vnd Kriegsleut argkwenigen vnwillenn besorgt/ vnnnd dabey
 fürchtet/ wo ihm deshalb etwas vnfalls widerfarenn/ so wurd sie widerumb
 inn ein abgefünderten stand vnnnd wesenn kommen müßenn/ Darumb riet
 sie dem leichtuertigen vnd dorechten jüngling/das er im seiner mütter schwe-
 ster sun/vnd ihren dochter sun/oder engtle/vonn der einen dochter Namea
 genant erporn/zü einem mit gesellen des Reichs erwölenn solt. Das hat sye
 ihm der gestalt zü willen bracht vnd gesagt/dieweil vnnnd er sich inn priester-
 licher wyrdigkeit/vnnnd inn den geystlichen emptern seins gots/mit begeng-
 nus seyner fest gebrauchten vnnnd vben/ so wurde nott sein/das man ein an-
 dern an sein statt ersetzen/der die weltlichen vnnnd menschlichen handel versee-
 hen solt/der ihm dann sein Keyserthumb vor aller sorg vnnnd betrüpnus ver-
 hütten möcht. Doch so zimpt sich nit ein frembden menschen dazü zenemenn/
 sonder allein seinen vettern die eere zü gunnē/ Das was Alerianus der dama-
 len Alexander genennt ward / mit dem großväterlichen namenn / verstehe
 Antoninum/der seinen namen inn des Macedonischenn Königs/das ist des
 grossen Alexanders namen verendert hat. Wan den selbigen König/der für
 sich selbst eines grossen rüms gewesen/der ist vñ Antonino dem sun Severi/
 der diser beyder vatter/als von der großmütter anzeigt was: Wann sie be-
 rümpft sich irer töchtern eebriuch/damit sie deßter ee vonn den Rittern lieb ge-
 habt wurden. Dergestalt ist Alexander mit Antonino zü einem Keyser vnd
 radtsherren erklet worden/vnd hat der Senat(dieweil er das also haben
 wolt)dasselb in einem gespött erkant/das was auff sollich meynung/dz man
 sie für den vatter(wiewol er nit vil vber vierzeihen jar alt was) vnd Alexā-
 der für den sun scherzen/vndhalten solt(der doch yetz erst das zwölfft jar am
 alter ergriffen hat) Deshalb so bald Alexander zü einem Keiser ernēt ward/
 da wolt in Antoninus auch gleich seins wesens vnd gewonheit vnderrichtē
 das er sich mit tanzen vñ springen gebrauchten/vnd des priesterlichen ampts
 sampt der kleydung vnd kunst teilhaftig machen / vnnnd vnderwinden solt/
 Den aber sein mütter Namea vonn allen der gleichen stinckendenn vppig-
 keyten engogen/vnnnd mit den aller trefflichsten doctorn vnnnd gelerten leut-
 ten/ließ sie sie in allen züchten vnnnd tugenden/heymlich vnderweyßen. Sye
 gewenet ihne/in alle kunst vnd manlich Ritterliche zucht vnnnd sechtshülen/
 desgleichen ließ sie in auch der Griechischen vnd Lateinischen zungen vnder-
 richten. Darab dann Antoninus ein fast grossen verdruß genommen/vñ hat
 ihn schon yetzo gerawen/ das er sie des Keyserthumbes teylhaftig gemacht
 hatt. Auf der vrsach hat er alle Doctor vnd gelert leut/auf dem Keyserliche
 sal vertriben/vnd die fürnemsten der selben getödt/die andern in das ellend
 verschickt/darinn nam er im schimpfflich vrsachen für/Nemlich dz sie im sey-
 nen sun verfürten/vnd sie nit in dem gesang vnd andn vppigkeyten/sich übe-
 ließen/vnd daruß auch dz sy sie zü dem gūten sitten vñ tugentlichen wercken
 zugen. In dem k̄a er zü sollicher vnfinnigkeit/dz er alle erdichter der māt-
 wiligen vnd schymppf spilen/vnd die in den spilheusern darauff wartent/zü den
 aller höchsten eeren zoch vnd fürdert. Wan er macht dem heer einen springer
 i zü einem

Alexandros?
 Alexander

Doctores auf-
 getrieben

Das sechft büch

zu einem hauptman/der vorzeiten den jünglingen inn dem spilhaus / ein ge-
 meiner lernmaister gewesen was. Item er nam yhren etlich auß den selben sch-
 impff spilen / deren setzt er einen vber den rath/ die anderen vber die jüngling
 seines hoffgesindts / vnnnd etliche vber den adel / vnnnd die Rytterschaft der
 raysigenn/ Auch mittaillet er den wagenleutenn / Comedien schreiberenn/
 oder die sollich reymen vnnnd schimpfferdichten / desgleychen den gauckleren
 vnd springern/ vast grossen gewalt vnnnd eer. Seynen knechten vnnnd freyen
 dienern (so vil einer aller maist die anderen mit schalckhait fürtrass) denen
 befalhe er die verfehunnng der Prouingenn. Dierweil nu das alles / das man
 vorzeytenn für ein dapfferkayt vnnnd für ehlich gehalten / zu sollichem ge-
 spöt vnd verachtung kommen sein gesehen/ da wurden die Römischen auch
 sonst all andere Rytter vnd kriegsleut/inn sollichen vnwillen vnnnd verdrauß
 pracht / das sye yhne ganz hastent vnd verachtent/ vorab die weil er sein an-
 gesicht nit anders dann einer schantlichenn frawenn gezimpt / malet vnnnd
 zyeret/zu dem mit guldenen vorspangenn/vnnnd mitt den aller waychestenn
 klaydungen/die kaynem mann gezympten/vor yhr aller angesicht / getanget
 vnd gesprungen hat/ Darumb gewonnen sie vil ein besser hertz vnnnd gemüt
 zu dem Alexander/vnnnd ein bessere hoffnung in dem kind/das so mässig/züch-
 tig/vnd wolerzogen was/deshalben beschirmpten sie in all mit grossen treu-
 en/vor den auffsezen vnnnd hinderlisten Antonini. Auch so lief die mütter
 Mamea das kind ganz nichts essen noch trincken/das yhm von dem Anto-
 nino gesandt ward. Der selbig Alexander geprauchte sich auch kayner Kaiser-
 lichen noch gemainē köch noch keller/ dan allein dem/die yme seyn mäter bestel-
 let/vnd die er acht eines frommen wesens sein. Die mäter gab yhm auch inn
 gehaim vil geltes / das er auch haymlich den Rytteren gebenn/vnnnd vnder
 sye aufthailen solt/darmit er inn verpfendung des gelts/yhren gütenn gunst
 vnnnd willenn (dann sie sehen das aller mayst an) also bestetigen möcht. So
 bald Antoninus das selbig gemerckt/da hatt er dem Alexander/vnd auch sei-
 ner mäter/mitt auffsatz nach yhren leben gestellt. Das alles hat doch die ge-
 main großmäter Mese hinder sich triben vnd abgewendet/ Dann sy was ein
 scharpff sinreich weib/vnd het vil jar bey jr Schwester Julia/ dē gemahel Se-
 ueri / in dē Kaiserlichen sal gewonet/deshalb mocht yr nichts verschlagē noch
 on yr wissen gehandelt werdē / das ym dan Antoninus fürnā/der von art vñ
 natur kain nutz woz/in dem/dz er all ding die ym geliebtē / offentlich handelt vñ
 redt. Nach dē aber sein auffsez nit fūrgang haben mochten/da nam er ym für
 dem kind die kaiserliche wurde vnd eer widerum zu entziehen/vñ wolt yetz nit
 mer gestattē/das man in ein Kaiser grüßt/oder dz er nit mer herfür gan solt.
 In dem fragten in aber die rytter mit ganzem fleiß vnd ernst nach/ vñ heter
 darinn ein groß mißfallen/vorab dz in die kaiserliche würde entzogen werdē
 solt. Darauß lief Antoninus ein geschray auß gan/als ob Alexander mit todte
 abgangen were/damit er ersür/mitt woz gemüt dz heer sollichs leyden möcht.
 So bald aber die selben den Alexander nit mer sahen/vnd yr gemüt mit dem
 vorausgangnē geschray/ondz bekümmert woz/da wurde sie so ganz vngedult-
 tig/dz sy nit allein jr gewölich hüt bey Antonino verließe/sond erdachtē auch
 dabey/dz die andn ritter/die in dē statt länger warē/den Alexander in yrē tēpel
 sehen

Herodiani.

L

sehen wolten. Aus dem kam Antoninus zu sollicher forcht/das er den Alexan-
 der zu im auff den Keyserlichen wagen satzt/der mit vil gold vnd edlem ge-
 stein geziert was/vnd für also in den läger zu dem hör. Als nun die Ritter
 vnd kriegsleut ire porten geöffnet/haben sie die beyden Keyser empfangen/
 vnd in den Tempel des legers beleyttet/daselbs habent sie den Alexand mit
 grosser Begyrd/vber alle maß mit frölichem anschreyen begrüßt/vnd Antoni-
 num gar nach ganz verschmähet/das er zu großem verdruß vnd vbel auff-
 genommen. Vnd als er vber nacht in dem Tempel blißen/ist er größlich gegē
 den Rittern erzürnt/die er vermerckt den Alexand begrüßt haben/als ob die
 selben zwittracht vnd aufflauff machen wolten. Darumb gepott er die selb-
 gen zu fahen/vnd zu tödten. Dasselb hat sie nun größlich verdrossen/dann sy
 haben Antoninum daruor gehasset/darumb begerten sie den schentlichen mä-
 schen vmbzubringen/vnd iren mitrittern hilff zu beweyßen / vnd gedochten/
 das es eben yezo zethün zeit were. Damit habent sie Antoninum vnnd auch
 sein mütter Soenidem (die villeicht auch zu gegen was) mit einander ertö-
 tet/mit sampt allen iren knechten vnd dienern aller laster/so vil iren inn den
 leger kamen. Zu dem gaben sie den burgeren die todten cörper Antonini vnd
 seiner mütter/das sie die selbigen zu einem gespött vmbzugen. In dem sie nun
 die lang zeit durch die ganz statt daraffter geketscht vnd geschleiffet/habē
 sie die zu lest/inn ein heimlich gemach geworffen/dodannenn seind
 sy in die Tyber geflossen. Der gestalt hat Antoninus sechs jar lāg
 das Keyserthumb ingehapt/vnd nach vbung dises seins le-
 ben(als obstat) ist er mit sampt seiner mütter ertödet/
 vnnd hat das hör Alexander zu einem Keyser be-
 grüßt/vnd ihne inn den Keyserlichen sal beleyt-
 tet. Diuweyl vnnd er noch ganz jung
 vnnd vnder seiner großmütter
 gepottenn gehor-
 sam was.

i ij Das

Das sechste buch der Herodianischen histori

Wie Alexander zu Kaiser erwelt/

ganz milt von yhm regiert ward.

Anno muni/
di. 5422.
Anno domi
ni 225



As Antoninus der grösser für ein end genomē/ das hab ich hievor angezaigt. Aber nach im hat Alexander des Kaiserthümb's namen vnd würde erlanget/ sonst ist die regierung vnnnd aufrichtung aller handel/ bey den frawen gestanden/ die vnderstünden alle ding/ widerumb in ein ordenlichen vnd dapffern stand zu bringen/ Wan sye erwelten dē jungen Kaiser vō stüdan sechzē alte vñ erfarnetheure man zu beyessen/ die an leben vnd erbarkait fürtraffen/ die seine rat sein/ vnd on yren gunst vnd willen ganz nicht geredt noch gehädelt werden solt. Das selbig gefiel den burgern/ den Ryttern/ vnd auch dem rat vast wol/ das dis form vnnnd wesen des Kaiserthümb's/ auß der aller schentlichsten Tyranny/ widerumb zu regierung der raths herin vnd maister schafft kommen were. Darumb haben sie zum ersten die piltzussen vnd schrein der gött/ die selb Antoninus von yren aigen stülen vnd Altharen verrückt gehēbt/ widerumb in yre Tempel vnd gots stet gesetzt. Darnach alle die yhenen so Antoninus durch seinen mütwillenn/ vonn yhrer grossen schand vnd laster weggenn/ zu grossen würden vnd ehren gesetzt/ die hat man all verstossen/ vnd zu yhren vorigen hantierungenn gewisenn. Sye habenn auch alle treffenliche sachen vnd verfehung der länder/ des gleichen die burgerlichen vnnnd aufwendigen handel/ der fürnemsten vnd geleertesten mannen/ auch den erfarnesten der rechten/ Darzu die Ritterlichen vnd kriegs handel/ den manen die mit Ritterlichen vnd streitparen tugenden vnd manhaiten durchleuchtig gewesen/ außgerichten vnd zuuersehen befolhen. Die weil nu das Kaiserthümb langzeyt in sollicher form regiert worden/ vnnnd die großmäter Mesa yezo zu großem alter komen/ ist sie mit tod abgangen/ vnd hat all Kaiserliche würde erlanget/ Dann sie ward/ als der Römer sitt ist/ vnder die göt gezalt. Dieweil nu Anaemsa sah/ das sie yrem sun yezo einig verlassen were/ da flis sie sich ym auch in solcher maß vorzesein/ vnd yhn in gūten züchten zūhalten/ Dann als sie verständig/ das der jüngling den oberisten gewalt ergriffenn/ hat sie gefürcht das er mit seinem freyen willenn/ villeicht mit vnerkändten lasteren/ sein plüende jugent verhinen würd/ Darumb sie den Kaiserlichen sal allenthalben verhüten/ vnd ließ nit zu/ das yemants zu dem jüngling kām/ die in yren sitten vnd leben/ nit gerümpft vnnnd gelobt wurden/ damit das gūt gemüt nit zerstört/ vnd sein begird/ die jezund in zünemender hitz grünet/ vō den schmaichlern/ nit in die schnöden vppigkaiten versürt würde. Sye riedt ym auch/ das er sich den meren tail tags/ in den hendlen das Kaiserthümb's berürend geprauchē/ vnd das on vnderlas thō solt/ damit er dester minder weil gehalten möcht/ sich in vppigem mütwillen zu vben/ sonder sich alzeit der bessern vnd nuzlichen hendlen zu befleissen. Zu dem so hat Alexander sonst vō natur ein milt vñ sensst gemüt/ vnd das zu aller menschlicher miltigkait genaigt was/ als dann sein nachgeend lebenū wol angezaiget. Wann er hat das Kaiserthümb inn

Anaematen

Anaematon/das ist on plät vergießung/on ertödtüg einichē menschen/gere ^{ἀναματῶν} *Anaematon*
 giert/wiewol iren vil schwere laster auff inen hetten/doch scheucht er die selz
 ben zū tödten/das man nicht leichtlich synden mag/von keinem/vnder allen
 Keysern/die von dem Keyser Marco her geregirt/dermaß gehalten sein/
 Es mag keyner anzeygt noch fürbracht werden/der vnder seiner regierung/
 vnuer schult/on sein selbs bekantnus vnd vnuerurteilt/den tod gelitten hab/
 Er schalt auch etwā sein mütter/vñ was ir etwas abhold/das sie des gelts
 zū vil begyrig/vnd die reichthumb zū samlen geflyssen was. Wann als sie derz
 gleichen thet/das sie das gelt darumb samlet/das sie irem sun etwan darmit
 zū hüff komien/vnd fürsetzen/das er seine Ritter vnd kriegs leut/dester reich
 licher besolden möcht / do samlet sie ihr selbs eigne schätz/in ir behausung/die
 sach bracht dem Keyser ein offnen vnlunden/das dise sein mütter/ etlichenn
 ir hab vnd gütter mit betrug an sich bracht. Sie gab ire sun ein gemahel auß
 der radts herzen geschlecht/die irem gemahel dem Keyser im anfang fast lieb
 vnd anmütig was/ Aber vnläng darnach stieß sie die selbig mit spott vnnd
 schanden wider von im/dan dieweyl sie allein Augusta (das ist die Keiserin)
 genant werden/vnd den selbigen namen des suns frawen vergunnet / da kā
 sie in solliche verschmähung vnd verachtung/das der vatter der selbigē tocht
 er vñ jungen Keyserin/wiewol im Alexander ganz günstig was/das er die
 schmach vnd verachtung/die inen von der genanten Namea begegnet/nicht
 lenger leyden mocht/ Darumb flohe er zū den Rittern in den leger/vñ sprach
 das er dem Keyser danck sagte/vmb der eeren willen/die er im bewysen het.
 Aber sein mütter Namea verklagt er mit schmick vnd schmachworten/ Da
 von sie dann so gar erzürnt ward/das sie ineließ tödten/vnd sein tochter ver
 stieß sie auß dem Keyserlichen Palast/vnd verschickt sie in Affricam / in das
 ellend/ Dis alles geschach wider den willen Alexanders/vnd müß er das be
 zwanglich leyden. Wann die mütter meystert ine vberaus zūvil fast/vnd her
 scher dermaß/ vber ine/das er ire in allen gepotten gehorsam/das was allein
 das ihm verweißlich sein mocht/das er mit zū vil senfftmütigkeit/auch mit
 grosser reuerenz vnd eere/dann sich wol gebürt/dazū wider sein selbs willen
 vnnd gemüß/der mütter zū vil volget/Darumb als nun Alexander/mit der
 weiß rüß jar (so vil vnd sein person berürt) on klag keines mensche/das Key
 serthumb regiert hat/Tynn war/da kamen vnuersehenliche brieß / auß Sy
 ria vnd Mesopotamia/von den Landvogten/in denen geschriben stond/dz
 Artabares der König der Persien/ nach dem er yezo die Partischen vberwū
 den/auch Artabanum/der doch zum ersten der groß König genennt worden
 ist/der sich auch einer zwifachen kronen gebraucht/mit allein auß dem Ouenti
 schen reich vertriben/sonder im auch darzū sein leben genommen hat. Zū dem
 bracht er auch die nechsten Barbarischen völder vnder sich/vnd macht ihm
 die selben zinspar. Er ließ sich auch nit mer gnügen Ihensit dem wasser Ty
 grin zū bleiben/sonder mit vberfarung der Päß vnd wasser / trewt er auch
 die land dem Römischen reych zugehörig zū vberfallen/vnd zū durchziehen/
 Nemlich Mesopotamiam vnd Syrien/vnd was gegen dem ganzen Euro
 pa lege/das von dem Egischen vnnd Propontischen meer vnderscheyddenn/
 vnnd Asia genant were/vnnd was die alten Persier inn besitz gehept/Nema
 i iij lich

Das sechst Buch

lich von dem König Ciro an/der zum ersten das Reich von den Medischen in die Persier verwendet/vnz zu Dario dem letzten König der Persier/ dem Alexander (verstand den grossen) sein reich abgewunnen/ vnnnd alles das vorzeiten vmb Jonia vnd Caria/ von den satrapen/ vnd fürsten der Persier in gehalten worden/ Darumb wolt der selb Artaxares sorg haben/ damit den Persier yhr altes vnnnd vollkommen gantz Reich / widerumb zu gestellt würde. Da Alexander der Kaiser/ dise mainung verstandenn/ hatt er darvon als einem vnuersehenlichen zufal/ nit klaine betrübtnus empfangen/ wann er was von kindheit auff/ in allem friden erzogen/ vnd inn Statlichen lustenn geübet/ Darumb mit berüfftem Rath seiner freund/ sagt er ihm für/ Legaten vnnnd potschafft aufzesehendenn/ die dem Barbarischen König seyn hoffnung vnd fürnemen abwentē. Deshalben wurden die prieff auf dise mainung gestellt/ das sich ihm gezimpt in seinem reich gnügig zesein/ nichts newes zevndstā/ auch dz er nit mit vppiger hoffnung/ so einen treffenlichen krieg wegen solt/ zu dem gepürt sich/ das ein yeder an seinem thail ein vergnügen het. Dann der streyt wurd yhm gegen den Römern nit dermaß außgan/ als gegen seinen nachpauern/ vnnnd den andern seines gleichen Barbarischen völkern beschehenn were. Er ermanet yhne auch der sig vnnnd vberwindungen/ die dann Augustus/ Traianus/ Lucius/ vnd Severus/ die Kaiser gegen yhnen erlangt herten. Mit disen briefen vermaint Alexander/ dem Barbarischen König ein forcht einzestossenn/ darmit er dester ehe zu rü vnnnd fridenn plibe. Das alles hat aber der Persier König veracht/ vnnnd vermaint/ besser sein/ die sache mit dem schwerdt/ dann mit den worten außzerichten/ sieng darmit an mit grosser vngestüme einzefallen/ Er durch zoche Mesopotamiam/ das verhergt er mit empfürung vil raupgüts/ auch vnderstond er der Rhömer läger zu bestreittenn/ die dann auff den passen vnnnd anstössen der wasser lagen/ vnd die eussern end des Römischen reichs beschirmen soltenn. Dann dieweil er von natur ein hochtragend mensch/ vnd eines hohen gemütes was/ von wegen der sachen/ darinnen yhme vnuersehenlich gelungen/ da vermainet er alle ding vnder seinen gewalt zepingen. Es waren auch nit klaine sachen/ die yhm sein gemüt zu der begyrd eines grossen reichs entzündē/ dan er ist der erst gewesen/ der den Parthischen getoist krieg zufügen/ vnd hat darmit das reich der Persier wider auff gericht. Dann nach Dario dem der Macedonisch (das ist der groß Alexander) das Königreich abgewunnen/ haben die Macedonischen seine nachkommen/ die Königreich des ganzen Orients vnd Asien/ vil jar lang vnder sich getailt vnd geregiert. Nach dem aber zwitracht vnd gezengt zwischenn yhnen entständen/ vnd dz selbig die Macedonische macht geschwecht/ da hat Arsaces der Parthische oder Parthier/ den Barbarischen völkern/ der selbigen reich zum ersten geradten (als man sagt) das sie von den Macedonischen abfallen solten/ vnd mit verwilligung der Parthier/ vñ der andern nechsten Barbarische völkern/ sagt er ym selbs die kron auf/ vñ behielt er das königreich/ das er auch seinen nachkommenden verließ/ vnz auf dē künig Artabanū. Dieweil aber d selb von Artaxares erschlagen/ vnd das reich den Persiern wider zu gestellt/ auch das nechst gelegenn Barbarisch volck/ durch in bezwungen/ da ward der Römisch gewalt dester ringer

ringer von im angefochten. So bald das Alexandro dem Keyser (8 dōmaln noch zu Rom was) verkündet ist/da gedacht er/das dem Persischen König sein mütterwill nit wol lenger zū gestatten were/vñ dieweyl in die landtrog der prouingen so streng angerüfft/so hat er doch kaum zū letst (wiewol wiß sein willen)sich zū der heerfart gerüfft. Deshalben so wurden inn Italien/vñ in den andern prouingen allenthalt/musterungen gehalten/aller der yenen/die von gerade vñ stercke wegen/irs leibs für tüglich zūm streyt angesehen wurden/vñ was deshalb in allen landen dem Römische reych vnder worffen/ein vnsäglichs rüsten vñ mustern/damit sie einer so grossen menge der Barbarischen vergleicht werden möchten. Dazū so berüfft Alexander alle stattrotten in das feld/daselbs steyg er auff den Keyserlichen stül/vñ redt auff dise meynung.

Wie Alexander wider die Persier/vñ dem nach wider die Teutschen zoch/vñ wie er von den seinen erschlagenn ward.



Je mein lieben mitritter/ich wünsch mir ein solliche red gegen euch zethūn/die als gewonlich beschicht/mir den redenden ein zierd/vñ euch den hörenden ein freud brecht. Wann so wir vil jar in dem fryden gewesen/vñ jr yetzo etwas news hören seind/so möchte jr villeicht/als von einem vnuersehenen zūfal/darab erschrecken. Dann es zimpt sich dē starcken vñ dappfern mannen ye die besten ding zū Begeren. Aber dabey alle zū fell manlich zū gedulden/wann zū gleycher weiß/als die sachenn/die wir mit einem lust wircken/süß/also seind auch die mit der manheit geübt werdenn/löblich vñ eerlich. Item ein yeder der zum ersten angreiffet/der wirt in jm selbs für vngerecht geacht/Also wirt auch ein yeder/der sich des vnrechtē erwezen muß/auf eigener Consciētz vñ gewisne/desten standthaffter/vñ auß der gerechtigkeit empfachet er wol desten bessere hoffnung. Artabares 8 Persische man/nach dem er Artabanum/sein eygnen Herren vmbbracht/vñ dēz selbs Königreich zū den Persiern bracht/hat er sich vnderwunden/auch vnser waffen zū reyzen/mit verspottung der Römischen Mayestat. Dazū vnser lender vñ Prouingen zū vberziehen vñ zū schedigen. Dem hab ich mich geflossen in dem anfang/mit meynen Brieffen zū radten/vñnd zū ermanen/das er dise vnersettliche vnsinnigkeit verlassen/vñnd auch die frembden ding nit Begeren solt. Aber er ist von Barbarischer vngeschickte wegen/so weyt kommen/das er sich in seiner wonung nit mer enthalten/sonder vns yetzo zū dem streyten erfordern will. Darumb so wollen wir nit verziehen/nach den streyt abschlagen/sonder jr elristen/alle die yr zū gegen sein/sollen ermanung thun/8 Triumph vñ sigen/dern dan vil bey Senero/vñ Antonino meinem vater vñ anherē/durch euch aufgericht seind. Aber jr die noch ein starck volkomene jugēt haben/wollen zū forderst den rām vñ loß Begeren/dz meniglich erkennen mög/das jr nit allein den Friden/mit miltē gemütt brauchen vñ in chezen halten/sonder auch (so es die notturfft erforderet) manlich streyten

Das sechst Buch

vnd sechten künden. Zu gleicherweiss als die Barbarischen den fliehenden heftig nach jagt/also möge sie auch keins wegs den widerstreitenden gestan. Wann es mag ynen der zusamen geordnet heerspiß/zü dem sig keyn hoffnung bringenn/die weil sie sich mit yhrem vberlauffenn/der flucht geprauchenn/vnnd vermaynenn allein/das ein gewinn sein/das sie geraupet vnnd geplünderet habenn. Dargegen aber wir/die weil wir alle sachen inn gütter ordnung halten/damit haben wir gelernet/sie zü schlagen vnd zü vberwinden. Nach dem der Kaiser Alexander das geredt/haben in die Ritter vnnd kriegsleut/alle mit frölichem gemüt angeschryen/vnd sich darmit erzaigt/das sie sich die geschicksten zü dem krieg erpieten wölle/Darauff hat er ynen den sold vberflüssig außgetailt/vnd gepotten/sich auff den weg zü rüsten. Gleich darnach hat er auf dise mainung vor rat auch geredt/vñ damit den tag seiner hinfart verkündet. So bald der selb tag komen/vnd das opffer nach gewonhait volbracht/ist er mit belaitung vnnd nachuolung des ganzen raths/vnnd des gemaynenn volcks/vonn Rom außgezogen/die Statt vnnd das volck mit vberlauffung seiner augen angeschawet. Es ist auch von gemaynem volck ganz nyemants gewesen/der den hinfarenden Kaiser/on nasse augen gesehe Wann alle menglich trüg ym grossen gunst vnd willen/darumb das er bey yhnen erzogen/vnnd das Kaiserthumb von yhme so vil jar/so gar mässig vnnd myltiglich regyeret was. Er eylet mit schnellem zug/vnnd als er die Illyrischen vöcker/vnnd die selbigen heer besichtigt/hat er auch von yhnen ein grosse macht angenommen/vnnd auff Antiochia zü gezogen. Inn der selben Statt/hat er mit allem fleiß bereit/alles das zum krieg dienen mocht/damit beflis er sich/die Ritter vnd kriegsleut/in vbung/vnd sonst alle ding inn gut ordnung zebringen/Ihne sahe auch für gut an/das er noch ein potschafft zum Persier König schickt/die mit yhme von dem fridenn/vnnd freuntshaftt handeln solten/Dann weil er yezund zü gegenn/was er gar onn zweifel/eyntweder yhm zerathen auff sein mainung zewilsaren/oder yhn damit zü erschrecken. Aber der Barbarische König schicket die Römer vngeschafft wider hinder sich/vnd sendet von den seynen/inn Legation vnnd potschafft weis/zü Alexander dem Kaiser/yhren vierzig/die aller schönstenn vnnd geradestenn mann/inn kostlichenn klaydern/mitt gold wol durch zyeret/defgleichen mit pferd/bogen/vnnd geschütz/vast wol gerüst/vnd maint das dye Römer von gestalt vnd zierd derselben Persier schrecken nemen solte/Der selben potschafft werbung was auff die mainung/Das der groß vnd mächtig König Artarares/den Römern gebieten ließ dz sie vñ jr kaiser/auf de ganzen Syrier land mit herschung abwichen/defgleiche allenthalbe außser Asien dz gegen Europa lag/vñ solten den Persiern lassen/Jonia/vnd woz gegen Caria lag zü regieren/vnnd in allen den Königreichen/die zwischen dem Egischen vnd grossen meer gelegte. Nach dem die Legation/der vierzig männer dise potschafft pracht/hat Alexander 8 kaiser sie gepotten zü sehen/inen darauf alle jryerd abgezogen/vnnd sye inn die dörslin inn dem lannd Phrygia inn das ellennd geschickt/daselbst hat er yhnen acker vnnd erdterich gebenn/die sye bawetenn/vnnd sich darauff neretenn/vnnd ließ sich an diser straff(das er yhnen yhr vatterland verpottet)gnügen/dann sye zü tödten maint er schantlich vnd

lich vnd vnmenshlich sein/dieweil sie yn keiner feldschlacht gefangen/vnd al
 lein ires herren befelchs aufrichter weren. Als dises dermaß gehandelt/vnd
 sich Alexander yetz rüstet/vber die wasser zü faren/vnd das Römisch heer in
 der feind land zü füren/da seind etlich Ritter vnd kriegs leut/die auß Eryp-
 ten berüfft worden/von im gefallen. Desgleichen haben auch andere in dem
 land Syria/wider das Römisch reich newerung fürgenomien/doch seind sie
 all erwyscht/vnd mit der marter gestrafft. Es hat auch Alexanderliche heer
 in andre Königreich geschickt/das sie daselbs der feynd vberfallē/desten baß
 abwenden mochten. Nach dem er die sachen also verordnet/vñ yetzo ein groß
 heer zü samē bracht/so bald er sich der feynd macht/gnüg starck sein geschezt/
 hat er mit radt seiner freund/das ganz heer in drey hauffen verteilt. In dem
 er dem einen teil beualch gegen mitnacht zü/durch Armenien/dieweil daz selb
 Königreich der Römer freundschaft zü haltenn geachtet ward/zü ziehen/
 vnd do dannen/in der Medischen reich zü fallen. Desgleichen das ander teil/
 durch der feynd land zü ziehen/da dann die wasser Tygris vñd Euphrates
 zusamen lauffen/vnd den aller breytsten mösren vnd pfügen des lauffs auff
 gehalten/vnd deshalben gesagt wirt/das sie doselbs ires aufgang vnd flus/
 verhindert vnd verborgen werd. Aber den dritten teil des heeres/sagt er den
 mitlen weg wider die feynd zü füren. Wann also nam er im für sie zü allen tei-
 len vnuersehenlich zü vberfallen/vnd wo sie alsoden sonder hauffen begeg-
 neren/so wurden sie zertrent/vñ jr macht geschwecht/dz sie den streytt desten
 minder ordenlich auffnemen möchten. Dann die Barbarischen gebrauchten
 sich keins besolten Kriegsmans/wie dan die Römer gewont seind/dazü hal-
 ten sie vmb ire leger weder hütten noch wachten/die dann sunst in den kriegs-
 hendlen gewont seind zü brauchen/sonder so wirt die ganz menge d man/
 vnd etwan auch der frawen/von des Königs gepots wegen versamlet/dye
 auch gleich nach volendung des Kriegs/wider zü iren heusern vnd wonun-
 gen heim geschickt werden/vñd bringen kein andern lon darvon/dann was
 ir yeder mit raub vñd beut darvon bringen mag. Sie gebrauchen sich auch
 nit allein in dem streyt/nach der Römer gewonheit/irer pferd vnd handtbo-
 gen/sonder sy werden alle von jugent auff darzū gezogen/vnd halten sich all
 zeit züm köcher/auff dem geiäg vnd weydwerck/Zü dem können sie nit von
 iren pferden abston/es sey in streyten oder auff dem geiäg. Aber diser Al-
 lexanders radt/wiewol der im anfang weytt für den besten geschezt/sowar
 de er doch von dem vnfelligen glück verdrungen. Wann das heer/das er
 durch Armenienn ziehenn hieß/das mochte gar kaum vber die höchstenn
 vñd gähisten berg desselben Lands kommen/wiewol ihenn der Som-
 mer den weg desten rynger machte. Das selb heer fiel mitt einer vn-
 gestüme inn der Medier land/vñd verprannt die flecken vñd döffer
 mit erlangung eines grossen raubs. So bald aber der Persier König dasselb
 erfaren/hat er vonn stund an/den selbigenn/mit so vil volcks/als er
 ankommen mocht/zü hylff kommen wollen. Doch so mocht er die Römer
 nichtt darauf treybenn/dann es was eyn hoch bergecht landt/darumb
 der

Das sechste Buch

der füßzüg ein ringen gang/dargegen die feind zu roß/von höhe wegen den berg/desten ein vnfüglichen lauff haben möchten. Darnach ward dem König verkündt/dz ein ander heer der Römer in der Parthier landtschafft lag/das dann gegen auffgang der sonnen angriffen hette/ in dem sorgt er/wo sie die Parthier vberwündet/das sie bald darnach in der Persier Reich fallē würden/Darum so ließ er vil volcks hinder ym/als er maint zu beschirmung des Medischen reychs gnügsam sein/vnd eyler er mit aller macht gegen Ouent. Diweil nu dem Römischen heer im Parthier land/im anfang niemants widerstand gethan/do hat dasselbig heer seine zugt mit desten minderen sorg volbracht/vnd vermainten das Alexander mit dem dritten heer/das dann weit dz sterckst was/in der feind land gefallen were. Darumb als sie seztund verharreten/vnd deshalb das heer auffhielten/vñ kains wegs scherzten zu eylen sein/diweil sie glaubten das sie ganz sicher vñ on sorg sein möchten (dañ sie hettē vorhin ein plaz auffgangen/dahin sie mit sampt allē raupzamen kommen soltē) Aber Alexander hat sie in dem verfürct/wann er kam nit/so schickt er auch sein heer nit dahin/vnd zweifelt mā darab/ob er das auß aigner forcht vnderließ auffdz er nit in beschirmung des Römischen reychs sein leben verlüre/oder ob yn die mäter mit weiplicher forcht/von zu vil liebe wegen des suns/dermaß auffhielt (dann sie vnderstond sonst auch allen seinen ehlichen willen vñ fürnemen/vnd riedt ym das er eeden andern die sorg zu lassen/dann das er vorren am spitz sein solt) In dem so hat der Persier König wol erfahren/das ym die Römer im land lagen/darumb ist er inen mit aller macht entgegen gezogen die also vngerüst/vñ des nit warten waren/die vnßgab er allenthalb zu ringen vñ/als ob er sie in ein strick vñ garn gefangē het/die erschlug er ganz zu rumpf darnider/wann yrn so wenig/mochten so einer grossen macht kain widerstand thon/vnd beschirmten stettigs allein den plossen tail yres leibs/vor dem treffenliche große geschütz der feind/vñ vermeinten gnüg ehlich gestritten haben/wann sie vnge schlagen vnd vnge schädiget darvon kommen möchten. Nach dē sie sich aber langzeit/mit zu samen gefügten schiltten/gleich einer mauren vmbzeünnet/vnd allenthalben her als ein Stat gestürmpt vnd verwundet/wurden sie doch zu letst/als sie lang manlich widerstand gethon hetten/alle gar erschlagen. In dem ist den Römern ein grosser vnßal vnd trüßal zu gestanden/ des gleichen nit vil gedacht wirt/das sie ein sollich heer gar verlore/vnd doch anglauben/trew/vnd manhait/den alten heerzügen wol her vergleicht werden mögen. Auf dem hat der Persier König/von disem glück vnnd zufallenden hendlen/zū noch vil größern sachen ein gemüt vnd hertz für sich gefasset. Da diß dem Kaiser Alexander (der zeit in grosser krankheit ligend/eyntweder traurigkeit halb seins gemüts/oder von des lusts einfluß wegen) verkündet/ward er dauon noch mer betrübt. Zu dem so hat das heer dem Kaiser vil arge nach geredt/wann sie sagten/das durch sein vnwarhait vnd dz er die abred nit recht gehalten/sein aigen volck in tod verraten het. Diweil nu der Kaiser von seiner krankheit vast schwach/des gleich das vñg heer/vnd aller merckst der Illyrischen Rytter/von der sommerigen hitz des himels/yhren vil siech worden sind (dann sie hetten des winterigen himels vnd lusts gewonet)

net/auch darumb das sie der vngewonten speiß zu vil begyrig namen / des halb so wurden sie tödtlich siech / auf der ursach sagt er ihm für/gen Antiochia zu ziehen / dohin er auch die kriegsleut vnnnd vbrigen Ritter berufft / die vñ den rauchen gepyrten / vnnnd von winter kelte / verdorben vnnnd gemüdet / deren wenig vberblyben waren / die selben für Alexander all mit ihm gen Antiochia / vonn denen er dann vil verloren. Darumb hat der vnfall dem vbrigen heer ein grossen kommer / vnnnd dem Keyser einn grosse schand bracht / dieweyl das glück seynem radt vnnnd anschlag / an allen endenn widerwertig was / Wann es seind ihren vil / von disem inn drey geteilten heer (dann also ward es verordnet) mit mancherley vnfall troffen / mit kranckheit / mit den waffen / vnnnd der kelte. Als nun Alexander gen Antiochia kommenn / ist er nach den Sommerigen hizen / des lands Mesopotamie / vñ der gegne / lufft vñ vberflüssigen wassern / bald genesen vnnnd gesund worden / Auch hat er sein Ritter vñ kriegsleut wider erquicket / vnnnd sie darzu yhrs leyds vnnnd trawrens mit vberschwenclichenn gaben vñ gelt ergötzt / Dann er meynt / das dis das best sein / damit er ihm der Ritter gemüth versünen möcht. Er sterckt sich auch mit vil volck / als ob er das wider in Persien führen wolt / wo sie sich aufftürig erzeygten / ihres schedigens vñ angreyffens nicht abston wurden. Man sagt aber das der Persier König seyn volck alles ab vñnd heym ziehen gelassen hett. Vñnd wiewol die feynd obgelegen seyn geschehet worden / so seynd sie doch mit vil streyten / die sie inn Medien vñ Parthien gethon / zum theyl erschlagen / vñnd vmbbracht / vñnd allein die verwundten vberblyben. Wan die Römer seyndt nicht liederlich vberwunden / sonder den feynden fast schedlich gewesen / vñnd vmb keyner andern vrsach willen vmbbracht / dann das yhr ganz wenig / von ihren vilen vmbgeben wurden. Wann dieweyl ihren zu beyden seytten gar nach ein gleyche summa volcks vmbkommen / so seyndt doch die vberigenn Persier / nicht mit mannhayt / sonder alleyn mit der zal obgelegen / auß der ursach / habē sie auch in drey odder vier Jaren darnach / nicht wider zu feld außziehen dorfften. So bald Alexander das empfunden / das er der sorg des Kriegs / yezo lufft vñnd liffierung gehept / do hat er zu Antiochia gewonet / vñnd sich der selbigen Statt lustparthey mit freunden geniet vñnd gebraucht. In dem er nun vermeynet / das die Persier rüwig seyn wurden / oder das sich vilzeyt vñnd weyl verlauffen müß / ee dann sie das her dergestalt wider zu samen brechten / das doch nicht bald (nach dem es zerstrewt) widerumb zusammen zebringen (dañ es were mehr ein vngewiß vñ vñordenlich volck / dan ein recht heere zu achten) dieweyl sie keyn ander lyfferung hetten / dann so vil ein yeder mit yhm von hauß auß für. Zu dem würden sye auch gar kaum jr weyber / kind vñ heimwesen verlassen. Als er die ding bedacht / hat man ihm gleich von den Landvogten / inn Illyrien vñnd den Wyndischen landenn brief vberantwurt / die yne hefftiglich betrübt / vñ seynem gemüth gar vil ein grössere sorg eingestossen haben / die zeigten an / wie die Teutschen vber den Rhein vñnd die Thonaw gezogen / in der Römer landschafft kommen / vñ yez der Römer heer

die zu

Das sechzt büch

die zu behütung der anstöß/der end geordnet weren/belägerten vnnnd befreiten/vnd darzu die Stet/märgkt/vnd döffer mit grossem volck vberfielen. Wann so man die Illyrischen land / vnd yr gelegenheit aufrechnen will/so mag man wol betrachten/das die nachpauren vnd nächsten anstöß/des Italiens/im schaden sind/Darumb were not/dz er mit sampt dem ganze heer/so vil er bey yhm het/ynen zu hilff käme/das dann dem Kaiser ein grosse forcht eingestossen. Es hat auch dē Illyrischē ritern/die er bey im gehebt/ein sonderm schmerzen pracht/dan sie merckte dz sie ein zwifachen vnfall erliten/dieweil sy in der schlacht gegen den Persiern grossen schaden genomen/vnd zu dem hörreten dz die Teutschen die yhren dahaim auch erschlagen hetten/darumb sie dem Kaiser gang vbel redten/vnd yhm geßas wurden/als ob er zum ersten/die sache in Orient durch forcht vnd verlessigkeit verwarloset het/vnnnd auch nu erst die sache gegenn mitnacht (darzu er beräfft) mit forcht auch verligen wo^{re}. Es waren auch yezo die freunde des Kayfers/vnnnd auch er im grohen sorgenn/vonn des Italischen lands wegenn. Wann es was der schad vonn den Persiern/den Teutschen kaines wegs zuuergleichenn/Dann die in Orient wonen/die werdenn mit grosser weite/vnd ferre des erdrichs vnd meers vnderchiden/das sie von dem namen Italien kaum sagen hören/Dagegen die Illyrischen völker/die haben ein eng vnd wenig land/das den Römern vnderworffen/beyhanden/die ligen allein zwischen Italien vnnnd dem Teutschen land. In dem hat der Kaiser sein hinfart mit vnwillen verkündet/vnd mit schwerem gemüt/doch so zwang yn die notturfft darzu. Er lief so vil volcks hinter yhm/als er maint genüg sein zu beschirmung der anstöß der Römer gepiet/in dēer auch die schloß vnd Stet der enden/mit grossem fleiß bewaret/vnnnd fest machet/auch die mit starckem zusatz vnnnd hat verfabē. Darnach eylet er mit dem vberigen volck allem/wider die Teutschen zuziehenn/vnnnd volpracht den weg/mit eynem schnellenn zug. Er leget sich an den gestadenn des Keyns/daselst rüflet er alle dinng zu/die zum krieg gehorten. Zum ersten macht er ein prugk vber den Keyn/mit zamenn gehefften schiffenn/darmit er sein heer vber füren möcht/Dann dise zwey wasser der Keyn/vnnnd auch die Thonaw/werden für die grösten wasser fluß gescheget/die vnder mitnacht lygenn/vnder denen der ein durch Teutsch land/der ander durch das Vngerland yren lauff haben. Sie send zu sommerzeit wasser vnnnd schiffreych/Aber zu kalter wynterzeit mit eyß vberfroren/vnnnd werdenn gleich wie auff dem lannd gepraucht/darüber zewandlenn/mit faren/reytenn/vnd gon. Es ist aber das eyß desselbenn wassers so glat vnnnd herdt/das nit allein roß vnnnd mann nit satt darauff ston/sonder die darauff tranck süchenn/die müssen nit allein eymer vnnnd zygber/auch darzu ärt vnd weckenn prauchenn/darmit sie das wasser on alle geschirz/gleich wie steyn daruon tragen/dise natur haben die wasser. Der Kaiser Alexander hett vil Mozen/vnnnd ein grosse macht der schüzenn/die er mit yhme auf Orient gefürt/Zum thail auf der landtschafft Osrhoenorum/vnnnd zum thail dye flüchtigen vnnnd abgewichenen auf der Parthier Keych/die all von des solds wege/mit ym zeziehē bewegt/die wurde all den Teutschen entgegē geordnet/Dann

Dañ dise kriegsleut möchten die Teutschen größlich schedigen/dieweyl vnnnd die Moren ire pfeyl weyth vnnnd inn die verre schießen. Dazü in dem zü vnd ablauffen ganz schnell vnd fertig sein möchten / Darumb sye als gering vnd behend handtichützen/die plossen heupter der Teutschen/auch ir starcke grosse corpus vnd leyb/von weytem her gleich als ein gesetztes zaichen vnnnd zyl treffen möchten. Züzeiten draten sye mit geordneten heerspyzen züsamen/ inn dem die Teutschen gar oft gleich den Römern an manheit abzugem. Die weyl sich nu Alexander inn den dingen geübt/hat er im auch für genommen etlich botschafft zü den Teutschen zü schicken auff ein fryden zü handlen/nemlich den Teutschen zü versprechen/das inen der Keyser alles das sy notturtztig weren zü stellen/vnd vorab das gelt mit hauffen geben wolt / Dann dye Teutschen seynd vor allen andern des gelts begyrrig/vnd haben den Römern zü mer maln den fryden vmb gelt zü kauffen geben. Darumb sagt im Alexander für/das er lieber ein fryden vnd rachtung mit gelt kauffen/dañ dz er mit dem krieg schaden nemē wolt. Doch so hat das Römisch heer ein grossen verdruß dauon empfangen/das es vmb sunst die stund vñ zeit also verlegen/vñ kein vrsach gehept/das es nichts manlichs vnd dapffers gehandelt het/ vnd nit mynders Alexander auff schlyten für/vnd sich aller andern lustbarkeit beflis/wiewol er sich pillicher an den Teutschen gerochē/vñ sy irer aufftrüß halb gestrafft haben solt. In seinem heere was einer mit namen Maximinus auß ein kleinem dörflein pürtig/in Thracia gelegē/wol halb ein Barbatisch mensch/der von jugent auff ein schaffhirt gewesen/vñ darnach/ als er mit den jaren auffgewachsen/da ist er von gerade vnd sterck wegen seins leybs zü röß rasyg worden. Darnach vñ als er durch alle stend der Rittertschaft/mit bey stand des glücks so weith komen/das er auch ein verseher der Prouinze worden ist. Disen Maximinum hat Alexander vmb seiner ritterlichen thaten vñ erfahrung willen/wie oben gesagt/den jungen vnd newen kriegsleuten zü ey nem hauptman verordnet/das er die inn Ritterlichen wercken vnderweyßen vnd zü streitten geschickt machen solt. Dieweyl er nun inn dem selbigen geschafft allen fleys ankeret/hatt er von dem ganzen heer grossen gunst erlangt Wann er sagte ihnen nicht allein was zethünd odder zelassen were/sonnder so greiff er es zü dem erstenn an/ alles das die notturtzt erfordert / darmit er sye nicht allein zü vnderthanen/sonnder auch seiner tugent vnd manheit zü liebhabern vnnnd nachuolgern haben möcht. Dazü gesellet er ihm auch die mit gaben vnnnd aller hand vereerung genzlich zü seinem willen. Darumb die selben jüngling (deren ein güt theyl auß Hungern was) sich von der man heyt Maximini größlich frewrent/vnnnd verachtent den Keyser gar/darum das er noch vnder dem gewalt der mütter was/vnnnd ganz nichts on ihren radt noch willen handelt/dazü den krieg hinlässig vnnnd forchtsam füret. Auch praucheten sye der gleichen red/das man sye durch sein varlessigkeyt/ inn Orient so grossen schaden empfangen/ Zü dem hett er wyder die Teut schen noch nichts manlichs odder dapffers gehandelt/ Auch weren sy von ir selbst art geneigt etwas neüwerung zü bewegen/vnnnd seins langen regier tens/gannz verdrüßlich / dieweyl er alle Keychthumb mit seinem prachte

Das Sechst Buch

verthet. Inn dem sy auch hofften/bald einen andern Keyser zu erlangen/der mit vnuersehener hoffnung zum reich kommen/vnd sy mit mer nutz vnd eer/nach allem fleiß versehen/vnd in güttem bedencken wurd/Deshalb fasten sy inen für/den Keyser Alexandrum zu ertödtten/vnd Maximinum einen Keyser zu nennen/als iren beywonenden mitritter vnnnd hauptman. Zu dem so were er dem gegenwertigen krieg mit seiner ritterliche erfahrung/fast geschickt vnnnd tüglich. Inn dem sy nu inn das feld zu samen kamen/vnd Maximinus die newen kriegsleut zu vnderweisen/sich auch dahin fügt (doch ist ein zweif/feld dran/ob das mit seinem wissen oder vnwissen beschehen sey) da haben sye in von stund an mit seyden kleidern vmbgeben vnd angethan/vnd in damit einen Keyser begrüßet. Der widerstünd inen in anfang/vnd begett das sey den gewand/von in zu werffen. In dem er aber sahe/das er/als ein nacken/der/on allen harnisch/von den rittern vmbstanden/vnnnd das sie inen zu tode schlagen/wo er inen mit volgen wolt/da erwelt er den künfftigen/für den gegenwertigen schaden/vnd nam dermas die Keyserlich wyrede an sich. Vnnnd sagte den rittern dabey/das in zum öfftern mal von den götten sollich glück im traum angezeigt were/auch bezeugt er sich/gegen ihnen/das er der sachen im anfang widerstrebt/vnd er von ihnen darzu gezwungen/doch so wolt er inen gewillfarn. Darumb was inen wolgefiel das solten sy bestettigen/vnd das geschrey diser sache mit angenommen woffen fürkommen/den Keyser Alexander (der diser ding noch vnwissend were) vngewarnter sache/vberfallen/das sie auch damit seine ritter vnd leibshüter/erschreckten/auf das sie mit den andern darinn gehellen solten/oder die weil sie noch vngerüst vnnnd des nicht warten weren/wider iren willen darzu getrungen wurden. Nach dem er sie nu also mit einem frölichen gemüt ermanet/inen ir frucht vnd prouand zwisf sache gehandtraicht/auch grosse Keyserliche gaben versprochen/ Desgleichen meniglichem sein begangen vbelthat nach gelassen/vnd verziget/da hatt er sie alle/zü dem gezelt Alexanders aufgeführt/das mit weit von dannen was. Als in das verkündet/ist er von der newen sache fast erschrocken/vnnnd gleych einem menschen/der seiner sinn beraubt/auf seinem gezelt geloffen/allso mit zyttern vnd weinen Maximinum ein trewlosen gescholten/mit erzehlung aller gütthatt/die er in ye bewisen/Dann schuldigt er die newen ritter/das sie mit vbersehung irer gelübd/eere vnd eyd/ein so groß laster mit schanden vnd so verwegenlich vnderstünden. Zu lest verbiess er inen/alles das zu geben/das sy begerten/vnd ob not wer/sich gegen inen züuersünen. Die ritter so ine in mit allen krefft behüten wolten. So bald aber die nacht vergieng/vnd es moir des anfang tagen/vn etlich sagten/das Maximinus mit seinem hauffen gleich yezo zu gegen/das der staub von seinem volck in der nehe gesehen/vnd das geschrey/eines grossen volcks gehört were/da gieng Alexander wyder herfür/auff den platz/das elbs berüfft et die seinen zu samen/vnd hatt sye/das sy in beschirmen vnd behüten solten/die weil sy in doch selbs erzogen/vnd yezo rünj. jar lang/vnder seiner regierung/on alle klag gelebt hetten. Vnnnd als er sie alle damit zu erpernd bewegt/hatt er ihnen gepotten dye woffen zu handen

zu handen zenemen/darmit sye jren wyderwertigen wyderstand thun möch-
 ten. Wiewol nu die Ritter dem Keyser alles das er begert versprochen/so
 haben sye doch hüpschlich von jm abgewychen. Etlich vnder jnen vorderten
 den hoffmeister vnd Alexanders diener zu der Marter/vnd schuldigeten die
 selben/das dise abfallung jrenthalß geschach. Die andern verklagten die müt-
 ter/als ein geizige frau/die vyl gelts zusamenn gehauffet/das sye auch Ale-
 xandrum vmb jr stinckenden wücherey willen/die sye gegen den Rittern ge-
 praucht/gegen menigkliche abgeworffen/seintselig vn hessig gemacht het. In
 dem dises vndereinander geredt/vnd man noch also inn der ordnung gestan-
 den/ist das heer Maximini vnder augen vn zu gegen gwesen/die siengē an zu
 jnen zu rüffen/vnd sy zu ermanen/das sie das stinckend weyb vnd den klein-
 mütigen verzageten jüngling (der dan noch vnder der mütter rüthen were)
 verlassen/vnd sich dargegen einem theuren manlichen man zu gesellen solten/
 vnd vorab Maximino frem mitritter/der sich alzeyt inn den Ritterlichen vn
 streitlichen kriegs hendlen geübt vn gepraucht hett. Auff das fielen sy alle
 von stund an von dem Keyser Alexander/vnd mit einhelligkeit begrüßten sy
 Maximinum als einē keyser/ Darauß weich Alexander also zittend vn ganz
 erschrocken hinder sich in sein gezelt/Vnd als man sagt/so fiel er an die mäter
 vnd beklagt sich/darinn er sy schuldig/das er vmb jrent willen sollichen jamer
 leiden müß/das elbs erwarttet er auch seins todschlegers. So bald Marimi-
 nus von dem ganzen heer ein keiser genant ward/da beualch er etliche Trybu-
 nen vnd Rottmeistern/das sy den Alexander/sein mäter/vnd alle die sich zu
 weer sagten/zetod schlagen solten. Die selben fielen mit einer vngestüme inn
 sein gezelt/vnd erschlugen in sampt der mütter/vnd sein erlichste freunden/
 vnz an die sich davor mit der flucht darvon gemacht hetten/die doch Mariz-
 minus vnlang darnach all begriffen vnd tödten ließ. Dis end hat gehept A-
 lexander sampt der mütter/als er jertz xiiij. Jar on alle klag seiner vnder-
 thanen/vnd so gar on alles plät vergiessen regiert/dan er het ey-
 nen greusel vnd schenhen ab aller grymigkeit vnd todtschle-
 gen/vnd ließ niemants vmbpringen/der nit vor mit
 vrtheyl zum tod erkant/was alzeit geneigt zu
 der milte vnd güttigkeit/Darumb wo
 nicht die geytige vn stinckende mü-
 ter den sun dermaß verlüm-
 det/so wer ganz ni-
 chts/dara man
 inn seiner re-
 gierung
 miß
 fallen gehept
 hette.

Das sibent büch der Herodianischen hystori Wie Maximinus das keyserthum erlangt/ vnd nach erobertem gewalt sich fast grynnig erzeiget hatt.

Anno m^{di}
4533
Dñi. 237.



In dem obern büch ist gesagt / wye
sich Alexander inn der vierzehen jährigen herschung gehal-
ten/Als nu darnach Maximinus/das Keyserthum erlangt
da hat er das selbig alles/gröflich verenderet/vnd sich nach
erobertem gewalt /fast scharpff vnnnd grynn erzeiget /der-
maß das er vnderstünd/auf dem milten vnd gütigen gewalt/alle ding in ein
Tyrannische grynnigkeit züuerwenden/ Dañ die weil er sich selbst erkant mā-
niglichem vnanmütig zü sein/darumb das er der erst were/der auf dem al-
ler nidersten stand/zü sollichem hohen glück komen/Zü dem was er auch mit
den sytten vnd geperden/wie von gepurt ein ganz grob Barbarisch mensch/
vnd nach seins lands art/des todtschlagens aller begirigest. Deshalb so be-
flis er sich aller merck/das er in das Keyserlich reich/mit aller hertigkeit vnnnd
grymie bestettiget/wann er fürchtet/das er von den radsherren/vnd den an-
dern edlen vnd reichen Römern/verachtet wurde/die weil das glück nit ehe-
nen zü gestanden/vnnnd also ihm/von einer nideren vnnnd duncklen gepurt/
zü kommen were. Wann es was aller meniglich kundt vnd offenbar /das er
zum ersten/inn den gebirgen Tratie/ein schaffhirt/darnach von seines leybs
stercke vnnnd gröfse wegen/zü den wenig rittern derselben gegne berüfft/da
dann er/von der hand des glücks/zü dem Römischen reich gezogen gewe-
sen were. Darumb so hatt er alle die Alexanders freünde vnnnd radt gebenn
gewesen/von dem radt aufgestossen vnd entsetzt/zum teyl von der stat Rom
gesendet/vnd zum teil auch irer innhabenden ämpter beraupt vnd entsetzt.
Das thet er darumb/das er allein im heer were/vnnnd niemants bey im hett/
der nach dem adel zü achten/höher geschetzt wurde dann er / vnd das er des-
halb sein Tyrannische werck/als von einer burg frey vollbringen möcht / Er
hat auch alle werck vnd dienstleut Alexanders/die er so vil jarlang geprauchet
auf dem Pallast vnd von allen fre ämptern verstoffen/vñ ihre vil tödten las-
sen/darum dz erse auffsetz scheühet/dieweil er merckt/das sy all seins todshal-
ben trawrig weren. Zü dem so hat die eröffnung/das frentlich ein pund wy-
der in züsamen geschworn/sein grynnigkeit ye mer vñ ye mer geraint. Wann
es hetten sen vil Kottmeister/mit sampt einem ganzen Römischen radt/wi-
der ine zü samen geschworn. Es was einer von den alten vnnnd edlen Römern
geschlechten mit namen Magnus/ein radsherr/der ward dem Keyser ange-
zeigt/als ob er ein macht volcks/wider in samlet/vnd den kriegsleuten riet/
das Keyserthumb auff in zü verwenden / Man meint auch/das ir anschlag/
die gestalt gehebt hab/Nach dem Maximinus ein pruck vber den Kein gema-
chet/damit er gegen den Teütschen ziehen möcht/dañ so Balde er den öbristen
gewalt erlangt/hat er die freytllichen hendel begert zü üben (Wann er was
von der vnmäßigen gröfse seins leibs/desgleichen vmb der ritterlichen sterck
vnd erfahrung willen der kriegs lauff zü dem keyserthum komen)deshalb vn-
derstünd er die sache/mit einẽ rüm zü bestettigen/damit er die forcht vñ zagheit
Alexanders

Alexanders vnnutz gewesen sein/mit annemung der schlachten vnd streyten anzaigen/vnd also vernichten möcht/Darumb so lief er nichts vnderwegen darinn er sein heer geüben möcht/Vnd zu gleycherweiss als er stets inn seinem geweer vnd küris was/also ermant er auch das heer alzeyt darinn zu pleyben Als er nu die pruck(wie man dauon geredt) gemacht/hat er im fürgesetzt/da rüber inn teutsche land zu ziehen. Deshalben ward gesagt/das der vorgehat Magnus ihren wenig kriegsleuten/aber doch denen/die an manheit den andern fürtraffen/vnd aller merst den jenen/denen die hat der prucken beuolhe was/ein sollichen rath geben vnd beuolhen hett/so bald Maximinus auff dz ander theyl vnd gestatten des wassers vnd der prucken kommen wurd/das sy in mit abhawung der prucken/vnd mit entwerung des wyder vberzugs/de Teutschen lyffern vñ inn die hende geben solten. Zu dem so was das wasser einer sollichen dieffe vnd breite/das niemants wider herüber kommen mochte/vorab dieweyl auff dem andern gestat kein schiff waren. Dergleichen reden wurden gepraucht/doch ist nit gewis/ob die war oder erdacht gewesen/dan das was auch nit ring zu ersarn/dieweyl das weder in gericht noch sunst mit keiner antwort ersarn werden mocht/dan alle die inn dem argtrwon begriffen/die seind gefangen vnd ertödt worden. Es entstünd auch ettlicher kriegs leut der Oserhoenorum abfallig/Dan dieweyl sy in dem tod Alexanders ein groß misfallen hetten/vnd sy von vngeschicht zu seiner freund eim kammern/mit namen Quartino/der kurz darnor von Maximino auß dem leger verschickt was/da namen sy den selben/vnd wider seinen willen/auch das im sol lichen nye in syn kam/erwelten sy inen den zu einem Hauptman/Sy legten im seyden gewand an/vnd mit vortragung des feüres vnd grosser vererung/deren er nicht begert/zugen sy in zu irer herschung. Vnd als er etwo lang in seynem gezelt lag vnd schlieff/da ward er von einem seinem mitgesellen/vñ (als man sagt) von seinem eignen freund/mit namē Macedon ermört/der dauor vber die Oserhoenos herschet/vñ der erst vrsächer was/von Maximino abze fallen/Wiewol er kein neyd noch vrsach gegen im hebet/so hat er in doch ertödt/wiewol er in selbs zum Regiment getrungen. Er meint aber dem Keyser gar ein angenehme sache damit zethun/darumb er im das abgeschlagē haupt Quartini zu einer gaben pracht. Wiewol Maximinus diser that freud empfangen/vnd das sein feind vmbkommen was/ein wolgfallen/so hat er de theter (der im doch selbs vermeint grosse gnad vnd gab zu erlangen) mit grösser marter vmbpracht/Winntweders darumb das er ein vrsächer der abfallung/vñ darzu desselben (dem er das wider sein willē geradtē) todschleger woz oder das er im nit mer trawt/den er doch darvor für ein gütten freund gehalten hat. Dise sachen haben Maximinum je mehr vnd mer gereizt/vñ im sein gemüt entzündt/vnd zu der grimigkeit gescherpfft/zu dem das er sunst vorhin eygens willens vnmenschlich vnd Tyrannisch gewesen. Er was anzusehenn greüßlich/vnd von leib vnseiglich groß/das von den aller erfarnsten Griechen vnd von den aller streytparften Barbarischen/im gang niemants vergleicht werdē mocht. Als die sache dermaß ergiengen/da samlet er das ganz heer zu samē/erzog on allen schrecken vber die Keynpruck/vñ wendet die Teutschen mit krieg an. Im volgt nach ein grosse macht der kriegsleut/vnd garnach alle

Das Sibent büch

Barbarischen/zü dem die Mozen vnd sunst vil schügen/dazü die Ophoenischen/vnd Armenier/die den Römern vnderworfenen/vnnd vmb seiner gesellschaft willen/berüfft/defgleiche die auß Parthien mit gelt besoldet/oder abgewichen waren/auch die man im krieg erobert/vñ die darnach den Römern gedient haben. Dise macht was vorhin von dem Alexander zü samen pracht/darnach von Maximino gemert/vnd geübt worden/Dazü werde die schlescker werffer vnd schügen/ganz nütz vnnd tüglich geachtet/den krieg wider die Teütschen zü füren. Wann sye als ring kriegsleütt/mügen den vnsicheren feind leichtlich vberfallen/ vnd widerumb an jr gewarlsame kommen. Nach dem aber Maximinus/inn der feind land komien/vnd lang niemants der widerstand thet/befunden (wann die Teütschen waren all abgewichen) da hat er jr land verhergen vñ rauben lassen (dañ die frucht auß dem feld war eben zeyttig) Er lief auch dem heer zü/alle flecken vnd döffer züuerprien vnd zü plündern. Dann bey den Teütschen findt man selten bew von stein vnd zieglen gemacht/sonder von iren grossen wälden/fügen sy das holz zü samen / vñ machen bew den hütten gleich. Darumb als Maximinus inn dem land vmbzoch/die frucht vnd alles raub rich/dem heer zügelassen/vnd noch keinen feind gesehen hat. Dañ es ist ein weyt feldig land/defhalb verließen die teütschen die ort/da kein beum stünden/vnd verpargen sich in die wäld vnd pflügen/das sy da dannen iren krieg füren vnd in die feind fallen möchten. Wann dye dicke der beum/was iren feinden in dem schiessen ein ver hinderung / vnd dye tieffe der mösern/als der enden vnwissend/ganz schedlich/Dargegenn den Teütschen behilflich/dañ sy wisten wellicher enden die wegsam oder vnwegsam waren/die weil sy die täglichs durch lieffen. Auch seind die Teütsche des schwyffens am erfarnesten/als die sich gewonlich geprauchenn/inn den wasser zu baden vnnd zü erweschen. Auß der vrsach ist der streitt an den enden angefangē/den auch der Römisch Keyser/auff dz manlichst anhub. Wan als man zü einem grossen vñ tieffen moss komien/dahin dz teütsch volck gewiche vnd bey den Römern/inen weytter nach zü hengen ein forcht gewesen /da ist Maximinus zum ersten/also zü roß gegen den feinden hinein gesprengt. Vnd wie wol sein roß vnz an den bauch hinein fiel/so hat er doch mit grosser manheit/die wider sechtenden Teütschen vmbpracht. Defhalb ward das vbrig heer/von scham wegen bewegt/damit sy nit geacht wurden/den streyttende Keyser/den feinden züuerratten/das sy auch hinein sagten. Daselbs wurde iren zü beyden seyten vil erschlagen/doch also/das gar wenig vñ de teütschen vberbliben/die weil der Keyser selbs so eerlich vnd manlich stryt. Das waser ward auch mit todten leichnam erfült/vnd auch von plüt ganz rodt / das dise feldschlacht einem schyffstreitt gleich sach. Disen streit vnnd sunst vil andre manliche thaten/hat der Keyser durch sein brieff/dem Römischen rat vñ volck angezeigt. Dazü das selb mit grossen figuren malen/vnnd vor dem rathoff auff schlagen lassen/das die Römer seine geschichten, mit allein hörten sonder auch mit den augen anschawen möchten. Die selbige tafel mit sampt andern seinen wyrdigkeiten vnnd eeren/hatt der Römisch radt/darnach hinweg gethan. Es waren auch sunst anndere streytt mer / inn denen er mit seynem selbs leybauch manlich gestrytten/ vnnd dermaß angezeyget hatt/
Darnach

Darnach ist er inn zufallung der wyntterzeit mit vyl gefangnen/vñ mit grof-
 ser gewonnenen peut vnd raub/wyder inn Ungern gezogen. Vnd in der stat
 Syerium (die dann die gröſt inn dem ſelbigen land iſt) da hat er ſein wynt-
 terläger/vnd ſich auff den gleng wyderumb zum aufzug gerüſt gehept. Inn
 dem er den Teutſchen eben das trowt/das man im wol getrawt / das er alle
 Teutſchen vnd Barbariſche völkler aufreüten/vnd vnz an das Oceanisch
 meer vnder ſeinen gewalt pringen wolt. Inn den kriegs hendlen hat er ſich
 alſo gehalten/das er in ſeinen manlichen vnd Ritterlichen gethaten/die höch-
 ſte ehre erlangt (wo er nicht den ſeinen vil mer ſchaden/dann den ſeynden zu
 gefügt hett) Dann was mochte es doch nutz pringen/das er die ſeynd vmb-
 pracht/ſo er doch vil mer inn der ſtatt Rom/denen alle Nationen vnderwor-
 fen ſeind/ertödtet ließ? Was mochten auch der raub vnd die gefangnen für
 ſtand thün/dieweil die reychen Römer irer hab vnd güter täglichs beraubt
 vnd entſetzt wurden? Wann inen allen was nicht allein ir freyheit entzogen
 ſonder den verſchwehern aller müßwil zu gelaffen/das ſy meniglichen/wer
 inen geſiel/hinder gan/vnd auff die ſelbigen (ſo das not war) die laſter von
 iren voreltern her/daran ſye vnz auff die zeit nie ergriffen aufftrechen mocht-
 ten. Es ward auch ihren keinem gar nichts nach gelaffen/der nit von ſtund
 an für ſchuldig geachtet/vnd darumb von aller ſeiner hab vnd güt vertriben
 ward. Die man vor dreyen tagen die aller reychſteinn geſchertz/die hat man
 darnach gleich geſehen (als bettler) das almüſen heiſchen. Sihe zu/ein ſolich
 geizigkeit vnd Tyranny entſtand/das die Ritter mit vberflüſſigen gabenn
 reich gemacht wurden. Zu dem waren ſeine oren offen gegen allen laſtern vñ
 vngerechtigkeiten/alſo das er gar niemants/weder vñ alter noch anderer vr-
 ſach halb der eren ſchonte. Wan er beualch ſeinem heer/dz ſy ir vil Lant uögt
 vñ verſeher der Prouingen (wiewol die radtsherrn vñ Triumphiſche män-
 ner/vñ doch von der aller ſchmelſten vrſach wegen verſagt warn) vnuerſehē
 lich gefencklich annemē/von den ſelben alle ir dienſtleut abſondern/vñ ſy alſo
 einzig auff wägen ſetzen/vñ zu im pringen ſolten. Die ſelbigen ließ er alſo vñ
 Orient dem auffgang der Sonen/auch von nidergang der Sonen/vñ ſo es
 ſich begab vñ Mittag her/on allē verzug ſo tag vñ nacht zu im in Ungern fürē
 da er dan derzeit wonet/das elbs ließ er ſy irer wyrd vñ zierd noch mer berau-
 bē/vñ nach läger verſpotig eintweders tödtē/oß ſunſt in dz ellend verſchickē
 Vñ ſo lang iren keiner die ſelbige ſchmach leiden/müſten doch ir geſchlecht/ge-
 sypten vñ verwanten nit wenigens dz auch entgeltē/des ſich dan dz volck/vñ
 gmeyn man nit vil annam/ Wan die widerwertigen ſachē der reychen leut/
 werden nit allein vom gemeinen man verlegen/ſonder ſo ſeind etlich vnder dē
 gemeynen volck/die ſich mit vntrewen valſchen gemüt/vnd auß ſonderm nei-
 dede der reychen vñnd mächtigen menſchen vnſals frewen. Nach dem aber
 Mariminus vaſt vil reicher männer vñ geſchlechten der mas zu armüt pracht
 ſo hat er doch das für ein klein vñ ringe ſach geſchertz/vñ dz im ſollichs ſein be-
 gürlichkeit/nit erſettigē mocht/Darum ſo richtet er ſein gemüt zu den gemeinē
 ſchätzen vñ reychthum/vñ alles gelt dz von der Burger ſteur oß gemeinē jar-
 gülten zuſamē gſamlet/oß das vñdz gemein volck zu verteilē/vorhandē wz/
 k iij Deſgleichen

Das Sibent Buch

Desgleichen alles das auff die Spylheüser / vnnnd zü den hochzeitlichen fest-
 en/verordnet was/das nam er alles gar zü seinen handen. Zü dem aller tem-
 pel gaben/die seülen/die den götten vnnnd grossen herzen / zü eeren auffgericht
 waren/vnd alles das sunst eins gemeinen wercks oder stattzierde sein mocht
 Item alles das zü gelt zü vermünzen geschickt was / Dis alles hatt er yhm
 feür zergiesen vnd schmelzen lassen/damit das gemüt des gemainen volcks/
 zum ersten vnlustig/vnd deshalb ein gemeiner schmerz vnd trawren gemach-
 et werde/die weil sy on alle streit vnd waffen/die statt Rom/dermaß beraub-
 ten vnd mishandlen sahen/als ob die mit dem sturm vnd streyt erobert wer-
 den wurden ihr etlich von gemainem volck dermaß bewegt/das sye vnder-
 stünden die Tempel zü beschirmen/inn dem sy vil lieber wolten/vor den altar-
 en der vntödtlichen gött/todt ligen/dann den raub des vatterlands der ge-
 stalt sehen vnd dilden. Auß dem wurden die gemeit/des gemeinen volcks/in
 allen Nationen vnd stetten/allermerst zü vnwillen pracht. Darzū mochten
 es auch sein kriegsleüt nit wol mit willen leiden/die weil inen jr gesypten vnd
 verwanten/stets auffhåben vnd verweisen /dases jr schuld wer/das Mari-
 minus dise böse sachen volpracht. Darumb seind dis nit die kleinsten vsachen
 gewesen/die das volck zü seinem haß vnnnd abfallen gereizt haben/ Wann sy
 waren allermerst geflossen/ire Gött heim züsüchen vnd zü vereeren/darumb
 sy jr beraubung fast beweint haben. Inn dem sich nu niemants thorst erzeüge
 dise ding zü rechen/vnz das er drey jar der gestalt regiert/vnd aber die Affri-
 canischen (dieweil der Tyrannen sachen schlupfferig vnd vnbestendig seind)
 ein kleine vnnnd ringe vsach hetten/da namen sye die waffen zü handen vnd
 fielen von jm ab/auff dise meinung. Es was ein landuogt zü Carthago/der
 dann inn aller grymie vnd hertigkeit nichts vngethan ließ/der selbig hatt mit
 verdammung der menschen/vnd mit zü samen samlung vil gelts / des Keyfers
 gunst ganz erlangt. Wann Maximinus het alle die ließ/die er wiste/grymie
 vnd seins gemüts sein. Darumb alle die sich flyssen/sein Schatzkamer zü spei-
 sen/ob sy gleich wol from waren (das doch selten geschicht) die weichen vonn
 iren ämptern ab/oder wurden von gegenwertiger sachen erschreckt/die weil
 sy seiner geyttigkeit güt wissen hetten/das sye auch den andern wider jr wil-
 len nachuolgten. Deshalben der selb Affricanisch Amptman vnnnd verseher/
 wie wol er sunst vil freueler sachen begangen/so hat er von ettlichen junglin-
 gen vom Adel erporē/die er mit seiner schatzung hindergange/von stund an/dz
 gelt erfordert/vnd sy vnderstanden/von irem vätterlichen erb vnnnd gütt zü
 dryngen/Da von dann die edlen jüngling fast bewegt worden seind/doch ver-
 sprachen sy jm das gelt zü geben/darzū sy nit mer dan drey tag zyl begerten.
 Dazwischen vereinten sy sich/vñ schwüren ein pündtnus züsamen /mit allen
 denen/die etwas vnpillichs vñ der gleichen erlitten heten/oder die sich besorg-
 ten/künfftiglich der gleichen zü leiden/damit gaben sy iren vnderthanen auß
 dem land/beuelch/dz sy nachts mit jrē kolben vñ ärtē/bey inē sein soltē/Dye
 selben waren dem gepott irer herin geboresam/vñ gleich morgens frū vor tag
 waren sy inn der statt/vnnnd verdeckten ire gewer vnnnd woffen/vnder ihrer
 kleidung/vnd kam dermaß ein groß volck züsamen (dann das land Affrica/
 hat vil schönes volcks/vnnnd der zeyt ganz vil bew vnnnd Ackerleüt gehebt)
 In dem

In dem nu jezo der tag herprach/da beualhen die edlen jüngling in vnder thanen/vnd den scharen irer knecht/das sy inen auff dem fäß nachgan soltē/ als ob sy sunst vom gemeinen volck weren/vnd sich erzaigen/als ob sy inen nichts zū gehörte. Darzū solten sy ir waffen vnd geweer nicht ehe prauchen noch entplößen/sye sehen dann zūvor/das sy der amptman oder sein Ritter vberfallen/vnd sträfele hend an sy legen wolten/das dan bald beschehen wurde. Also giengen sy mit verdeckten iren schwertern vnd tegan zū dem selben Landtuogt/als ob sy im mit zalung des auffgelegten gelts vergnügen thūn wolten/ den sy also von stund an (als er des nit warten was) ertödtet/ des haben seine Ritter vnd diener ir geweer auch gezuckt/vnd iren herren begert zū rechen. In dem haben sy die land vñ Paursleut mit iren kolben vnd arten vnderlossen/vnd manlich für ire herren gestriten/sye damit leichtlich inn die flucht geschlagen. Als nu den Edelleuten die sache dermaß gelungen/vnd sy einiſt so fräselich gehandelt/haben sy gedacht das ir genesen vnd heyl begangner that halb/ allein in dem stand/das sy noch ettwas größers begienzen. Deshalb entschlossen sy sich eingemeinenn regierer vber die ganz Prouinz auffzwerffen/vnd das volck zū reizen/von dem Keyser abzefalle/das wisten sy inen wol hienor güt zū sin gewesen sein/von has wegen gegen Maximino/vnd das sy vnz her mit der forcht hinderhalten weren. Darumb seyndt sy in finstere der nacht zū dem hauß des eltern Bürgermeisters komen/das ist gewesen Gordianus/der sein Bürgermeisterthumb inn dem achtzigsten Jar seins alters erlangt/der auch darvor in vil Prouinzen geregirt/vñ inn den größten hendlen/geschafft vnd aufrichtung gehept hat / Darum ver meinten sy in leichtlich zū bereden/das Keyserthumb anzenemenn / als ein auffsteygung vnd erhöhung seiner vorigen wyrdigkeit/Das er auch dem Römischen Rath vnd volck/ein angenemer Keyser sein wurde/dieweil er doch vber das er von durchlechtigem geschlecht erporen/mit erlangung seiner vil saltigen eere/gleich als von einer stafflen zū der andern/vnz zū dem Keyserthumb auffgestygen were. Inn der zeyt als die sachen gehandelt wurden / begab sich/das Gordianus daheim inn seinem hauß müſſig saße / inn dem er alle arbeit auffgeschoben/vnd alle sachen angehenckt hat. Darum kamen die edlen jüngling mit ihren schwertern/vnd einer grossen mennge volck vmbgeben/sy triben im sein thürhüter hindan/vñ vberfielen das hauß mit einer vngestüme/inn dem sy in auff seinem beth funden rüwen lygen/Daselbs vñ gaben sy gleich den alten man/dem theten sy seyden gewand an / vñ begrüßte in mit keyserlicher vererung. Der selbig erschraack vñ diser schnellen sache vñ meint das sollichs mit betrug auf in erdacht were/darum fiel er vom beth auff das erdtrich/vñ bat sy doch seins alters zū schonen/dieweil sie nichts vn pillichs von im geliten heten. Auch solten sie dem keyser ir trew vnd glauben stät halten. Da sy aber in vmbstanden/vnd ploſſe schwerter inn iren henden hetten/vnd Gordianus zum teyl forcht halb/auch das im ir fürnemē vnwiſſend/was doch der handel oder diß schnellen glücks bewegung vñ vrsach were/da stünde einer von den jünglingē herfür/der die andern an dem adel vnd mit der red fürtraff/der hieß die andern all schweyge vñ rüwig seint/mit dem fasset er sein schwert in die recht hand/vñ redt auff nachvolgend meynung.

Dir wirt

Das Sibent büch

Dir wirt not sein/das du außser zweyen schäden/in dem der ein gegenwertig/vnd offenbar/der ander villeicht künfftig/vnd eins zweyffelhaften außgangs ist/auff disen tag deren einen erwelest/eintweders/das du vns/vnnd dich selbs beschyrmst/vnd ein bessere hoffnung/der wir vns all trösten mügen/an dich fassst/oder aber gleich yetzo von vnsern henden sterbest. Wo du dann das besser erwelest/so seind vil steur vnnd hilff zu guter hoffnung/dann du magst damit/dem Marimino die aller schandtlicheß vnnd grymste sucht seiner Tyranny hinweg thun/vnd dein leben/das du hienor erlich herprach hast/mit grossem lob vnd rümpfieren vnd meren/darzu von dem Römischen radt vnd volck die aller gröste wyrd vnd eere erlangen. So du aber das abschlagen/vnd mit vns zusamen zu schweren mit gleich gebellen/so wolten wir dich gleich von stund an erschlagen/vnd wir selbs (obs es not wurd) nach deinem todtschlag von deinet wegen auch sterben. Dann wir haben gar vil ein grössere sach begangen/dann das wir on ein verwegenheit sicher sein mügen. Es ligt schon yetz des Tyrannen diener einer/der seiner grymigkeit billichen lon empfangen/wann er hat kurz hienor/von vnsern henden den tod leyden müssen. Deshalb so du mit vns gebellen/vnd zu vnserm teil der schäden vnd sorg treten wilt/wo du dann die eer des Keiserthumbs erlangst/so mag als dann die sach/die wir volpracht haben/vnns mer zu lobe/dann straff wyrdig geschetzt werden. Die weil diser Jüngling das also geredt hatt/dye vbrige menge volcks des verzugs ein verdruf hebet/vnnd sind dazwischen inn der statt allenthalb daraffter gelauffen/vnd das Gordianus ein Keiser erwelet sey/an allen orten aufgerufft. Wiewol sich nu Gordianus im anfang gewert vnd sein alter angezeigt/so hat er doch solliches (als er von eigener natur/der eeren begyrt was) zu lest nicht vngern angenommen/vnd wolt lieber hernach/den künfftigen/dann yetzund den gegenwertigen schaden auffnehmen. Zu dem so maint er/das nicht abzuschlagen sein/dieweil er eines sollichen alters were (obs gleich wol die sach dermaß erhiesch) das er inn der Keyserlichen wyrd vnd eere sturbe. Darumb empört sich das ganz Affrica/vnnd vil stett darinn/die entzugen Marimino alle eere/vnnd schlugen die bildnus Gordiani/an statt der selben auff/dem sye auch zu eeren/seülen auffrichtent/Auch haben sye ihn nach irem land Affricanum genant. Wann die inn Lybien gegen mittag wonen/die werden nach Römischer sprach/Affri genant. Gordianus wonet erlich tag inn der statt Thystri/inn deren sich dise sach begeben/auch het er den namen vnd alle zierde des Keyfers an im/darinn zoch er inn die hauptstat Carthago/damit inn gröster vnnd löblichsten statt/alle sachen wie zu Rom gehandelt wurden. (Wann dise stat gab der statt Rom allein noch an reychtumb/an menge des volcks/vnd an grösse/Aber mit der Egyptischen Stat Alexandria/stünd sie inn gleychem lobe) Inn dem folget ihm nach ein Keyserlicher pracht/alle besolten ritter/die zu gegen/defgleich en alle Jüngling/der Statt/dye vonn leyb gerad vnnd starck waren/vmbgaben ihn inn aller maß/woye die Leybskütter den Keyser zu Rom belaytent. Item ihm wurden vorgetragen dye syghastten öst der Lorberbeum/darinn

darin daß die Keyser vor andern leuten erkandt werden / zu dem auch das
 feir / wie gewöhelt ist / also dz dardurch anzeigt wurd / das sich die stat Car-
 thago der stat Rom / noch inn kurzer zeyt mit dem glück vergleichen möch-
 te. Gordianus hatt vyl brieff zu den fürnemsten Römern gesendet / vnnnd
 zu den öbristen radts herin / deren vil sein freund vn verwante waren / Sunst
 hat er dem Rath vnd Römischen volck offentlich geschryben / vnd zu verstan-
 den die hertigkeit Maximini verklagt / vnd dieweyl er mercket meniglich darab
 ein vnwillen vnd verdruß haben / so versprach er inen dargegen / das er zu al-
 ler miltigkeit geneigt sein / vnd wolt alle verretter vnd klaffer inn das ellendt
 verschicken / vnnnd den ihenen / die mit falschem gericht verdampft vnd verur-
 theylt weren zu zelassen / sich mit erberem gericht vnd recht widerumb zu ent-
 schuldigen / Das auch alle vertrybne burger auß dem ellendt wyder inn das
 vaterland komen soltē. Zu dem wolt er den Rittern mer solds geben / daß ih-
 ren nye keyner vor im geben hett / Desgleichen auch vnsegligh frucht vnder dz
 gemeyn volck theilen. In dem verschüffe er auch Vitalianum / den vogt des
 richthauses der stat Rom / als ein grymmen herten menschen / vnd der Ma-
 ximino deshalb am aller angenehmsten vn liebsten was / in der stat zu ertö-
 den / Wann er forget / wo im der selb inn seinen anfangen zu vast widerstand
 thün / das er damit die vbrigen auch erschrecken / vnnnd von ihm abwenden
 wurd. Damit schickt er nach dem Schatzmeyster in der Prouinz / der was
 der aller durstigst jüngling / darzu von leyß starck vnd gerad / noch in frecher
 plüsender jugent / vnd geschickt alle not vnd sorg von seintwegen außzerichtē.
 Dem gabe er ettlich vortmeister vn kriegsleut zu / Desgleichen vberantwort
 er im auch brieff mit zwyschen syglen bewart / dardurch die Keyser gwont
 waren etwas heimlichs oder hällings anzuzeigen. Den selbigen befalch er sich
 vor tags inn die stat Rom zu sügen / vnnnd dieweil Vitallianus inn seinen
 hendlen vnd geschäften noch vnmissig were / zu ihm inn sein gemach zegon /
 darinn er dann alle heimlichen sachen / die dem Maximino zu nutz vnd from-
 men dienten außzerichten gewonet was / Vnd das sie sagen solten / wie sie
 heimlich brieffe von Maximino dem Keyser an ihne gestelt / bey handen /
 Vnd hetten aber auch darbey beuelch / zu mehrer sicherheit des Keyfers /
 von den selbigen sachen / mit munde heimlich mit ihm zu reden. Darumb
 so er seyne dyener ab hiesse dretten / woltenn sye ihm des Keyfers ernstlich
 Mandaten vnd beuelch auch entdecken / Vnnnd dyeweyl sye ihn inn besichti-
 gung vnd erkenung der geschryfft / vnderschrift / sygel vn zaichen geschafft
 sein / sehen wurden / so solten sye ihn mit den schwerdten / die sye verporgett
 vnder ihren kleydern trügen / vngewarnter sachen durchstechen. Dis als
 les ist ihnen nach seinem willen vnnnd anschlag geradten vnd fürgangen.
 Wan als sye vor tag in die stat kamen / vnnnd zu der zeit als er gewonlich her
 für gieng / da funden sye in gar nach allein / daß es stünden in noch wenig bey
 im / auch so warn die andern noch nicht komen / desgleichen ettlich nach auß-
 richtung ires geschäfts / genuertigt vnd abgewichen / ehe daß es gang tag war-
 de. Darumb vnd als er müßig saß vnd inen wenig vor dem gemach stünden /
 da haben

Das Sibent büch

Da haben sy im das alles wie oben gemelt fürgehalten/ deshalb wurden sy bald hinein gelassen. Vnd als sy im die brieff gepotten/ vnder die selbigen an iren zeichen fleissig gesehen/ da haben sy ihn mit herfür gezogenen schwerten durchstochen/ vnd sind darnach durch die andern darvon getrunken/ die dan lere hend vnd kein gewer hetten/ darumb sy inen allenthalben wichen. Dan sye mainten dz auß beuelch des Keyfers/ dermaß volpracht sein/ die weil er zu mer maln also handlê lief/ wiß die/ so im danor die aller ließte warê. Darnach giengê sy die heilig straf/ vñ eröffneten/ dē gemainê volck die brieff Gordiani/ auch vberantwortê sy die brieff/ die von im/ an die radsherrn vñ andre geschriben warê/ vñ lieffen damit ein geschrey aufgeen/ dz Maximinus erschlagê wer. So bald dz selb gehôrt/ ist vō stund an/ alles volck gleich den wüttendē durch einander geloffen/ vñ wiewol dz gemein volck newerung zū machê allenthalbê geneigt vñ leichtuertig/ so ist doch das allermerst in dem Rômischen gemeinen volck/ die weil das ein grosse menge vnd allenthalben her versamlet/ deshalb ben vor allen andern dest beweglicher darzū ist. Darumb sind von stund an/ alle seilen vnd byldnussen Marimini/ auch all ander sein eer vñnd zierde/ zū vñd abgethan/ damit haben sy den neid (der danor von forcht wegen beschloß sen gewesen/ mit erlangūg diß gwalts/ on menigklichs entweren) aufgelaßen. Der radt kam zū samen/ vnd wiewol sy der sachen nit gewiß waren/ so haben sy doch von der gegenwertigen sache wegê/ et was geargt wonet/ im damit all sein eer abgetilct/ vñ Gordianum sampt seinem sun/ zū Keysern erkant. Darnach seind gleich alle verretter vnd verschwezer abweg gewichen vnd geflohen/ oder von den ihenen/ die sy hienor geschedit gethebt/ erschlagen worden. Aber seine Amptleut vñ procuratores/ die nach seiner grymigkeit das gericht vnd recht besessen/ die haben das gemain volck erwischt/ vnd in die Sprach/ heüßer oder heimlich gemach geworffen/ vnder denen seind vil vñschuldiger ertôdt worden. Wan es hat ein yeder den ihenen/ dem er schuldig/ oder ihm sunst gehaß was/ wie dann yeglicher/ ihren yeden vñb kleiner vsach willen geneydet/ dem hat er inn sein hauß prochen/ vñnd mit entraubung seins gûts darzū erschlagen. Also haben sy inn gestalt der freyheit/ diße burgerliche krieg vñd todtschleg volpracht. Vnd als Sabinus der stattuogt das vñderstünd zeweren/ da haben sy ine mit einem kolben an sein haupt geschlagen/ vñd auch ertôdtet/ diß hat das gemain volck gehandelt. Aber der ganz radt/ die weyl er yetzo die sorg auff sich genommen/ da hat der selb gedacht/ vonn der forcht wegen Marimini/ das sy nichts vnderwegen lassen solten/ damit sye dye prouingen vñd land bewegen möchten/ von dem Marimino abzūfallen. Darum schickten sy jr Legation vñd botschaften/ zū den amptleutten vñd regierern der prouingen. Sy eruelten auß den radsherrn/ vñnd dem Adel/ die aller löblichsten menner/ dye den selbigen mit sampt den Brieffen/ des radts vñnd Rômischen volcks meinung eröffnen/ vñd die Lantvôgt ermanen/ das sy das gemein vatterland ansehen/ vñd den Rômischen radthoff beschirmen solten/ Das sy auch dabey den Nationē vñd völkern radten/ das sy dem Rômischen volck/ des doch die herschung vorzeiten eigentlich gewesen were/ desgleichen das aller eltest recht der freündtschafft/ dye von den alten auffgesetzt/ ihnen traw vñd

traw vnnnd glauben halten/auch darin bestendig pleyben solten/Deshalb haben iren vil die Legationen mit willen angenommen/vnd ir volck zu dem abfallen gereizt/das auch zu thun nicht schwer was/dann es warenn alle menschen dem Maximino so ganz seind vnd abhold/das sye alle die von Maximino gwalt gehept/von stund an erschlagen haben/vnd syelen sie zu den Römern. Doch seindt ihren etlich/aber wenig befunden/vonn denen die Legaten/die zu ihnen gesendet/ertödtet wurden/oder haben aber sunst die selbigen mit einer zagebnen hüt/gesencklich Maximino zu geschickt/von dem sy dann auch mit grösserer peyn vnd marter getödtet/Diſ was der statt Rom will/gemüt vnd fürnemen. Nach dem aber das dem Maximino verkündet/wie wol er vast traurig vnd sorgueltig darüber gewesen ist/so hat er doch dergleichen than/als ob er das alles verachtet/darmit den ersten vnnnd andern tage allein mit seinen freunden inn geheim darüber geradten. Wiewol nu dazwischen das ganz heer/vnd menigklich des selben lands/das auch dermaſ vernommen/vnd sich ir gemüth/von der so grossen vnd trefflichen neüwen sache wegen etlicher maſ erhept/so hat doch ein jeder für sich selbs geschwygen/vñ all der gleychen gethan/als ob sye vonn gar niemands nichts wissen/Dann die vordt Maximini was so groß/das im nichts verporgen pleyb/wann er nam nicht allein aller mensche red acht/sonder auch eins jeden geperd/nicken vnd wincken/desgleichen hett er ein sonder auffmerckung auff iren mund/Am dritten tag berüſſet er die Ritter vnd Kriegslent all für die statt hinauß auff das selde/daselbs steig er auff den stül/vnnnd auß einem büchlin/redt er zu ihnen auff diſe meynung/die im von seinen freunden zusamen gesetzt was. Ich weiß das ich euch etwas neues vnd vngleublichs sagen wurd/das aber (als ich acht) nicht so gröſſlich zu verwundern/so vyl das schympfflich vnnnd spöttlich ist. Es fügen euch die Teutschen kein waffen zu/die doch oft vbererwunden/Noch die Sarmatae (das seyndt die Polender vnd prussen) mit irem anhang/die vnns doch teglichs vmb den fryden bitten/Desgleichen auch nicht die Persier/die vor langem Mesopotamiam vberzogen haben/vñ jezo rüwlig daheim inn ihrem landt pleyben/das sycht sy für güt an/dieweil sye wissen das euwer glori vnd ehre inn den waffen zunympt/vnd was sachen vonn mir volpracht/das sye gütter maſ wol innen worden seyndt/all ich zu beschyrmunge der anstöß/vber das selb heere ein Hauptman gewesen bin. Aber darmit ich nicht noch ettwas schimpfflichers sag/die Carthaginenser wünten mit auffrür/vnnnd haben den aller vnsegllichsten alten mann/(der jezo von alters wegen in die aberwyrt gadt) zu ein Keyser auff geworffen (doch ist ein zweyfel daran/ob das mit seinem rathe vnnnd willen beschehen/odder ob er darzu gezwungen sey)vnd verspotten dermaſ das Keyserthumb/als ob das inn einem schymffspyl vnnnd Pomp gescheh. Auß was heer mögen sye sich doch verlassen/dieweyl bey ihnen die Statknecht vnnnd Hencker/dem dienst eins Ratsherin gnüg thun mögen? Oder was waffen wollen sye prauchen/dieweyl sye wenig schweynspieß/vnnnd die sy wider die wylden thier prauchen/vnd sunst kein pfeil noch waffen/sonder für die streitlich übung nichts anders dann tanz vnnnd reyhen haben:vnnnd verlassen sich

Das Sibent Buch

allein auff freuele reden/vnnd vile des volcks. Es sollen euch auch die sachen nit erschrecken/die gesagt werden/in der statt Rom gehandelt sein. Dañ Di-
talianus ist mit auff sag vnd betrug ertödet worden/so ist euch am forderstē
zū wissen/wie das Römisch volck/so eins leichtuertigen vnstanthafften syñs
das ist zū dem geschrey geschickt/on alle manheit. Vnnd so bald sy zwen oder
drey gewapneter ritter sehen/so ist inen so not zū fliehen/das ye einer den an-
dern zū hauff stoßt/vnd sorgt ein yeder seins schadens allein/damit vergessen
sy des gemainen nutz gar. Wo euch dann yemants anzeigt/was inn dem radt
gehandlet/das ist nit zū verwundern/dann die weil inen vnser enthaltung vn
ritterlicher stand so hert anligt/darumb das ire sytten vnd vppigs leben/vns
keins wegs fürtreffen mag/wann bey inen werden die manlichen vnd dapf-
fern thaten für ein hertigkeit/vnd dargegen die gsarlessigen mätwilligen sa-
chen/für ein wollust vnd miltigkeit gerechnet. Deshalben so fürchten sye vn-
ser regieren(wie wol doch die geschickt vnd mässig ist) vnnd haben in dem le-
ben Gordiani/ein wolgefallen gehept/welliches lebens bösen leümden/euch
doch auch nit verporren sein mag. Darumb jr mein liebsten ritter/wider di-
se vnd der gleichen leüt werden jr krieg führen(ob ja solichs ein krieg genennet
werden sol) Wann als mich ansicht/vnnd ihr selbs wol achten/so mügen wir
kaum in Italien kommen/so wirt das grösser vnd den meren theil/mit fürtra-
gung der öst/vñ anzeigung irer kind vns vndertheniglich zū fass fallen/oder
aber forcht halb sich mit der flucht darvon machen. Damit sye mir ein freyen
willenzūstellen/euch ire güter einzegeben/deren jr inn ewigkeit genießten mü-
gen. Als er das geredt/vñ sunst vil schmits vnd trowort gegen der stat Rom
vnd dem radt geprauchet/auch seine hend mit einem trowen/ gegen inen auß-
gestreckt/deglichen mit einem traglichen angesicht vnd zū gepisnen munde
(als ob sie gegenwertig weren) sich ganz zornwehe erzeigt/hat er damit/den
zugt in Italien verkündet. Vnd nach dem er dem heer grossen sold geben/vñ
allein einen tag geharret/hat er sich auff den weg gemacht/das gang heere/
vnd all Römische rorten/mit im geführt/im folget auch ein grosse sum volcks
nach/von den Teütschen/die nit zūverachten warn/die er mit dem streit vber
wunden/oder sunst mit freündtschafft im zū gefelt het. Er nam auch mit im/
alle streit vnd sturmzeug/die er zū bestreitung der Barbarischen stett/zū ge-
rüst het/darumb volpracht er den weg/so vil deßter langsamer/vmb der we-
gen vnd ander sach willen/das im allenthalt her zūgeführt ward. Dann dye
weil im der zuge schnell vnd vnuersehen zūgestanden/was gang nichts darzū
gerüst/als er dann sunst gewonlich thet/vnd ward mit der eyl/on ordnung/
alles das bestellt/das den rittern vnd dem heer not was. Darumb sagt er im
für/die Vngerischen hauffen vn rorten voranhin zūschicken/die weil er aller
merst vertrauen auff sy sagt/das sye ine zum ersten als ein Keyser gegrüst/
hätten auch begert/vmb seintwillen alle arbeit vnd not zūleiden. Deshalb be-
falch er den selbigen/das sy vor allem heer hinziehen/vnnd das land Italien
vngewart vberfallen solten. Inn dem nu Maximinus vnder wegen was/
dazwischen die sach zū Carthago/seinthalb wider all hoff widerumb zū güt-
tem vnd glücklichem stand kommen. Wann es was Cappellianus auß dem ge-
schlecht vnd

schlecht vnd stande der Rattsherin/inn dem landt Mauritania ein Landt
 uogt/das den Römern vnderworffen/vnnd von ihnen Numidien genant/
 Das selbig landt was mit einem heere vnd kriegsvolck versehen vnd bewa-
 ret/die daselb von dem vberfallen vnd schädigen der außlendigen beschirmtē
 darumb hett er nicht ein kleine macht von kriegsvolck bey ihm. Gegen dy-
 sem Cappelliano hatt Gordianus hienor sonderlich zwittracht vnd seynde
 schafft gehept/das sye einander ganz gehaß waren/defhalb so bald Gordia-
 nus den Keyserlichen namen erlangt/da hatt er dem selbigen ein nachkom-
 menden Landtuoget geschickt/vnd ihm gepoten auß der Prouinz abzewey-
 chen/Darvon wurde Cappellianus vast erzürnet/auch was er dem Keyser
 Maximino ganz getrewe/dieweyl er die Landtuogetey vonn dem selben em-
 pfangen/Darumb berüfft er sein ganz heer zusamen/den selbigen riet er/dz
 sy ir trew vnd eid stet halten/Mit denen zog er auff Carthago zu/vnd füret
 vast grosse hauffen vnd rotten kriegsleut mit im/vnd inn sonders von solli-
 chen mannen/die noch an jugent vnd stercke grüntē/die auch in allen gewes-
 ren vnd waffen der Ritterschafft vnd kriegs hendel vast wol erfahren vnd ge-
 übt/auch auß gewonheit der streyt (die sye wyder die außlendigen stets ge-
 praucht) zu der veldtschlacht vast wol geschickt vnd gerüst waren. Nach
 dem aber dem Gordiano verkündet ward/wie der obgenant Cappellianus
 der statt Carthago zūzuge/da wurde er mit grossen engsten beladen/def-
 gleichen die Carthaginenser all erschreckt/als die ihnen/die mehr inn vyle
 des volcks/dann in ordnung des heeres/die hoffnung des sygs sagten/def-
 halb sieleinn sye mit einander zū der statt hinauf/vnnd zugen Cappelliano
 entgegen. Aber der alt Gordianus (ails etlich sagen) so bald er sye sach da
 herziehen/vnd das Cappellianus so ein grosse macht bey ihm/vnnd er dar-
 gegen inn Affrica nichts hett/da verzweyfelt er an allen sachen dermaß/das
 er sich an einem strick selbs erbienge. Doch so hatt die menge des volcks sey-
 nen tod verhället/vnnd den sun an seiner statt zū einem Hauptman erwelet/
 vnd dergestalt zum angriff kommen. Der Carthaginenser waren an der
 zal gar vyl mehr dann der andern. Aber on ordnung vnnd der kriegs hen-
 del ganz nichts bericht/Wann sye waren inn allem fryden auffgezogen/vnd
 allein der hochzeyt vnnd wolust gewont/darzu ann harnisch ploß/vnnd on
 allen streyt gezeug/Vnd hat ein jeder inn seinem hauf das nechst gewehr er-
 griffen/aintweder ein lanngen spieß/ein art/ein schweynspieß/odder wol
 gespyzte spieß/vnnd was ein yeder scharpffs zū beschirmunge seins leybs er-
 greyffen mocht. Dargegen so waren die Numidischen schützen die aller bes-
 ten/vnd inn der reüterey/vnd ritterschafft die aller erfarnsten/also das sye
 auch die vngezempten ros allein mit einem rüttlin regierten. Defhalb was
 der Carthaginenser volck gar leichtlich inn ein flucht zū wenden/Wann sye
 mochten ihrem angriff nicht gestan/sonder wurffen all ihr geweere vonn ih-
 nen/vnnd sluben mit hauffen darvon. Inn dem vberfiel vnd vbertrang sie ey-
 ner den andern/das sye ihnen selbs vyl schedlicher waren/dann die seynde.
 Daselbs ist auch der sun Gordiani erschlagen/mit allen denen die im anhiengen/
 also das sy von der grossen hauffen wegen der erschlagne/zū der begrebd
 nicht erkennt/noch der leib Gordiani auch nicht mochte gefunden werden.

Mauritania
 Numidia

Das Sibent büch

Iren sind wenig von der grosse menge in die stat Koffien/ Etlich lieffen neben
 auß vnd verschluffen sich/ in die berg vnd hülen wie sy mochten / Die vbrigen
 als sy eilten ye einer vor dem andern inn dye statt zekommen/ da wurden sye/
 von den Numidischen schützen/ vnd den andern gewapneten rittern erschla-
 gen vnd erschossen/ mit grossem schreyen vnd weinen der frawen vnd kind/
 vor dern augen jr aller liebsten freünd vmbpracht wurden. Es sind etlich die
 sagen/ so bald Gordiano verkündt (der dann vmb seines alters willen inn der
 statt pliben) das Cappellianus yezo in der statt / were er in ein verzweyffel-
 ten gemüt/ in seinen sal gangen (als ob er sich schlaffen legen wolt) vnnnd hett
 damit den gürtel / den er vmbgehebt/ an sein halß gestriekt/ vnd ihm selbs den
 tod angethan. Also hat das leben Gordiani ein end genomen/ der vorhin eyn
 glücklichen stand gefürt/ vnd in dem Keyserthum den abschide genomen hat
 Als aber Cappellianus in die stat Carthago kam/ da lief er yhe den fürnem-
 sten/ der auß der schlacht entrunnen was/ ertödtet. Er enthielt sich auch nit
 inn beraubung der tempel/ oder sunst das gemein oder sonderlich gelt an sich
 züziehen. Darnach zoch er in all andre stet/ die Maximino sein eer entzogen/
 vnd hat in den selbigen/ auch ye die fürtrefflichsten ertödtet/ vnnnd dye andern
 sunst mit grossen beschwerden geplagt. Ir fälder/ land vnd flecken ließ er sein
 heer plündern vnd verpriennen/ in gestalt/ als ob er Maximinum rechen wolt
 Doch versünnet er im damit heimlichen der ritter gemüt/ ob sich begeben/ das
 die sach Marimini walzten/ so wurd er zü erlangung des obersten gewalts
 deßter gütwilliger ritter vnnnd kriegsleüt haben/ Dermaß seind die sachen inn
 Affrica ergangen. Nach dem aber zü Rom gehörit/ wie der alt Gordianus
 tod gewesen/ ist damit dem radt vñ Römischen volck/ ein grosse trübseligkeyt
 zü gestanden/ vnd ein grosse forcht/ die weil sy alle in ine allein/ ihr hoffnunge
 gesetzt hetten/ Wann sy wisten/ das Maximinus nun niemandt mer schonen
 wurd/ die weil er erfahren/ das sy ine für ein frembden/ vnd feind gehalten/ vñ
 das er deshalb mit redlichen vsachen wider sy bewegt was. Darumb kame
 der radt on vnderlaß züsamen/ vnd die weil sy ein mal in die gefertigkeit kom-
 men waren/ da erkanten sy wol vom ganzen handel/ das man sich zum krieg
 rüsten müß. Damit erwelten sy zwen Keyser/ die mit gleichem gewalt regier-
 ten/ das die herschung nit widerumb/ in die Tyranny verkert wurd. Sye
 kamen auch nit im radthoff züsamen (als dann sunst gewonlich geschach) son-
 der inn dem tempel Jupiters vnnnd dem Capitolio (den die Römer vor allen
 andern in den höchsten ehren halten) Daselbs haben sy mit beschloßnen thürē
 allein vor Got/ als dem höchsten zeugen/ beyessen/ vnd anschawer aller ding
 rat/ vñ erwelung gehaltē. Vñ alle die an alter vnd wyrdigkeit fürtraffen/ die
 sünderten sy auff ein ort/ das man seenthalb loß hielt. In dem wurden auß al-
 ler zal zwen/ nemlich Maximus vnd Albinus/ mit vil stymen zü Keysern ge-
 welt/ Vnder disen zwayen / was Maximus zum dickern mal ein hauptman
 gewesen vber die Römischen heer/ darzū ein vogt vber die statt Rom/ die selb-
 en ämpter/ hatt er allzeit eerlich versehen. Darumb hatt er dem gemainen
 volck ein güt hoffnung gemacht/ von seiner synnreychen fürsichtigkeit / vnnnd
 erbern lebens wegen. So was Albinus von radsherlichem/ der alten väter
 vnd edlem geschlecht erporn/ zü dem zweymaln burgermaisser / vnd vber vil
 Provingen

*Maximus
Albinus*

Prouinzen Landtuoget gewesen/on all klag vnd mißfallen seiner vnderthanen/Darumb er an syden der miltter geacht ward. Deshalb wurden sy beyd zu Keysern erwelet/merer des Keychs genent/vnd mit erkennung des gangen Rathes inn all Keyserlich wyrd vnd ere gesetzt. Dieweyl nun die ding inn dem Capitolio verliessen/dazwyschen hat sich das gemein volck erhebt/vnd synd all gemeinlich zu den porten des Capitoliums gelauffen (doch wist man nicht eygentlich/ob sye von den freunden vnd verwanten Gordiani darzu gereizt/oder ob sye durch sich selbs darzu bewegt worden seindt) vñ haben dermaß den weg/den man inn das Capitolium geet / mit vil volckes erfüllt vnd eingenommen/vñnd wurffen also mit steinen gegen dem Capitolio wan inen gefielen die sachen gang nichts/die inn dem Capitolio verhandlet waren/Vñd verachtent doch zu vorderst den Maximinum/vñnd das er zu vil griff vñnd Tyrannisch were/darumb er von ihnen als einem miltten volcke nicht zu dulden were. Sye schryen vñnd sagten auch / das sye die Kaydenn new eruelten Keyser erschlagen / wolten kein anderen Keyser haben / dann von dem geschlechte Gordiani/darmit der Keyserlich name inn dem selben stammen vñnd namen verharren plyn. Aber Albinus vñnd auch Maximus verliessen sich auff die Ritter vñnd Kayfgen/vñnd das sie von der Statt jungen Burgern vñnd mannen/auch der selbigen geweeere vñnd waffen vñ gegeben weren / das sie vnderständenn auß dem Capitolio zegond. Aber sye wurden mit steinen vñnd kolben so lang auffgehalten/vñz das volcke mit nachuolgender meynung gestylt ward. Es was auch ein knabe vorhanden / von der dochter Gordiani erporen / der auch Gordianus nach seynes anheren vñnd großvatters namen genant was / das selbige kneblin / hießen sye zu ihnen bringen. Als nun die boten das kind bey seins gleychen inn dem hauf spylen befunden/haben sye das auff ihr achseln genommen / vñnd mitten durch das volcke getragen/vñnd ihnen das erzagt / vñnd gesagt / das es ein Nyffel vñnd kinds kindt Gordiani were. Sye nenneten in auch stets bey seinem namen/vñz das sye inn das Capitolium kamen. Dazwyschenn schrey das volcke dem jungen Gordiano zu/vñnd bespreyten ihn mit grünen esen. So bald ihn nunder Senat vñnd Rath zu einem Keyser ernennet vñnd erkennt hatt / vñnd aber er von seiner jugent wegen / den gemeinen nutz nicht regierenn mocht / vñd der zorn des volcks erfessen was / da haben sye zu gelassen den alten Keyseren inn den Kayserlichenn Palaste zu ziehen. Es ist aber inn den selben tagen der Statt Rom/auch sunst ein tödtlicher vnfall zugestanden / der dann von zu vil verwegenheit zweyer Radts Herren entsprang / Wann alls man von gemeiner geschafft wegen Rath hielte / da giengen zween Ritter von den anderen kriegsleuten/die Maximinus inn dem Statleger verlassen/vñnd eines ehrlichen alters waren / zu den thüren des Radthoffs/vmb willen zu erfaren/was man handelt / Die waren auch on allenn harnische / vñnd allein mit wappen röckenn bekleydet / Sye stünden also vnder dem anderen volcke / aber die vberigenn plyn herauß vor dem thore/vñnd giengen ihren zween odder drey (so die sache zu hören begiriger waren) hinein inn den Radthoff/also das sye vñnz

Das Sibent büch

für den altar der Göttin Victorie trungen/da selbs was der radsherrn einer/
 der von gepuet ein Carthaginenser vnnnd kurz darnor vom Burgermeyster
 thumb abgestanden. Es was auch sunst noch ein anderer gericht man Mes-
 cenas genant/vnd als sich die ritter vnd kriegsleut des nit versahen/vnd fre-
 hend vnder iren kleidern hielten/da wurden sy von den zweyen vngewart
 erstochen. Wann vmb der stäten auffrüren vnnnd aufflauff willen/trüg der
 gang radt/vnd all radsherrn/schwerter oder tügen an/etlich offenlich/vnd
 etlich verporgen/damit ein jeder sein leib/vor seins feinds auffsez beschirmen
 möcht. Der gestalt seind die ritter vmbpracht/das sy sich vngewarnter sacht/
 nit weren konten/vñ lagen also tod vor den altaren. So bald die andr ritter
 das ersehen/haben sye von dem tod irer mitt Ritter groß trawren vnnnd dazü
 grossen schrecken gehebt. Dann sye sorgten sich auch von des volcks zulauffs
 wegen/die weil sy nit bey irem gewer vnd harnisch waren/defhalb namen sy
 die flucht. Zü dem so sprang Gallicanus vonn stund an auß dem radthoffe/
 enn mitten vnder das volck/den selbigen zeigt er sein hande vnnnd schwert/das
 alles von plüt rot was/vnd ermant damit das gemain volck/das sy des rads
 vnd des Römischen volcks feynd/die freünd vnd diener Maximini/durchäch-
 ten vnnnd ertöden solten. Da von ward das gemayn volck bewegt/das sye
 Gallicanum mit einem frölichen geschrey/inn bedeutung eins güttens willen
 auffnamen/defhalb mit steynen in die kriegsleut geworffen/vnnnd sy gesagt/
 als weyt sy mochten. Da nu die ritter dermaß in iren heerleger kamen/vnd
 iren etlich verwundet waren/da beschlussen sy die porten des legers/vnd mit
 annemung der gewer beschirmten sy die zynnen vnd mauern des legers. Aber
 Gallicanus(die weil er sich der verwegenheit vnderzogen) der het gar nach
 ein Burgerlichen krieg/vnd der jnen allen schedlich vnnnd vnuerkieslich was/
 bewegt/Wann er hieß der stat gmeine zeugheüser auffprechen/in denen doch
 mer der zeug gehalten ward/der zü den schympff spülen/dan zum krieg diene
 auß den selben zeugheüsern/entlehent im ein yeder etwas zü beschirmung sei-
 nes leibs. Er schloß auch die fecht schülen auff/darauf er ein yeden in sonders
 mit harnisch vnd wer versach. Zü dem so rüstet vnnnd mustert er sy mit allem
 dem/das man in den zeug vnd werckheüsern fande/es weren spieß/ärt/oder
 schwert/das alles ward in ein grynnen zorn erwyscht/damit sy sich zusamen
 samleten/zugen also mit geordneten hauffen vnd rotten/gegen dem heer vnd
 stattleger/den vmblegerten sy gleicher weyß/als ob sy ein statt stürmen wol-
 ten. Doch so haben die ritter/als die zü streiten am aller basten bericht warē/
 sich hinder den zynnen vnd schiltten enthalten vnd beschyrmten/auch die menge
 des volcks mit iren langen spießen vnd pfeylen abtriben. Nach dem aber das
 volck yezo müd/der vorfechter am sturm ein gürt heyl verwundet worden/
 vnd der tag zü abent geneigt was/in dem sy sich vereinten abzüziehen/als sy
 auch theten. Die weyl nun die ihm leger/dz gmein volck sahen dermaß ab-
 weychen(wann dye Burger vermainten nicht/das yhren so wenig/vnd der
 steen solten/wider so ein grosse meng des volcks/auf dem leger zü prechen)da
 fielen sy all mit auffgethanē porten heraus/in dz volck/daselbs würdē ire vor-
 fechter gar erschlagen/vñ ein groß teyl von dem gemeinen volck vmbpracht.

Nach

Nachdem sie das gethan/vnd nicht weyth vom leger kommen/seyndt sy wy-
 derhindersich ins leger gewichē/ an jr gewarſame/ Auß der handlung iſt dem
 Rath vnnd Römischen volck noch mer verdruß vnnd vnwillens entſtanden
 Darumb ſo haben ſye auß dem ganzen Italien je die fürnemſten vnnd fröm-
 ſten zū Hauptleuten erwelet/vnnd alle junge mann gemuſtert/vnd inn der
 eyl mit geweren verſehen. Von diſen hat Maximus den gröſſern theil mit
 im genommen/vnd wyder Maximinum zū ſtreytē außgeführt/die vbrigen
 ſeindt der ſtatt zū einer hüt vnnd ſchirm plynen/Dazwylſchen ward täglichs
 bey den mauren des legers geſtürmt/aber on alles verſehen vnnd gar vmb
 ſunſt/dieweyl die Ritter von oben herab den leger manlichen beſchirmten/
 vnnd die menge des volcks mit werffen vnd verwunden ſchantlich abtriben
 Aber Balbinus hielt ſich anheimſch/der lief das volck durch ein ſondern be-
 ſuch bitten vnd ermanen/das ſye ſich mit den Rittern vnd kriegsleuten ver-
 ſünen laſſen ſolten/darumb verſprach er den Ritteren alles das zū verzeihen
 das ſie vnz der zeyt gehandelt hetten. Er mocht aber das ſren kein teyl ge-
 raten/nach darzū bringen/dann die boſheit nam teglichs vberhand/vnd ver-
 droß das Römisch volck aller mereſt/das ſo ein groſſe menge volcks von ſren
 ſo wenigen verachtet werden ſolten.Dargegen aber die Ritter vnd kriegs-
 leut gröſſlich für vbel hetten/das ſie das vonn den Römern ſelbs leyden mü-
 ſten/das ſye doch von den außlendigen keins wegs wartend geweſen weren
 Jezū leſt/als die belegerung nicht fürgang noch end nemen wolt/da ſach die
 Hauptleut für güt an/das man alle waſſer vnd runſ die inn den leger lieſſen
 abſchlagen ſolt/das ſie die Ritter mit mangel des waſſers nörtigte. Darum
 haben ſy alle waſſer von dem leger abgewent. So bald aber die Ritter ſren
 künfftigen ſchaden gemerckt/vnnd an allen dyngen verzweyſſet/da haben
 ſye zū allen porten des legers außgeprochen/die menge des volcks abermals
 angegriffen/vnnd den flüchtigen vnnz inn die ſtatt nach gejaget. Da a-
 ber das volcke mit dyſem ſtreyt auch vnder gelegen/vnnd inn die heuſer ge-
 wichenn iſt/da ſiengenn ſye vonn oben abher mit ziegelen/ſlayenn vnnd
 ſcherben inn die Ritter zū werffen/vnnd ſye zū ſchedigen. Nach dem ſich
 nun die von dem leger inn die vnſekanten heuſer nicht wagen dorſten/die
 weyl die ſelben vnnd auch die wirtsheuſer beſchloſſen waren/da habenn ſye
 vonn ſtund an zū den thüren der heuſer vnnd zū dem holzwerck (deren dan
 vyl inn der ſtatt Rom ſeynd) vyl ſewres geworffen. So bald das geſche-
 henn/iſt ein güt theyl der ſtatt verprant. Zum theyl die eynzigen ſonno-
 dern heuſer/vnnd die ſunſt mit holzwercke gemachet waren/vnnd ſeyndt
 damit ihren vyl reycher burger zū armüt kommen/die ſhr groſſe vnnd treff-
 liche behauſunge vnnd ſrge verluren/die an ihnen ſelbs nuzlich/ſcheynlich/
 vnnd von manigerlay köſtlich waren. Es wurden auch damit nicht we-
 nig menſchen vmbſprach/das ſy vor dem ſewr/das vnder den thüren was
 nicht auß den heuſern kommen mochtent/Vnnd wurden auch alſo der rey-
 chen burger habe vnnd güter geraubt vnnd zerſchleiffet/inn dem ſich ihren
 vyl/von dem gemeynen volck/vnnd ſhe die ſchantlichſten/von begirde des
 raubs/vnnd der peut/vnder die Ritter vnnd kriegsleut vermüſchtend.

Das Sibent Buch Herodiani.

Der prandt ward so weyt vnd preitt/das er vil mer verzert vnnnd verprant/
dann sunst ein yede gemeine statt groß sein mocht/in iren heüßern vnd gepew
en/platz vnd weytte haben kont. Als dise ding zü Rom gehandelt wurden/
vnd Maximinus sein weg volpracht/ Italien ergriffen/ vnnnd sein opffer
auff den altaren/die auff den selbigen anstossen auffgericht waren/
gethan/da hat er jm fürgenommen/für zü rucken. Deshalb bes
zühanden nemen/vñ mit gemachter ordnung fürzie
hen solten. Die weil nun dermaß die abfal
lung des lands Affrica/vnd der burger
lich krieg zü Rom/defgleichen was
von Maximino gehandelt/vñ
sein weg geprauchet/vnz
her beschriben ist/so
wirt hienach dz
vbrig auch
angezey
get.

Das Acht



Das Acht Buch der Herodiani LXV

schen Histori.

Wie die groß stat Aquileia in Italia gelegen/
von Maximino beleget/vñ Maximinus sampt seinem sun von sei-
nem eygen heere umbpracht wurde.



Adem vorigen buch hab ich eröff-

net/was Maximinus nach dem todt Gordiani gehandelt /
auch seinen zug inn Italien/zü dem inn Affrica die abfallig
vnd in der statt Rom der Ritter vñnd des gemeinen volcks
auffrühren vñ zwitracht/Nach dem aber Maximinus an dem

anstoß Italien kam/da schickt er etlich kuntschaffter vor anhin/die dan besich-
tigen solten/ob in den tälern der alpen/oder inn den selbigen dicken wälden/
einicherley halten versteckt/oder auffsez lägen / vnd füret er also das heer in
die ebne / vnd das weyt veld/Vnd beualch die ordnung mit einem vierecke-
ten spyge für zerucken/darmit von ihnen ein breyt veld eingenommen wurd
Allen troß vnd hinderis verordnet er mitten in den hauffen / vñnd zoge er
mit sein leybs hüttern hinten nacher/als zü einer hüt. Die andern schweyff-
ten allenthalß daraffter / als die Kürisser/die schützen auß Orient/die Bog-
ner auß Moren land/vñ der Teutschen raysig zeug/die er im zü hilff angenö-
men/die er auch gwonlich am foderste an die feind stalt/vñ willē das sye die
erste vngstümē s feind abwentē vñ auffhieltē/Wan es sint māner die in anfā-
ge des streits fast grim/teck vñ mānlich sint/vñ auch darinn ob vnfal zūstū-
de / dz also dasselbig Barbarisch volk aller merst im schadē leg. Da sy aber mit
gehaltner ordnūg dz gāz veld vberzugē/sint sy zü einer Italischē stat komen/
die vō dē inwonern Hema geheissen wiet / die ist gelegē an den außferste ebne
s Alpen/daselbs habē die vorreuter vñ kūtshaffter des heers Maximino ver-
kunt dz sy die stat ler fundē habē/vñ dz alle inwoner darauf geflohē werē. Je-
tem dz auch alle thürē an dē temple vñ heusern verprāt/vñ alles dz in d stat
ob auß dē veld gewesen/dz wer mit inē dauon gefürt/oder verprāt wordē/vñ
gar kein speis/wed vich noch leutē darinn plibē. Die sach gefiel Maximino gāz
wol im anfāg/vñ vermeint dz die andern vöcker von seiner forcht wegē/alle
dermaß thūn würdē. Dargegē aber dz heer darinn ein grossen verdruß gehept
dz sy im anfāg so bald hunger leydē müstē. Als sy die nacht daselbs plybē/zum
teyl vñ dē gemeinē heusern / vñ zü teyl auff dē veld vnder plossē hymel/vñ
so bald die son auffgieng/rucktē sye für zü dē Alpen zü/Das sint die aller höh-
stē vñ lengstē berg/die Italiē gleich wie ein maur vñgebē/vñ so mechtig hoch
dz sy für die wolckē auß reichē/vñ mit d leng dermaß erstreckt/dz sy dz gāz I-
taliē begreiffen/zü d linkē seytē/vñ an dz Tyrenisch meer/vñ zü d rechtē hād
zü dē Ionischē meer ziehend/Allenthalbē mit dē aller dickstē wäldē / vñ dē al-
ler engsten vñ sorglichstē Clausen/die mit hohē abgeschliffnē gāhen velsen/vñ
vō scharpfē fluben vnwegsam/doch seint mit fleiß vñ arbeit der alten Italis-
schē/etlich fūßpfed dadurch gehawē. Darinn het dz heer ein grosse sorg dāhin
vber zü ziehē/wan sy vermeintē/die berg vñ clausen vō dē feindē in hüt gehal-
tē sein/vñ dz alweg dadurch mā zü inē komē möcht vō inē versperrt vñ verlegt
werē. Sy hetten auch in diser selbs natürlichen were mit ein vergebne forcht.

Nach

Hema Ant

Das Acht büch

Nach dem aber Mariminus/on alle ver hinderung vber die Alpen in den län
ger kommen/da was yederman frölich vñ güts müts/ Dañ er vermeint/dz im
funft nichts nit nach seinem willen ergehen würd/dieweil die Italischen den
vesten klauen nit vertrawet/das sy darin iren nutz mit Bedacht/das sy darin
kein hüt noch halten versteckt hetten/die weil sy doch von oben vnd der höhe
abher/inen gar wol widerstand gethan haben möchten. Als sy aber wider
auff die ebne kamen/da sagten die vortraßer/das Aquileia die grosse statt inn
Italien/ire porten beschlossen/vñnd das der Vngerer heere/das vor gezogen
was/die statt mauren hefftiglich stürmeten/Doch so sy den sturm oft ver
sucht/hetten sy vngeschafft wider abweichen müssen/dann sy weren mit stei
nen/spiessen vnd grossem geschütz/das oben abher/in sy gangen/mit gewalt
abgetriben. Darüber was Mariminus gegen den Vngern gröflich erzürnt/
als ob sy etwas vnmanlichs gehandelt/vnd nit kecklich gestritten het/darum
eylet er mit allem heer/zü der statt/die er verhofft/on alle mühe zü gewinnen
Aber die statt Aquileia ist vorhin/als ein grosse statt/mit vil volcks versehen
vnd kompt dem Italischen land zü nutz vnd fromen/gleicherweiss als ein vor
port/an dem gestadt des mörs/vñ als ein anstos des Illyrischen lands/mit al
len dingen/auff wasser vnd auff land/vnd pringt zü schiff alle notturfft/vom
meer heer. Dann sy vben sich in aller gadtung der kauffmanschaz/der die an
dern lender von der wintter kelte manglent/vñnd allermerst des weins/der
vberflüssig/das elbs wechset/den sy den andern landen/da nit ein reßstock stet/
gnügsam handreichen. Auf der vsach hat sich begeben/das vil burger/kauff
leut/vnd frembde/stets in der stat wonen. Dazu ward die selbigzal auch ge
merrt/von denen/die von dem land/vnd den kleinen stetelein/darumb gelegen
darein wichen/vñ se vertrawen auff gröfse der statt sagten. Die alten statt
mauren/die dann von grossem alter abgangen/vnd verfallen (wan es warn
die Italianischen stett in so grosser der Römer herschunge/der mauren vñnd
weren nit notturfftig/die weil sy in gütem friden/vnd in gemeinsame des ge
mainen nutz fassen) die selbigen mauren/wurden aber yetzt auß erheischer
notturfft ernewart/vnd gesterckt/zü dem mit gütten thürnen vnd vorweren
versehen. Dermaß ward die ganz statt bewart/vnd mit beschlofnen porten
behütten sy all tag vnd nacht die mauren/in dem sy die feind dauon manliche
abtriben. In der statt waren zwen radsherren/zü obersten hauptleütten ver
ordnet/vnd von dem Römischen radt dahin geschickt/mit namen Crispinus
vnd Menephilus. Die selben hetten mit allem fleiß versehen/das alle not
turfft in die statt pracht ward/vnd das so vberflüssig/das sy ein lang belege
rung wol erleiden mochten. In der statt was des wassers vberflüssig gnüg/
zum teil von den selbs springenden prunnen/vnd auch funft von dem wasser/
das für die statt vnd an den ringkmauren hinflös/defgleichen die stattgräbe
die fast vil wasser hielten. Die weil nu dises in beschloffenen mauren innwen
dig bereyttet/vnd so bald Mariminus vernam/das sy iren porten verschlos
sen hielt/vñ inen fürsagte die statmaur zü beschirmen/da vnderstünd er ein
legation vñ botschaft an sie zü schicken/die sy berede/dz sy im die stat öffne solte
Wann er

Agle belegung

*der stat Agle
gelegung*

*Crispinus
Menephilus*

Wann er het vnder seinem heer ein Tribunen vnd Rottmeister/der auß der
 statt Aquileia ein Burger was/des weyb vnd kind auch in der statt verschlos
 sen waren/Darumb hat er in vnd andere Rottmeister dahin gesandt/vnnd
 verhofft/das er sye von ires gunsts wegen wol zu seinem willen bringe möch
 te. Die selbigen so bald sye der mauren genaheten/redten sye auff dise meyn
 ung/Der keyser erpemt inen eingemeinen fryden/mit hinlegten waffen zu
 vereeren/vñ in für ein feind zu einem freund auff zu nemen/sy solten sich auch
 mehr in den geyslichen vnd milten sachen/dañ in den todschlegen üben/vnd
 vber das vatterland erparmen/das doch bald darnach (wo sy ja auff ihrem
 fürnemen verhartten) zerstört vnd geschleiffet wurde/Darumb so gezimpt ih
 nen (ob sy wolten) das mit einem werck inen selbs vnd auch dem vatterland
 geholffen werden möcht. Zu dem so sagten sye inen zu/das ihnen der Keyser
 mit güttem willen genglich verzeyhen wölt/dieweyl doch die auffrüren von
 anderen entsprungen/vnnd sye daran nicht schuldig weren / Der gleychem
 haben die Legaten/mit lautter stim vnder der stattmaur außgerufft/das sy
 wol mochten gehört werden/Ob sye gleich wol nicht von inen allen gehört /
 so wurden sy doch von der menge wol verstandē/die allenthalb auff der stat
 maur vnd den thürnen waren/dañ sye hetten den Legaten auff ir red all still
 schweygend zu gehört/Darumb sorgt Crispinus das das gemein volck/das
 gewonlich vnstat vnd begirig ist/den krieg inn fryden zu verändern/mit dy
 sem zusagen gereizt wurd/dem feind die porten auff zu schliessen. Deshalb
 lieffe er allenthalben auff der mauren daraffter/vnnd bate ihren jeden in son
 ders / das sye kecklich plyben vnnd verhareten/auch mannlichen wyderstan
 vnnd dem Römischen Rath trawe vnnd glauben halten. Sye solten auch
 den rüme vnnd löblichen tittel ihres vorsehtens des ganzen Italien landes/
 nicht verachten / darzu dem zusagen des trewlosen vnnd grymmen Tyrans
 nen kein glauben gebenn/auff das sye nicht mitt der gütigen rede verplendt
 vnnd inn ein offnen schaden geführt wurden/sonnder dem glücke vnnd fale
 des krieges vertrauen/der dann so zweyfelich vnd spizig ist/das zu zeytten
 ein grosse menge/die sich vermeinen die stercksten sein/von den aller minsten
 (die man dann für die krenckestenn achtet) vberwunden worden seyndt.
 Zu dem solten sye auch nicht erschreckenn/ab der größe seines heeres/wann
 die so für ein andren streyten/wo sye sehenn/das der nutz ihres sygs/einem
 andern zu güttem reychet/so streyten sye deyster mynder ernstlich /dieweyl
 sye erkennen / das sye allein des schadens theylhafftig/vnnd die andern den
 nuge des syges allein empfaben seyndt. Die aber für das vatterland strey
 ten / zu dem das sye eyner pefferen hoffnung sein sollen (wann sye vnder
 stand nichts frembdes zu bekommen/sonder allein ir eygenthumb zu beschir
 men) so seyndt sie auch am gemüthe die grösseren/als die nicht ein frembder
 gewalte vnnd herschunge darzu pringet / sonnder eins jeden selbs notdurff
 tigkeit / darumb das ihnen der genieße des sygs aller merest gezimmet vnd
 züstat. Dergeleychen hatt Crispynus ihnen inn gemeyne vnnd sonderli
 chenn eingestossen / Dann er was vonn angeborner natur ein erentreych
 man/der nach Römischer art vnnd kunste vast wolgesprache vnnd beredt /
 Er was

Das Aecht büch

Belem abgot

aykwa

Er was auch darzu meniglichem anmüetig / darumbriett er dem volck mit miltem vnnnd messigem herschen / das sye inn ihrem fürnemen verhartten / Damit hieß er die legaten vnuerhandelter sach zu Maximino keren. Man sagt auch das Crispinus den krieg so mannlichen zu leiden / vonn den warsa gern sonder hoffnung empfangen / die im inn volpringung irer opffer / vil güttes zusagten / das im bescheynen wurd (wann die Italischen seind fast geneigt die warsagungen zu geprauchten) Zu dem waren auch sunst etlich bild der abgot / die mit sonderer bedeüttung / dem vaterland syg vnd vberwindung anzeigten. Belem hießen sy einen abgot im land / den sy größlich eerten / vnd sagten / das er der Got Appollo were / des selbigen form vnd gestalt sagten dye Ritter Maximini gesehen haben / inn den lüfften für dye statt streiten. Das doch etlich meinen fürwar also geschehen sein / die andern achten das für ein erdicht sach / damit sy die scham vnd schand eins so mechtigen heers außleschten / das dann nit von dem statuolck (das an der zal vil minder / vnd inen keines wegs zu vergleichen was) sonder vonn den götten vberwunden sein / geschezt werden solt. Doch waif ich nit / wellichs vnder denen baiden / der warheit am gleichsten stand / aber der außgang probiert alle ding. Nach dem aber die legaten vnaufgericht der sachen / widerkerten / da ward Maximinus mit zorn vnd grymen dermaß erzürnt / das er ye mer vnd ye mer eilte. Als er nun zu dem wasser kam / das bey dem zwölfften stein weitt von der statt ^{Römi} ist / da befand er dasselbig wasser an tieffe vnnnd preitte gewachsen sein / dann der zeit iars / waren die schnee auff den nechsten gepyrren (die von langer winter kelte dick ob eynander gelegen) zerschmolzen / die das wasser also groß vnnnd vngestüm machten / das dauon das heer nit hinüberziehen mocht. Die bruck die von den alten Keysern (als ein groß schön wercke) dahin vber gemacht / was von den Aquiliensern zerprochen / deshalb mocht das heer / weder vber die bruck noch in schiffen (dann es waren kein verhanden) hinüber komen / vñ hielt Maximinus still / das er nit wist was im zuthun were. Wie wol ettlich von den Teütschen (die dann wenig wisten / das die wasser in Italien / so mit verporzner vngestüm lieffen) vermaynten die seychen dünnen staden haben wie die wasser inn teütschen landen (darumb auch die selbigen / die weil sye so still lauffen deßter ehe vberfryeren) die wagten sich mit ien pferden / die wol schwymmen konten / dermaß inn das wasser. Darin wurden sy vonn strengem lauff vmbgestossen / das sy ertruncken. Nach dem nu Maximinus zwen oder drey tag inn den gezelten lag / da ließ er das leger vmbgraben / damit sy nit vnuersehenlich vnd vngewarnt / vberfallen wurden / vnd stünd also auff seyne gestadten / darinn er sich betrachtet / wie er doch zu lest ein Prucke vber das wasser zu wegen pringen möcht. Da aber an holz vnnnd schiffen grosser man gel vnd preß was / darauf man dann auß dern zusamenfügung ein pruck bet machen mügen / da zaigten etlich von den werckleüitten an / das inn der selben zerstörten landtschafft / vil vnnützer züber vnd butten weren / die dan die lant leüt vor zeitten zu einfürung des weyns gepraucht heten. Die weyl nu die selben gleicher gestalt / wie die schiff außgehülcht vnnnd hol weren / wo man dann die zu gleicher form wie die schiff vnnnd nachen zusamen knüpfen / so wurden die empor

die empor schwommen / vnd dan die in das wasser dermaß gesenckt / mit bäd
vnd widen wol zusamen gestriekt / demnach mit hürten vberzogen vñ sandt
darauff geschüttet / so wurden die beschwert / vñnd als dann zu einer brucken
geschickt sein. So bald das nach der anzeyg zu gerüst / ist das heer leichtlich
darüber / vnd das wasser kommen / vnd sein von stundan die vorstet / alle ge-
bew vnd heuser / die vor der statt lagen / die sie ler funden von inen verbrant.
Item die weingerten / rebstöck / vnd pärende beum aufgereütet / auch sunst
aller wollust vñnd zierde / der selbigenn gegne gannz vñnd gar verwüestet
wordenn. Wann die selbig landtschafft stünd von Bewmen vnd weynre-
ben / also ordenlich gepflantz vñ dermaß geziert / als ob man das einem hoch-
zeytlichen fest zu eeren / das mit fleyß zu gerüst hett. Das alles reütten sie mit
den wurzlen auß dem boden heraus / Demnach wenten sy sich den statt mau-
ren zu. Diweil sie nun all darinn müd vnd hellig waren / da was dem Key-
ser nicht zu sinn / vonn stund an zu stürmen / sonder ordnet das heer auff ein
armbrost schuß weyt von der statt / vnd teilt das in sondre hauffen vnd rot-
ten auß / deren yedem hauffen ordnet er ein sonderntail an der statt mawr
für hand zenemen. Vnd nach dem er inen nit mer dann einen tag zu gerü-
wen verlyhen / da hatt er angefangen / die statt zu stürmen / In dem wur-
den aller hand sturmzeug hinzu gezogen / vnd ganz nichts vnderlassen / das
zum sturm dienen mocht / Deshalbē geschahen vil sturm vnd streyt on vñd
laß / vñnd alle tag teglichs / Wann die Keyserischen hetten die mawr als eyñn
zaun vñmgeben. Sie tratten den sturm vñ streyt mit allen krefften vnd fröli-
chem gemütt an / Dargegen aber die Aquilenser männlich widerständenn /
sie beschlussen alle Tempel vnd heuser / vnd mit sampt iren kinden vnd frau-
en beschyrmpten sie die statt allenthalben her / von allen thürnen vnd Bol-
wercken. Es was ihren keins so jung / noch so alt nicht / das do abschlug /
für das vatterland zu streyten. Aber Maximinus hat die vorstet / vnd al-
les das außerthalb der statt was / ganz verwüst / vnd dasselbig holz zu dē
sturmzeug gebraucht / ob er doch einn theyl der statt mawr gefellen möcht /
dadurch er das heer inn die statt bringen / die selbig zerstören vnd plündern /
auch also gar zerschleiff / hinder ihm lassen möcht. Wan er meint yhe / das
ihm nicht wol / noch eerlich anstünd / gen Rom zu ziehen / ee vnder die statt
geschleiff hett / diweyl ihm die zum ersten inn Italien widerstand gethon
hett. Deshalben er vñd seyn sun / den er yezo zu einem Keyser gemacht / alles
sein heer umbrittenn / ermant vñnd gebetten / mit verheyßung grosser ga-
ben / das sie manlich streyten vnd stürmen solten. Es wurffen aber die A-
quilenser mit grossen steynen vñ wacken zu inen / zu dem theten sie schwebel /
bech vnd hartz zu samen vermüsch / in thunnen vnd fäslin / die sie mit langen
handthaben hinab lieffen / vnd so bald das heer zu der mawr nahet / da wur-
fen sie fewr darein / dauon das alles in die Keyserischenn gesprünzt / gleich weye
der donder vñd hagel schlecht / Darumb so bald das bech / vnd ander matery
wie obsteet / die Keyserischen an blossen leib berürt / so zerflos es / das die selbi-
gen ihr gewer von ihnen wurffen / allen harnesch vñnd panger / oder was sie
sunst von leder oder holz werck / vmb vñnd an hetten / das alles vonn ihnen
m selbsts

Das Achtbüch

selbs ryssen vnnnd hinweg wurffen. Das was nicht anders anzusehen/dan̄ das sich die selbigen yhrer wehr vnnnd harnisch selbs entraupen/das auch den Aquilensern / mehr zū einer kunste / dann zū einer stercke gemessen warde. Darvon kamen ihren vyl vmb yhre augen / stem ihr mundt / angesicht / hende / vnnnd wo sie am leybe ploß waren / das warde ihnen alles verprant. Zū dem haben sye auch auff den sturmzeug / der zū der maurn geruckt warde / prennende sackelen geworffen / die mit hartz vnd pech gespicket waren / die hetten vornen ein scharpff spyzig eysenn / wie die bogen pfeyl / wan̄ dan̄ die angezündet vnnnd geworffen / so wurden die an das holzwercke geheffet / das der zeug darvon verprant. An dem ersten tage was das glück des streyts gar nach gleych gewegenn. Nach dem sich aber die sache verzech / da warde das heere Maximini the lenger the vnmüttiger. Diuweyl sie aber sahen / das sye von ihr vergebenen hoffnung betrogen / die sich auch von tag zū tage mynderet / vnnnd ihr trawren zū name / Wann sye hoffetenn das die Aquilenser ihr vngestüme nicht einen tage hetten erleydenn mögen / so empfunden sye aber nun / das sye ihnen nicht allein nicht wychen / sonder auff das mannlichest wyderstande theten. Dargegen aber der Aquilenser krafft / mannheyt / vnnnd gemüthe täglich se mehr vnnnd mehr zū name / dann mit ihrem stätten streitten / haben sye erfahrung vnnnd mannheyt erlangt / das sye dardurch das heer Maximini / dermaß verachtet / das sy schertz vnd spottworte gegen ihnen geprauchet / vnnnd haben sich auch dergelichen gegen Maximino vnnnd seinem sun̄e selbs mercken lassen / darvon er so größlich bewegt das er noch grimmer warde. Diuweyl er aber seinen zorn gegen dem feinde nicht settigen mögen / da hatt er ihren vil vonn seinen Hauptleutten vmbpracht / alls ob sie nicht genüg streng gestürmet / vnnnd den streit angericht hetten / darmit bewegt er sein volcke / das ihm das selb noch vngünstiger vnnnd vnwilliger / deshalb er von seinem gegentheil noch mehr veracht ward. Es kame auch darzū / als die Aquilenser mit prouand vnnnd anderen nottürfftigen dingen vberflüssig / wol versehen / Wann es waren alles das zū auffenthaltung der menschen / not sein möchten / mitt großem fleiß inn die Statt gefüret worden. Dargegen aber das heere aller notdurfft manglet / diuweyl sie die fruchtbarenn peüm selbs aufgereüttet / vnd die Lantschafft allenthalb darumb verhergt heten. Sie hielten sich zum theil vnder den zelten vnd hütten / vnd lagen zum theil vnder offenem ploßem hymel / das sie Sonn vnd regen leiden müßten. Es mocht auch weder inen noch frem vich kein Prouand vnnnd narung zū pracht werden / diuweyl vnnnd alle strassen in Italien / mit großem fleiß der Römer verhütet / dazū mit mauer vñ porten verpawt. Es warn auch deshalben radts herliche männer / mit den aller außersweltsten kriegsmannen auß dem ganzen Italier landt / von dem Römischen Rath verordnet / die alle Clausen vnnnd portten verhüten / vnnnd gar niemands zū lassen solten / vber zū schyffen / Also das niemands höret noch wiste von allem dem das zū Rom geschache / Auch wurden alle weg vnd fußpfadt vast wol behüt / das ganz niemants zū inen kommen mocht. Dergestalt kame es darzū / das diß heere / das die Statt beleget hett / auch dermaß beleget ward / Wann sie mochten die statt Aquileiam nicht gewinnen / dazū auch nicht

auch nicht gen Rom komenn/auf mangel der schyff/dye alle vorhin erlangt/
 vnnadweg gethon waren. Dazü ward der argtwon von dem geschrey
 noch mehr gemert/das das gang Italien empört/in allen weren vnnad was-
 fen gerüst/ vnd dem Römischen volck zü hülf zü gezogen/ Desgleichen we-
 ren alle Nationen/der Illyrischen/der Barbarischen/vnd alle die gegen auff-
 gang der Sonnen vnd gegen Mittag gelegen/mit den Römern vereinpact/
 die eyn mächtig heer wider Maximinum versamleten/vmb has willen den
 sie zü in hetten. Darumb verzweyfelt seyn heer gang an ihm/dieweyl sie
 an allen dingen mangel vnnad kaum wassers gnüg hettenn/das doch mit dem
 plüt vnnad mit den todgeschlagenen cörpern verwüestet was/des müstenn sye
 sich behelffen. Wan die Aquilenser wurffen ire todte körpel/die sie mit Be-
 graben mochten/in das wasser/vnnad die in dem heer von den waffen vnnad
 andern krankheit halb vmbkamen/die wurden auch in das wasser gewor-
 fen/Vnder denen seind auch etlich gewesen/die von mangel der speys vnd
 hungers halb krank wurden/das sie kaum gäwen mochten. Als nun das
 heer so krank/dürfftig vnd trawig was/vnd Maximinus an dem tag/ als
 man nit streit vnder seinem gezelt/ander rüw lag/vnnad sunst yhren vil/inn
 iren losierungen vnnad hütten lagen/da sach die Ritter (die dan zü Rom vn-
 der dem berg Albano/ir heerleger/vnd darinn ire kinder vnnad hauffrawen
 hetten) also gemeinlich für güt an/das sie Maximinum ertöden solten/da
 mit sie doch etwan von der langwirigen vnd vnberwindlichen Belegerüg/
 rüw hetten/vnd nit also stets dem Tyrannen zü gefallen/dem Italier landt
 krieg zü fügten/dieweil im doch sunst alle menschen/seynd vnd gehas werē.
 Darauf namen sie ihnen ein hertz vnnad gemüet/das sie gar nach vmb mit-
 ten tag zü seinem gezelt zugen/sich doselbs mit seins leibshürtern vereinten
 Vnd so bald sie von den streyt fenlin/sein wappen vnd zeichen abryffen/vnd
 er sampt seinem sun auß dem gezelt gieng/mit ihnen zü reden/da haben sie die
 selben Keyser beyd/mit sampt dem hoffmeister/vnd wen er am liebsten het/
 vmbbracht vnd erschlagen/ihre cörper also zü einem gespött hingeworffenn/
 darnach die selben den hunden vnd voglen verlassen/die zü zerreyssen/vnnad
 schickten allein der Keyser heupter gē Rom. Also hat Maximinus mit seinē
 sun ein end genomen/dieweil sie vbel regiert/haben sie die straff empfangen/
 Nach dem das gang heer der Keyser tod vernommen hat/da ist es inn ein
 zweyffel gestanden/wann es was nicht ihnen allen lieb/vnd vorab den auß
 Ungern vnnad auß Tratia/als denen die ihm zum Keyserthum geholfen
 Als aber das nicht mehr gewendet werden mocht/da litten sie das/wiewol
 mit vnwillen/vnd thetten dergleichen/als ob sie sich der that mit andn strew-
 ten. Darumb so legten sie die gewer in anzeig des freids von ihnen/vnd zugē
 sie mit verkündung des tods Maximini zü der statt maur zü/vnnad begerten
 ihnen als den freunde/die Porten zü eröffnē/wiewol sie vorhin ir seynd gewe-
 sen. Aber die hauptleut der Aquilenser lieffen das nicht zü/vnd zeigten ihnen
 an/der Keysern Marimi/Albini/vnd Gordiani wappen vñ pildnussen/die
 sie mit kronē vñ lorperlaß geziert hettē/den selbē schreyen sie zü/vñ ermanten
 dz heer/sollichs auch zethū/das sie erkennenē/Begrüffen/vñ mit frölichem ge-
 schrey annemen solten/die Römisch radt zü Keysern erwölt het/wann dye

Das Acht Buch

Gordianischen lebten in ewigkait bey den Götten. Doch so haben sie ynen außserhalb der statmauren/ein freye marckt auff gericht/mit vberflüssiger speis vñ wein/zñ dē von klaidern/schühen/vnd andern notturrstigen dingen/das ynen dann die glückhafftige Statt mitthailen mocht. Darumb hat sich das heer/der dinng/ yemer vñnd' mer entsetzet vñnd verwunderet/wann sye gedach:enn/wie die inn der Statt alle ding so vberflüssig gehebt/das dan zñ einer lanngwirigenn belegerung genügsam gewesen. Dargegenn aber sie aller notturrst gemanglet/vñnd hetten wol verderben vnd sterben müssen/ee das sie so ein Reiche Stat erobert haben möchten. Die weil das heer also außserhalb den mauren lag/vnd alles dz ein yeden notturrst woz gehaben vñ mit einander redenn mochten/was zñ freundschaft vñnd lieb dienete/doch pliß allayn die gestalt der belegerung/als die porten beschlossen/vñnd sie außwendig der Stat waren/vñnd dise ding zñ Aquileia verlyessen. Darzwischen wurden die ryter/die das haupt Maximini darvon fürten/die sich mitt schnellem reyten fürderten/mit offnen porten vnd gekröntem volck/al lenthalb mit freuden empfangen. Nach dem sie nu vber die pfützen/möser/vñ see/zwischen Altin vnd Rauenna gefären/da funden sie Maximum den Kaiser inn der Statt Rauenna/daselbs samlet er vil kriegsleut/auch kam yhm von den Teutschen hilff/die yhm vom selbigen volck/zñ sonderm gunst vñ gefallen zñ gesandt waren/die er vor zeiten mit miltem gemüt regiert hat. In dem sich dermaß die kriegsleut vñnd rotten bey yhme versamleten/haben im die Ritter mitt der Kaiser heupter entgegenn gerandt/vnd ihm der sachen glücklich aufganng vñnd sig verkündet/desgleichen des heeres/vñnd alles volcks güten willē/die zñ verehren die vñ Römischen Kat erwelt waren. Also nu die sachen vnuerhoffet verkündet wurden/da lyeff man von stundan zñ den Altiharen vñnd opffern/inn dem mengklich den sig sang/den sie on arbeit erlangt hetten. Nach volprachtem opffer/schickt Maximus die selbenn Rytter gen Rom/das sie die heupter dahin fürē/vnd die volprachten sachen dem volck verkünden soltenn. So bald sie gen Rom kamenn/vñnd man der feind heupt an spieß gesteckt/vñ aller mengklich anzeschawen herfürpracht/da hat niemāts die freud des fests vñd tags außsprechen mögen. Es was yren tages so jung noch so alt/das nit zñ den Tempeln vñd altiharen lieff/niemants plib bey hauf/sonder giengen in freuden dermaß gegen einander grüssende/als ob sie vñ wein sat were/vñd stalten sich in ring zñ samen/als ob man ynen eingemaine red fürhalten wölt. Albinus der Kaiser opffert die opffer/die sie im lateyn/Hecatombas neñen/das sein die/so man inn allen geschlechtern der Thyerenn/an der zal hunderte auff opfferte/als hundert schweyn/hundert böck etc. In dem alle amptleut vñd Ratsherren/sich mit freuden/vñd vber alie maß darinn vñstenn/dermaß als ob sy die art ob yhren heuptern gehalten/abgewendet hetten. Darumb wurden die Legationen inn alle Prouingen gekrönt außgesendet. Vñd als das Römisch volck der gestalt mit freudenn vñd umgebenn/darzwischen was Maximus der Kayser gen Rauenna/vñnd demnach gen Aquileia kommen/mit vberfarung der möser/darinnen das wasser Eridanus/der sonnst (alls etlich wöllenn) Padus genennet wirdt/vñnd die nechstenn wasser vñnd See raychenut/also

heratombe

Erudamus?
padus

das

das sie zu sibben stunden/in das meer lauffen/darumb heysen die inwoner
 der selben gegne/die m̃ser nach irer sprach die syben meere/in dem haben die *Syden More*
 Aquilenser porten von stundan auffgethon/vnd Maximus empfangen/
 Desgleiche haben etlich Italische stet/von den allerl̃blichsten mannen ihre
 legaten/mit gekr̃nten krenzen/auch ir g̃t̃ter mit guldinen kronen vñ lands
 zierden/auch dahin gesandt/die Maximus den Keyser mit grosser eere an
 sprachen/vnd mit sigbasssten esten besprengen solten. Auch gieng in das heere
 das bey Aquileia lag/gekr̃nt entgegen in fridsamer bekleydung/doch nicht
 gar mit einer waren vnd einhelligen begyrd vnd liebe/sonder mit einer ange
 nommenen vnd erdichten wolgefelligkeit/vnd das in gegenwertigem gl̃ck
 dem Keyser zu peren gebürt. Dann iren etlich verdros vnd m̃set heimlich dz
 der Keyser/der von inen erwelt/dermas erschlagen was/vñnd nun der den
 gewalt haben solt/den der radt darzũ erkant het. Marimus volbracht mit
 den opffern einen/vnd den andern tag/am drittenn tag berũfft er das ganz
 heer in das feld/vñnd von seinem Keyserlichen st̃l thet er ein sollich red zu
 ihnen.

Was gnad vñ r̃u/w euch auß dem gebrauch gegen den R̃omern zu k̃nnen/
 ist euch gar wol kund worden/dieweil ihr den friden gr̃sser achten/dan den
 krieg/in dem ir auch ewer Ritterlich eere/gel̃p̃d vnd eyd g̃ñig gehalten/dz
 dann gegen dem R̃omischen ōbristen gewalt/ein einzig vñnd aller heyligste
 pflicht vnd heimlichkeit ist/Darumb sollent ir euch auch hienach sollicher g̃t̃
 that frewen/dieweil ir dem R̃omischen volck/vnd radt/vñnd auch vns/den
 erwelten Keysern/die der selbig R̃omisch radt vnd volck/von wegen vnser
 adels/g̃t̃ten gethatten/vnd altem geschlecht her/erwelet/dermas traw vñ
 glauben gehalten haben. Wann es ist die besizung des R̃omischen Keyser
 thums nicht eins einzigen menschen/sonder von alter her/des R̃omischen
 volcks in gemein gewesen. Dann in der statt Rom/ist das gl̃ck des Keyser
 lichen reichs fundiert/vñnd ist vns mit sampt euch empfolhen/dis f̃r̃st̃en
 thumb zu versehen. Vnd so ir die ordnung vñnd messigkeit/wie sich gezimpt
 halten/auch den Keyseren zymlich eere/vnd gehorsame beweysen/so werden
 ir mit inen/ein seligs leben f̃hren/vnd damit alles das ir bed̃rffen vberfl̃ss̃
 sig erlangen/dazũ alle stet vnd nationen den fryden halten/vnd in irem or
 denlichen wesen bleiben. Vnd darumb so leben ir all/vnd ein yeder in seinem
 hauf/nach seinem g̃t̃ten vnd freyen willen/vnd werden nit also in die eusse
 ren frembden vnd ferre land vnd reich/bek̃nnert vnd gem̃et/Damit auch
 die Barbarischen ṽlcker zu friden bleibenn/die selbig arbeyt/wirt bey vnns
 sein/Dan dieweil zw̃ Keyser seind/so m̃ig̃ die stat vñ aufwendig̃ handel
 vnd geschafft/dester bas̃ aufgericht werd̃/dieweil ein yed̃ dahin bereyt ist/
 dahin in dan die sache erforder̃ wirt. Ir soll̃t euch auch nit ir̃e lassen/wz hie
 vor gehandelt/was ir gegen vns oder dem R̃omischen volck/on vnsern be
 felch volbracht habt/darzũ allen anderen nationen vnd ṽlckern/die vmb
 empfangne schmach abgefallen seind/das alles soll geñglich vñ gar ver̃zigen
 vñ vergessen/vñ ñ f̃r̃ter mit g̃tem m̃ssig̃ traw vnd glauben/ein freunt
 licher vnd standhaffter friden sein. Also Marimus das geredt/hat er inen vil
 m ij gelts

Das Acht büch

gelz verhaissen/vnd nach wenig tagen/ die er zu Aquileia pliben ist/ da hatt
 er sich gerüst widerumb gen Rom zeziehenn / Darumb schicket er das vberig
 heer in die Prouingen/vnd in yhr aigne läger / vnd zog er gen Rom mitt den
 kaiserlichen leibshütern / die in sonders der kaiserlichen hüt zu geordnet wa-
 ren/vñ von Albino auf gelesen sind/mit sampt der Teutschen hilff/denen er
 aller merst vertrauet/als den yenen/deren Landruogt er gewesen was/vor
 erlangung des kaiserthümb. Als er inn die Statt Rom/zoeh yhm Albinus
 entgegen/ Gordianum den jungen Kaiser mit yhm führende / Auch haben yn
 der Senat vnd alles volck mit ganzen freuden/als triumphierend empfan-
 gen/Darnach als das kaiserthümb gemain vnd sonderlich/mit grosser dapf-
 fertait vnd mässigkeit regiert/ vnd ynen deshalb von meniglich wol geredet
 ward/vnd sich auch das volck gefrewet/vnd ein sonder wol gefallen gehebt
 hat/in den Ratsherlichen mannen vnd den Kaisern/von yhren alten geschle-
 chten erporen/Doch so hat das gemüt der Ritter vnd kriegsleut/ des gemay-
 nen volcks gunst gegen den Kaisern nit mit willem gesehen/ sonder so besch-
 werdt sie der selbig adel/vnd verdroß sie das yhnen der Rath die Kaiser ge-
 hebt. Zu dem dregten vnd vberlengten sie auch die Teutschen/vnd schmirt
 sie mit wenig/das der Kaiser Maximus die selben mit yhm inn die Stat pra-
 cht/vnd sie dariñ behalten het. Dann sie vermainten/wo sie etwas fürnemē/
 so wurden sie durch die selbigen gerochen/dann sie sorgten/das sie von den sel-
 bigen mit listen hindergangen/vnd von ihren geweeren getrunken wurden.
 In dem gedachten sie auch an die handlung Seueri/der die todtschläger des
 Kaisers Pertinax dermaß hindergien. Als nu die spil des Capitolums
 gemacht/vnd aller menschen sinn vnd gedanken/auff den festlichenn tag ge-
 naigt wurden/da erzaigten die Rytter yhren willen/den sie lang verporren
 getragen hetten. Wann als sie in dem grimmen zorn waren / da lieffen sie ge-
 mainlich mit einer vngestümen weiß/für den kaiserlichen pallast/vnd erso-
 derten die alten Kaiser zu dē tod/villeicht begab sich/das sie der sach vnd re-
 gierung ondzt nit wol eins worden/sonder (als der herschung ein vnerstöpf-
 lich begyrlichkeit/vnd die natur des gewalts vngemainsam ist) da vnderstod
 yhr yeder den obristen gewalt einzig an sich zepriengenn. Inn dem verlief sich
 Albinus auf sein adeliche gepurt/vñ das er zway malen Burgermeister was
 worden/Vnd Maximo macht das ein hertz/das er der Stat vogt/vñnd al-
 ler hendel vnderricht gewesen/Sie bald trösten vnd vberhüben sich/das sie
 von der alten vätter stammen erporen/das dann allein ein gnüg durchleuch-
 tig geschlecht was/den obristen gewalt zu besitzzen. Dise sach hat sie allermest
 bald verderbt. Wann so bald Maximus vernam/das die Ritter ihn zu tödte
 komen/die dann Pretoriani genant waren/da sagt er yhm von stundan für/
 die Teutschen zu beruffen/die dan auch in der Stat waren/denen vertrauet
 er das sie den Pretorianischen Rittern/wol widerstand thon möchten. Aber
 Albinus argwonet/das yhm das zu auffsz geschehe / die weil er wist / das
 die Teutschen dem Kaiser Maximo ganz günstig waren / darumb verpot er
 die selben zu beruffen/er wolt auch ganz nit zulassen / das man sie beschickt/
 oder das die Pretorianischen Ritter vonn yhnen abgetrieben werdenn solten/
 Doch ließ er zu/das Maximus den obristē gewalt haben solt/die weil sie auf
 die may

die meinung mit einander zankten. Nym war da haben die ritter/mit abtrei-
bung der thürhüter/mit einander in den sal geprochen/die alten Keyser beid
ergriffen/den selben jr zierd vnd kleider abgerissen/vnd schnöde kleyder ange-
than/sy darinn also nackend vnd plos auß dem palast geschleyst/vnnd dye
rads herlichen keyser mit schmach/schandworten vnnd schlägen/ganz myß-
handlet. Zu dem jnen jr bär vnd angprawn außgereyßt/sy schonten keyns
teils jrs leibs/vnd fürten sy also enmitten/durch die statt mit grossen gespöt
vng in jren leger. Dann sy hetten jnen fürgesetzt die selben mit im keyserlichen
palast zu tödtē/sonder sy mit einem langwirigen tod vorhin zu martern/das
sy des schmerzens desto lenger empfunden. So bald die Teütschen das er-
faren/haben sy jre gewer zu handen genommen/vnd begert jnen zu hilff zekom-
men. Inn dem aber die Prietorianischen das befunden / haben sye die selben
beid nach aller verspottung erschlagen/Die pliben also imwege zerstreuet da
rauffter ligen/vnd begrüßten sy (die weil jnen sunst nichts begegnet) Gordia-
num für einen keyser/Des gleichen sagten sy auch zum gemeinen volck/das sye
die beiden keyser mit jhren eignen henden vmbpracht hetten/vnnd erwelten
Gordianum den suns sun Gordiani/den das Römisch gemeyn volck selbs zu
einem keyser auffgeworffen hett. Den selben fürten sye mit jnen in jren lä-
ger/vñ hielten sich daselbs still mit beschloßnen porten. Nach dem nu die teüt-
schen sahen/das die keyser also erschlagen waren/von deren wegen sye eilten/
da wolten sy vmb der todten keyser willen/kein krieg bewegen/vnd zugen
wider in jr herbergen. Ein sollich ende haben die erwyrdigen alten
keyser/mit vnschuld gehept/die dann von jrer durchleuchtig-
gen gepurt vnnd gütter gethaten wegen/zum keyser
thumb kommen warē. Darnach als Gordia-
nus bey dreyzehen Jaren alt gewesen/da
ist er von mänigklichem zu keyser er-
welt/vnd nam auch dermaß
das Römisch reich
ansich.

54406
243.

Gedruckt in der Keyserlichen Stat Augspurg/durch
Heynrichen Steyner. Vollendet am XIX. tag
Augusti/Im M. D. XXXI. Jar.

